

# মাঝে ঘন্টা

সীরাতুন্নবী (সা.) সংখ্যা ২০০২



ঢাকা সাহিত্য সংস্কৃতি কেন্দ্র

# সাহিত্য সংকৃতি

সীরাতুন্নবী (সা.) সংখ্যা ২০০২



সম্পাদক

আসাদ বিন হাফিজ

ঢাকা সাহিত্য সংকৃতি কেন্দ্র

১৭১, বড়মগবাজার, ঢাকা-১২১৭



সাহিত্য সংস্কৃতি  
শ্রীক্রীষ্ণভবন (সা.) সংখ্যা ২০০২

কভার ডিজাইন  
মোবাইল মজুমদার  
মুদ্রণ  
আলফালাহ প্রিন্টিং প্রেস  
৪২৩ বড় মগবাজার, ঢাকা-১২১৭  
প্রকাশ কাল  
রমজানুল মোবারক ১৪২৩  
কার্তিক ১৪০৯  
নভেম্বর ২০০২  
প্রকাশক  
ঢাকা সাহিত্য সংস্কৃতি কেন্দ্র  
১৭১ বড় মগবাজার, ঢাকা-১২১৭  
ফোন : ৯৬০২৪১০

মূল্য : চার্টেশ টাকা মাত্র

১৯৫৭

## সম্পাদনা পরিষদ

আসাদ বিন হাফিজ  
নাসির হেলাল  
মোহাম্মদ আশরাফুল ইসলাম  
শরীফ বায়জীদ মাহমুদ  
হাসান আলীম  
শরীফ আবদুল গোফরান  
কামরুল ইসলাম হয়ায়ন  
জাকির আবু জাফর  
রফিক মোহাম্মদ

# ঢাকা সাহিত্য সংস্কৃতি কেন্দ্র

পরিচালনা পরিষদ-২০০২

উপদেষ্টা :	ডা. রেদওয়ান উল্লাহ শাহেদী
সভাপতি :	সাইফুল্লাহ মানছুর
সেক্রেটারী :	আসাদ বিন হাফিজ
গবেষণা সম্পাদক :	মোহাম্মদ আবদুল মাল্লান
সহকারী :	সালমান আল আয়ামী
সাংস্কৃতিক সম্পাদক :	শাহ আলম নূর
সহকারী :	হাসান আখতার
অফিস ও পাঠাগার সম্পাদক :	নাসির হেলাল
সহকারী :	তৌহিদুর রহমান
অর্থ সম্পাদক :	শরীফ বায়জীদ মাহমুদ
সহকারী :	মশিউর রহমান
প্রচার সম্পাদক :	আবেদুর রহমান
সহকারী :	ইয়াকুব বিশ্বাস
প্রকাশনা সম্পাদক :	মোহাম্মদ আশরাফুল ইসলাম
দাওয়াতী কার্যক্রম :	মুহাম্মদ আবদুর রহীম খান

মেজেন্টি প্রিণ্ট প্রেস

## মিডেন্স দায়িত্বশীল

শিশু কল্যাণ : হাসান মুর্তজা

প্রশিক্ষণ : তফাজ্জল হোসেন খান

শিল্পকলা : ইব্রাহীম মওল

শিশু সাহিত্য : শরীফ আবদুল গোফরান

যোগাযোগ : জাকির আবু জাফর

তথ্য : শাহীন হাসনাত

ঢাকা সাহিত্য সংস্কৃতি কেন্দ্র  
সীরাতুল্লবী (সা.) উদযাপন কমিটি ২০০২

আহ্বায়ক  
সাইফুল্লাহ মানছুর  
সচিব  
আসাদ বিন হাফিজ

সদস্য  
মোহাম্মদ আবদুল মাল্লান  
শাহ আলম নূর  
নাসির হেলাল  
মোহাম্মদ আশরাফুল ইসলাম  
শরীফ বায়জীদ মাহমুদ  
আবেদুর রহমান  
মো: আবদুর রহীম খান  
হাসান আলীম  
হাসান মুর্তাজা  
গোলাম মোহাম্মদ  
ইব্রাহীম মওল  
শরীফ আবদুল গোফরান  
মুহাম্মদ রফিকুল ইসলাম সরদার  
হাসান আখতার  
জাকির আবু জাফর  
সালমান আল আয়ামী  
তৌহিদুর রহমান  
ইয়াকুব আলী বিশ্বাস  
শাহীন হাসনাত

## বিভাগীয় কমিটি

### অফিস বিভাগ :

- |         |                   |
|---------|-------------------|
| আহবায়ক | : নাসির হেলাল     |
| সচিব    | : আবদুর রহীম খান  |
| সদস্য   | : আহসান হাবীব খান |

### অর্থ বিভাগ :

- |         |   |
|---------|---|
| আহবায়ক | : মোহাম্মদ আবদুল মাল্লান  |
| সচিব    | : মুহাম্মদ রফিকুল ইসলাম সরদার   |
| সদস্য   | : শরীফ বায়জীদ মাহমুদ<br>: আবদুর রহীম খান<br>: হাসান মুর্তাজা<br>: আবেদুর রহমান<br>: সালমান আল আয়ামী<br>: জাফির আবু জাফর |

### প্রচার বিভাগ :

- |         |  |
|---------|--|
| আহবায়ক | : আবেদুর রহমান   |
| সচিব    | : শাহীন হাসনাত   |
| সদস্য   | : শরীফ আবদুল গোফরান<br>: আবেদুর রহমান<br>: রফিক মোহাম্মদ<br>: সিরাজ মুহাম্মদ |

### অভ্যর্থনা ও শৃঙ্খলা বিভাগ :

- |         |  |
|---------|--|
| আহবায়ক | : হাসান মুর্তাজা   |
| সচিব    | : হাসান আখতার  |
| সদস্য   | : মশিউর রহমান<br>: আবেদুর রহমান<br>: আবদুর রাজ্জাক<br>: মাহবুব হোসেন |

### **ରେହମାନ ବିଭାଗ :**

ଆହବାଯକ	: ଜାକିର ଆବୁ ଜାଫର
ସଚିବ	: ଆବେଦ୍ଦୁର ରହମାନ
ସଦସ୍ୟ	: ରଫିକ ମୋହାମ୍ମଦ
	: ଆବଦୂଲ ଲତିଫ
	: ମମିନୁର ରହମାନ

### **କବିତା ପାଠେର ଆସର ବିଭାଗ :**

ଆହବାଯକ	: ଗୋଲାମ ମୋହାମ୍ମଦ
ସଚିବ	: ଜାକିର ଆବୁ ଜାଫର
ସଦସ୍ୟ	: ରଫିକ ମୋହାମ୍ମଦ
	: ଶାହୀନ ହାସନାତ
	: ଓମର ବିଷ୍ଣୁବାସ

### **ସାଂକ୍ଷ୍ରତିକ ଅନୁଷ୍ଠାନ ବିଭାଗ :**

ଆହବାଯକ	: ଶରୀଫ ବାଯଜୀଦ ମାହମୁଦ
ସଚିବ	: ଆବେଦ୍ଦୁର ରହମାନ
ସଦସ୍ୟ	: ସାଲମାନ ଆଲ ଆୟାମୀ
	: ମିଶିଉର ରହମାନ
	: ଆବଦୂଲାହ ଆଲ ମାସୁଦ
	: ସାଲାହୁଡ଼ନୀନ ସୁମନ
	: ଯୁବାଇର ହୋସାଇନ
	: ଆହସାନ ହାବୀବ ଖାନ

### **ଆରକ ବିଭାଗ :**

ଆହବାଯକ	: ଆସାଦ ବିନ ହାଫିଜ
ସଚିବ	: ନାସିର ହେଲାଲ
ସଦସ୍ୟ	: ମୋହାମ୍ମଦ ଆଶରାଫୁଲ ଇସଲାମ
	: ଶରୀଫ ବାଯଜୀଦ ମାହମୁଦ
	: ଗୋଲାମ ମୋହାମ୍ମଦ
	: ହାସାନ ଆଲୀମ
	: ଶରୀଫ ଆବଦୂଲ ଗୋଫରାନ
	: କାମରୁଲ ଇସଲାମ ଇମାମୁନ
	: ଜାକିର ଆବୁ ଜାଫର
	: ରଫିକ ମୋହାମ୍ମଦ

### ডেকোরেশন বিভাগ :


আহবায়ক : শরীফ আবদুল গোফরান  
সচিব : ইব্রাহীম মঙ্গল  
সদস্য : গোলাম মোহাম্মদ  
: জাকির আবু জাফর

### আপ্যায়ন বিভাগ :

আহবায়ক : তোহিদুর রহমান  
সচিব : ইয়াকুব আলী বিশ্বাস  
সদস্য : শওকত আলী  
: কামরুজ্জামান  
: আবদুল করীম  
: রমজান আলী

### ক্যালিথাক্টি প্রদর্শনী বিভাগ :

আহবায়ক : ইব্রাহীম মঙ্গল  
সচিব : শরীফ বায়জীদ মাহমুদ  
সদস্য : মোহাম্মদ আশরাফুল ইসলাম  
: শরীফ আবদুল গোফরান  
: হাসান আখতার  
: জাকির আবু জাফর  
: ইয়াকুব আলী বিশ্বাস



## সম্পাদকীয়

### শিল্প-সাহিত্যের চর্চা ও পৃষ্ঠপোষকতা করা সুন্নত

আল্লাহ ও আল্লাহর রাসূলকে যারা ভালবাসেন, কোরান ও সুন্নাহর অনুসরণের কোন বিকল্প তাদের কাছে নেই। আমরা আমাদের জীবনকে আল্লাহর হক্কের অধীন করে দিয়েছি এবং সুন্নাতের পথ ধরেই আমরা আল্লাহর সন্তুষ্টি হাসিল করতে চাই। শিল্প সাহিত্যের ব্যাপারে আল্লাহ ও আল্লাহর রাসূলের হকুম কি তা জানা এবং সেই অনুযায়ী আমল করাও আমরা ইসলামের অন্যান্য হকুম আহকামের মতই প্রতিটি মুসলমানের জন্য অপরিহার্য বিবেচনা করি। আমরা সবাইকে স্বরণ করিয়ে দিতে চাই, ইসলাম কোন একটি বিষয়কে তুলে ধরার ক্ষেত্রে প্রথমে তার নেতৃত্বাচক এবং পরে তার সাথে সঙ্গতি রেখে ইতিবাচক দিক্ষিত তুলে ধরে। যেমন ইসলাম বলে, ‘লা-ইলাহা-’-‘কোন ইলাহ নেই’, ‘ইল্লাল্লাহ’-‘আল্লাহ ছাড়া’। এখানে মূল আলোচ্য বিষয় আল্লাহ। অর্থাৎ আল্লাহ ছাড়া কোন ইলাহ নেই। এ বাক্যের প্রথম অংশের কোন মূল্য নেই বিত্তীয় অংশ ছাড়া। বিত্তীয় অংশটির প্রাধান্য প্রতিটার জন্যই প্রথম অংশটির অবতরণা করা হয়েছে। সাহিত্য বিশ্লেষণের ক্ষেত্রেও কোরআন একই বর্ণনাতঙ্গি ব্যবহার করেছে। সুরা আশ-শোয়ারায় আল্লাহ বলেন, ‘এবং কবিদের অনুসরণ করে যারা তারা বিজ্ঞান। তুমি কি দেখ না, তারা প্রতি মহাদানেই উদ্ভৃত হয়ে ঘূরে বেড়ায় এবং এমন কথা বলে যা তারা করে না। তবে তাদের কথা আলাদা, যারা বিশ্বাস ছাপন করে, সংকর্ম করে, আল্লাহকে বেশী বেশী স্বরণ করে আর নিশ্চিহ্নিত হলে প্রতিশোধ গ্রহণ করে।’ (সূরা আশ-শোয়ারা, আয়াত ২৫-২৭)। এখানে ঈমানদার কবিদের মর্যাদা ও উরুজু তুলে ধরার জন্য প্রথমে মুশরিক কবিদের চরিত্র বিশ্লেষণ করা হয়েছে এবং পরে কোন হয়েছে যে, তবে তারা ছাড়া, যারা ঈমান আনে, সংকর্ম করে, আল্লাহকে বেশী বেশী স্বরণ করে এবং নিশ্চিহ্নিত হলে প্রতিশোধ গ্রহণ করে। ব্যুৎপত্তি: এরাই হচ্ছে আল্লাহর পছন্দনীয় কবি, মানবতার কল্যাণের জন্য যারা কলম ধরে। কোরানিক এ বৈশিষ্ট্য উপলক্ষ করতে পারলে ইসলাম সাহিত্য চর্চাকে কতটা উন্নত দিয়েছে এবং কবিদের কত উক মর্যাদা দিয়েছে তা আমরা হৃদয়ঙ্কম করতে পারবো।

আমরা জানি, কবি ও কবিতার জন্য ভূবনখ্যাত এক জনপদে জন্মগ্রহণ করেছিলেন রাসূল (সা.)। তাঁর আশ্চর্য আমেনা বিনতে ওয়াহাব ছিলেন যুগ ধর্মের দাবীতে একজন স্বতাব কবি। রাসূল (সা.)-এর পিতা আবদুল্লাহ ইবনে আবদুল মুভালিবের আকর্ষিক মৃত্যুর পর তিনি যে শোকগ্রাহ্য শেয়ে রোনাজারি করেছিলেন তা ইতিহাসখ্যাত। রাসূল (সা.)-এর জন্মের আগে বিবি আমেনা জগৎখ্যাত এক শিখের জন্মের বিষয়ে প্রায়ই ইস্পাদিত হতেন। এ ভারাবেগেও তিনি বেশ কিছু খন্দ কবিতা রচনা করেন। তাঁর পিতৃব্য আবু তালিব ইবনে আবদুল মুভালিবের কবিখ্যাতি ছিল সুবিদিত। অর্থাৎ তাঁর জন্ম হয়েছিল এক কবি পরিবারে। তাঁর জীবনী থেকে আমরা জানতে পারি, তিনি কেবল কবিতা পছন্দ করতেন, কবিদেরকে ভালবাসতেন তাই নয়, কাব্যচর্চার জন্যও ছিল তার কঠোর নির্দেশ ও নসীহত।

সাহাবী শরীদ রাদি আল্লাহর আনন্দ থেকে বর্ণিত, তিনি বলেছেন, ‘একদিন আমি রাসূলুল্লাহ সাল্লালাহু আলাইহি ওয়া সাল্লামের সংগে কোন বাহনের পিঠে সওয়ার ছিলাম। এমন সময় তিনি আমাকে জিজেস করলেন, ‘উমাইয়া ইবনে আবী সালত্তের কোন কবিতা কি তোমার মনে আছে?’ রাসূল (সা.)-এর প্রশ্নের জবাবে শরীদ (রা.) জবাব দেন, ‘কো মনে আছে।’ তিনি বললেন, ‘পড়ো।’ আমি একটি কবিতা পড়ে থামলে তিনি বলেন ‘আরো পড়ো।’ এভাবে আমি তার একশটি কবিতা পড়লাম।’

হাদিস শরীক থেকে জানা যায়, রাসূল (সা.) প্রখ্যাত মহিলা কবি খানসা (রা.)-এর কবিতা বেশ পছন্দ করতেন। তাঁর কষ্টব্য ছিল ক্রতিমধুর এবং তিনি চার শহীদের জননী ছিলেন। যারে মাঝে রাসূল (সা.) তাঁর কবিতা পুনতে চাইতেন এবং হাত ইশারা করে বলতেন, ‘খানসা, আরও শোনাও।’

অন্য একটি ঘটনা। রাসূল (সা.) দীর্ঘ সফরে বের হয়েছেন। মরুপথে উটের পিঠে। রাতও হয়েছে বেশ। বললেন, ‘হাস্সাম কোথায়?’ হয়েরত হাস্সাম (রা.) এগিয়ে এলেন। বললেন, ‘ইয়া

ରାମ୍‌ପୁଣ୍ୟାହ୍ (ସା.) ଏই ତୋ ଆମି ।' ମହାନବୀ (ସା.) ବଲେନ, 'ଆମାଦେର କିନ୍ତୁ 'ହଦା' ତମାଓ ତୋ ।' ଶୁଣି କରିଲେନ କବି । କବିତା ଶୁଣି ଶୁଣି ମହାନବୀ (ସା.) ମନ୍ତ୍ରବ୍ୟ କରିଲେନ, 'କବିତାକେ ଏ ଜ୍ଞାନି ବଲା ହୁଯ ବିଦ୍ୟାତର ଚେଯେ ଦ୍ରୁତଗତି ସମ୍ପନ୍ନ ଏବଂ ଏର ଆଘାତ ଶୈଳେର ଆଘାତର ଚେଯେ ଓ କିପି ଓ ଡ୍ୟାନକ ।' ଏବେ ଘଟନା ପ୍ରାମାଣ କରେ କବିତା ଶୋନା ଶୁଣାନ୍ତି ।

ରାମ୍‌ପୁଣ୍ୟାହ୍ (ସା.) ନିଜେ ସାହିତ୍ୟପ୍ରେସିକ ଛିଲେନ ଏବଂ କବିତା ଶୁଣି ତାଲବାସତେନ ଏତଟୁକୁତେଇ ତୌର କାବ୍ୟପ୍ରେସ ସୀମାବନ୍ଦ ଛିଲ ନା । ଅନ୍ୟଦେରଙ୍କ ତିନି କବିତାର ପ୍ରତି ଆଗ୍ରହୀ କରେ ତୁଳନେ ସଚେଷ୍ଟ ଛିଲେନ । ତିନି ବଲେଛେ, 'ଯେ ଦୁଟୀ ମନୋରମ ଆତରଣେ ବିଶ୍ଵାସୀକେ ଆହ୍ଲାହ ସାଜିଯେ ଥାକେନ, କବିତା ତାର ଏକଟି ।' ଆରୋ ବଲେଛେ, 'ନିଃସମେହ କୋନ କୋନ କବିତାଯ ରମେଛେ ପ୍ରକ୍ରି ଜ୍ଞାନେ କଥା ।' ହାଦୀସ ଶ୍ରୀକ ଥେକେ ଜାନା ଯାଇ, ତିନି ସାହାବୀଦେରକେ ନିର୍ଦ୍ଦେଶ ଦିଯେଇଲେନ, 'ତୋମର ତୋମାଦେର ସନ୍ତୁଷ୍ଟନଦେର କବିତା ଶେଖାଉ, ତାହଲେ ତାଦେର କଥା ମିଠି ଓ ସୁରେଳା ହବେ ।' ରାମ୍‌ପୁଣ୍ୟାହ୍ (ସା.)-ଏର ଏ ଉତ୍ସାହେର କାରଣେଇ ତୌର ସିନିଟ ସାହାବୀ, ଯାଦେର କାବ୍ୟଚର୍ଚା ଯୋଗ୍ୟତା ଛିଲ ତାରା ଥାଇ ସକଳେଇ କାବ୍ୟଚର୍ଚା କରାନେ । ଏଦେର ମଧ୍ୟେ ଉତ୍ସେଖ୍ୟୋଗ୍ୟ ଛିଲେନ କବି ହାସମାନ ବିନ ସାବିତ (ରା.), ଲବ୍ଦି ବିନ ରାଯିହାହ (ରା.), କା'ବ ଇବନେ ଯୋହାସ୍ଫ (ରା.), ଆବଦ୍ଜା ବିନ ରାଓସ୍ତାହ (ରା.), କା'ବ ବିନ ମାଲିକ (ରା.), ଆବରାସ ବିନ ଯିରାଦାସ (ରା.), ଯୁହ୍ୟାର ବିନ ଜୁନାବ (ରା.), ସୁହାରମ (ରା.), ଆନନ୍ଦବିଗ୍ନ ଓରକେ ଆବୁ ଲାଲା (ରା.) ପ୍ରୟୁଷ । ଯତିଲା କବିଦେର ମଧ୍ୟେ ଉତ୍ସେଖ୍ୟୋଗ୍ୟ ଛିଲେନ ମୟୀନବିନୀ କାତେମାତ୍ରୟ ଯୋହରା (ରା.), ହୟରତ ଖାନ୍‌ସା (ରା.), କବି ନାବିଖାଜାଦୀ (ରା.) ପ୍ରୟୁଷ । ଏମନକି ଯୋଲାକାଯେ ବାଶେଲୀର ଚାରଙ୍ଗ ଖଣ୍ଡଫାର ତିନଙ୍କଣେଇ ତ୍ରକାଳୀନ ଆରବେର ପ୍ରସିଦ୍ଧ କବି ହିସାବେ ଖ୍ୟାତିମାନ ଛିଲେନ । ଏରା ହେଲେ ହୟରତ ଆବୁବକର ସିନିଟିକ (ରା.), ହୟରତ ଉତ୍ତର ଫାରକ (ରା.) ଓ ହୟରତ ଆଶୀ ଇବନେ ଆବୀ ତାଲିବ (ରା.) । ତ୍ରକାଳୀନ ଆରବେ ତଥିନେ ଗନ୍ଦ ସାହିତ୍ୟର ଉତ୍ସବ ହେଲା, ତାଇ କବିତାଇ ଛିଲ ସାହିତ୍ୟର ଏକମାତ୍ର ବାହନ । ଦ୍ୱାତାବିକତାବେଇ କାବ୍ୟଚର୍ଚାଯ ଉତ୍ସାହ ଦେଇଯା ମାନେ- ସାହିତ୍ୟ ଚର୍ଚାର ଜନ୍ୟ ଅନୁପ୍ରାଣିତ କରା ।

ହୟରତ ଆଯେଶା (ରା.) ବର୍ଣନା କରେଛେ, 'ମହାନବୀ (ସା.) ବଲେନ, ତୋମରା କାଫିର ମୂଶରିକଦେର ନିଦ୍ରା କରେ କାବ୍ୟ ଲଡ଼ାଇଯେ ନେମେ ପଡ଼ । ତୀରେର ଫଳାର ଚେଯେ ତା ଆରୋ ବେଳୀ ଆହତ କରବେ ତାଦେର ।' ମୁହାସ୍ତଦ ଇବନେ ସୀରିନ ବଲେନ, 'ରାମ୍‌ପୁଣ୍ୟାହ୍ ଇବନେ ରାଓସ୍ତାହ, କାଫିରଦେର ବିକ୍ରନ୍ଦ କବିତାର ଲଡ଼ାଇଯେ ନେମେ ପଡ଼େ ।' ହାଦୀସେ ବର୍ଣନା ଥେକେ ଆରୋ ଜାନା ଯାଇ, ମହାନବୀ (ସା.) ଆନନ୍ଦାଦେର ସମ୍ବବେତ କରେ ଉତ୍ସିତ ଆବେଦେ ବଲେନ, 'ଏତୋ ଅନୁଶୀଳାର୍ଥ, ଆହ୍ଲାହର ରାମ୍‌ପୁଣ୍ୟାହ୍ କହେଯାଇ ହେଫ୍ୟାତ କରାର ଜନ୍ୟ ଅନ୍ତରେ ହାତେ ନିଯେ ତୋମରା ଅତ୍ସୁ ପ୍ରହରୀ ହେଯ କାଜ କରିଛେ, କଲ୍ପରେ ଭାଷା ଦିଯେ ତାଙ୍କେ ଆଜ ହେଫ୍ୟାତ କରାର ସମୟ ଏମେ ଗେଛେ । କେ ଆହେ ତୀଙ୍କ ଫ୍ଲୀର ଆଚିତ୍ତ ନିଯେ ଏଣିଯେ ଆସନ୍ତେ ?'

ଅନ୍ୟ ହାଦୀସେ ଏସେଛେ, 'ଯାରା ହାତିଆରେର ଦ୍ୱାରା ଆହ୍ଲାହ ଓ ତୌର ରାମ୍‌ପୁଣ୍ୟାହ୍ କରାର କଥାର ଦ୍ୱାରା (ଅର୍ଥାତ କବିତାର ଦ୍ୱାରା) ଆହ୍ଲାହର ସାହାୟ କରାତେ କେ ତାଦେର ବୀର୍ଧା ଦିଯେଇ, ମାଲ ଦିଯେ । ମୁହାସ୍ତଦରେ ଆଶ୍ଚର୍ଯ୍ୟ ଯାଇର ହାତେର ମୁଠୋର ତାର ଶପଥ ! ତୋମାଦେର କବିତା, ତୀରେର ଫଳ ହେଁ ତାଦେର କଲ୍ପଜେ ଯୀବରା କରେ ଦେବେ ।'

ଏତାବେ ରାମ୍‌ପୁଣ୍ୟାହ୍ (ସା.) କାବ୍ୟକଳାକେ ଶିଳ୍ପକଳାର ସୀମାବନ୍ଦ ଗତି ଥେକେ ବେର କରେ ଜୀବନେର ସାଥେ ସମ୍ପୂର୍ଣ୍ଣ କରେଇଲେନ, ହାତିଆରେ ପରିଣତ କରେଇଲେନ ଯୁଦ୍ଧ ଓ ଜିହାଦେଇ । ଆର ଏତାବେଇ ତୌର ନେତୃତ୍ବେ ନବ ଉତ୍ସିତ ସମାଜ ବିପ୍ରବେ ସାହାବୀ କବିଦେର ଅଂଶସହିତ ନିଶ୍ଚିତ କରେ ତାନ୍ଦେର ମଧ୍ୟେ ଏକ ନବ ଉତ୍ସିତର ସ୍ମୃତି କରେଇଲେନ ମହାନବୀ (ସା.) ।

ରାମ୍‌ପୁଣ୍ୟାହ୍ (ସା.) ଶୁଣୁ କବି ଓ କବିତାର ପୃଷ୍ଠାପୋଷକଇ ଛିଲେନ ନା, ତିନି କବି ଓ କବିତାକେ ଉତ୍ସାହିତ କରାର ଜନ୍ୟ ବିଭିନ୍ନ ସମୟ କବିତାର ଉପର ଆଲୋକପାତ କରେଇଲେନ, ମନ୍ତ୍ରବ୍ୟ ରେଖେଇଲେନ ।

কবি সুহায়র-এর একটি কবিতা তনে মহানবী (সা.) বললেন, ‘বেশ তো! ঠিক কথাই বলেছে কবি। এ ধরনের কথায় আল্লাহতা’লা খুশী হন। আর যাকে আল্লাহ সোজা পথে রেখেছেন এবং নেকট্য দিয়েছেন সে জান্নাত পাবে।’

একবার হযরত আয়েশা সিদ্দিকা (রা.) রাসূল কর্মীম (সা.)-এর সামনে যুহায়র বিন জুনাব-এর একটি কবিতা পড়ে শোনালে রাসূল (সা.) বললেন, ‘আয়েশা, কবির কথা কিন্তু ঠিক। যে মানুষের সূক্ষ্ম সইতে পারে না, আল্লাহর সূক্ষ্ম গাওয়াও তার পক্ষে সম্ভব হয়ে উঠে না।’ সমসাময়িক ঈমানদার কবিদের কবিতা নিয়ে রাসূল (সা.)-এর উৎসুক্য ছিল অতুলনীয়। একবার মহানবী (সা.) হযরত হাস্সান (রা.)কে জিজ্ঞেস করলেন, ‘তুমি আবু বকরকে নিয়ে কোন কবিতা কি এ পর্যন্ত লিখেছো?’ হযরত হাস্সান (রা.) জবাব দিলেন, ‘হ্যাঁ লিখেছি।’ রাসূল (সা.) বক্তৃতা দেবার সময় সাহাবী কবিদের কবিতার উদ্ধৃতি দিতেন। সাবা মুয়াল্লাকার কবি লৰীদ ইবনে রাবিআহুর কবিতার দৃঢ়ি চরণ এভাবেই হাদীস শাস্ত্রের অংশ হিসেবে অমর হয়ে আছে:

‘আলা কুন্তু শাইঘ্যিন মা খালাপ্তাহ বাতেনু, / অকুন্তু নায়মিন লা মহালাতা যাইলু।’ অর্থাৎ

‘সাবধান হও, আল্লাহ ছাড়া আর সবই খিদ্যা এবং / সব নিয়ামতই একদিন অবলুপ্ত হবে, / তখন অবলুপ্ত হবে না জান্নাতের অম্ল্য স্মারণ।

হাদীস শরীফের বিভিন্ন রেওয়ায়েত থেকে জানা যায়, কবিদেরকে তিনি খেতাব প্রদান করতেন। কবি হাস্সান বিন সাবিত (রা.)কে সভাকবির মর্যাদা দিয়ে তাঁকে ‘শায়েক্র রাসূল’ বা ‘রাসূলের কবি’ খেতাবে ভূষিত করেছিলেন।

ঈমানদার কবিরা যেন উচ্চম কবিতা রচনা করতে পারেন সেজন্য মহানবী (সা.) কবিদের নাম ধরে আল্লাহর দরবারে দোয়া করতেন। তিনি এ দোয়া করতেন উচ্চস্থরে, যেন অন্যান্য সাহাবীরাও শনতে পান। অধিকাংশ সময় তিনি এ দোয়া করতেন কবিদের সম্মুখে, যেন কবিরা অধিক আশ্রামীল, দায়িত্বাবল এবং সৃজনশীলতায় আরো যত্নবান হওয়ার প্রেরণা পায়। কবি হাস্সান বিন সাবিত কবিতা আবৃত্তি শুরু করলে রাসূলে খোদা (সা.) তাঁর জন্মে এ বলে দোয়া করতেন: ‘হে আল্লাহ, রহমত কুন্দুসকে দিয়ে তুমি তাকে সাহায্য করো।’ তিনি কবিদের উপহার এবং উপটোকন দিতেন। একবার মিশরের রোমক স্ন্যাট রাসূলের শানে দুই অপরপাকে উপটোকন পাঠালো তৎকালীন রেওয়াজ অনুসারে। রাসূল (সা.) শরীর নামে তাদের একজনকে উপহার দিয়েছিলেন কবি হাস্সান বিন সাবিতকে। কবি কা’ব ইবনে যুহায়র-এর বিখ্যাত কবিতা ‘বা’নাত সুআদ’ তনে মহানবী (সা.) খুশি হয়ে গায়ের চাদর খুলে কবিকে তা পরিয়ে দিয়েছিলেন নিজ হাতে।

হৃনায়নের যুদ্ধে প্রাণ গণ্মিত ভাগ করার সময় আবাস বিন মিরদাস (রা.) কবিতার মাধ্যমে রাসূলের দৃষ্টি আকর্ষণ করলে মহানবী (সা.) বললেন, ‘ওরে, কেউ কি কবির মুখ বক্স করতে পার?’ এ কথা শনে হযরত আবুবকর (রা.) তাকে বেছে বেছে একশটি উট তুলে দিলেন তাঁর হাতে।

ভাবের রাজ্যে বিচরণের কারণে স্বাভাবিকভাবেই লেখক ও কবিরা বিষয়বৃক্ষিতে থাকে অপটু। আবার আগ্রাসনবোধ টন্টনে থাকার কারণে কারো কাছে কিছু চাইতেও পারে না। ফলে দেখা যায় সভ্যতার বাগান বানায় যে কবিরা মানুষের মনে সুবের প্রাবন আনে যে কবিরা, তাদের ভাগ্যে জোটে দুর্ব, কষ্ট ও যত্নগাকাতের জীবন। এ দুর্দশা লাভবে মহানবী (সা.) যেভাবে মানুষকে উত্সুক করতে চেয়েছেন তা অতুলনীয়। তিনি বলেছেন, ‘কবিদের আর্থিক সহায়তা করা পিতা-মাতার সাথে সহ্যবহার করার সমতুল্য।’ সভ্যনার কাছে পিতা-মাতার যে মূল্য, সভ্যতার কাছে কবির মূল্য তেমনি। পিতা-মাতার কাছে ঝণী সন্তান, কবির কাছে ঝণী জাতি। এ বাণীর মাধ্যমে মহানবী চেয়েছেন জাতি যেন সে খণ পরিশোধ করে।

তিনি কবিদের যে অতুলনীয় সম্ভাবন ও মর্যাদা দিয়েছেন তা ছিল উপমা-রহিত। বিশ্বয়কর হলেও সত্য, মসজিদে নববীর ভেতরে শুধুমাত্র কবিতা পাঠ করার জন্য মহানবী (সা.) একটি আলাদা

হ্যায়ী মিথার (মঝ) তৈরী করে দিয়েছিলেন। সেখান থেকে কবি হাস্সান বিন সাবিত (রা.) নিয়মিত কবিতা পাঠ করে শোনাতেন সাহাবীদের।

কবিদেরকে এভাবে সশ্রান্তি করার দৃষ্টান্ত ইতিহাসে বিরল। কেবলমাত্র মহানবীই পেরেছিলেন মসজিদে নববীতে নিয়মিত কবিতার আসর বসাতে, খোদ নবীর ঘরে কবিতা পাঠের জন্য আলাদা মঝ তৈরী করে দিতে। নবীর ঘর মসজিদে-নববীতে খোদ মহানবী (সা.) কর্তৃক কেবলমাত্র কবিতা পাঠের জন্য নির্ধারিত একটি একক ও আলাদা মঝ স্থাপন কবিদের জন্য পৃথিবীর সর্বশ্রেষ্ঠ সম্মান ও পুরস্কার। পৃথিবীর মানুষের পক্ষে কবিদের জন্য এরচে অধিক কোন স্থান প্রদর্শন কোন কালোই সঙ্গে নয়।

কাব্যচর্চাই কবিদের জন্য জিহাদ। জিহাদে জয় লাভের পর মুজাহিদগণের মধ্যে মালে গনীমত ভাগ করে দেয়া হতো। মুজাহিদগণ ছাড়া এ মালে গনীমত আর কেউ পেতেন না। যুক্তে অংশ না নিলে যদি গণীমতের মালের অংশ পাওয়া না যায় তবে কবিরা মালে-গনীমত পাবেন কেমন করে? আবার কাব্যচর্চা যদি জিহাদ হয় তবে কবিরা মালে-গনীমত পাবেন না কেন? সাহাবীদের মধ্যে এ প্রশ্ন দেখা দিলে মহানবী (সা.) কবিদেরকে মালে গনীমতের হিস্যা প্রদানের নির্দেশ দেন। এভাবেই কাব্যচর্চা জিহাদের অন্তর্ভুক্ত হয়। ফলে কবিরা যুক্তে অংশ না নিয়েও রাসূলের (সা.) নির্দেশে গণীমতের মালের অংশ পেতেন।

মহানবী (সা.) অনেককেই জীবিতাবস্থার জালান্তের সুসংবাদ দিয়েছিলেন। কবিতা লেখার পুরস্কার হিসাবে জালান্তের সুসংবাদ পেয়েছিলেন হাসসান বিন সাবিত (রা.)। হাসসান বিন সাবিতের কবিতা অনে রাসূল (সা.) ঘোষণা দিয়েছিলেনঃ ‘হে হাস্সান, আল্লাহর কাছ থেকে তোমার জন্য পুরস্কার রয়েছে জালান্ত।’

আজকে যারা ইসলামী সাহিত্যের চৰ্চা করছেন তাদের এ কথা গভীরভাবে স্মরণ রাখা দরকার যে, সাহিত্য চৰ্চা কোন তুচ্ছ কাজ নয়, বরং সভ্যতা বিনির্মানের একটি শুরুত্বপূর্ণ কাজ আল্লাহ তাদের ওপর ন্যস্ত করেছেন। এ কাজের জন্য যে মেধা ও যোগ্যতা দরকার আল্লাহই তা তাদেরকে দিয়েছেন। আল্লাহর দেয়া এ বিশেষ নেয়ায়তের সম্বৃহার না হলে তার জন্য তাকে পরকালে জ্বাবদিহি করতে হবে। যেখানে আল্লাহ পবিত্র কোরানের একটি পূর্ণাঙ্গ সূরার নামকরণ আশ্শেয়ারা ‘কবিরা’ রেখে কবিদেরকে ঢুক্ত সম্মান ও মর্যাদা দিয়েছেন আর রাসূল কাব্যচর্চার কারণে কবিকে দিয়েছেন বেহেশতের সুসংবাদ, সেখানে কাব্যচৰ্চা তথা সাহিত্য সাধনাকে গৌণ ভাবার কোন অবকাশ নেই।

মহানবী (সা.)ই আমাদের জীবনাদর্শ। তিনি যা করেছেন, করতে বলেছেন বা করার জন্য সংস্থাপন দিয়েছেন তা-ই সুন্নাহ। সাহিত্যের ব্যাপারেও একই কথা। তিনি এ ব্যাপারে যা করেছেন বা করতে বলেছেন তার যথার্থ অনুসরণ করার মধ্যেই আমাদের সামগ্রিক কল্যাণ নিহিত। আমরা যারা আজ কাব্যচৰ্চা করছি, রাসূলের এসব কথা ও নির্দেশই আমাদের পথ প্রদর্শক। যিন্নাতে ইসলামিয়া তথা সকল মূলমানের কাছে আমাদের অনুরোধ, আসুন, সাহিত্য সংস্কৃতি চৰ্চায় রাসূল (সা.) যে শুরুত্বারূপ করেছেন, আমরা তা স্বদয় দিয়ে উশ্লক্ষি করি। কবি ও কবিতাকে তালবাসার এবং পৃষ্ঠপোষকতা করার যে সুন্নাত তিনি রেখে গেছেন আসুন তার অনুসরণ করি। খণ্ডিত ইসলাম নয়, ইসলামের পূর্ণাঙ্গ অনুসরণের মধ্যেই মানবতার ইহ ও পরকালীন সুস্ক্রিপ্শন নির্ভরশীল, এ কথা আমরা যত তাড়াতাড়ি বুঝবো, ততই সৌভাগ্য নিকটবর্তী হবে আমাদের। আল্লাহ সবাইকে এ বুঝ ও সমব্য দান করছেন, আমীন।

## সূচীপত্র

চয়ন ও অনুবাদ কবিতা	১৪-১৯
সুরা কদর / কাজী নজরুল ইসলাম	১৫
শবে-বরাত প্রসঙ্গে / ফররুখ আহমদ	১৬
কোরান কাব্য / মুহাম্মদ নূরুল হুদা	১৭
অপ্রকাশিত রচনা	২০-৩৫
ঐতিহাসিক বদর যুদ্ধ : ঈমানই মুসলমানের বিজয়ের জামিন	
মুনিরউদ্দীন ইউসুফ	২১
প্রবন্ধ	৩৬-৮১
নবীপ্রেম ঈমানের অবিচ্ছেদ্য অঙ্গ / মাওলানা মুহিউদ্দীন খান	৩৭
হাদীসে রাসূল (সা.)-এর আলোকে বিজ্ঞান / ডঃ এম. শমশের আলী	৪৩
ইসলামের দরিদ্র বিমোচন ও জনগণের আস্থা / শাহ আবদুল হাম্মান	৪৭
ইসলামী শিল্পকলা ও বাংলাদেশে ক্যালিগ্রাফি চর্চা / ডঃ আবদুস সাত্তার	৫৫
অমুসলিমদের দৃষ্টিতে হ্যরত মোহাম্মদ (সা.) / সৈয়দ আশরাফ আলী	৬২
বিশ্বনবী (সা.) প্রসঙ্গ কাব্য সাহিত্য / এম. এ. রশীদ চৌধুরী	৬৯
কবিতা	৮২-৯৭
তৃতীয় যেই এলে / সৈয়দ শামসুল হুদা	৮৩
তারা কি কেউ বঙ্গু বঙ্গন / আবদুল মুকীত চৌধুরী	৮৪
শুভাশিস নেবো / মসউদ-উল-শহীদ	৮৫
সোনালী শাহজাদা / আব্দুল হালীম খাঁ	৮৬
জাবালে নুরে দাঁড়িয়ে / মাহবুবুল হক	৮৭
শতাব্দীর এ কেমন অভিযাত্রা / জয়নুল আবেদীন আজাদ	৮৯
নবীকে সালাম / জাহাঙ্গীর হাবীবউল্লাহ	৯০
শাশ্বত কথা ও বাণী / সুজাউদ্দিন কায়সার	৯১
জগতের সব উজ্জ্বলতার সমষ্টি / দেলওয়ার বিন রশিদ	৯২
আমার ভালবাসা / আশরাফ আল দীন	৯৩
নবীর দুলালী তিনি / সোলায়মান আহসান	৯৪
রাসূলের (সা.) কাছে পত্র / মোশাররফ হোসেন খান	৯৫
কাওসার তাঁর হাতে / গোলাম মোহাম্মদ	৯৭
গল্প	৯৮-১০২
একটি হারের বিনিময়ে / হাসান আলীম	৯৯
প্রবন্ধ	১০৩-১৭১
মহানবীর আদর্শ ও নন্দিত জীবনের অপরিহার্য দিক নির্দেশনা	
মুহাম্মদ সিরাজ উদ্দীন	১০৮
হ্যরত মুহাম্মদ (সা.)-এর অর্থনৈতিক আদর্শ / মোহাম্মদ আবদুল মান্নান	১১৭

রাসূলে খোদার মিশন, আমাদের বিশ্বাস ও বিজ্ঞাননির্ভর আজকের প্রেক্ষিত মাসুদ মজুমদার	১২৩
ইসলামী সমাজ গঠন : প্রয়োজন ত্বক্যুল পর্যায়ে সংগঠন আবু তাহের মোহাম্মদ সালেহ	১২৭
আদর্শ মহামানব হ্যরত মুহাম্মদ (সা.) / ইকবাল কবীর মোহন ঢাকার শহুন নামে হ্যরত মুহাম্মদ (সা.)-এর প্রভাব	১৩২
মোহাম্মদ আশরাফুল ইসলাম	১৪৪
সীরাত চর্চায় ঢাকা সাহিত্য সংস্কৃতি কেন্দ্র / নাসির হেলাল	১৬০
<b>কবিতা</b>	<b>১৭৫-১৯৫</b>
এক যে তারার ফুল / আহমদ মতিউর রহমান	১৭৫
তোমায় সালাম / শরীফ আবদুল গোফরান	১৭৬
মুহাম্মদুর রাসূলুল্লাহ / আবদুল কুদ্দিস ফরিদী	১৭৭
ওয়ের্নিকা বিশ্বের জন্য / জামাল উদ্দিন বারী	১৭৮
হে রসূল (সা.) / আহমদ সাকী	১৭৯
একজন মুহাম্মদই পারেন / রেজা রহমান	১৮০
তোমার জনেই / আবুল হোসাইন মাহমুদ	১৮১
দরখাস্ত / অধিন আল আসাদ	১৮২
আমারও তৃষ্ণা অনেক / ওমর বিশ্বাস	১৮৪
গুণির গজল / শাহীন হাসনাত	১৮৫
হকের সুরভি / জাকির আবু জাফর	১৮৬
দরদ সালাম / রাফিক মুহাম্মদ	১৮৭
তোমার দেখানো পথে / নূরজামান ফিরোজ	১৮৮
উঠলো যখন হেসে / জামান সৈয়দী	১৮৮
বরফ বিক্রেতার ডাক / নাসির মাহমুদ	১৯০
একটি দরোজা খুল্লেই / সৈয়দ সাইফুল্লাহ শিহাব	১৯০
কি উপমায় ডাকবো তোমায় / মাহফুজুর রহমান চৌধুরী	১৯১
আঁধারে আলো / সিরাজ মুহাম্মদ	১৯২
প্রিয়তম রাসূল / মুহাম্মদ ইসমাইল	১৯২
হেরার পথের সন্ধান / মনসুর আজিজ	১৯৩
সুরভি দুপুর / মষ্টন বিন শফীউদ্দিন	১৯৩
হ্যাপ্পের খোজে / গোলাম মোস্তফা খান	১৯৪
চৌদশ বছর / আফসার নিজাম উদ্দিন	১৯৫
নাত-এ-রাসূল (সা.) / ইয়াকুব বিশ্বাস	১৯৬
হে সুগানি গোলাপ / মিশ্বা বিশ্বাস	১৯৬
তুমি এলে / শাহীদা আলম নূর	১৯৭
<b>প্রতিবেদন</b>	<b>১৯৮-২২৪</b>
ঢাকা সাহিত্য সংস্কৃতি কেন্দ্রের বার্ষিক প্রতিবেদন / শরীফ বায়জীদ মাহমুদ	১৯৮
৫ম ক্যালিগ্রাফি প্রদর্শনীর রিপোর্ট / মোহাম্মদ আবদুর রহীম	২১৮

## চরন ও অনুবাদ কবিতা



### কাজী নজরুল ইসলাম

শঙ্ক করি লালে পাখ আঘাহৰ  
আদি অশুহীন যিনি সমা কৰণাৰ ।

করিয়াছি অবতীর্ণ কেৱল শূন্য 'শবে কদৰে',  
জানবে কিসে শবে কদৰ কৰিবারে? ধৰা 'পৰে  
হাজাৰ মাসেৰ চেয়েও বেশী কলা' এই যে নিশীখেৱ,  
এই সে রাতে ফেৰেশতা আৱ জিবৰাইল আলমেৰ  
কৰতে সরঞ্জাম সকলি নেমে আসে ধৰণী  
উঘার উদয় তক থাকে এই শান্ত পৃত রঞ্জনী ।

## শবে-বরাত প্রসঙ্গে

### ফররুর্খ আহমদ

বরাতের এই রাতে (যে নিশীথে ভাগ্য নির্ধারণ  
সৃষ্টিম অণু হ'তে সুবিশাল গ্রহ-নক্ষত্রের)  
খুলিতে চেয়েছি আমি, খোলেনি যে গ্রহি রহস্যের;  
আরো জটিলতা এসে ঘিরেছে সে অটুট বন্ধন।  
পৌত্রলিক অঙ্ককারে কত বার কত ভাস্ত মন  
বুঝিতে চেয়েছে জানি একভাবে রহস্য কালের,  
বোঝেনি,— নোঙ্গরহীন কিশতী সেই অবাধ্য হালের  
হয়েছে তমিদ্রায় লক্ষ্যহীন পাথীর মতন।

সুড় প্রত্যয়ে শুধু জেগে আছে সে মর্দে মোমিন  
—বিশ্বাসের বৃত্তে মন দীপ্যমান, কর্মসূষ্ঠা,— যার  
চিরস্তন উর্ধ্বর্গতি আলোকের পথে অন্তহীন  
(খুলে যায় যে সহজে সৌভাগ্যের, আকাশের দ্বার,  
দূর্ভাগ্যের অঙ্ককার ছিড়ে আনে প্রভাত রংগিন)  
কামিল ইনসান সেই পৃথিবীতে খলিফা আল্লাহর।

## কোরান কাব্য মুহাম্মদ নূরুল্লাহ হৃদা

### বিসমিল্লাহ

দূর হও যত শয়তান আর অরি  
দয়ালু আল্লাহর নামে আরষ্ট করি ।

### কলেমা-১

উপাস্য নাই আল্লাহ ছাড়া, নাইরে কোনো কূল  
মুহাম্মদ আল্লাহতালার প্রেরিত রাসূল ।

### কলেমা-২

মাঝুদ নাই আল্লাহ ছাড়া, সাক্ষ্য দিলাম  
শরীক নাই আল্লাহতালার, সাক্ষ্য দিলাম  
আল্লাহ ছাড়া উপায় নাই, নাইরে কোনো কূল  
মুহাম্মদ আল্লাহতালার প্রেরিত রাসূল ।

### কলেমা-৩

হে আল্লাহ, তুমি ছাড়া আর উপাস্য নাই  
তুমি এক ও অদ্বীয়, তোমার সমকক্ষ নাই  
মুহাম্মদ ইমাম সকল মুভাকীর  
রাসূল তিনি দু'জাহানের পালনকারীর ।

### কলেমা-৪

আল্লাহ ছাড়া অন্য কোন উপাস্য নাই  
হে জ্যোতির্ময়, অশেষ তোমার রোশনাই  
যাকে খুশি তাকে দেখাও আলোর পথ  
আমার নবী, শ্রেষ্ঠ নবী, শেষ নবী মুহাম্মদ ।

### কলেমা-৫

আমার ঈমান তোমার প্রতি- হে আল্লাহ  
নামে-গুণে সবখানেই বিরাজমান- হে আল্লাহ  
তোমার হৃকুম তোমার আহকাম- হে আল্লাহ  
মেনে নিলাম তোমার বিধান- হে আল্লাহ।

### কলেমা-৬

আমার ঈমান তোমার প্রতি- হে আল্লাহ  
তোমার রাসূল, তোমার কিতাব, ফেরেশতায়  
কেয়ামত আর তকদীরের মালিক তুমি- হে আল্লাহ  
যত্ত্ব শেষে সৃষ্টি তোমার জাগবে আবার- হে আল্লাহ  
স্রষ্টা তুমি সৃষ্টি তোমার ঈমান আমার- হে আল্লাহ।

### সুরা কাওসার

নিষ্ঠয়ই দিয়েছি আমি তোমাকে মঙ্গল ও প্রাচুর্যময় কাওসার;  
বিনিময়ে নামাজ পড়ো, কুরবানী করো, নামে এক আল্লাহর  
মনে রেখো, লেজকাটা তোমার শক্তির নাই কোন উত্তরাধিকার।

### সুরা মাউন

তুমি কি দেখেছো তাকে, যে মানে না কর্ম ধর্ম দ্বীন?  
রুচ্ছভাবে যে তাড়ায় অনাথ এতীম?  
উৎসাহ নাই যার আপ্যায়নে- আঞ্চীয় মিসকীন?

আফসোস তাদের জন্য, যারা ঘনোযোগ দেয় না নামাজে,  
যারা লোক দেখানোর জন্য থাকে সৎ কাজে;  
এবং বিরত যারা ধার দিতে, যে সামগ্রী লাগে গৃহ কাজে।

### **সুরা কুরায়িশ**

শীতে-গ্রীষ্মে কোরেশরা করে থাকে বিদেশ সফর,  
 ভ্রমণে আসক্ত তারা, ঘরদোর সম্পর্কে প্রায় বেখবর;  
 অনন্তর তারা যেন উপাসনা করে এই ঘরের প্রভূর,  
 যাঁর দান পেয়ে তারা ক্ষুধা-ত্রস্তা করে থাকে দূর;  
 তিনিই অভয়দাতা, দমন করেন তিনি সব সুরাসুর।


### **সুরা ফীল**

ভূমি কি দেখোনি হস্তীবাহিনীর কী দশা করেছেন মাঝুদ?  
 তাদের কৌশল সব তিনিই কি করেননি নাস্তানাবুদ?  
 তাদের বিরুদ্ধে তিনি পাঠালেন ঝাঁক ঝাঁক পাখি আবাবীল  
 পাখির কঙ্করে ভক্ষিত তৃণ-তৃষ্ণি হয়ে যায় হাতির মিছিল।

### **সুরা আছর**

নিশ্চয়ই ক্ষতিগ্রস্ত সকল মানুষ, এই জানি কালের শপথ  
 তবে তারা নয়, যাঁরা আনে দুমান, কর্ম করে সৎ-মহৎ।  
 চলে সত্যের পথে আর ধৈর্য ধারনের রাখে হিস্তত।

অপ্রকাশিত রচনা



# ঐতিহাসিক বদর যুদ্ধ :

## ইমানই মুসলমানের বিজয়ের জামিন

### মনিরউদ্দীন ইউসুফ

[মরহুম কবি মনিরউদ্দীন ইউসুফ (১৯১৯-১৯৮৭) হযরত মুহাম্মদ (সা.)-এর একথানি জীবনীগ্রন্থ ঘাটের দশকের গোড়ার দিকে রচনার কাজে হাত দিয়েছিলেন। সে কাজে অনেকটা অগ্রসর হলে ‘ফেরদৌসীর শাহনামা’ মহাকাব্যের অনুবাদসহ অন্যান্য নানাধর্মী কাজে জড়িয়ে পড়ার কারণে আলোচ্য জীবনী লেখায় দীর্ঘদিনের বিরতি ঘটে। যদিও আশির দশকে তিনি সহজ ভাষায় ‘ছোটদের ইসলাম পরিচয়’ ও ‘ছোটদের রসূল চরিত’ দু’টো কিশোর পাঠ্য প্রস্তুত পাঠ্যলিপির কাজ সমাপ্ত করেন। যথারীতি গ্রন্থ দু’টো প্রকাশিত হয় এবং প্রকাশনার একাধিক সংস্করণ ইতোমধ্যেই বাজারজাত হয়েছে।]

তবে কবি মনিরউদ্দীন ইউসুফ রচিত আলোচ্য ‘ইসলাম ও মুহাম্মদ (সা.)’ নামক জীবনী এছুটি তিনি সমাপ্ত করে যেতে পারেননি। ‘আবু সুফিয়ানের মদীনা যাত্রা’ উপশিরোনাম পর্যন্ত কবি ইউসুফ লিখে রেখে গেছেন। সেখান থেকে ‘ঐতিহাসিক বদর যুদ্ধ : ইমানই মুসলমানের বিজয়ের জামিন’ অংশটি সংকলিত হলো। লেখাটি আমরা পেয়েছি কবি মনিরউদ্দীন ইউসুফের পুত্র সাঈদ আহমদ আনীসের সৌজন্যে। – সম্পাদক]

মানব-চরিত্রের নিগৃত প্রবণতার সঙ্গে সমর্পিত করে মানুষকে আল্লাহর প্রতিনিধিত্বের যর্যাদায় উন্নীত করে নেয়াই কোরআনের আসল লক্ষ্য এবং রাসূলুল্লাহ (সা.)-এর জীবন কোরআনের নির্দেশকে জড়িয়ে ধরেই চিরস্তন হয়ে উঠেছে। এই জীবন হয়ে উঠেছে সকল যুগের সকল দেশের সকল মানুষের অনুসরণীয় সুন্দর আদর্শ। কোরআনের নির্দেশ ও মুহাম্মদ (সা.)-এর জীবন আল্লাহরই প্রকৃতির মতো বিকাশশীল। বিশ্ব-প্রকৃতি, কোরআন ও মুহাম্মদ (সা.)-এর জীবন যেন একই সূত্রে প্রথিত। বিশ্ব-প্রকৃতি ও মুহাম্মদ (সা.)-এর জীবন বৈজ্ঞানিক বিচার-বিশ্লেষণ দ্বারা যত বেশি সম্ভব আয়ত্ত করা যায় এবং কোরআন মানুষকে বিজ্ঞানের সীমার বাইরেও এমন কিছু দেয়, যা তাকে আল্লাহর প্রতিনিধি হওয়ার যোগ্যতা দান করতে পারে। এই কোরআনই মানুষকে ত্রয়ে ত্রয়ে পশুর স্তর থেকে টেনে এনে উপরে তুলতে থাকে, যার সর্বাঙ্গ-সুন্দর রূপ মুহাম্মদ (সা.)-কে আশ্রয় করে বিরাজ করছে।

যে সমাজ তৈরির কাজ রাসূল (সা.) শুরু করেছেন, তার ভিত্তি রচনার জন্য সর্বাঙ্গে প্রয়োজন, এমন সৃষ্টিগুলি সামাজিক বিধি, যা সমাজকে পরম্পরার সঙ্গে শক্তভাবে ধরে রাখে। সকল বাড়ুঝুঁটার মধ্যেও তখন তার সম্পূর্ণতা কিংবা অংশবিশেষ যেন আটুট থেকে যেতে পারে।

তাই, প্রথম ও দ্বিতীয় হিজরাতেই নামাজ, রোজা ও জাকাত এবং নর-নারীর সম্পর্কে মৌল বিধানগুলো অবরীহ হয়ে যায়। সমাজ জানতে পারে, পুরুষ ও নারীর কর্মক্ষেত্র বিভিন্ন হলেও, দু'য়ে মিলেই সমাজ। উভয়েরই অধিকার সমান। এই সমান অধিকারের মনোভাবের উপরই শান্তিপূর্ণ মানব-সংগঠন তৈরি হতে পারে। বৈষম্যের সমর্থক দাস প্রথা ও সুদ, শক্তি ও মেধায় মননে সমান না হওয়ার অসুবিধা, উচ্ছ্বেলতা রোধ করতে হলে ব্যতিচার ও স্বার্থপরতা, মদ ও জুয়া প্রভৃতি বিষয়গুলো মানুষের সমাজে এত দীর্ঘদিনের এবং এদের শিকড় মানব-মনের এত গভীরে প্রোথিত যে, সেগুলো উৎপাটিত করে সহনশীলতার স্তর পর্যন্ত উন্নীত করা সহজ কাজ নয়। অর্থ সেগুলো উচ্ছেদের প্রচেষ্টা শান্তিপূর্ণ সমাজ তৈরির প্রথম শর্ত। কোরআন তাই এসবগুলোর ব্যাপারে বিকাশের রীতিকেই গ্রহণ করেছে।

দাস-প্রথা উচ্ছেদের প্রথম স্তর হিসাবে বলা হয়েছে, তোমরা তাদের (দাস-দাসীদের) সাথে চুক্তিতে আবদ্ধ হও, যদি তোমরা তাদের মধ্যে মঙ্গলের সন্ধান চাও। (সূরা আন-নূর, আয়াত নং-৩৩)।

সুদ সম্পর্কে বলা হয়েছে, আল্লাহ ব্যবসাকে বৈধ এবং সুদকে অবৈধ করেছেন। (সূরা বাকারা, আয়াত নং-২৭৫)।

জাকাতের বিধান সম্পর্কে বলা হয়েছে, তোমরা সালাত কায়েম কর এবং জাকাত দাও। (সূরা বাকারা, ৪৩ আয়াত)।

ব্যতিচার সম্পর্কে বলা হয়েছে, তোমরা ব্যতিচারের নিকটবর্তী হয়ো না, এটা অশ্রীল ও নিকৃষ্ট আচরণ। (সূরা বনি ইসরাইল, আয়াত নং-৩২)।

মদ ও জুয়া সম্পর্কেও প্রথম তাদের দোষ-গুণ উল্লেখ করে বলা হয়েছে, তারা তোমাকে মদ ও জুয়া সম্পর্কে জিজ্ঞাসা করে। তুমি বলে দাও এ উভয়টির মধ্যে রয়েছে মহাবিপদ এবং উপকারিতাও রয়েছে। তবে এগুলোর পাপ উপকার থেকে অধিক শুরুতর। (সূরা বাকারা, আয়াত-২১৯)।

মদীনায় সমাজ তৈরির শুরুতেই এসব মৌলিক নির্দেশের সূত্রপাত হয়ে গেছে এবং এসব সামাজিক বিধি-বিধানের প্রসঙ্গ ধরেই মদীনার ইহুদী ও পৌরন্তিকদের সঙ্গে রাসূল (সা.)-এর বিরোধেরও শুরু হয়। এমন কি মুনাফেক বা কপট-বিশ্বাসীরাও বুঝতে পারে যে, মুহম্মদ (সা.) এসব বিষয়ে কখনও কোন আপোষ করবেন না। সুতরাং, কোরআনের ‘এসিড-টেস্টের’ মাধ্যমেই সত্য ও অসত্য আলো ও অঙ্কারা পরম্পর পৃথক হয়ে যাওয়ার অবস্থা সৃষ্টি হয়ে যায়। কোরআনের ‘ফুরকান’ নামও এ

কারণেই। ফুরকান অর্থ সদসৎ ও আলো-আধারের পৃথককারী। কোরআনের এ শুণ চিরস্মৃত।

ওদিকে মক্কার কুরাইশরা মদীনা আক্রমণে উদ্যত আর এদিকে ইহুদী-পৌরাণিক ও মুনাফিকরা তাদেরকে সাহায্য করার জন্য প্রস্তুত, এমন অবস্থায় মুসলমানদের সতর্ক থাকা অত্যন্ত আবশ্যিক।

প্রথমত, কুরাইশরা যাতে কুর্জের মতো অতর্কিতে মুসলমানদেরকে আবার আক্রমণ করে না বসতে পারে, তজ্জন্য কুরাইশদের সন্দেহজনক চলাফেরা কিংবা অন্ধ সংগ্রহের আয়োজনের উপর নজর রাখতে হবে। সে জন্যে রাসূলুল্লাহ আবদুল্লাহ বিন জওশের নেতৃত্বে এক ভাষ্যমান গুপ্তচর দল গঠন করে তাদেরকে মক্কার পথে যাত্রা করতে বলেন। এই দলে ছিলেন আটজন মুসলমান ও চারটি মাত্র উট।

রাসূল (সা.) আবদুল্লাহকে একখানা পত্র দিয়ে বললেন, দু'দিনের পথ অতিক্রম করার পর এই পত্র খুলে দেখো ও তাতে যে নির্দেশ রয়েছে, সে অনুযায়ী কাজ করো। তবে মনে রেখো, সে নির্দেশ অনুযায়ী কাজ করার জন্য সঙ্গীদের মধ্যে কাউকে বাধ্য করবে না।

রাসূল (সা.)-এর উপদেশ মতো মক্কার পথে দু'দিন চলার পর আবদুল্লাহ পত্র খুলে দেখলেন তাতে লেখা রয়েছে, ‘পত্র পাঠের পর মক্কা ও তায়েফের মধ্যবর্তী নাখলা নামক স্থানে গিয়ে উপস্থিত হবে এবং গোপনে কুরাইশদের গতিবিধি লক্ষ্য করে আমাকে সে সংবাদ জানাতে থাকবে।’

নাখলা মক্কার সন্নিকটে মক্কা ও তায়েফের মধ্যবর্তী এক প্রান্তর। মদীনা থেকে দূরে শক্র কেন্দ্রের এতো নিকটবর্তী এক স্থানে উপস্থিত হয়ে শক্রের গতিবিধির উপর নজর রাখা ও তার সংবাদ রাসূল (সা.)-এর কাছে প্রেরণ করা যে কতো কঠিন এক দায়িত্ব, তা অনুমান করা দুঃসাধ্য নয়। কিন্তু কঠিন দায়িত্ব বহনের যোগ্যতা নিয়েই রাসূল (সা.)-এর অনুসারীদের তৈরি হতে হবে। সম্প্রিলিতভাবে সমাজ গঠন করে শক্রের মোকাবেলার দায়িত্ব গ্রহণ করার পূর্বে তাই ব্যক্তিগতভাবে দায়িত্ব পালনের ঝুঁকি ও মুসলমানকে নিতে হবে। সমাজ তো ব্যক্তিগত দায়িত্বপূর্ণ আচরণের কেন্দ্র। আল্লাহর রাসূল আবদুল্লাহ বিন জাহাশকে সেই দায়িত্ব পালনের পরীক্ষা দেয়ার জন্যই নিয়োজিত করলেন।

আবদুল্লাহ পত্র পড়ে সঙ্গীদের বললেন, ‘ভাইসব, জোর নেই, জবরদস্তি নেই, রাসূল (সা.)-এর নির্দেশ এই। ইসলামের জন্যে, স্বজাতির কল্যাণের জন্যে এই-ই আমাদের কর্তব্য। আমি এই কর্তব্য পালনের জন্য এগিয়ে চললাম। তোমাদের যদি ইচ্ছা হয়, দেশে ফিরে যাও। আর যদি শহীদের গৌরবজনক মৃত্যু কাম্য হয় তবে আমার সঙ্গে এসো।’ বলা বাহ্যিক, সঙ্গীগণও উৎসাহিত হয়ে আবদুল্লাহর

অনুসরণ করলেন। পথে সাঁআদ বিন আবি ওকাস ও ওৎবার উট হারিয়ে গেলে তাঁরা উটের সঙ্গানে প্রবৃত্ত হলেন। আবদুল্লাহ অবশিষ্ট ছয় সঙ্গীকে নিয়ে এগিয়ে চললেন নাখলায় দিকে।

নাখলায় পৌছে ওঁরা দেখতে পেলেন, কুরাইশের এক স্কুদ বণিকদল এগিয়ে আসছে। এই দলে রয়েছে আমার বিন হাজরামী, হাকাম বিন কাইসান, ওসমান বিন আবদুল্লাহ প্রভৃতি কুরাইশ। ঐতিহাসিকগণ বলেন, এই সময় আবদুল্লাহর সঙ্গী ওয়াকিদ বিন আবদুল্লাহ নামক একজন মুসলমান হাজরামীকে লক্ষ্য করে তীর ছুঁড়লেন। এতে হাজরামী নিহত হলে অপর দু'জন কুরাইশ বণিককে বন্ধী করে কাফেলার সমস্ত বাণিজ্য সঞ্চার নিয়ে তাঁরা মদীনায় ফিরে এলেন।

রাসূলুল্লাহ (সা.) দু'জন বন্দী ও বাণিজ্য সঞ্চার দেখে ও ঘটনার সব কথা শুনে অত্যন্ত অসন্তুষ্ট হলেন। তিনি আবদুল্লাহকে ভর্তসনা করে বললেন, আমি তো তোমাদেরকে যুদ্ধ অথবা লুঠন করতে পাঠাইনি। তোমরা এ অন্যায় আচরণ কেন করলে? উপস্থিত সাহাবাগণও তাদেরকে তিরক্ষার করতে লাগলেন। সব শুনে আবদুল্লাহ ও তাঁর সঙ্গীগণের অনুত্তাপের অবধি রইলো না। তাঁদের মনে হতে লাগলো যে, এ পাপের জন্য তাঁরা নিচ্ছয়ই খুঁস হয়ে যাবেন।

উট অব্রেষ্মণর দু'জন মুসলমানকে কুরাইশের বন্দী করে থাকবে, এই আশংকায় বন্দী দু'জনকে তখনই মুক্তি দেয়া হয়নি। যে দু'জন কুরাইশকে বন্দী করে মদীনায় আনা হয়েছে, পারম্পরিক বন্দী বিনিময়ের ভিত্তিতেই তাদেরকে মুক্তি দেয়া হবে। কিন্তু উট সঙ্কান্ত দু'জন মুসলমান নির্বিঘ্নে মদীনায় ফিরে আসার পর কুরাইশ বন্দী দু'জনকে মকায় ফিরে যাওয়ার অনুমতি দেয়া হলো। ওসমান মুক্তি লাভ করে মকায় ফিরে গেলেন। কিন্তু হাকাম গেলেন না। তিনি বললেন, অনিচ্ছাসন্ত্রে একদিন রাসূল (সা.)-এর সংসর্গ থেকে আমি মুক্তি লাভ করেছি। দুনিয়ার রাজমুকুটের বিনিময়েও এ দাসত্ব গৌরব বিক্রি করতে আমি সম্মত নই। পরবর্তীতে বির মাউনার যুদ্ধে হাকাম ইসলামের জন্য যুদ্ধ করতে শহীদ হয়েছিলেন বলে জানা যায়।

### বদরের যুদ্ধ

দ্বিতীয় হিজরীর রমজান মাসের শুরুতেই রাসূলুল্লাহ (সা.) খবর পেলেন যে, কুরাইশের এক বাণিজ্য কাফেলা বহু মালসামান ও অস্ত্রশস্ত্রসহ আবু সুফিয়ানের নেতৃত্বে সিরিয়া থেকে মকার দিকে এগিয়ে যাচ্ছে। এই বাণিজ্যলক্ষ অর্থ ও অস্ত্রশস্ত্র যে মদীনার মুসলমানদের বিরুদ্ধেই নিয়োজিত হবে, এ সন্দেহের যথেষ্ট অবকাশ আছে। কুরাইশের যুদ্ধ প্রস্তুতির সংবাদ তো আগে থেকেই তাঁর জানা ছিল। কুরাইশের যে বাণিজ্য কাফেলা আবু সুফিয়ানের নেতৃত্বে এগিয়ে আসছে,

তাতেও কমবেশী ৪০ জন লোক রয়েছে।

রাস্তুল্লাহ (সা.) মুহাজির ও আনসারদের ডেকে আবু সুফিয়ানের কাফেলার কথা বললেন এবং সেই কাফেলার প্রতিরোধের অভিযানও ব্যক্ত করলেন। ওদিকে আবু সুফিয়ান রাসূল (সা.)-এর প্রস্তুতির সংবাদ পেয়ে দ্রুত লোক পাঠিয়ে মক্কাবাসীদের জানিয়ে দিলো যে, কাফেলা মুহাম্মদের (সা.) অনুসারীদের দ্বারা আক্রান্ত হওয়ার আশংকা দেখা দিয়েছে। সুতরাং তোমরা স্টেনে মদীনার দিকে অগ্রসর হও।

এ অবস্থায় রমজান মাসের ৮ তারিখ রাস্তুল্লাহ (সা.) মুহাজির ও আনসারদের নিয়ে আবু সুফিয়ানের কাফেলার গতিরোধের জন্য মদীনা থেকে নির্গত হলেন। কোন যুদ্ধের অভিজ্ঞতা রাস্তুল্লাহ (সা.)-এর ছিল না। সুতরাং প্রস্তুতিও ছিল গতানুগতিক। সন্তুরটি উট ও তিনশো বারো জন মুহাজির ও আনসার ছিল তাঁর সঙ্গে।

রাস্তুল্লাহ (সা.) মদীনা পেছনে রেখে জুল হানিফার দিকে অগ্রসর হলেন। তারপর বিরহ হয়ে সাধারণ চলাচলের পথ ডাইনে রেখে সাফরা এসে উপস্থিত হলেন এবং এখান থেকেই আবু সুফিয়ানের অনুসন্ধানের জন্য কতিপয় সাহাবাকে রওয়ানা করিয়ে দিলেন বদর অভিযুক্তে এবং তিনি স্বয়ং কিছু সাহাবাকে সঙ্গে নিয়ে সাফরার ডান দিকে ওয়াদিয়ে ফারানে এসে যাত্রা বিরতি করলেন। এখানেই সংবাদ পাওয়া গেলো যে, কুরাইশেরা মদীনা আক্রমণের জন্য দ্রুত এগিয়ে আসছে।

রাসূল (সা.) এইবার মুহাজির ও আনসারদের এক সভা ডেকে তাঁদের পরামর্শ চাইলেন, যুদ্ধে তাদের মতামত কি? মুহাজিরগণ জানালেন যে, রাসূলের যে কোন আদেশ আনন্দের সঙ্গে তাঁরা পালন করতে আগ্রহী। তারপর আল্লাহর রাসূল আনসারদের কাছে তাঁদের মত জিজ্ঞাসা করলেন।

সাঁ'দ ইবনে মা'আজ আনসারদের মধ্য থেকে উঠে দাঁড়িয়ে বললেন, 'হে আল্লাহর রাসূল, আমরা তো আপনার হাতে 'বায়অত' (আজ্ঞাবিক্রয়) করেছি। আপনি যদি আমাদেরকে সমুদ্দে যেতে বলেন, তবে আমরা আপনার নির্দেশে সমুদ্দে ঝাঁপ দিবো। আল্লাহর নামে আমাদেরকে আপনি চালিত করুন। আমরা আপনার সঙ্গ ছাড়বার পাত্র নই।' রাস্তুল্লাহ (সা.) সন্তুষ্ট হয়ে বললেন, 'পরম শক্তিমান আল্লাহ আমাকে বিজয়ের সংবাদ দিয়েছেন।'

অতঃপর রাস্তুল্লাহ (সা.) ওয়াদিয়ে ফারান থেকে বদর এলাকায় পৌঁছে আলী ইবনে আবু তালিব, জুবাইর ও সাঁ'দ-এর সঙ্গে কতিপয় সাহাবাকে সংবাদ সংগ্রহের জন্য পাঠালেন। তাঁরা দু'টি বালককে সঙ্গে নিয়ে নিজ ঘাটিতে ফিরে এলেন। রাস্তুল্লাহ (সা.) তখন নামাজ পড়ছিলেন। বালক দু'টি জানালো যে, তাঁরা কুরাইশের জন্য পানি সংগ্রহে নিয়োজিত। বালক দু'টির কথা অবিশ্বাস করে রাসূল নিয়োজিত সাহাবাগণ তাদেরকে প্রহার করতে লাগলেন। রাসূল (সা.) নামাজ শেষ করে

তাদের প্রহার করতে নিষেধ করে বালক দু'টিকে জিজ্ঞাসা করলেন, সত্য বল,  
কুরাইশরা কোথায়? বালক দু'টি বললো, ওই পাহাড়ের ওধারে। তারা রোজ  
একদিন দশটি ও পরদিন নয়টি উট জবাই করে ভোজন করে। ওরা সংখ্যায় নয়শো  
থেকে হাজার হবে।

বসীস ও উদী নামক দু'জন সাহাবাকে সাফরা পৌছার আগেই সংবাদ আনার জন্য  
পাঠানো হয়েছিল। তাঁরা একটু আগে পৌছে বললেন, আমরা এক কৃপের কাছে  
উটকে পানি পান করাতে গিয়ে দু'টি নারীকে শুলাম, পরম্পর বলাবলি করছে যে,  
আজ-কালের মধ্যেই সিরিয়ার কাফেলা এসে যাবে, তাদের জন্য খাদ্য রাখা করে  
রাখতে হয়। আমরা আবু সুফিয়ান সম্পর্কে এতটুকু জেনে এসেছি, সে এখানেই  
আসবে। সংবাদ সংগ্রহকারী সাহাবাগণ চলে আসার একটু পরেই সেখানে আবু  
সুফিয়ান তার কাফেলা নিয়ে এসে উপস্থিত হলো এবং উপস্থিত লোকদের জিজ্ঞাসা  
করলো, কাউকে তারা এখানে আসতে যেতে দেখেছে কি না?

তারা দু'জন উষ্ট্ররোহীর কথা বললো। ইতিমধ্যে মক্কার কুরাইশ বাহিনীর  
লোকজনও সেখানে এসে গেছে। আবু সুফিয়ান বললো, কেন, আমি তো অক্ষত  
রয়েছি। আমি এখন দেখে আসি। আবু জেহেল বললো, আমরা কিন্তু যাবো না।  
বদরে তিনদিন অবস্থান করে হেসে-খেলে, খেয়ে-দেয়ে তারপর ফিরবো। আবু  
সুফিয়ানের সঙ্গে কুরাইশের বনু উদী ও বনু জোহরার লোকজনও মক্কায় ফিরে  
গেলো।

রাসূলুল্লাহ (সা.) কিন্তু আগেই বদরে এসে এক কৃপের নিকটবর্তী স্থানে অবস্থান  
গ্রহণ করলেন। একজন সাহাবী বললেন, আল্লাহর অসীম করুণা। যুদ্ধ হলে এই  
কৃপ আমাদের খুব কাজে আসবে। একটি গর্ত খুড়ে এখনি পানি সংগ্রহ করে রাখা  
যাক। রাসূলুল্লাহ (সা.) সন্তুষ্ট চিন্তে সাহাবীর কথা সমর্থন করলেন। যথাসময়ে গর্ত  
খোড়া হলে তাতে পানি ভর্তি করে রাখা হলো। কলসী-কুজোগুলোও জলে পরিপূর্ণ  
করে রাখা হলো।

ততক্ষণে আবু জেহেল মুসলমান পক্ষে কতজন লোক আছে তা দেখার জন্য  
সংবাদ সংগ্রাহক পাঠালেন। সংবাদ সংগ্রাহক কুরাইশ দলে গিয়ে বললো, ওরা  
তিনশোর সামান্য কিছু বেশী হবে এবং ওদের মধ্যে দু'জন মাত্র ঘোড় সওয়ার।  
মক্কার কুরাইশরা এই খবর পেয়ে উৎসাহের সঙ্গে যুদ্ধের জন্য প্রস্তুতি গ্রহণ  
করলো।

এদিকে রাসূলুল্লাহ (সা.) তাঁর লোকদেরকে কুরাইশদের আক্রমণ প্রতিহত করে  
তাঁদের উপর ঝাঁপিয়ে পড়ার জন্য প্রস্তুত থাকতে বললেন। এইভাবে সকল প্রস্তুতি  
সম্পন্ন করে তিনি তাঁর জন্য তৈরি এক তাঁরু প্রবেশ করলেন এবং বিশ্ব জগতের  
সার্বভৌম প্রভুর সামনে প্রণত হলেন।

অন্ত সংজ্ঞিত তিন শুণ কুরাইশের সঙ্গে নিরত্ন মুসলমানদের যুদ্ধ। আকুল হয়ে প্রার্থনায় নিমগ্ন হলে রাসূলুল্লাহ (সা.)। বললেন, ‘হে আল্লাহ! বিশ্বাসীদের এই দলটিকে যদি তুমি ধ্রংস করে দাও, তাহলে পৃথিবীতে তোমার সামনে প্রণত (অনুগত) হওয়ার কেউ থাকবে না।’

রাসূল (সা.)-এর প্রার্থনা ক্রমে উচ্চ থেকে উচ্চতর এবং গভীর হতে গভীরতর হতে লাগলো। তার কাঁধ হতে খসে পড়লো তাঁর উপরীয়। মহাআর আবুবকর (রা.) রাসূল (সা.)-এর সঙ্গে তাঁবুতে রয়েছেন। তিনি অধীর হয়ে বললেন, ‘হে রাসূল, ক্ষত হোন, প্রার্থনা আপনার ব্যর্থ যাবে না।’

রাসূলুল্লাহ (সা.)-এর এই প্রার্থনা কেন? রাসূল (সা.) কি জানেন না যে, আল্লাহ সব দেখছেন সব তিনি জানেন? জানেন বলেই প্রার্থনা। ক্ষমতা আল্লাহর হাতে বলেই প্রার্থনা। মানবাদ্বা তার আকৃতি প্রকাশ করছে সকল ক্ষমতার উৎস প্রভুর সমীক্ষে। তাঁরই ইচ্ছায় আইন ও বিধি হয়ে নিয়ন্ত্রণ করছে বিশ্ব সংসার। আকাশ-পৃথিবীসহ সব তাঁর। সর্বময় কর্তৃত্ব ও আইন তাঁর হাতে বলেই যথেচ্ছাচার নয়। তাই রাসূল (সা.) ও বলতে পারেন না যে, আল্লাহর ইচ্ছার বিশ্ব প্রকৃতির বিধানের সকল শর্ত রাসূল (সা.) পূরণ করতে পারছেন কি নাঃ তাই, শুটিকয় নিরত্ন মুসলমান আল্লাহর নীতিকে ধারণ করে যুদ্ধক্ষেত্রে অবতীর্ণ। তারা বস্তু জগতের আইনের শর্তগুলো যথাসাধ্য পূরণ করেও আধ্যাত্মিক আইনের সাহায্য প্রত্যাশী।

বস্তু জগতকে পরিবেষ্টন করে বিরাজ করছে আধ্যাত্ম জগত। বস্তু জগতের অপূর্ণতা পরিপূরিত করতে পারেন, ক্ষমতার একমাত্র অধিকারী রহমানুর রহীম আল্লাহ। দয়া ও করুণা তাঁরই বিধান। রাসূল (সা.) তাঁর আদ্বার আকৃতি সেই ন্যায়পরায়ন সর্বময় ক্ষমতার মালিক ও করণাময় আল্লাহর কাছেই প্রার্থনা করে নিবেদন করছেন।

সতর্কতার সঙ্গে জাগতিক আইনের শর্তগুলো সাধ্যমত পূরণ করেই প্রার্থনা করতে হয়। তখনই সে প্রার্থনা বস্তু জগতের স্তর ভেদ করে অধ্যাত্ম জগতের স্তর স্পর্শ করতে পারে। তখনই কেবল আল্লাহ রহমানুর রহীম তাঁর আধ্যাত্ম জগতের নিয়ম-কানুন অনুযায়ী বস্তু বিশ্বের আয়োজনের ন্যূনতম তাঁর আনুগত দাসদেরকে পূরণ করে দিতে ইচ্ছুক হন। প্রার্থনার সার্থকতা এখানেই।

মনে রাখা আবশ্যক যে, সকল প্রকার আইন ও নির্দেশের মালিক আল্লাহর সঙ্গে যোগাযোগ রক্ষা করার উপায় সালাত বা নামাজের অব্যবহিত নীচের শুরুটিই প্রার্থনা। মানুষের অসম্পূর্ণ ও ত্রিপ্যুক্ত কর্মের সফলতার উদ্দেশ্যেই প্রার্থনা করতে হয় এবং আল্লাহ তাঁর দয়া শুণেই তা করুল করেন।

রাসূল (সা.)-এর প্রার্থনা আল্লাহ করুল করেছেন। সিজদা থেকে মাথা তুলে রাসূলুল্লাহ (সা.) আবুবকরকে (রা.) বললেন, ‘শুভ সংবাদ, আনন্দিত হও, বিজয় নিশ্চিত।’

ওদিকে কুরাইশ দলে মহা কোলাহল। কেউ আত্মপ্রশংসামূলক গান করছে। কেউ অহঙ্কারে চীৎকার করছে, কেউবা ক্রোধে মাটিতে পদাঘাত করছে। আর সকলে মিলে ইসলামের, মুসলমানের ও মুহাম্মদের কৃৎসা গাইছে ও অকথ্য ভাষ্যায় গালাগাল করছে।

এমন সময় কুরাইশ দলপতির আদেশে ওমের বিন আহর নামক এক ব্যক্তি মুসলমানদের সমরায়োজন নির্ণয়ের জন্য অশ্঵ারোহণে একটু ঘুরে এসে বললো, ওপক্ষে লোক যে মাত্র তিনশোর মতো তা আগেই জানা গেছে। এখন দেখলাম, এক তরবারি ছাড়া অপর কোন অন্ত তাদের সঙ্গে নেই। তবে এই তিনশো লোককেই এতো দৃঢ়চিত্ত ও অটল বলে মনে হলো যে, তিনশোকে খতম করতে হলে আমাদের অন্তত: তিনশো লোককে প্রাণ দিতে হবে। ওমেরের কথা শুনে হাকাম ইবনে হিজাম নামক একজন দূরদৃষ্টি কুরাইশের চৈতন্যাদয় হলো। সে তখন দাঁড়িয়ে এক নাতিদীর্ঘ ভাষণে সকলকে বোঝানোর চেষ্টা করলো যে, যুদ্ধে প্রবৃত্ত হওয়ার কোন প্রয়োজন নেই। তিনশো প্রাণ বলি দিয়ে জয়লাভের সার্থকতা কোথায়? ভাষণ শেষে তিনি কুরাইশ দলপতি ওৎবার কাছে গিয়ে নিজের মনোভাব ব্যক্ত করে বললেন, দেখুন ধনেজনে আপনি কুরাইশের একজন বরেণ্য ব্যক্তি। আপনি একটু দৃঢ়তা অবলম্বন করলে এই অপ্রয়োজনীয় সমস্যা থেকে স্বজাতিকে বাঁচাতে পারেন। আপনার নাম স্বজাতির কাহিনীতে অমর হয়ে থাকবে।

ওৎবা বললেন, আমি প্রস্তুত। হাজরামির শোণিত পণ, তা-ও না হয় আমিই পরিশোধ করে দেবো। কিন্তু হানজালিয়ার পুত্র (আবু জেহেল)-কে কি করে নিবৃত্ত করিঃ? চেষ্টা করে দেখ তাঁকে রাজি করতে পার কি না?

হাকাম আবু জেহেলের কাছে গিয়ে নিজের ও ওৎবার মতামত ব্যক্ত করলো। শুনে তেলে-বেগনে জুলে উঠলো আবু জেহেল এবং বললো, ভীরু, কাপুরুষ, কুরাইশের কলঙ্ক, আজ যুদ্ধের নামে ভীত হয়ে প্রাণরক্ষার বাহানা খুঁজছো। বুঝেছি, ওৎবার পুত্র মুহাম্মদের (সা.) দলভুক্ত, সেও রণাঙ্গণে উপস্থিত তারাই নিহত হওয়ার আশংকায় নরাধম ওৎবা এমন বিচলিত হয়ে পড়েছে। ধিক, শত ধিক, তাকে।

আবু জেহেলের কথা শুনে ওৎবা ক্রোধে, অভিমানে বলে উঠলো, কি! আমি পুত্রের প্রাণের আশায় বীর ধর্মে জলাঞ্জলি দিচ্ছি! আচ্ছা আরব দেখুক, কে বীর আর কে কাপুরুষ!

এমন সময় আবু জেহেলের প্ররোচনায় হাজরামীর ভাই গায়ে ধূলা মেখে আর্তনাদ শুরু করে দিলো।

কুরাইশ দলে যুদ্ধের উন্নাদনা ছাড়িয়ে পড়লো। হাজার কঠে ধ্বনিত-প্রতিধ্বনিত হতে লাগলো বীভৎস রণ-চীৎকার।

তখনকার রেওয়াজ অনুযায়ী কুরাইশ পক্ষ থেকে দন্দ-যুদ্ধের জন্য এগিয়ে এলো

তিনজন। অভিমান ক্ষুক ওবা, তার সহোদর শায়বা ও পুত্র ওলীদ। ওরা আস্ফালন করে প্রতিপক্ষকে আহ্বান করতে লাগলো।

সঙ্গে সঙ্গে তলোয়ার হাতে এগিয়ে গেলেন তিনজন আনসার।

ওবা চীৎকার করে বললো, মুহাম্মদ, মদীনার এই চাষাণ্ডলোর সঙ্গে যুদ্ধ করা আমাদের পক্ষে অপমানকর। যোগ্য প্রতিদ্বন্দ্বী পাঠাও।

রাসূল (সা.)-এর ইঙ্গিতে আনসারগণ স্থানে প্রত্যাবর্তন করলে রাসূলুল্লাহ (সা.) পরমাঞ্জীয়দের মধ্যে থেকে হামজা, ওবায়দা ও আলী (রা.)-কে সম্মোধন করে বললেন, তোমরা ওদের মোকাবেলা কর।

তাঁরা এগিয়ে গেলে কুরাইশরা তাদের আক্রমণ করলো। ওলীদের সঙ্গে আলী, শায়বাৰ সঙ্গে হামজা, ওবাৰ সঙ্গে ওবায়দার যুদ্ধ শুরু হয়ে গেলো। কিছুক্ষণের মধ্যেই শায়বা ও ওলীদের শির ভুলুষ্টিত হলো। ওবায়দা সকলের মধ্যে বর্ষায়ান। তিনি ওবাকে জখম করার বিনিময়ে নিজেও শুরুত্বভাবে আহত হয়ে পড়লেন ও কিছুক্ষণের মধ্যেই শাহাদতবরণ করলেন। ওদিকে হামজা ও আলী (রা.) এগিয়ে গিয়ে আহত ওবাকে নিহত করে দিলেন।

ওবা সবৎশে নিহত হওয়ার পরই কুরাইশ সেনাদল সশ্চিলিতভাবে মুসলমানদের আক্রমণ করলো। এতক্ষণ বৈর্যধারণ করার পর মুসলমানগণও রাসূল (সা.)-এর নির্দেশে প্রচণ্ডবেগে তাদের উপর ঝাপিয়ে পড়লো। শুরু হয়ে গেলো দুই দলে তুমুল সংঘাত।

ঈমান ও বিশ্বাসের পরীক্ষা দিয়ে চললেন মুসলমানগণ। ওমর (রা.)-এর তরবারির আঘাতে তাঁর মাতৃলের দেহ দ্বিখণ্ডিত হয়ে পড়লো। পিতা ওবাকে সমরক্ষেতে এগিয়ে আসতে দেখে তাঁর মোকাবেলার জন্য বিচলিত হয়ে উঠেছিলেন পুত্র হজায়ফা, যিনি পরে মুসলমান হয়েছিলেন। এইভাবে সত্যের উপর দৃঢ় বিশ্বাসী সাহাবাগণ আল্লাহর জন্য সকল মায়ার বাঁধন ছিন্ন করে চললেন।

কুরাইশ দলপতিদের কাছে বদর প্রান্তরের এই সমর ছিল মুহাম্মদ (সা.)-এর ইসলামকে সমূলে উৎপাটিত করার সূর্বণ সুযোগ। মুষ্টিমেয় ও নিরন্তর মুহাম্মদ অনুসারীদের বিরুদ্ধে যে তিনগুণ সশস্ত্র যোদ্ধা তারা নিয়ে এসেছে তারা যদি ওদের হাটিয়ে দিতে পারে তবে মদীনা আক্রমণ তাদের জন্য অত্যন্ত সহজ হয়ে পড়বে। কারণ মদীনার মুনাফিক, ইহুদী ও গৌত্তলিকরা তো তাদেরই জন্য অপেক্ষা করে আছে।

সুতরাং, জয়-পরাজয়ের কঠিন সমস্যা এখানে এক পক্ষের কাছে শুরুত্বপূর্ণ অভিত্ত রক্ষা ও অপর পক্ষের জন্য দীর্ঘদিনের প্রতিহিংসা চরিতার্থের প্রশ্ন হয়ে দেখা দিল।

ঐতিহাসিকগণ বদর যুদ্ধের যে বর্ণনা লিপিবদ্ধ করেছেন, তাতে আছে রাসূলুল্লাহ (সা.) তাঁর ক্ষুদ্র তাঁবু থেকে মুসলিম বীরদের পরিচালিত করছেন। তাঁর নির্দেশ

ছাড়া মুসলমানগণ পিছু হটা কিংবা সীমার অধিক এগিয়ে যাওয়া দু'টির একটিও করেনি। কারণ, এ যুদ্ধ কোরআন নির্দেশিত জিহাদ। এতে ক্ষেত্র বা লোভের অবকাশ নেই। ভয়ে পালিয়ে যাওয়ার প্রবৃত্তিও এখানে কাজ করে না। আল্লাহর সন্তুষ্টির জন্য জয় ও আল্লাহরই সন্তুষ্টির জন্যে শহীদ হওয়া ছাড়া অন্য কোন উদ্দেশ্য জিহাদে নেই এবং আল্লাহরই সন্তুষ্টির দিকে নির্মিয়ে থেকে রাসূল (সা.) বা নেতার নির্দেশ মান্য করে চলাই তাদের কর্তব্য।

মুজাহিদ ও আনসার বীরদের তরবারির আঘাতে একটি একটি করে লুটিয়ে পড়ছে কুরাইশের দুর্ধর্ষ দলপতিদের শির। দেখতে দেখতে নিহত হলো ইসলামের অন্যতম প্রধান বৈরী উমাইয়া বিন খলফ। আবু লাহাব যুদ্ধে আসেনি, তার পরিবর্তে এসেছে তার এক প্রতিনিধি, সেও নিহত হলো। আবু সুফিয়ান যুদ্ধক্ষেত্রে উপস্থিত নেই। আছে রাসূলকে (সা.) হত্যা করার মড়যন্ত্রকারীরা তাদেরও এগারো জন খ্যাতনামা কুরাইশ রক্তাঙ্গ হয়ে ধূলায় লুটাচ্ছে। রাসূলল্লাহ (সা.)-এর অন্যতম প্রধান বৈরী আবু জেহেল এখনো অনাহৃত রয়ে গেছে। আবদুর রহমান বিন আউফ বলেন, দু'জন তরুণ যুবককে দেখলাম, অত্যন্ত অনুসন্ধিগ্রসু হয়ে আবু জেহেল সম্পর্কে জানতে চাইছে। কে সেই আবু জেহেল? তারা জিজ্ঞাসা করছে, আবু জেহেলকে তিনি একবার দেখিয়ে দিতে পারেন কি না? আবদুর রহমান তখন যুদ্ধে ব্যাপ্ত। তিনি জিজ্ঞাসা করলেন, আবু জেহেলকে খুঁজছো কেন? যুবকদ্বয় বললো, আল্লাহর নামে প্রতিজ্ঞা করেছি, আবু জেহেলকে পেলে তাকে হত্যা করবো।

আবু জেহেল তখন কুরাইশ সৈন্যদের দ্বারা ব্যুহবেষ্টিত হয়ে তাদের মধ্যস্থলে অবস্থান করছে। প্রধান প্রধান কুরাইশ বীর তার দেহরক্ষী। সতর্কতার এতটুকু ক্রটি নেই। এমন সময় সেই যুবকদ্বয় মা'আজ ও মু'আইজ নামক আত্মুগল মুক্ত তরবারি হাতে সেই ব্যুহের দিকে ধাবিত হলো ও নিমিষে আপত্তি হলো ব্যুহের উপর। ব্যাপার কি, তা বুঝাবার আগেই ওরা একেবারে আবু জেহেলের কাছে এসে উপস্থিতি। আবু জেহেলের পুত্র ইকরামা তখন মা'আজের বাম বাহুতে তলোয়ারের আঘাত হেনে তার গতিরোধ করতে গেলো। কিন্তু মা'আজের সেদিকে লক্ষ্য নেই। ইকরামার প্রতিশোধ না নিয়ে সে সংকল্প সিদ্ধির জন্য অঞ্চসর হলো।

মা'আজের বাম বাহুটি তখন স্কন্দ বিচুত হয়ে চামড়ার উপর ঝুলছে। চলার পথে সেটিকে বিঘ্ন মনে করে মা'আজ চক্ষের নিমিষে দোদুল্য বাহুটিকে পায়ের নিচে চেপে ধরে এমন জোরে বাটকা দিলেন যে, তা দেহ থেকে বিছিন্ন হয়ে পড়ে গেলো। এবার তিনি ক্ষৃতি সহকারে লক্ষ্যের দিকে এগিয়ে গেলেন। মু'আউজ তখন এসে গেছেন। দুই ভায়ের যুগল বাহুর প্রচণ্ড আঘাতে নিমিষেই আবু জেহেলের রক্তরঞ্জিত দেহ ধূলায় গড়াগড়ি যেতে লাগলো। কুরাইশ সৈন্যদল দেখলো, মুসলিম বীরদের সিংহ বিক্রমে আবু জেহেলসহ সত্তর জন কুরাইশ নিহত

হয়েছে। তাদের মধ্যে ওর্বা, শায়বা, আসীস, আবু সুফিয়ানের পুত্র হানজালা প্রভৃতি কুরাইশ প্রধানরা আছে। তাসে ও আতকে সৈন্যদল ছত্রভঙ্গ হয়ে পলায়ন করতে লাগলো।

রাসূলুল্লাহ (সা.)-এর নির্দেশে মুসলমানগণ অস্ত্র চালনা বন্ধ করে দিয়ে পলায়নপর কুরাইশদের মধ্যে সতর জনকে বন্দী করলেন। রাসূলুল্লাহ (সা.) বিশেষ করে বলে দিলেন যে, কুরাইশদের মধ্যে কিছু লোক অনিচ্ছা সত্ত্বেও যুদ্ধে যোগদান করেছে। সুতরাং পশ্চাদ্বাবন করে আর কাউকে আঘাত করা ঠিক হবে না।

তখনকার প্রচলিত নীতি ও দেশাচার অনুসারে বন্দীদেরকে হত্যা অথবা বংশানুক্রমে দাস বানিয়ে রাখা যেতো। অতীতের দুষ্কার্য ও ভবিষ্যতের আশংকার কথা মনে করলে বন্দী কুরাইশদের ধ্রংস করাই যথাযথ বলে মনে হয়। কিন্তু আল্লাহর রাসূল এমন অবস্থায়ও করণা ও দয়াকেই শ্রেষ্ঠ পদ্ধা বলে বিবেচনা করলেন। কারণ, এ যুদ্ধ আল্লাহর জন্য। যতটুকু প্রয়োজন তার অতিরিক্ত কিছু করে আল্লাহর সৃষ্টিকে নষ্ট করা অনুচিত। রাসূলুল্লাহ (সা.)-এর আদেশ হলো, বন্দীদের সঙ্গে যথাসাধ্য সম্বৃদ্ধির করতে হবে।

রাসূলুল্লাহ (সা.) আদেশ যে কি নিষ্ঠার সঙ্গে পালিত হয়েছিল, তা একজন বিদেশী ঐতিহাসিকের উদ্ধৃতি দিয়েই বলা যেতে পারে। একজন বন্দী নিজেই বলেছে, আল্লাহ মদীনাবাসীদের মঙ্গল করুন। তারা আমাদের উটে ও ঘোড়ায় সওয়ার হতে দিতো আর নিজেরা হেঁটে যেতো। আমাদেরকে ময়দার রুটি খাইয়ে, ওরা শুধু খেজুর খেয়ে কাটিয়ে দিতো।

বন্দীদের সম্পর্কে যথাসত্ত্বে সুব্যবস্থা করার পর রাসূল (সা.) নিহত ব্যক্তিদের স্মরণে প্রবৃত্ত হলেন। মুসলমানদের মধ্যে ছয়জন মুহাজির ও আটজন আনসার শহীদ হয়েছিলেন। মুসলমানদের যথাবিধি সমাধিস্থ করা হলো। নিহত কুরাইশদের লাশগুলো ইতস্তত: বিক্ষিপ্তভাবে ময়দানে পড়েছিল, সেগুলোকেও সাহাবারা বয়ে এনে একত্রে একটি কবরে সমাধিস্থ করলেন।

মদীনার পৌত্রলিক ও ইহুদীরা তখন উৎসুক হয়ে মুসলমানদের ধ্রংস সংবাদ শোনবার জন্য অপেক্ষা করছে। তাদের দৃঢ় আশা, মুসলমানগণ এই যুদ্ধে নিদারণভাবে পরাজিত হবে এবং সে সংবাদ পাওয়া মাত্র তারা সম্প্রিতভাবে প্রকাশ্যে বিদ্রোহ করবে। এদিকে আহতদের চিকিৎসা ব্যবস্থা করতে ও কুরাইশদের অন্যান্য জিনিস গুছিয়ে নিতে ব্যস্ত আছেন মুসলমানরা। মদীনাবাসী ভঙ্গগণের উৎকর্ষার কথা তাঁদের মনে হলো।

রাসূল (সা.) তখন কালবিলম্ব না করে আবদুল্লাহ ও জায়েদ নামক দু'জন সাহাবাকে বদরের বিজয় সংবাদ জানাবার জন্য মদীনায় পাঠিয়ে দিলেন।

মদীনায় যখন এ সংবাদ প্রচারিত হলো, তখন মুসলমানগণ রাসূল (সা.)-এর কন্যা

ওসমান (রা.)-এর বিবি রোকাইয়ার সৎকার কার্যে ব্যাপ্ত ছিলেন। কয়েকদিন আগে বদর যাত্রার সময় তিনি পীড়িত ছিলেন বলে ওসমান যুদ্ধে যোগদান করতে পারেননি। যা হোক, বিজয় সংবাদ পাওয়ামাত্র মদীনার মুসলমানদের মধ্যে মহা উৎসব শুরু হয়ে গেলো। তাঁরা দলে দলে আবদুল্লাহ ও জায়েদের মুখ থেকে সে সংবাদ শুনে আল্লাহর নামে জয়ধ্বনি করতে লাগলোন।

ইহুদী, পৌত্রলিক ও মুনাফিকদের কেউ কেউ জায়েদকে রাস্লুল্লাহ (সা.)-এর উচ্চে সওয়ার হয়ে একাকী ফিরে আসতে দেখে প্রকাশ্যে বলে ফেললো যে, মুহাম্মদ শেষ, ওই দেখ তার উট ফিরে আসছে। কিন্তু জায়েদ নগর উপকর্ত্তে পৌছেই উচ্চ কর্ত্তে ঘোষণা করলেন, মুসলমানগণ আনন্দিত হও। সত্যের শক্রদেরকে আল্লাহ সম্পূর্ণরূপে বিধ্বস্ত করেছেন। কুরাইশ দলপতিদের অধিকাংশ নিহত হয়েছে। তাদের অনেক সৈন্য হতাহত। কুরাইশদের বহু রণসঞ্চার ও সাজ-সরঞ্জাম আমাদের হস্তগত হয়েছে। বহু সংখ্যক কুরাইশ বন্দীও মদীনায় প্রেরিত হচ্ছে।

ইহুদী ও পৌত্রলিকদের কাছে এ সংবাদ কল্পনাতীত। ইহুদী সরদার কাঁ'ব ইবনে আশরাফ আত্মসংবরণ করতে না পেরে প্রকাশ্যেই বলে উঠলো, 'তোদের সর্ববাশ হোক, এ-ও কি সত্য! হায়! হায়! কুরাইশরা যে আরবের সন্ত্রাস বৎশ, তারা রাজা! মুহাম্মদ (সা.) যদি ওদের ধ্বংস করে তবে তো আমাদের মরণই শ্রেয়।' মুসলমানগণ ইহুদীদের প্রলাপোক্তির প্রতি ভ্রক্ষেপ না করে বিজয়ের আনন্দ সংবাদ সকলের কাছে বলে যেতে লাগলো।

মুসলমানদের কাছে এ যুদ্ধ আক্রমণের যুদ্ধ ছিল না। এ যুদ্ধ শান্তির সপক্ষে ও শক্রদের বিরুদ্ধে আল্লাহ ও আল্লাহর রাসূলের নির্দেশিত জিহাদ ছাড়া আর কিছু নয়। এ আনন্দ প্রায় অপার্থিব। এর তুলনা নেই।

এ সময়ই কোরআনের কিছু আয়াত নাজিল হয়। আল্লাহ বলেন, এবং আমি অবশ্যই তোমাদেরকে তয় ও ক্ষুধা এবং ধন-প্রাপ্তির ক্ষতি ও ফলশ্যস্যের অভাব দ্বারা পরীক্ষা করবো এবং (হে মুহাম্মদ) সেই সকল ধৈর্যশীলকে সুসংবাদ দাও, যারা বিপদে পড়লে বলে নিশ্চয়ই আমরা আল্লাহর জন্য এবং নিশ্চয় আমরা তাঁরই দিকে ফিরো যাবো। এদেরই উপর তাদের প্রতিপালকের শান্তি ও করুণা এবং এরাই সুপথগামী। (সূরা বাকারা, আয়াত-১৫৫-১৫৭)।

মুসলামন বুবলো, জীবনের পথে চলতে গেলে বিপদ আসবেই। এবং বিপদই পরীক্ষা। আল্লাহ তয়, ক্ষুধা ও ধন প্রাপ্তির ক্ষতি দ্বারাও মানুষকে পরীক্ষা করবেন। সেই পরীক্ষায় তারাই উত্তীর্ণ বলে পণ্য হবে, যারা বলবে, নিশ্চয় আমরা আল্লাহর জন্য ও তাঁর কাছেই আমরা ফিরে যাবো। যারা ধৈর্যের সঙ্গে এমন আজ্ঞাসমর্পণে অবনত হবে তাদের প্রভুর কাছে, তারাই শান্তি পাবে এবং তারাই সুপথগামী।

এইভাবে ধৈর্য ও আল্লাহর প্রতি আত্মসমর্পণের মধ্যেই শান্তি ও সুপথের নির্দেশ

দেয়া হয়েছে।

বদর যুদ্ধে যে-কজন সাহাবা নিহত হয়েছেন এবং ইতিপূর্বে নিজেদের উপার্জন থেকে অভাবগ্রস্তদেরকে জাকাত দেয়ার যে নির্দেশে দেয়া হয়েছে এবং এক মাস পর্যন্ত দিনে অভুক্ত থাকার জন্য যে নির্দেশ এসেছে, সেগুলো আল্লাহর আনুগত্যে পূর্ণ আত্মসমর্পণের মাধ্যমে ধৈর্যের সঙ্গে মেনে নিতে হবে। তাহলে সমাজে শান্তি আসবে এবং সুপথের চিহ্নও রয়েছে এগুলোর মধ্যেই।

কুরাইশ বন্দীদের নিয়ে মুসলমানগণ মদীনা ফিরে এলেন। আল্লাহ বন্দীদের ব্যাপারে ব্যবস্থা গ্রহণের দায়িত্ব মুসলমানদের উপর ছেড়ে দিলে রাসূলল্লাহ (সা.) সাহাবাদের ডেকে তাঁদের মতামত জানতে চাইলেন। আবু বকর (রা.) বললেন, হে রাসূল (সা.), এরা সকলেই আমাদের আত্মীয়স্বজন। আমার মতে, কিছু কিছু অর্থ নিয়ে এদের মুক্তি দেয়া উচিত। তাছাড়া, অল্লাদিনের মধ্যে এদের ইসলাম গ্রহণও সম্ভব।

এবার রাসূল (সা.) ওমরের মত জানতে চাইলেন। ওমর (রা.) বিনীতিভাবে বললেন, হে আল্লাহর রাসূল (সা.), আমি আবু বকরের সঙ্গে একমত হতে পারছি না। এরা ইসলামের চির শক্তি। আল্লাহর রাসূলকে (সা.) হত্যা করার সংকল্প এরাই করেছিল। আল্লাহর সত্যকে দুনিয়া থেকে মুছে ফেলতে যথাসাধ্য চেষ্টাও এরাই করেছে। সুতরাং এদেরকে হত্যা করে ফেলা উচিত। আর প্রত্যেক মুসলমান তরবারি হাতে নিয়ে নিজের হাতে নিজের আত্মীয়দের প্রাণ বিনাশ করুক, এই আমার অভিমত।

রাসূল (সা.) লক্ষ্য করলেন যে, আবু বকরই সাহাবাগণের সাধারণ মতের প্রতিক্রিয়া করছেন। তাই রাসূলল্লাহ (সা.) ওমরের (রা.) মতামত অগ্রহ্য করে আবু বকরের (রা.) অভিমত অনুসারে মুক্তিপণ গ্রহণের সিদ্ধান্তেই উপনীত হলেন।

ঐতিহাসিকদের অভিমত এই যে, বদর যুদ্ধের বন্দীদের মুক্তিপণ ছিল এক হাজার থেকে চার হাজার দিরহাম পর্যন্ত। তাছাড়া, বন্দীদের মধ্যে যারা লেখাপড়া জানতো, মদীনার দশজন বালককে লেখাপড়া শিখিয়ে দেয়া তাদের মুক্তিপণ হিসাবে নির্ধারিত হলো।

বন্দীদের মধ্যে ছিলেন রাসূল (সা.)-এর চাচা আবরাস। তিনি বললেন, হে মুহাম্মদ, তুমি কি চাও, তোমার চাচা তার মুক্তিপণের জন্য মানুষের কাছে হাত পাতুক়ুৎ জবাবে রাসূলল্লাহ (সা.) বললেন, কেন? আপনি আসার সময় ফজলের হাতে যে অর্থ দিয়ে এসেছেন, তাই দিয়ে মুক্তিপণ পরিশোধ করে দিন।

আবরাস ভাবলেন, মুহাম্মদ এ খবর জানলো কি করো? একজন কুসংস্করাচ্ছন্ন কুরাইশ সর্দারের কাছে মুহাম্মদের রাসূল হওয়ার অবশ্যই প্রমাণ তো সাধারণত: এমনই হবে। আবরাসের নিচিত বিশ্বাস হলো যে, আমার ভাতুল্পুত্র অবশ্যই আল্লাহর রাসূল। তাই আর বিলম্ব না করে আবরাস রাসূলল্লাহ (সা.)-এর দিকে হাত বাড়িয়ে

ইসলাম প্রহণ করলেন। সকল দিধা অপসারিত হয়ে ঈমানের সূর্যোদয় হলো আবাসের জীবনে।

আবুল ওজ্জা নামক এক বন্দী এসে রাসূল (সা.)কে বললো, মুহাম্মদ, তুমি জান যে, মুক্তিপণ শোধ করার সাধ্য আমার নেই। আমি গরীব, তার উপর আমি কয়টি কন্যার পিতা। আমার প্রতি দয়া কর।

আবুল ওজ্জাসহ আরো কয়েকজন বন্দী অর্থ বিনিময় ছাড়াই মুক্তি লাভ করে স্বাধীনভাবে মক্কা ফিরে গিয়েছিল।

মক্কার কুরাইশরা বদর যুদ্ধের প্রতিশোধ হিসাবে মুহাম্মদ (সা.)কে হত্যা করার ষড়যন্ত্র করতে লাগলো এবং ষড়যন্ত্রের ফলে ওমের ইবনে ওহাব নামক এক দুর্দান্ত কুরাইশকে অবশিষ্ট বন্দী মুক্তির অজুহাতে মদীনায় পাঠাবার সিদ্ধান্ত নিলো।

ওমের মদীনায় প্রবেশ করে মুসলমানদের সমাজ কেন্দ্রের দিকে অগ্রসর হলো। সাহাবাদের নিয়ে রাসূলুল্লাহ (সা.) সেখানেই অবস্থান করছিলেন।

সমাজ কেন্দ্রের দ্বারদেশে গলায় তরবারি বাঁধা ওমেরকে দেখেই সাহাবীরা বলাবলি করতে লাগলো, কুরাইশদের অন্যতম শয়তান দেখি এখানে, ব্যাপার কি?

ওমের (রা.) সেই শয়তানের কঠিন চাউলি দেখেই সকলকে সতর্ক করে দিলেন ও কয়েকজন আনসারকে রাসূলুল্লাহ (সা.)-এর চারদিকে উপবেশন করার আদেশ দিয়ে স্বয়ং রাসূল (সা.)-এর কাছে গিয়ে অবস্থা নিবেদন করলেন। রাসূলুল্লাহ (সা.) মৃদু হেসে বললেন, ‘বেশ, তাকে নিয়ে এসো’।

অনুমতি পেয়ে ওমের (রা.) আগস্তুককে টেনে নিয়ে রাসূলুল্লাহ (সা.)-এর সমীক্ষে উপস্থিত হলে রাসূল (সা.) বললেন, ওমের তাকে ছেড়ে দাও। তারপর ওমেরকে কাছে এসে বসতে বললেন। জিজ্ঞাসা করলেন, ‘ওমের কি মনে করে?’

ওমের জবাব দিলো, হজুর এই বন্দীদের জন্যে আপনি দয়া করুন।

রাসূলুল্লাহ (সা.) বললেন, সে তো খুব ভালো কথা। কিন্তু এই তলোয়ার কেন?

ওমের উত্তরে বললো, তলোয়ারের কপালে আগুন। ওটি আপনার কি ক্ষতি করতে পেরেছে।

রাসূল (সা.) বার বার তাকে সত্য কথা বলতে আদেশ করলেন, কিন্তু সে নানা কথার বাহানায় সত্য গোপন করে গেল। রাসূলুল্লাহ (সা.) তখন মক্কায় বসে যেসব ষড়যন্ত্র তারা করেছে, সেসব বললেন। ওমের যে তাঁকে হত্যা করার অভিধায়ে তরবারিতে তীব্র বিষযুক্ত করে এনেছে মুহাম্মদ (সা.) তাও বললেন।

ওমের অবাক হয়ে ভাবছে, মুহাম্মদ এসব জানলো কি করে?

ওমেরের বিবেক আর আত্মগোপন করতে পারলো না। সে প্রকাশ্যে বলে উঠলো, মুহাম্মদ, পূর্বে তোমার কথায় বিশ্বাস করিনি, সে জন্য এখন অনুতঙ্গ। তুমি সত্যিই আল্লাহর রাসূল। ধন্যবাদ সেই আল্লাহকে তিনি এমন এক দুরভিসংক্রিয় বদৌলতে

আমাকে সত্যের জ্যোতি দর্শন করার সৌভাগ্য দান করলেন।

রাসূলুল্লাহ (সা.) সাহাবাদের সংবাদে করে বললেন, তোমাদের এই ভাইকে ভালো করে কোরআন শিক্ষা দাও।

কিছুদিন পর ওমের রাসূলুল্লাহ (সা.)-এর খেদমেত উপস্থিত হয়ে বললো, হে মহান পুরুষ, আমি আল্লাহর জ্যোতি নিভিয়ে দিতে ও সত্যের সেবকগণকে নির্যাতীত করতে সব চেষ্টাই করেছি। এবং এভাবে যে মহাপাপ সংশয় করেছি, এখন তার প্রায়শিত করতে চাই। আপনি অনুমতি দিন, মকায় গিয়ে আমি ইসলাম প্রচার করি।

রাসূলুল্লাহ (সা.) সানন্দে ওমেরকে অনুমতি দিলে তিনি মকায় ফিরে গিয়ে কুরাইশদের বিশ্বয় উৎপাদন করলেন। ওমেরের প্রাণের বৈরী হয়ে দাঁড়াল কুরাইশ কুল। কিছু তিনি তখন সকল ভয়-ভাবনার অতীত। তিনি ইসলাম প্রচারে নিরত থেকে কতিপয় সর্বনাশ নর-নারীকে ইসলামের শান্তির পথে নিয়ে আসতে সক্ষম হন।

বদর যুদ্ধের পরাজয় মকার সমাজপতি আবু সুফিয়ানকে সাংঘাতিকভাবে মর্মাহত করলো। কুরাইশগণ মকায় ফিরে এলে আরবের সে সময়কার প্রথা মতো আবু সুফিয়ান প্রতিজ্ঞা করলো যে, বদর যুদ্ধের প্রতিশোধ না নেয়া পর্যন্ত সে কোন প্রকার সুগন্ধি ব্যবহার করবে না, স্ত্রীলোকদের নিকটেও যাবে না।

এর কিছুদিন পরেই আবু সুফিয়ান কুরাইশের নির্বাচিত দুইশো ঘোড় সওয়ার নিয়ে মদীনার দিকে ধাবিত হলো। যথা সময়ে মদীনার নিকটবর্তী হয়ে সঙ্গীদের কোন এক জায়গায় লুকিয়ে রেখে কয়েকজন অনুচরসহ রাত্রির অন্ধকারে গা ঢাকা দিয়ে মদীনায় ইহুদী পল্লীর সাল্লাম নামক ধনপতির গৃহে এসে আশ্রয় নিলো। সাল্লাম ইবনে মিশকাম বনু নজীর গোত্রের এক বিশিষ্ট ধনকুবের। ইহুদীরা আগে থেকেই মুসলমানদের নির্মূল করার অভিসংক্ষি নিয়ে এক সাধারণ তহবিল গঠন করেছিল। এই তহবিলটি ছিল সাল্লামেরই জিম্মায়।

ইতোমধ্যেই মদীনার ইহুদীদের সঙ্গে মকার কুরাইশদের চিঠিপত্রের আদান-প্রদান চলছিল। পান ভোজনের পর সাল্লামের সঙ্গে আবু সুফিয়ানের বহু পরামর্শ হলো এবং সাল্লাম থেকে মুসলমানদের সম্পর্কে আবু সুফিয়ান বহু তথ্য সংগ্রহ করে নিয়ে শেষ রাত্রি দিকে সেখান থেকে বিদায় নিল।

[এটুকু লিখার পর কবি মনিরউদ্দীন ইউসুফ রচনাটি আর সম্পন্ন করে যেতে পারেননি।]

ପ୍ରବନ୍ଧ



# নবীপ্রেম

## ঈমানের অবিচ্ছেদ্য অঙ্গ

### মাওলানা মুহিউদ্দীন খান

ক.

ঈমানের সর্বাপেক্ষা জরুরী অনুষঙ্গগুলির একটি হচ্ছে প্রিয়তম নবী হযরত মুহাম্মদ মোস্তাফা ছাল্লাহু আলাইহে ওয়া ছাল্লামের প্রতি সর্বাধিক ভক্তি, শুদ্ধা ও ভালবাসা পোষণ করা। পবিত্র কোরআন ও সুন্নাহর পথ-নির্দেশনা অনুযায়ী নিজের জান-মাল, সন্তান-সন্ততি ও পরিবার-পরিজনসহ দুনিয়ার সবকিছুর চাইতে বেশি ভালবাসা প্রিয়তম নবীর (সা.) প্রতি পোষণ করতে হবে। যদি কেউ দুর্ভাগ্যক্রমে নবী করীম (সা.) এর প্রতি এই পর্যায়ের ভক্তি ও ভালবাসা পোষণ করতে ব্যর্থ হয় তবে তার ঈমান কিছুতেই পূর্ণতা লাভ করতে পারে না।

ঈমানের পূর্ণতা অর্জনের জন্য নবী করীমের (সা.) প্রতি দুনিয়ার সবকিছুর চাইতে বেশি ভালবাসা পোষণ করা নিষ্ঠোক্ত হাদীস শরীফটি দ্বারা ইমামগণ ফরয সাব্যস্ত করেছেন।

ইমাম বুখারীর (রা.) বর্ণনা : আবদুল্লাহ ইবনে হেশাম (রা.) নামক একজন সাহাবী বলেন, আমরা একদা হযরত নবী করীম (সা.)-এর মজলিসে বসা ছিলাম। তিনি পবিত্র হাতে হযরত ওমরের (রা.) একখানা হাত ধারণ করে ছিলেন। ওমর (রা.) বলছিলেন : ইয়া রাসূলুল্লাহ (সা.)! নিঃসন্দেহে আমার নিকট আপনি আমার প্রাণটুকু ছাড়া আর সবকিছুর চাইতে অধিক প্রিয়। (প্রাণটুকুর কথা বলতে পারি না। কেননা সেরূপ কোন পরীক্ষার সম্মুখীন আমি এখনও হইনি)।

নবী করীম (সা.) বললেন, না। আল্লাহর কসম! যার কুদরতি হাতে আমার প্রাণ রয়েছে; যে পর্যন্ত আমি তোমার নিকট তোমার প্রাপ্তের চাইতেও বেশি প্রিয় বিবেচিত না হই। পবিত্র হাতের শ্পর্শ কিছুক্ষণ অব্যাহত থাকার পর হযরত ওমরের (রা.) অনুভূতি আরও একটু তীক্ষ্ণতর হলো। স্বতঃকৃতভাবেই তখন তাঁর মুখ থেকে বের হয়ে এলো, হ্যাঁ, এখন বলতে পারি, আল্লাহর কসম, আপনি আমার প্রাপ্তের চাইতেও অধিক প্রিয়! হযরত ওমরের (রা.) এই ঝীকারেক্তি শুনে নবী করীম (সা.) এরশাদ করলেন, হ্যাঁ, এতক্ষণে তুমি ঠিক স্থানে পৌছে গেছ হে ওমর!

বুখারী শরীফের ভাষ্যকার আল্লামা আইনী (রাহ.) হাদীসখানার ব্যাখ্যায় বলেন, নবী

করীম (সা.) তাঁর সর্বাধিক প্রিয় একজন সাহাবী হয়রত ওমরকে (রা.) লক্ষ্য করে বললেন, সে পর্যন্ত তোমার ঈমান পূর্ণতা প্রাপ্ত হবে না, যে পর্যন্ত আমি তোমার নিকট নিজের জীবনটুকুর চাইতেও বেশি প্রিয় বিবেচিত না হব। (ওমদাতুল-কারী)।

নবী করীম (সা.) হয়রত ওমরকে (রা.) লক্ষ্য করে যে মন্তব্য করলেন, অর্থাৎ ‘এতক্ষণে তোমার ঈমান পূর্ণতা প্রাপ্ত হয়েছে’ এর দ্বারাই নবীর (সা.) প্রতি সর্বাধিক ভালবাসা পোষণ ঈমানের পূর্ণতা লাভের শর্তরূপে প্রমাণিত হয়।

খ.

পিতা এবং সন্তানের চাইতেও হয়রত নবী করীমকে (সা.) বেশি ভালবাসতে হবে। সাহাবী হয়রত আবু হুয়ায়রার (রা.) বর্ণনা : নবী করীম (সা.) এরশাদ করেছেন, সেই পরম সন্তার কসম, যার কুন্দরতি হাতে আমার জীবন, তোমাদের কেউ সে পর্যন্ত মুমিন হতে পারবে না যে পর্যন্ত না আমি তার কাছে তার পিতা ও সন্তানের চাইতে বেশি প্রিয় বিবেচিত হই। (বুখারী শরীফ ১ম খণ্ড)।

হাদীস ব্যাখ্যাকারণগ বলেন যে, স্তুলদৃষ্টিতে এখানে একটি প্রশ্ন দেখা দিতে পারে যে, আরবী ‘ওয়ালেদ’ অর্থ যেহেতু পিতা সুতরাং মাতাও ঠিক এই হকুমের আওতায় আসবে কিনা? অর্থাৎ রাসূলুল্লাহর (সা.) প্রতি ভালবাসাকে শুধুমাত্র পিতার প্রতি ভালবাসার ওপর স্থান দিতে হবে না যায়ের প্রতি মমতাও এ হকুমের অন্তর্ভুক্ত হতে হবে? অপরদিকে হাদীসের শব্দ ওয়ালাদ দ্বারা শুধুই কি পুত্র সন্তান বুঝাবে, না কি কন্যা সন্তানও অন্তর্ভুক্ত হবে?

এ প্রসঙ্গে বিখ্যাত ব্যাখ্যাঘৃত ফতুহল বারীর অভিমত হচ্ছে, ওয়ালেদ শব্দটি এক অর্থে যেহেতু জনক বা জন্মদানকারী বুঝায়, সুতরাং এর দ্বারা জনক-জননী উভয়কেই বুঝাতে হবে। একই সঙ্গে ওয়ালাদ অর্থে শুধু পুত্র সন্তান নয় পুত্র-কন্যা এবং নিতান্ত আপনজন সবাইকে বুঝাতে হবে। মোটকথা, নিজের রক্তসম্পর্কীয় বা নিতান্ত আপনজন বলতে যাদেরকে বুঝায় তাদের সবার চাইতে বেশি ভালবাসা হয়রত নবী করীমের (সা.) জন্য থাকতে হবে। (ফতুহল বারী ১ম খণ্ড)।

গ.

নবী প্রেমকে জান-মাল-আল-আওলাদ প্রভৃতি সবকিছু থেকে বেশি মর্যাদায় আল্লাহপাক মুমিনগণের উপর ফরজ করেছেন। নিম্নোক্ত হাদীসটি এর প্রমাণ। সাহাবী হয়রত আনাস (রা.) বর্ণনা করেন, কোন বান্দাই সে পর্যন্ত মুমিন হতে পারবে না যে পর্যন্ত না তার দৃষ্টিতে আমি তার ধন-সম্পদ, পরিবার-পরিজনসহ দুনিয়ার সবকিছুর চাইতে অধিক প্রিয় না হই। (মুসলিম শরীফ ১ম খণ্ড)।

ঘ.

প্রিয়তম নবীকে (সা.) সৃষ্টির সবকিছুর থেকে বেশি ভাল না বাসা বিপদের কারণ হয়ে থাকে।

নিজের পিতা-মাতা, ভাই-বোন, শ্রী-পুত্র-কন্যা, ধন-সম্পদ, বাড়ী-ঘর, এবং দুনিয়ার অন্যান্য সরকিছুর থেকে বেশি ভালবাসতে না পারলে তা মুসলমানদের উপর কঠিন বিপদের কারণ হয়ে দাঁড়াতে পারে। পবিত্র কোরআনে আল্লাহ জাল্লা শান্তুর স্পষ্ট ঘোষণা : ওদের বলে দিন, যদি তোমাদের পিতা-মাতা, সন্তান-সন্তুতি, ভাই-বোন, শ্রী-কন্যা, পরিবার-পরিজন, ধন-সম্পদ যা অর্জন করেছ এবং ব্যবসা-বাণিজ্য যা মন্দি কবলিত হয় কিনা এরূপ আশংকা সবসময় তোমরা উদ্বিগ্ন থাক অথবা মনোরম বাসস্থান যেগুলিতে শান্তিতে বসবাস কর এসব যদি আল্লাহ, তাঁর রাসূল ও আল্লাহ তায়ালার নির্দেশিত পথে জেহাদ করা থেকে বেশি প্রিয় বিবেচিত হয় তবে অপেক্ষা করতে থাক আল্লাহ তায়ালার সেই চরম নির্দেশের জন্য। মনে রেখো, আল্লাহ পাক কখনও ফাসেক পাপাচারীদের কোন অবস্থাতেই পছন্দ করেন না। (সূরা তওবা -২৪)।

উপর্যুক্ত আয়াতের তফসীরে ইমাম ইবনে কাসীর (রাহ.) লেখেন : উল্লিখিত বস্তুনিচয়ের প্রতি আকর্ষণ যদি আল্লাহ, আল্লাহর রাসূল ও জেহাদের চাইতে বেশি অন্তর্ভুক্ত হয় তবে এ আকর্ষণের কারণে দুনিয়া ও আখ্রেরাত এ উভয় জাহানেই তোমাদের উপর কঠিন আজাবের ফয়সালা হতে পারে এবং তা ভোগ করার জন্য অবশ্যই তোমাদিকে অপেক্ষা করতে হবে। (মুখতাহার ইবনে কাসীর, ২য় পৃষ্ঠা)।

এ আয়াতে আজাবের যে সতর্কবাণী উচ্চারণ করা হয়েছে সে সম্পর্কে তাফসীরবিদ মোজাহেদ (রাহ.) বলেন, এ অপরাধে দুনিয়া ও আখ্রেরাত উভয় জাহানেই আজাবে পতিত হওয়ার নিশ্চিত সংভাবনার কথা বলা হয়েছে। (তাফসীরে কুরতুবী ৮ম খণ্ড)।

আল্লামা যমখশরী (রাহ.) লিখেছেন, এটি একটি নিতান্ত ভীতি উদ্বেককারী আয়াত। এর চাইতে ভীতিকর সতর্কবাণী পবিত্র কোরআনের অন্য কোথাও খুঁজে পাবে না। (তাফসীরে কাশশাফ ২য় খণ্ড)।

ইমাম কুরতুবী (রাহ.) লিখেছেন : এই পবিত্র আয়াতটি আল্লাহ এবং আল্লাহর রাসূল (সা.)-এর প্রতি ভালবাসা ফরয হওয়া প্রমাণ করে। আর এই ভালবাসা দুনিয়ার সকল কিছুর চাইতে অধিক হওয়া শর্ত। (তাফসীরে কুরতুবী ৮ম খণ্ড)।

আয়াতের উপর্যুক্ত ব্যাখ্যাসমূহ একথাও প্রমাণ করে যে, যেখানে আল্লাহ তায়ালার আনুগত্য, আল্লাহর রাসূলের প্রতি ভালবাসা এবং আল্লাহ তায়ালার নির্দেশিত পথে জেহাদের ডাক আছে, সেখানে জোন-মালসহ সকল প্রিয় বস্তুকে তুচ্ছজ্ঞান করে সে ডাকে সাড়া দেয়া প্রত্যেক মুসলমানের উপর ফরজ।

#### ৪.

নবী করীম (সা.) আমাদের সর্বাধিক প্রীতি-ভালবাসার পাত্র। তাঁর প্রতি শর্তহীন আনুগত্য আমাদের উপর ফরজ করা হয়েছে। একমাত্র তাঁর প্রতি আবেগপূর্ণ আনুগত্য ও প্রীতি-ভালবাসাই দুনিয়াতে শান্তি এবং আখ্রেরাতের মুক্তি ও সাফল্যের

চাবিকাঠি । হ্যরত নবী করীমের (সা.) পবিত্র সন্তা কোন অবস্থাতেই মানুষের প্রীতি-ভালবাসার মুখাপেক্ষী নয় । কেননা স্বয়ং সৃষ্টি ও পালনকর্তা মহান আল্লাহ পাক তাঁকে স্বীয় হাবীব বা পরম ভালবাসার পাত্রেরপে ঘোষণা করেছেন । শুধু তাই নয়, প্রিয়তম নবীকে (সা.) ভালবাসার ফলশ্রুতিতেই বান্দার জন্য আল্লাহ তায়ালার করণ্ণা প্রাপ্তি সুনিশ্চিত হতে পারে । পবিত্র কোরআনে আল্লাহ পাক ঘোষণা করেছেন : হে প্রিয় রাসূল! আপনি বলে দিন, যদি তোমরা আল্লাহকে ভালবাসতে চাও তবে আমার অনুসরণ কর । স্বয়ং আল্লাহপাক তোমাদেরকে ভালবাসবেন । আর তোমদের পাপরাশি ক্ষমা করবেন । আল্লাহ সর্বাপেক্ষা বড় ক্ষমাশীল, পরম দয়ালু । (সুরা আলে ইমরান-৩১) ।

নবী করীম (সা.)-এর প্রতি আনুগত্য, প্রীতি-ভালবাসা আল্লাহ তায়ালার করণ্ণা লাভ এবং পাপ মোচন ও দুনিয়া আবেদনের নিরাপত্তা ও শান্তি সুনিশ্চিত করার সর্বোত্তম মাধ্যম । তা ছাড়া নবীপ্রেমের মাধ্যমেই কেবল অর্জন করা যায় জাগতিক, আধ্যাত্মিক, ইহলৌকিক ও পারলৌকিক এমন সব নেয়ামতরাশি যা বর্ণনারও অস্তিত । তন্মধ্যে কয়েকটি দিকের সংক্ষিপ্ত আলোচনা দ্বারা বিবরণ অনুধাবন করা যেতে পারে ।

## ক.

ঈমানের স্বাদ এবং প্রকৃত অনুভূতি নবীপ্রেমের মাধ্যমেই অর্জিত হতে পারে । ঈমানের স্বাদ বলতে বোঝানো হয় আল্লাহ তায়ালার নির্দেশ পালন ও অনুসরণের স্বাদ ও পরম ত্রুটিবোধ । ধীনের জন্য যে কোন ত্যাগ স্বীকার এবং কষ্ট সহ্য করা এবং যে কোন প্রিয় বস্তুর তুলনায় অধিক কাম্য মনে করাও ঈমানের স্বাদেরই অস্তুর্কুল ।

ঈমানের স্বাদ অনুভব করা সম্পর্কে হ্যরত নবী করীমের (সা.) ইরশাদ : যার মধ্যে তিনটি আলামত পাওয়া যায় সেই কেবল মাত্র ঈমানের স্বাদ অনুভব করতে সক্ষম হবে ।

- (১) আল্লাহ এবং আল্লাহর রাসূল তার নিকট সর্বাধিক প্রিয় বিবেচিত হবে ।
- (২) অন্য কাউকে ভালবাসতে হলে কেবলমাত্র আল্লাহর সন্তুষ্টি অর্জনের লক্ষ্যই ভালবাসবে ।
- (৩) কুফুরীর দিকে প্রত্যাবর্তনকে এই রূপ না পছন্দ করবে, যেরূপ জুলন্ত আগনে নিষ্কিপ্ত হওয়াকে মানুষ অপছন্দ করে থাকে । (বুখারী, মুসলিম) ।

## খ.

প্রকৃত নবী-প্রেমিকগণ পরজীবনে তাঁর সাথেই অবস্থান করবেন । সাহাবী হ্যরত আনাস ইবনে মালেকের (রা.) বর্ণনা : একদা এক ব্যক্তি রাসূল (সা.)-এর নিকট হাজির হয়ে জিজ্ঞেস করলেন, ইয়া রাসূলাল্লাহ (সা.)! কেয়ামত কবে সংঘটিত হবে?

আল্লাহর রাসূল (সা.) বললেন, তুমি কেয়ামতের জন্য কি প্রস্তুতি গ্রহণ করেছ? তিনি জবাব দিলেন: আমার প্রস্তুতি কেবলমাত্র আল্লাহ এবং আল্লাহর রাসূল (সা.)-এর প্রতি ভালবাস।

এ কথা শুনে নবী করীম (সা.) বললেন : যাকে তুমি ভালবাস তার সাথে তুমি অবশ্যই থাকবে। বর্ণাকরী হ্যরত আনাস (রা.) বলেন, নবী করীমের (সা.) এই কথা শুনে আমরা যে রূপ আনন্দিত হয়েছিলাম, এরূপ আনন্দ জীবনে আর কখনও পাইনি।

আনাস (রা.) বলেন, আমি আল্লাহপাক, তাঁর রাসূল (সা.) তৎসহ আবু বকর (রা.) ও ওমর (রা.)কে আন্তরিকভাবেই ভালবাসি। যদিও শেষোক্ত দু'জনের আমলের তুল্য আমল আমি করতে পারি না তবুও আশা করি আধেরাতে তাঁদের সান্নিধ্যে থাকার সুযোগ লাভ করতে পারব। (মুসলিম শরীফ)

অন্য এক হাদীসে রয়েছে, হ্যরত আবদুল্লাহ ইবনে মাসউদ বর্ণনা করেন, এক ব্যক্তি হ্যরত নবী করীম (সা.)-এর খেদমতে হাজির হয়ে আরজ করলেন : ঐ ব্যক্তি সম্পর্কে আপনি কি বলেন, যে কোন দলকে মনেপ্রাণে ভালবাসে কিন্তু সে ব্যক্তি ঐ পরিমাণ নেক আমল করতে পারে না যে পরিমাণ নেক আমল ঐ দলের লোকেরা করে থাকে।

রাসূল (সা.) এরশাদ করলেন, সে ব্যক্তি ওদের সাথেই থাকবে, যাদেরকে সে মহবত করতো। (বুখারী ও মুসলিম)।

এখানে ‘তাদের সাথে থাকবে’ অর্থ জানাতে তাদের সাথে একত্রে বাস করবে। (ওমদাতুল-কারী)।

গ.

নবীপ্রেম ঈমানের অবিচ্ছেদ্য অঙ্গ। আলেমগণ পবিত্র কোরআন-সুন্নাহর আলোকে নবীপ্রেমের আলামত বর্ণনা করতে গিয়ে বলেন, নবীপ্রেমের সর্বপ্রথম আলামত হচ্ছে, প্রতিটি সুন্নাতের প্রতি যথাযথ শুরুত্ব প্রদান করা। সুন্নাত প্রতিষ্ঠায় সাধ্যমত চেষ্টা-চরিত্র করা, নবী করীম (সা.)-এর প্রতি নাজিলকৃত শরীয়তের আনুগত্য ও প্রতিষ্ঠায় সার্বক্ষণিকভাবে নিয়োজিত থাকা। সর্বোপরি এরূপ একটি মনোভাব পোষণ করা যে, প্রিয় নবীজীর (সা.) যুগে যদি আমরা থাকতাম তবে সাহাবায়ে কেরামের মতই জান-মাল উৎসর্গ করে তাঁর আনুগত্য করতাম। (কাফী আয়ায (রাহ.), শরহে নবী)

প্রখ্যাত হাদীস তত্ত্ববিদ হাফেজ ইবনে হাজার মক্কী (রাহ.) বলেন, নবীপ্রেমের একটি প্রকৃষ্ট আলামত হচ্ছে, নিজের জান-মাল এবং সব ধরনের সহায়-সম্পদের বিনিয়য়েও যদি তাঁর দীদার নসীর হয় তবুও দীদারকেই অঘাতিকার দিয়ে বাকি সব কিছুকে তুচ্ছ জ্ঞান করা। যদি এরূপ তীব্র আকাঙ্ক্ষা সৃষ্টি না হয় তাহলে বুঝতে হবে সংশ্লিষ্ট ব্যক্তির নবীপ্রেমের দাবী নিতাত্তই অর্থহীন। উপরত্ব সুন্নাতের পাবনি,

প্রতিটি সুন্নাতের প্রতি যথাযথ গুরুত্ব প্রদান, শরীয়তের অনুসরণ, শরীয়ত বিরোধিতা মোকাবেলা করার জন্য সার্বক্ষণিক প্রস্তুতি, সৎকর্মে উৎসাহ প্রদান এবং অন্যায় - অনাচার প্রতিহত করার মানসিকতা অর্জনও নবীপ্রেমের আলামতের অন্তর্ভুক্ত । (ফতহুল বারী ১ম খণ্ড) ।

আল্লামা বদরুল্দীন আইনী (রাই.) বলেন, উত্তমরূপে বুঝতে চেষ্টা কর যে, নবীপ্রেমের সারকথা - মনেপ্রাণে তাঁর অনুসরণ করা এবং নাফরমানি ত্যাগ করার সংকল্পের মধ্যেই নিহিত । আর এটা ইসলামী বিধি-বিধানের অত্যাবশ্যকীয় করণীয় বিষয়ের অন্তর্ভুক্ত । (ওমদাতুল কারী ১ম খণ্ড) ।

উপর্যুক্ত বক্তব্যসমূহের আলোকে মোটামুটিভাবে আমরা নিশ্চিত হতে পারি যে, নবীপ্রেমের প্রকাশ্য আলামতসমূহ হচ্ছে :

- (১) প্রিয়তম নবীর (সা.) দীর্ঘ এবং সাম্রাজ্য লাভের তীব্র আকাঙ্ক্ষা ।
- (২) প্রিয় নবীজীর উদ্দেশ্যে জান-মাল উৎসর্গ করার সার্বক্ষণিক প্রস্তুতি ।
- (৩) নবী করীম (সা.)-এর নির্দেশাবলী পালন এবং যেসব বিষয় নিষেধ করেছেন সেসব বিষয় থেকে সচেতনভাবে বিরত থাকা ।
- (৪) প্রতিটি সুন্নাতের অনুসরণ এবং তাঁর প্রতি নাযিলকৃত শরীয়ত প্রতিষ্ঠায় সার্বক্ষণিক প্রয়াস অব্যাহত রাখা ।

যেসব লোকের মধ্যে উপর্যুক্ত আলামতগুলি বিদ্যমান তাদের উচিত আল্লাহপাকের শুকরিয়া আদায় করা যে, তিনি অনুগ্রহ করে তাঁর প্রিয় হাবীবের প্রেম ভালবাসা ও আনুগাত্যের প্রেরণা তার অন্তরে স্থাপন করেছেন । উপরন্তু সে ব্যক্তির কর্তব্য হচ্ছে, সর্বসময় আল্লাহর নিকট এ জন্য দোয়া করতে থাকা যেন এই নেয়ামত তার মধ্যে স্থায়ী হয় । অপরদিকে নবীপ্রেমের আলোচ্য আলামতসমূহের মধ্যে যদি আংশিকও কারো মধ্যে না থাকে তবে হাশরের হিসাব-নিকাশের সম্মুখীন হওয়ার আগেই তার নিজের হিসাব করে নেওয়া কর্তব্য । ভেবে দেখা উচিত যে, অন্তরে কপটতার আবর্জনা জমিয়ে রেখে মিছেমিছি নিজেকে মুমিনরূপে জাহির করছে কিনা । প্রকৃত প্রস্তাবে ওরা একাধারে মুমিন-মুসলমানদের এবং তৎসহ খোদ আল্লাহর সাথে প্রতারণা করছে । পরিত্র কোরআনের ভাষায়, যারা আল্লাহর সাথে প্রতারণা করার চেষ্টা করে তারা প্রকৃত প্রস্তাবে আত্মপ্রতারণার শিকার হয় ।

আল্লাহপাক বলেন, এসব কপট লোক আল্লাহপাক এবং ঈমানদারগণের সাথে প্রতারণা করতে চায় । প্রকৃত প্রস্তাবে তারা নিজেদেরকেই প্রতারিত করে থাকে । কিন্তু ওরা তা বুঝতে চেষ্টা করে না । (সূরা বাকারা) ।

---

লেখক : প্রখ্যাত আলেমে দ্বীন, আন্তর্জাতিক ইসলামী ব্যক্তিত্ব এবং মাসিক মদীনা পত্রিকার সম্পাদক ।

# হাদীসে রাসূল (সা.)-এর আলোকে বিজ্ঞান

## ড: এম. শমশের আলী

মহান আল্লাহ তায়ালা মহানবী হযরত মুহাম্মদ (সা.)-কে প্রেরণ করেন মানবজাতির পথ-প্রদর্শক হিসেবে। তাঁর নিকট নাজিল করা হয় আল্লাহর পবিত্র গ্রন্থ আল কোরআন, যা সমগ্র মানব জাতির জন্য অনুসরণীয় একটি জীবনাদর্শ। আধুনিক জীবনে বৈজ্ঞানিক জিজ্ঞাসা ও তৎপরতা মানুষের কৃষ্টির একটি অপরিহার্য অঙ্গ হয়ে দাঁড়িয়েছে। তাই অনেকের মনে প্রশ্ন জাগে— পবিত্র কোরআন এবং হাদীসে যেহেতু মানুষের জীবন পদ্ধতির সুনির্দিষ্ট দিক-নির্দেশনা দেয়া হয়েছে, তাই এ দু'টি সূত্রে জ্ঞান-বিজ্ঞানের প্রতিও ইঙ্গিত থাকার কথা। হ্যাঁ, ইঙ্গিত আছে এবং আছে খুব জোরালোভাবে। পবিত্র কোরআনের ৬৬৬টি আয়াতের মধ্যে প্রায় সাড়ে সাতশ' আয়াতই বিজ্ঞান ও প্রযুক্তি সংক্রান্ত। লোকেরা এই আয়াতগুলো খুব একটা শোনেনও না, বোঝেনও না। যারা ধর্মীয় ওয়াজ করেন, তারাও এসব আয়াতের কথা তেমন বলেন না। এর একটা কারণও রয়েছে— আমাদের দেশে যারা কোরআন তেলাওয়াত করেন তাদের অনেকেই মানে বোঝেন না, আর যারা মানে বোঝেন তাদের অধিকাংশের সাথেই বিজ্ঞান ও প্রযুক্তি শিক্ষার সম্পর্ক খুব কম। এসব চিন্তা করেই সম্পত্তি Scientific Indications in the Holy Quran শীর্ষক একটি গ্রন্থ ইসলামিক ফাউন্ডেশন কর্তৃক প্রকাশিত হয়েছে। হাদীসেও যে বিজ্ঞানের প্রতি ইঙ্গিত আছে এখন সে কথাও জনসাধারণকে ভাল করে জানান দরকার। আল্লাহর রাসূল হজরত মুহাম্মদ (সা.) কোন বিশ্ববিদ্যালয়, কলেজ বা এমনকি কোন স্কুলেও পাঠ করেননি। তাহলে তিনি বিজ্ঞানের প্রতি ইঙ্গিত দিলেন কেমন করে? এখানে একটা কথা মনে রাখতে হবে যে, আমরা অনুশীলনের মাধ্যমে যে জ্ঞান সংগ্রহ করি, তা হচ্ছে Derived knowledge বা সংগৃহীত জ্ঞান। কিন্তু আমাদের নবীজীর জ্ঞান ছিল Revealed knowledge অর্থাৎ নাজেলকৃত জ্ঞান। স্বয়ং আল্লাহই ছিলেন তাঁর শিক্ষক। সূরা নাজমে বলা হয়েছে যে, নবীজী কোন মনগড়া কথা বলতেন না, তাঁর প্রতি প্রত্যাদেশ হয়েছিল ওহী, আল্লাহ তাঁকে শিক্ষাদান করেছিলেন শক্তিশালী জিবরাইল (আ:)-এর মারফৎ। আল্লাহ যেখানে নিজেই নবীজীকে শিক্ষা দিয়েছেন, সেখানে নবীজীর উক্তিগুলো যে বিজ্ঞানসম্বন্ধ হবে তাতে আর সন্দেহ কোথায়? নবীজী যেসব কাজ করতে বলেছেন এবং যেসব কাজ করতে নিষেধ করেছেন সেগুলো একটু খুঁটিয়ে দেখলেই বুবা যায় যে, সেগুলো সত্যিই বিজ্ঞানসম্বন্ধ। নবীজীর জ্ঞান যে সুদূরপ্রসারী এবং সর্বকালের জন্য প্রযোজ্য ছিল, তা কয়েকটি হাদীসের বিশ্লেষণ করলেই বোবা

যায়।

আবু হুরায়রা (রা.) থেকে বর্ণিত একটি হাদীসে আছে : একদিন এক ব্যক্তি নবী করীম (সা.)-এর কাছে এসে বললেন, ‘হে আল্লাহর রাসূল! আমার একটি কালো সন্তান হয়েছে’। এই ব্যক্তি স্বত্বাবতই কালো রঙয়ের সন্তান আশা করেননি। নবীজী তাকে জিজ্ঞেস করলেন ভিন্নতর এক প্রশ্ন : ‘তোমার উট আছে?’ লোকটি উত্তর দিলেন : ‘জী আছে।’ ‘উটগুলোর রং কি?’ নবীজী আবারও জিজ্ঞেস করলেন। লোকটি উত্তর দিলেন : ‘লাল রঙয়ের।’ নবীজীর পরের প্রশ্ন : ‘সব লাল রঙয়ের, একটাও কি ধূসুর বর্ণের নেই?’ এবার লোকটি উত্তর দিলেন : ‘হ্যা, হ্যা, একটা ধূসুর বর্ণের উট আছে বটে।’ এবার নবীজী লোকটিকে প্রশ্ন করলেন : ‘অনেক লাল উটের মধ্যে হঠাতে ধূসুর উট আসলো কেমন করে?’ লোকটি উত্তর দিলেন : ‘একটি গুণ বৈশিষ্ট্য এই ধূসুর রঙটিকে টেনে বের করে এনেছে।’ এবার নবীজী বুঝিয়ে দিলেন : ‘তোমার সন্তানের কালো রঙটি টেনে বের করে এনেছে একটি গুণ বৈশিষ্ট্য।’ প্রসঙ্গত উল্লেখযোগ্য যে, এই গুণ বৈশিষ্ট্য Genetics বা বংশগতি বিজ্ঞানের ভাষায় বলা হয় Hidden trait। ভাবতে অবাক লাগে যে, আজ থেকে ‘চৌদশ’ বছর আগে এ হাদীসে নবীজী যে প্রসঙ্গটি অবতারণা করেছিলেন তা ছিল Recessive Genes বা সুগুণ Genes-এর কথা যা Genetecist-রা জানতে পেরেছেন অনেক পরে। প্রসঙ্গত উল্লেখযোগ্য যে, মানব দেহের বিভিন্ন Traits বা বৈশিষ্ট্যের জন্য এক বা একাধিক Genes দায়ী। Gene হচ্ছে জীবকোষের মধ্যে অবস্থিত DNA বা Dideoxy ribo Nucleic Acid নামক যে Master molecule of life বা বংশগতির নীল নকশা নির্ধারক যে অণু রয়েছে, তার অংশবিশেষ, যা বিশেষ কয়েকটি Chemical components দিয়ে তৈরি। বংশ পরাণুক্রমে এই Gene-গুলো এক প্রজন্ম থেকে আরেক প্রজন্মে Transmitted বা প্রবাহিত হয় প্রজন্ম কোষের মারফৎ। যেসব বাবা-মা’র চোখ কালো তাদের সন্তানের চোখ কালো হবে— সেটাই স্বাভাবিক। এ ক্ষেত্রে কালো চোখের জন্য যে Gene-গুলো দায়ী, সেগুলো সন্তানের মধ্যে সরাসরি প্রকাশিত হয়— এগুলোকে বলা হ্যায় Dominant। এখন বংশগতির কোন এক পর্যায়ে কোন এক পূর্বপুরুষের চোখ যদি নীল থেকে থাকে, তবে সেই নীল চোখের জন্য দায়ী Gene-গুলো সরাসরি প্রকাশিত না হয়ে বেশ কয়েক Generation ধরে Hidden বা সুগুণ থাকতে পারে এবং হঠাতে কালো চোখওয়ালা বাবা এবং কালো চোখওয়ালা মা’র সন্তানের মধ্যে সেই পূর্ব-পুরুষের নীল চোখের জন্য দায়ী Gene-গুলো যেগুলো এতকাল Recessives বা সুগুণ ছিল, সেগুলো যদি হঠাতে করে প্রকাশ পায় তবে বাবা-মা’র চোখ কাল হওয়া সত্ত্বেও সন্তানের চোখ নীল হতে পারে এবং তা মাঝে মাঝে হতেও দেখা যায়। বাবা-মা’র গায়ের রঙ সাদা হওয়া সত্ত্বেও সন্তানের রঙ কালো

হতে পারে এবং সেটি ঠিক এই কারণেই। ভাবতে অবাক লাগে যে, Dominant Genes এবং Recessives Genes-গুলো আমরা ভাল করে জানতে পেরেছি এই মাত্র সেদিন, আর আমাদের মহাজ্ঞানী নবী (সা.) সেগুলোর প্রতি ইঙ্গিত দিয়েছেন কত শত বছর আগে। নবীর (সা.) হাদীসটিতে আরো একটি বিষয় লক্ষণীয়, তা হচ্ছে— উটের বৈশিষ্ট্যের সাথে মানুষের বৈশিষ্ট্য তুলনা করেছেন তিনি। অর্থাৎ তিনি বোঝাতে চেয়েছেন যে, Laws of heredity অর্থাৎ বংশগতির নিয়ম-কানুন জীবজন্তু ও মানুষের বেলায় Similar বা সদৃশ এবং এটাই আধুনিক বংশগতিরও কথা।

এবাবে পরিবেশ সংক্রান্ত একটি হাদীসের আলোচনা করা যাক। আজকের বিশ্বে পরিবেশ একটি বহুল আলোচিত বিষয়। কিছুদিন আগে Brazil-এর Rio de genero-তে অনুষ্ঠিত হয়ে গেল বিশ্ব পরিবেশ সম্মেলন। এর পরপরই সারা বিশ্ব জুড়ে পরিবেশ সংক্রান্ত সচেতনতা সৃষ্টি হচ্ছে। বাংলাদেশ সরকার, বিভিন্ন সংস্থা, বিভিন্ন ক্লাব পরিবেশের বিভিন্ন দিক নিয়ে কথা বলেছেন। চারদিকে গাছ লাগাবার একটি হিড়িক লক্ষ্য করা যায়। এই হিড়িক একটি শৰ্ত পদক্ষেপ, অবশ্য যদি গাছ লাগাবার ব্যাপারটা এলোপাথাড়ি না হয়ে সুপরিকল্পিত হয় এবং ব্যাপারটিকে Monitor করা হয়। কোনখানে গাছ বাঁচল না, কোনখানে আবার লাগাতে হবে—সেসব দিকে দৃষ্টি দিতে হবে। প্রসঙ্গত উল্লেখযোগ্য, গাছের অস্তিত্বের সাথে আমাদের ও অন্যান্য প্রাণীর অস্তিত্ব ওতপ্রোতভাবে জড়িত। আমরা কার্বনডাই অক্সাইড ছাড়ি, বাতাস থেকে অক্সিজেন গ্রহণ করি। গাছ কার্বনডাই অক্সাইড গ্রহণ করে এবং রাসায়নিক প্রক্রিয়ায় অক্সিজেন ছাড়ে। আমরা যদি বেশী মাত্রায় গাছ কেটে ফেলি এবং তা জ্বালাই, তাহলে একদিকে যেমন আমাদের এবং যানবাহন, কল-কারখানা থেকে নির্গত কার্বনডাই অক্সাইড গ্রহণ করবার মত পর্যাপ্ত গাছ রইল না, অন্যদিকে কাঠ পুড়াবার ফলে বাতাসে অতিরিক্ত কার্বনডাই অক্সাইড সংযোজন করলাম। অর্থাৎ বাতাসে কার্বনডাই অক্সাইড Build-up বা পুঁজীভূত হতে থাকল। এ কথা সুবিদিত যে, বাতাসে কার্বনডাই অক্সাইড, Water vapour, Nitrous oxide, Methane ইত্যাদি গ্যাসের মাত্রা বেড়ে গেলে ভূপৃষ্ঠে যে সৌরতাপ এসে পড়ে তা পৃথিবীর বায়ুমণ্ডলেই আটকা পড়ে যায় অধিক মাত্রায়। এ প্রক্রিয়াকে বলা হয় Green house effect। এই তাপমাত্রা বাড়ার ঘটনাকে বলা হয় Global warming। তাপমাত্রা বাড়লে বরফ গলবে বেশি। সমুদ্রপৃষ্ঠের উচ্চতা বাড়বে, সমুদ্র উপকূলবর্তী দেশগুলো তলিয়ে যাবে— এ এক তয়াবহ পরিণতি। এসব কথা ভেবেই সবদিকে গাছ লাগানোর দিকে সর্বাধিক শুরুত্ব আরোপ করা হচ্ছে। বেশি গাছ থাকলে বাতাসে কার্বনডাই অক্সাইড-এর মাত্রা কমবে। তাছাড়া গাছ মাটিকে আঁকড়ে রাখে। নদীর তীরে গাছ থাকলে Soil erosion বা ভূমি ধ্বস হয় না।

গাছের সাথে পরিবেশ সংরক্ষণ ও বন্যার প্রকোপ ইত্যাদি গভীরভাবে সম্পৃক্ত।

ভাবতে অবাগ লাগে যে, বাংলাদেশে যেখানে শতকরা ৮৬ ভাগেরও বেশি জনসাধারণ মুসলমান, সেখানে গাছ লাগানোর প্রেরণা তো অনেক আগেই আসা উচিত ছিল হাদীস থেকে। গাছ লাগানোর প্রতি নবীজী (সা.) অত্যধিক শুরুত্ব আরোপ করেছেন। হযরত আয়েশা (রা.) থেকে বর্ণিত একটি হাদীস অনুযায়ী নবীজী (সা.) বলেছেন : ‘যদি নিশ্চিতভাবে জান যে, রোজ কিয়ামত এসে গেছে তথাপি তোমার হাতে যদি একটি গাছের চারা থাকে তা লাগান যায় তবে সেই চারা লাগাবে।’<sup>#</sup>

আমরা সবাই জানি যে, রোজ কিয়ামত কখন হবে সে জ্ঞান আল্লাহ কাউকে দেননি। রোজ কিয়ামত যখন হবে তখন গর্ভবতী উষ্টীর গর্ভও প্রত্যাখ্যান হবে— তখন কে কার কথা ভাববে? দৌড়াদৌড়ি, ছুটোছুটি শুরু হয়ে যাবে— এ অবস্থাতে চারা লাগাতে যাবে কে? অথচ এ অবস্থাতেও চারা লাগাতে বলা হয়েছে। এই হাদীসটির মারফত নবীজী (সা.) বৃক্ষরোপণের প্রতি যে অসাধারণ শুরুত্বারোপ করেছেন, তার তুলনা হয় না। হাদীস অনুসরণ করতে হবে— এ কথা মনে করেও ধর্মপ্রাণ সাধারণ মুসলমানরা যদি গাছ লাগাতে শুরু করে এবং শুরু করা উচিতও, তবে তা হবে দেশের জন্য একটি শুভ পদক্ষেপ।

জ্ঞান-বিজ্ঞান সংক্রান্ত অনেক হাদীস রয়েছে। সবগুলো আলোচনা করা বেশ সময়সাপেক্ষ। এবারকার সৈদে মিলাদুন্নবী (সা.) উপলক্ষে দেশবাসীর প্রতি একটি কথাই বলার আছে, তা হলো— আপনারা তো অনেক হাদীস মেনে চলেন নবীর (সা.) প্রতি শ্রদ্ধা ও ভালবাসা দেখিয়ে এবং আল্লাহর আদেশ পালন করেই। এখন জ্ঞান-বিজ্ঞান সংক্রান্ত হাদীসগুলো বুরুন, ছেলেপুলেদের বুরুন এবং পালন করুন। একটি শুরুত্বপূর্ণ হাদীস হচ্ছে : ‘জ্ঞানার্জন নর ও নারীর জন্য অবশ্য কর্তব্য।’ এই হাদীস মানলে তো বাংলার ঘরে ঘরে নিরক্ষর লোক খাকবারও কথা নয়। তাই দেশবাসীর প্রতি আমার আকুল আবেদন, আপনারা ঘরের দোরগোড়ায় যেমন দোয়া ইউনুস লিখে রাখেন তেমনি এখন থেকে ঐ দোরগোড়ায় একটি হাদীসটি লিখে রাখবেন: ‘জ্ঞানার্জন প্রত্যেক নর ও নারীর প্রতি অবশ্য কর্তব্য।’ আমাদের জ্ঞান বাড়লে আমরা রাসূল (সা.)-কে ভাল করে বুবাতে পারবো, আল্লাহর মহিমা ভালভাবে বুবাতে পারবো।

---

লেখক: প্রখ্যাত বিজ্ঞানী, প্রাক্তন ভিসি, উন্মুক্ত বিশ্ববিদ্যালয়।

# [আল্লামা আবুল ফয়ল আবদুর রহমান ইবনে আবুবকর [কামালুন্নবী] ইবনে মুহাম্মদ জালালুন্নবী (তুলুনী) আল বুয়াইরী আসমসুযুতী(র.) সংকলিত ‘রিসালা’-গ্রন্থ থেকে গৃহীত।

# ইসলামের দারিদ্র বিমোচন

## ও জনগণের আঙ্গ

### শাহ আবদুল হামান

ইসলাম দারিদ্র বিমোচনে সক্ষম কিনা- এ প্রশ্নের ব্যাপারে তাবতে গেলে একদিকে মনে হয় এ প্রশ্নটি সঠিক নয়। কেননা, ঐতিহাসিক বিচারে যদি আমরা দেখি তাহলে দেখবো, ইসলাম যখন বিস্তার লাভ করে, তার খেলাফতের যখন বিস্তার হয়, তারপর থেকে বিভিন্ন সময়ে সম্পূর্ণভাবে দারিদ্র উৎখাত হয়ে গিয়েছিল। ঐতিহাসিকভাবে দেখা গেছে, এমন সময়ও পার হয়েছে, যখন যাকত নেয়ার লোক ছিল না। যাকত নেয়ার লোক কখন থাকে না! যখন কোনো সমাজে দারিদ্র থাকে না। কিন্তু আজকের পাশ্চাত্য সমাজ কি এ দারী করতে পারবে যে, সাহায্য নেবার কেউ নেই? আমেরিকা কি দারী করতে পারবে, তাদের সমাজে সাহায্য নেবার মত কোন লোক নেই? এ থেকে বোঝা যায়, ইসলামের ইতিহাস অনেক গৌরবোজ্জ্বল আর এ অর্থে সুপরিয়ির, শ্রেষ্ঠ যে সে দারিদ্র দূর করতে সক্ষম হয়েছিল। কিন্তু এ দারী পুরোপুরিভাবে পশ্চিমা বিশ্ব এখনো করতে পারবে না।

এ দিক থেকে বিবেচনা করতে গেলে ‘ইসলাম দারিদ্র বিমোচন করতে সক্ষম কিনা’ এ প্রশ্নটা অযৌক্তিক মনে হয়। কিন্তু এ প্রশ্নটাই মাঝে মধ্যে শুনে থাকি। আবার একদিক থেকে এ প্রশ্নটা সাধারণ মানুষের মধ্যে আসতে পারে। কেননা, তারা বলে- ইসলামে আখেরাতের কথা বলা হয়। ইবাদত, ঈমানের কথা বলা হয়। নামাজ, রোধা, হজ্জের কথা বলা হয়। কিছুটা যাকাতের কথা বলা হয়। তাহলে এখানে দারিদ্র বিমোচন করার ওপর কিংবা অর্থনীতির ওপর তেমন গুরুত্ব দেয়া হয়েছে বলে তো মনে হয় না। এর থেকে তাদের ধারণা হয়, ইসলামে প্রকৃতপক্ষে দারিদ্র বিমোচনের কোনো কথা বলা হয়নি। কিংবা ইসলামের আলোকে হয়ত বা দারিদ্র দূর করা সম্ভব হবে না।

কিন্তু ঐতিহাসিক যে বিচারের কথা প্রথমেই উল্লেখ করেছি সেটা ছাড়াও তারা এটা ভুলে যায় যে, ইসলাম দুনিয়ার কথা বলেছে। ইসলাম বলেছে, ‘রাক্বানা আতিনা ফিদুনিয়া হাসানা।’ এ কথাও তারা ভুলে যায় যে, কোরআনে সুরাতুল বাকারার ২০১ আয়াতে প্রথমত দুনিয়ার কল্যাণের কথা বলা হয়েছে আখেরাতের কল্যাণের পূর্বে। আবার ইসলামে কাজের কথা বলা হয়েছে। বলা হয়েছে, তোমরা কাজ কর, আমল কর। কিন্তু তোমরা বসে থাকো- এ কথা ইসলাম কোথাও বলেনি। আবার ইসলাম ব্যবসার কথা বলেছে। ইসলাম চুক্তির কথা বলেছে, চুক্তি রক্ষার কথা

বলেছে। বলেছে, সম্পদের ব্যাপক বিতরণের কথা, মানুষের অধিকারের কথা। ইসলামে হকের কথা বলা হয়েছে। ইসলামে ‘হকুল ইবাদ’ অর্থাৎ বান্দার অধিকারের কথা বলা হয়েছে। এগুলোকে যদি আমরা সামনে রাখি তাহলে একথা ভাবার কোনো কারণ নেই যে, ইসলাম শুধু আখেরাতের কথা বলেছে, শুধু ঈমানের কথা বলেছে- এ কথা বলা ঠিক নয়।

তবে আমি একথাও বলব যে, সাধারণ মানুষ বা যারা জানে না, তাদের পুরো দোষও দেয়া যাবে না। কেননা, তারা জুমার খুতবায়, ঈদের খুতবায়, আলেমদের ওয়াজ মাহফিলের আলোচনায় সাধারণভাবে ইসলামের অর্থনীতির কথা শোনে না। তারা ‘মুদারাবা’ নামে যে এক ধরনের বিনিয়োগ পদ্ধতি আছে সেই ‘মুদারাবা’র কথাও শোনেনি। মুদারাবা হলো- এক পক্ষ কাজ করবে, আর এক পক্ষ অর্থ দেবে। আবার তারা ‘মুশারাকা’র কথাও শোনেনি- এটা হলো এক ধরনের শরিকদারী ব্যবসা বা বাণিজ্য বা শিল্প- যাতে শরিকদের পুঁজি একত্র হয়। আবার ‘ইসতিসনা’ বা ম্যানুফেকচারিং কন্ট্রাক্টের (Manufacturing Contract) কথা তারা শোনেনি। যদি বলি আজকের বাংলাদেশের তের কোটি মানুষের মধ্যে কতজন ‘ইসতিসনা’র কথা শুনেছে, তা চিন্তার বিষয় হবে। কারণ এসব কথা তারা খুতবা বা ওয়াজে শোনেনি। ফলে তাদের কি করে দোষ দেয়া যায় যে, কেন তারা এ প্রশ্ন করে, ইসলাম দারিদ্র বিমোচন করতে সক্ষম কিনাঃ।

এ প্রসঙ্গে এখানে এ কথা বলতে হয়, ইসলামের লক্ষ্য হলো জনকল্যাণ। ইসলামের শ্রেষ্ঠ আলেমগণও তাদের পুস্তকাদিতে এ জনকল্যাণের কথা বলেছেন। এদের মধ্যে ইমাম গাজালী, ইমাম শাফেয়ী, ইবনুল কাইয়্যিম-এর কথা উল্লেখ করা যায়। ‘মাকাসিদ আল শরিয়াহ’ বা শরিয়াহর লক্ষ্য হচ্ছে জনকল্যাণ করা। আর জনকল্যাণ কি? জনকল্যাণ হচ্ছে যা কিছু ঈমান বা বিশ্বাসের জন্য কল্যাণকর, যা কিছু জীবন ও অর্থনীতির জন্য কল্যাণকর, যা কিছু বুদ্ধিমত্তার জন্য কল্যাণকর, যা কিছু ভবিষ্যতের বংশধরদের জন্য কল্যাণকর- এর সবগুলো মিলেই হচ্ছে প্রকৃত জনকল্যাণ। আর যা কিছু এসবগুলোকে নষ্ট করে অর্থাৎ জীবনের কল্যাণ, অর্থ বা মালের কল্যাণ এবং যা কিছু ঈমানের কল্যাণের বিরোধী হবে, মানুষের বৃক্ষ-বিবেক নষ্টকারী হবে- সেগুলোকে ‘মাফাসিদ’ বা অকল্যাণ বলে গণ্য করা হবে। (দ্রষ্টব্য : ইমাম গাজালী, আলমুসতাসফা, ১ম খণ্ড, ইবনুল কাইয়্যিম, ই'লাম আল মুয়াক্কিমিন, তৃতীয় খণ্ড)।

আবার সহজ করে বলতে গেলে ইসলামের লক্ষ্য হচ্ছে জনকল্যাণ। আমরা লক্ষ্য করেছি, আধুনিক যুগে যারা ইসলামী অর্থনীতি নিয়ে লিখেছেন, যেমন ড: ওমর চাপরা, ড: ফাহিম খান, ড: মনওয়ার ইকবাল, প্রফেসর খুরশীদ আহমদ, ড: তরীকুল্লাহ খান, ড: নাজাতুল্লাহ সিদ্দীকি, ড: মনজের কাহাফসহ অন্যান্য বড় বড়

ইসলামী অর্থনীতিবিদদের কথা যদি বলি তাহলে দেখব, তারা যে ইসলামী অর্থনীতির দার্শনিক ভিত্তি খাঁড়া করেছেন, তার মধ্যে একটি হচ্ছে আদালত বা জাস্টিস। তারা কোরআন বিশ্লেষণ করে বলছেন, কোরআনে প্রায় একশ' আয়াত আছে যেখানে আদল বা জাস্টিস বা ইনসাফ বা ন্যায়বিচারের কথা বলা হয়েছে। আবার একশ' আয়াত আছে যেখানে জুলুমের বিরুদ্ধে কথা বলা হয়েছে। অর্থাৎ তারা বলতে চাচ্ছেন, মোটামুটি প্রায় দুইশ' আয়াতে ইনসাফ করার কথা বলা হয়েছে।

তারা বলেছেন, ইনসাফ করার মূল তাৎপর্য হচ্ছে মানুষের প্রয়োজনকে মেটাতে হবে। ইংরেজিতে তারা বলছেন : Nad Fulfillment করতে হবে। তার মানে এই দাঁড়ায় যে, ইসলামে শরীয়তের লক্ষ্য হচ্ছে মানুষের কল্যাণ (Welfare)। আবার ইসলামের শরীয়তের যে দর্শন, অর্থনীতির যে দর্শন সেখানেও রয়েছে জাস্টিস। আর জাস্টিসের অন্যতম তাৎপর্য হচ্ছে Nad Fulfillment। জাস্টিসের এ ছাড়াও অনেক তাৎপর্য আছে। কাজেই যে অর্থনীতির দর্শনে রয়েছে Nad Fulfillment বা প্রয়োজন পূরণ করা, সেখানে এটা কি করে বিশ্বাস করা যায় যে, সেই অর্থনীতি দারিদ্র্য বিমোচন করতে সক্ষম হবে না।

এখন প্রশ্ন হলো, ইসলামী অর্থনীতি দারিদ্র্য দূর করার জন্য কি পদ্ধতি গ্রহণ করেছে? কি কৌশল (Strategy) গ্রহণ করেছে। অর্থনীতিতে এভাবেই ইসলাম তার কৌশল ও কর্মপদ্ধতিকে সজিয়েছে যে, মানুষ অর্থনৈতিক স্বাধীনতা ভোগ করবে—তবে এটা হবে শরীয়তের সীমার মধ্যে। সে রোজগার করবে। তার সম্পত্তির ওপর তার অধিকার রয়েছে এবং থাকবে। ইসলামী শরীয়ত মোতাবেক তার যে মালিকানা হয় তা তার থাকবে। সে স্বাধীনভাবেই ব্যবসা-বাণিজ্য এবং শিল্প করতে পারবে। এমনভাবে যদি অর্থনৈতিক কাঠামো গঠন করা যায় বা সাজানো যায়, তাহলে দারিদ্র্য বিমোচন সহজ হবে। তবে কিছুটা সময় তো লাগবেই। এর সবকিছু নির্ভর করে যদি সরকার ইসলামী সরকার হয় কিংবা কমিটিউন হয় এবং জনগণ তা চায়। কিন্তু সরকার যদি ইসলামিক না হয় কিংবা ইসলামের প্রতি কমিটিউন বা আগ্রহী না হয় বা তার প্রতি প্রতিজ্ঞাবদ্ধ বা অঙ্গীকারাবদ্ধ না হয় অথবা জনগণ যদি এ ব্যাপারে আগ্রহী না হয় তাহলে তো ইসলামের কোন কল্যাণকর কর্মসূচীই কার্যকর হবে না।

একজন ব্যক্তি যদি পরাধীন হয়, স্বাধীন না হয়, তাহলে তার মধ্যে প্রতিভাব স্ফূরণ হয় না। সুতরাং যে অর্থনীতি মৌলিকভাবে স্বাধীন নয় সেখানে ব্যক্তির প্রতিভাব স্ফূরণ হবে না, বিকাশ হবে না। সেখানে অর্থনৈতিক উদ্যোগ বেশি হবে না, প্রবৃদ্ধি (Growth) বেশি হবে না। কিন্তু যেহেতু ইসলাম ব্যবসা-বাণিজ্যের ক্ষেত্রে শরীয়ার সীমার মধ্যে মানুষকে স্বাধীনতা দিয়েছে, ফলে তা যদি কার্যকর করা যায় তাহলে

সেখানে ব্যক্তির বিকাশ বা স্ফূরণ হবে। অর্থনীতিরও বিকাশ হবে। যার ফলে স্বাভাবিকভাবেই অধিকাংশ লোক নিজেদের রোজগারের ব্যবস্থা নিজেরা করে নেবে। আর এটাও স্বাভাবিকই যে, যে কোনো অর্থনীতিতে মানুষ নিজেরাই নিজেদের আয়-রোজগারের ব্যবস্থা করে থাকে।

এ কথা সত্য যে, ইসলামী অর্থনীতিতে এমনভাবে স্ট্রাকচার করা হয়েছে যাতে মানুষ নিজেরাই তাদের আয়-রোজগারের ব্যবস্থা করতে পারে। এ প্রসঙ্গটি আমরা একটু পরেই আলোচনা করব। তারপরেও যারা কোনো কারণে রোজগার কিংবা প্রয়োজনীয় আয় করতে পারবে না তাদের দায়িত্ব ইসলামী ব্যবস্থায় পরিবার বা আঞ্চীয়-স্বজনের উপর বর্তাবে। তারাও যদি সে দায়িত্ব পালন করতে না পারে তাহলে সে ব্যক্তি বা ব্যক্তিসমূহের দায়িত্ব পড়বে রাষ্ট্রের ওপর।

ইসলাম যেটাকে ওয়েলফেয়ার স্টেট বা কল্যাণ রাষ্ট্র বলেছে, এর সাথে পাশ্চাত্যের কল্যাণ রাষ্ট্রের মধ্যে একটা পার্থক্য রয়েছে। পাশ্চাত্যে ওয়েলফেয়ার রাষ্ট্র (যেমন সুইডেন) যদি কোনো লোক নিজে তার ব্যবস্থা করতে না পারে তাহলে তার দায়িত্ব রাষ্ট্রের ওপর চলে যায়। এর ফলে একটা খারাপ দিক দেখা দেয়, তা হলো রাষ্ট্রের ওপর বোৰা বেড়ে যায়। আর রাষ্ট্রের ওপর যদি বোৰা বেড়ে যায় তাহলে রাষ্ট্রকে সেটা মোকাবিলা করার জন্যে জনগণের উপর বেশি ট্যাক্স ধরতে হয়। রাষ্ট্রকে অনেক বেশি ঋণ (Borrow) করতে হয়। আর ঋণ নিলে পাশ্চাত্যের সিস্টেমে সুদ দিতে হয়। কাজেই দেখা যায়, হয় ঋণ নিতে হয়, তার উপর সুদ দিতে হয় অথবা ট্যাক্স বৃদ্ধি করতে হয়। কখনো দু'টাই করতে হয়। যার ফলে কিছুদিন ভাবে চলে দীর্ঘ মেয়াদী, (Long term) একটা পর্যায় যাওয়ার পর, এটা আর চলে না, স্থবর হয়ে যায়। এটা খুব কষ্টসাধ্য হয়ে যায়।

এজন্যে পাশ্চাত্যের ওয়েলফেয়ার ইকোনমি বা জনকল্যাণ রাষ্ট্রগুলো ক্রমেই রিট্রিট করছে। ক্রমেই তারা পিছিয়ে আসছে জনকল্যাণমূলক প্রোগ্রাম থেকে। এগুলোকে তারা কাটসাট করতে বাধ্য হচ্ছে। কিন্তু ইসলাম এ বিষয়টিকে এভাবে মোকাবিলা করেছে যে, যদি কোনো ব্যক্তি নিজে আয়-রোজগার করতে না পারে তাহলে তাৎক্ষণিকভাবেই তার দায়িত্ব রাষ্ট্রের ওপর হবে না। বরং তা তার পরিবারের ওপর হবে, তার ছেলের, পিতা বা ভাইয়ের ওপর হবে। কিংবা অন্য কোনো আঞ্চীয়ের ওপর হবে। আর রাষ্ট্র এটা দেখবে যে তারা এ দায়িত্ব পালন করছে কিনা। এখানে যদি কেউ বেআইনী কাজ করে, অর্থাৎ এ দায়িত্ব পালন না করে তাহলে তার জন্য রাষ্ট্র তাকে শাস্তি দিতে পারে, তাকে বাধ্য করতে পারবে। এটা তার ওপর আইনগত বাধ্যবাধকতা (Obligation) হবে। কিন্তু এসব কিছু করার মতো তার যদি কেউ না থাকে তাহলে কেবলমাত্র তখনই তার দায়িত্ব রাষ্ট্রের ওপর পড়বে। কাজেই এখানে দেখা যাচ্ছে যে, পাশ্চাত্যের ওয়েলফেয়ার সিস্টেমে রাষ্ট্রের ওপর

যে বিরাট দায়িত্ব চলে আসে তার তুলনায় ইসলামের ওয়েলফেয়ার রাষ্ট্রের ওপর দায়িত্ব কর আসে। যার ফলে ইসলামের ওয়েলফেয়ার রাষ্ট্র More sustainable, বেশি কার্যকর। এটাকে কার্যকরী করা সম্ভব। পাশ্চাত্যের দীর্ঘমেয়াদী সিস্টেমে এটা সম্ভব হয় না বলেই সেখানে ওয়েলফেয়ার সিস্টেম ধসে (Collapse) পড়ছে। নর্থ ইউরোপ, বৃটেন, আমেরিকাসহ বিভিন্ন জায়গায় এ ব্যবস্থা ভেঙে পড়ছে। যার ফলে তারা আবার পুরানো ক্যাপিটালিজম সিস্টেমে ফিরে যাচ্ছে কিংবা যেতে বাধ্য হচ্ছে। এখন এ ওয়েলফেয়ার সিস্টেমে, যেটার কথা ইসলাম বলছে তার মধ্যে যাকাত একটা গুরুত্বপূর্ণ বিষয়। ইসলামে দারিদ্র বিমোচনের যে কর্মসূচী আছে তার মধ্যে যাকাত একটা গুরুত্বপূর্ণ ভূমিকা পালন করে। এ ব্যবস্থায় যাকাত সংগ্রহ ও বটনের দায়-দায়িত্ব থাকে রাষ্ট্রের।

কিছুদিন আগে আমরা কি পরিমাণ যাকাত আমাদের দেশে আদায় হতে পারে তার একটা হিসাব করে দেখলাম, প্রায় ২৪০০ কোটি টাকা আদায় করা সম্ভব। এটা এক বছরের কথা বলা হয়েছে। এখানে খুব কমই হিসাব করা হয়েছে। এর পরিমাণ আরো বেশী এমন কি পাঁচ হাজার কোটি টাকা পর্যন্ত হতে পারে। আমরা কম করে ২৪০০ কোটি টাকা হিসাব করলেও যদি এ টাকা সত্যিই রাষ্ট্র আদায় করে এবং এটা যদি শুধুমাত্র দারিদ্র বিমোচনে ব্যবহার করা হয় তাহলে এটা দারিদ্র বিমোচনে বিরাট ভূমিকা রাখবে।

কিন্তু যদি ধরি তা রাষ্ট্র আদায় করবে না, ব্যক্তি বা সমাজ করবে, আর এটাই যদি আমরা মেনে নেই তাহলে যে ২৪০০ কোটি টাকা আদায় হবে তা ধনীদের কাছ থেকে সংগ্রহ করে গরীবদের মাঝে বটন (Transfer) হবে। এটা যদি সিস্টেমেটিক্যালি করা যায়, সামাজিক সংগঠনের মাধ্যমে করা যায়, এবং এমনভাবে করা যায়, যেটা ইসলামের সেই লক্ষ্য ভূমি এমনভাবে দেবে যাতে গ্রহীতা ব্যক্তি জীবনের মতো স্বাবলম্বী হয়ে যায়। হ্যরত ওমর (রা.)-এর বিখ্যাত বক্তব্য হলো, ‘ভূমি এমনভাবে দাও যাতে সে ধনী হয়ে যায়।’ অর্থাৎ তাকে যেন আর কোনোদিন যাকাত না নিতে হয়। যাতে তার কোনো না কোনো কাজের ব্যবস্থা হয়ে যায়। একটা Self employment হয়। তার যেন একটা ব্যক্তিগত আয়-রোজগারের ব্যবস্থা হয়ে যায়। কাজেই যাকাতের কার্যকরিতার ক্ষেত্রে রাষ্ট্র করুক বা সমাজ করুক এই বিষয়গুলো খেয়াল রাখতে হবে।

যাকাতের ব্যবস্থার সাথে ‘ওয়াকফ’ও তার ভূমিকা পালন করবে। আমাদের ওয়াকফ সিস্টেম ধ্রংস হয়ে গেছে। আমরা এটাকেও নষ্ট করে ফেলেছি। কিন্তু আমরা জানি যে, ইসলামের ইতিহাসে ওয়াকফ-এর বিরাট ভূমিকা ছিল যেটা বর্তমানে নষ্ট হয়ে গেছে। আমরা তা অঙ্গীকার করতে পারি না। সেটাকে আমাদের পুনরুদ্ধার (Revive) করতে হবে। এক সময় ইসলামের যে দারিদ্র বিমোচন

হয়েছে তা মূলতঃ একদিকে যাকাত আর একদিকে ওয়াকফ-এর কারণে হয়েছে। আবার এমন সময় গেছে যেখন সবাই চাইত কিছু না কিছু সম্পত্তি আল্লাহর পথে দিতে। সেটা দিত বলেই সে সময় সকল স্কুল ফ্রি চালানো সম্ভব হতো। ওয়াকফ'র কারণে সকল ইউনিভার্সিটি ফ্রি চালানো হতো। অর্থাৎ গোটা শিক্ষা ব্যবস্থাই ওয়াকফ'র কারণে ফ্রি চালানো সম্ভব ছিল।

আবার ‘ওয়াকফ’ ব্যবস্থার কারণেই সকল চিকিৎসা ফ্রি চালানো হতো। পথিক কিংবা আগস্তুকদের জন্য যে সরাইখানার ব্যবস্থা ছিল তাও ওয়াকফ সম্পত্তির মাধ্যমেই ফ্রি চালানো সম্ভব হতো। এখন দরকার ওয়াকফকে একটি লম্বা সময় ধরে পুনর্গঠন করা। জনগণকে এর শুরুত্ব বোঝানো দরকার। জনগণ যদি এটা বুঝতে পারে এবং যদি সত্যিই তারা আগের দিনের লোকদের মতো আল্লাহর পথে দান করতে থাকে, প্রত্যেক ধর্মীই যদি তার সম্পদের একটা অংশ ওয়াকফ করে যান তাহলে সমাজে ব্যাপকভাবে দারিদ্র দূরীকরণ সম্ভব হবে এবং এভাবেই সমাজ উন্নয়নে তা শুরুত্বপূর্ণ ভূমিকা রাখবে।

ডঃ ওমর চাপরা তার বইতে উল্লেখ করছেন, এমনও সময় গেছে, যখন পাঁচ থেকে পনের ভাগ পর্যন্ত মানুষের সম্পত্তি ওয়াকফ-তে চলে গিয়েছিল, যেগুলোর মাধ্যমে অর্জিত আয় সম্পূর্ণ জনকল্যাণে, মানুষের দারিদ্র বিমোচনে ব্যবহার করা হতো। আমরা জানি, সোভিয়েত ইউনিয়নে, ইসলামকে ধর্মস করার জন্য কমিউনিস্টরা ক্ষমতায় যাবার পরপরই ওয়াকফ প্রপার্টি বাতিল করে দেয়। এর একটা অন্যতম কারণ হলো, যাতে করে সোভিয়েত ইউনিয়নে ইসলামী শিক্ষা বঙ্গ হয়ে যায়। সেখানে স্কুলগুলো চলত এসব ওয়াকফ প্রপার্টির মাধ্যমে। (দ্রষ্টব্য: Islam in the Soviet Union, Alexander Benigsen.)

যাই হোক, দারিদ্র বিমোচনের ক্ষেত্রে যাকাতের ভূমিকা থাকবে যা আগেই উল্লেখ করেছি। সেই সাথে ওয়াকফ তার ভূমিকা পালন করবে। এ জন্য নতুন ভাবে, নতুন করে আমাদেরকে ওয়াকফ চালু করার ব্যবস্থা করতে হবে। সেই সাথে ব্যাংকিং ব্যবস্থাকে তার যথাযথ ভূমিকা পালন করতে হবে। আমরা জানি, ইসলাম ব্যাংকিং ব্যবস্থাকে নতুনভাবে অর্গানাইজ করার কথা বলে। এটা সুদভিত্তিক হবে না। এটা মুদ্রারাবা ভিত্তিক, মুশারাকা ভিত্তিক হবে। মুরাবাহা ভিত্তিক হবে, ব্যবসাভিত্তিক হবে। লাভ-লোকসান ভিত্তিক হবে। ভাড়া বা ইজারা ভিত্তিক হবে। এখানে শোষণের সুযোগ কম থাকবে। যদিও একথা এখনো পুরোপুরি বলা সম্ভব নয় যে, ইসলামী ব্যাংকিং তার যথাযথ ভূমিকা পালন করতে পারছে। কারণ ইসলামী কল্যাণ রাষ্ট্র ছাড়া সমাজের বিভিন্ন সেক্টরে পরিপূর্ণ ইসলামীকরণ সম্ভব নয়। তাই একথা এখন দাবী করাও সম্ভব নয়। তবে ইসলামের সামাজিক অর্থনৈতিক লক্ষ্য পূরণে ইসলামী ব্যাংকিংকে ব্যবস্থা নিতে হবে। ইসলামী অর্থনীতিবিদগণ

বলেন, ইসলাম যে সামাজিক বিপ্লব চায়, অর্থনৈতিক বিপ্লব বা পরিবর্তন চায় সেই পরিবর্তন করার ক্ষেত্রে ব্যাংকিং সিটেমকেই মূল ভূমিকা পালন করতে হবে। কেননা, দারিদ্র বিমোচন ও সামাজিক উন্নয়নের জন্য অর্থ লাগবে এবং এ অর্থ আদান-প্রদান হবে ব্যাংকিং-এর মাধ্যমে। সুতরাং ব্যাংককেই এ ভূমিকা পালন করতে হবে। এ ব্যাপারে বিস্তারিত জানতে গেলে আমাদেরকে ইসলামী ব্যাংকিং-এর শুরু যে সমস্ত খণ্ডিটিক্যাল কাজ হয়েছে, তাদ্বিক কাজ হয়েছে, তার লক্ষ্য সম্পর্কে যে সমস্ত কাজ হয়েছে, তার পলিসি সম্পর্কে যে সমস্ত কাজ হয়েছে, সেগুলোকে আমাদের পড়তে হবে এবং জানতে হবে।

তেমনিভাবে, ইসলামী কল্যাণ রাষ্ট্র প্রতিষ্ঠিত হলে দারিদ্র বিমোচন ও উন্নয়নের জন্য রাষ্ট্র তার রাজস্ব নীতি (Fiscal Policy) ও শুল্ক নীতিকে (Taxation Policy) কাজে লাগাবে। রাজস্ব নীতিতে আয় ও ব্যয়ের ইসলামী নীতিগুলোকে পুরোপুরি কাজে লাগালে সমাজে আমূল পরিবর্তন সৃচিত হবে। ব্যয়ের ক্ষেত্রে ইসলামী রাষ্ট্রে ব্যয়ের নীতিতে ব্যাপক পরিবর্তন আসবে। যেমন আমি যদি বলি আগামী বাজেটের পরিমাণ হবে ছিচল্লিশ হাজার (৪৬,০০০) কোটি টাকা। এখন আমরা ঢাকা শহরে প্রায় এক কোটি লোক বাস করি; এর মধ্যে ধরলাম দেড়-দুই লাখ লোক রাস্তাঘাটে থাকে। এর মধ্যে নারীর সংখ্যা ধরে নেই লাখ থানেক। প্রশ্ন হলো, এ সংখ্যার জন্য আমরা কি আমাদের ৪৬,০০০ কোটি টাকার বাজেট থেকে এক দুই বছরে ৫০০ কোটি টাকা করে বের করতে পারি না বিশেষ প্রকল্পের মাধ্যমে? এ প্রকল্পের আওতায় আমরা এদেরকে আবার শহর থেকে যার যার গ্রামে নিয়ে গিয়ে পুনর্বাসন করে দেব। কিন্তু এর জন্য দরকার রাষ্ট্রের সর্বোচ্চ পর্যায়ের Determined Policy। এর জন্যে যদি আমাদের রাজনৈতিক নেতৃত্ব আন্তরিক হন এবং তারা যদি এর জন্যে সময় দেন, সাধারণভাবে বিভিন্ন স্থান থেকে যে সমস্ত বাঁধা আসে সেগুলোকে যদি তারা অতিক্রম করতে পারেন, কিংবা সিভিল সার্ভিসের ভেতর থেকে যে বিরোধিতা আসে সেটাকে যদি প্রতিরোধ করতে পারেন এবং ইসলামের বিরুদ্ধে প্রপাগাণ্ডাকে অতিক্রম করে এর কল্যাণকারিতাকে ধারণ করতে পারেন তাহলে এটা করা খুব কঠিন কিছু নয়।

দারিদ্র বিমোচন ও সামাজিক উন্নয়নের ক্ষেত্রে ইসলামের যে ব্যয় নীতি (Expenditure policy) আছে তারও একটা বিরাট ভূমিকা আছে। কিন্তু আমরা সেগুলো করতে ব্যর্থ হচ্ছি। আজ হোক, কাল হোক, দারিদ্র বিমোচন ও উন্নয়নের জন্য সেগুলো আমাদেরকে গ্রহণ করতেই হবে। তেমনিভাবে কেন্দ্রীয় ব্যাংকের যে মনিটরিং পলিসি এটাতে ইসলাম ব্যাপক পরিবর্তন আনবে দারিদ্র বিমোচনের জন্য। কারণ সেন্ট্রাল ব্যাংক প্রতিবছরই নতুন অর্থ বাজারে ছাড়ে, ৫-১০ ভাগ। এটা একটা ক্লিয়েটেড মানি। এতে নতুন অর্থের সৃষ্টি হয়। এ অর্থ জনকল্যাণমূলক

কাজে ব্যবহার করা যায়। সেন্ট্রাল ব্যাংকের এ নতুন অর্থের জন্য যেহেতু কোনো খরচ করতে হচ্ছে না, এর জন্য তাকে কোনো জিনিস বেঁচতে হচ্ছে না, এটা একদমই আকাশ থেকে পাওয়া অর্থই বলা যায়, যেটা নেট প্রিন্টের মাধ্যমে সেন্ট্রাল ব্যাংক প্রতি বছর বাজারে ছাড়ে। এ টাকা যদি সরকারকে দেয়ার সময় বলেঃ এটা শুধুমাত্র জনকল্যাণগুলক কাজে ব্যয় করতে হবে, দারিদ্র বিমোচনে ব্যয় করতে হবে তাহলে এর মাধ্যমে সামগ্রিক পরিবর্তন সম্ভব। এখানে কেন্দ্রীয় ব্যাংক এ অর্থ সরকারকে কর্জ হিসাবে দিতে পারে। এ ব্যাপারে ডঃ চাপরার বই 'Towards a Just Monetary System' এ তার Monitory Policy অধ্যায়ে তিনি এ বিষয় সম্পর্কে ব্যাপক আলোচনা করেছেন।

এর থেকে বোঝা যায়, ইসলামী অর্থনীতিতে ব্যয়নীতি ও মুদ্রানীতির একটা বিরাট ভূমিকা আছে। এরপর যে কথা আমি আগেই বলেছি, ঐতিহাসিক প্রেক্ষাপটে দেখা যায়, ইসলামী সমাজে কঠিন দারিদ্র কম ছিল। যাকে আমরা Hard Core Poverty বলি তা কম ছিল বা ছিল না। এ জন্যই দারিদ্র্যমুক্ত সমাজ তারা গড়তে পেরেছিল। একেবারে শুরু থেকেই ইসলাম সিস্টেমটিকে আস্তে আস্তে গড়ে তোলে, যে কারণে শুরুতে কিছুটা দারিদ্রতা ছিল। কিন্তু উমাইয়া, আবুসৌয়দের সময় থেকে তা কার্যত সম্পূর্ণ দূর হয়ে যায়। আর একথাও আগেই উল্লেখ করেছি যে, ইসলামে এমন এক সময় গেছে যখন যাকাত নেবার লোক-পাওয়া যায়নি। কিন্তু পশ্চিমারা আজকেও এ দাবী করতে পারবে না যে, সাহায্য নেবার লোক তাদের সমাজে নেই। এসবই সত্ত্ব যদি দেশে যোগ্য ইসলামী দল থাকে, যোগ্য ইসলামী ব্যক্তিত্ব থাকে, ইসলামী নেতৃত্ব থাকে। এ ধরনের যোগ্য লোকেরা যদি সরকার গঠন করতে পারে, জনগণের সাহায্যে সম্ভিতে গণতান্ত্রিক পদ্ধতিতে, গণরায় নিয়ে রাষ্ট্র পরিচালনায় আসতে পারে তবে দারিদ্র দূরীকরণ ও কাঞ্জিত সমাজ উন্নয়ন অবশ্যই সম্ভব। কেবল ইসলামী কল্যাণ রাষ্ট্রই এ কল্যাণ নিশ্চিত করতে পারে। অবশ্য এটাও সম্ভব, যারাই সরকারে থাকুক তারা যদি ইসলামকে অগ্রাধিকার দেয় এবং কমিটেড হয় আর ইসলামী দল ও ক্ষেত্রের যথাযথভাবে কাজে লাগায় এবং সেই সাথে জনগণ যদি ইসলামী কল্যাণ কর্মসূচী মেনে নেয় ও গ্রহণ করে, তাহলে আমার মতে বাংলাদেশের মত সুজলা সুফলা শস্য-শ্যামলা উর্বর ভূমির দেশে অভাব ও দারিদ্রের কোনু অবকাশ থাকতে পারে না। দারিদ্র বিমোচনের ক্ষেত্রে পৃথিবীতে ইসলামের চেয়ে আর কোনো ভালো আদর্শ নেই এবং হবেও না। কিন্তু এর সুফল লাভ করতে হলে এর জনগণকেই সমিলিতভাবে তা পাওয়ার চেষ্টা করতে হবে।

---

লেখক: চেয়ারম্যান, ইসলামী ব্যাংক বাংলাদেশ লিঃ। সাবেক সচিব, গণপ্রজাতন্ত্রী বাংলাদেশ সরকার।

# ইসলামী শিল্পকলা ও বাংলাদেশে ক্যালিগ্রাফি চর্চা

## ড. আবদুস সাত্তার

আমরা যে সকল নীতি কথা বলি সেই সকল নীতি কথা যদি বাস্তবে পালন করা যায় তাহলে জীবনের সর্বস্তরে শৃঙ্খলা এবং শান্তি প্রতিষ্ঠা সহজ হয়। এই শৃঙ্খলা এবং শান্তি কিংবা সুখ প্রতিষ্ঠা করা গেলে বেহেশতী সুখ কিংবা জান্মাতী শান্তি ইহলোকেই উপভোগ করা সম্ভব। ইহলোকে বা মর্তে বেহেশতী সুখ আনয়নে সুনীতি যেমন ভূমিকা পালন করে থাকে ঠিক তেমন ভূমিকা পালন করে থাকে শিল্পকর্মও। অর্থাৎ শিল্পকর্ম মানুষকে আধ্যাত্মবাদে আকৃষ্ট করে, এবং মানব অভিজ্ঞতাকেও উন্নত করে। যদি এই শিল্পকর্ম ইসলামী শিল্পকর্ম হয়, বিশেষ করে যদি ইসলামী ক্যালিগ্রাফি হয় তাহলে সমাজে শান্তি-শৃঙ্খলা প্রতিষ্ঠার ক্ষেত্রে, সুনীতি প্রবর্তনের ক্ষেত্রে, শুভ চিন্তা-ভাবনার ক্ষেত্রে এবং মানব চরিত্র উন্নয়নের ক্ষেত্রে যে প্রভাব বিস্তার করবে তাতে সন্দেহের কোন অবকাশ থাকে না। থাকে না, কারণ ধর্ম মানুষকে শুন্দ করে এবং শুভ কাজে অনুপ্রাণিত করে। সুতরাং ধর্মের সঙ্গে যে শিল্পের সম্পর্ক সেই শিল্প যে কল্যাণকর হবে, সমাজে শান্তি-শৃঙ্খলা প্রতিষ্ঠার ক্ষেত্রে সহায়ক ভূমিকা পালন করবে সে কথা নির্দিধায় বলে চলে। ইসলামী ক্যালিগ্রাফি শুধু নয়, যে কোন ধরনের শিল্প চর্চার অর্থই সুন্দরের চর্চা করা। অর্থাৎ শিল্পীর কাজই সুন্দরের চর্চা করা। সমাজে সুন্দরকে প্রতিষ্ঠা করা। সুতরাং যারা সুন্দরের চর্চা করেন, সুন্দরকে সমাজে প্রতিষ্ঠা করবার কাজে নিয়োজিত থাকেন তাদেরকে সমাজের সকলেই পছন্দ করেন। আল্লাহ নিজে সুন্দর এবং তিনি সুন্দরকে পছন্দ করেন। সুন্দরের যারা এর চর্চা করেন তাদেরকেও তিনি পছন্দ করেন। সুতরাং ক্যালিগ্রাফি শিল্পের চর্চার মাধ্যমে যারা সুন্দরের প্রচার করছেন আল্লাহ তাদেরকেও পছন্দ করেন। আল্লাহর প্রিয় নবী হ্যরত মুহাম্মদ (সা.) ক্যালিগ্রাফি শিল্প এবং এই শিল্পের চর্চাকারী শিল্পীদেরকে পছন্দ করতেন। তিনি

নিজে ক্যালিগ্রাফি শিল্পের উন্নয়ন ও প্রসার প্রচারের জন্য কাজ করেছেন। তিনি শুধু নন তাঁর জামাতা হযরত আলীও (রা.) একজন ক্যালিগ্রাফি প্রেমিক মানুষ হিসেবে খ্যাতি অর্জন করেছিলেন। কারণ তিনি নিজেও একজন সুদক্ষ ক্যালিগ্রাফি শিল্পী ছিলেন।

ইতিহাস স্বাক্ষ্য দেয়, বদরের যুদ্ধে যে সকল বন্দী মুক্তিপণ দিতে অপারগ হতো তাদের প্রত্যেককে দশজন মুসলিমানকে লেখাপড়া শিক্ষা দেবার শর্তে মুক্তি দেয়া হতো। এই শিক্ষাদানের মধ্যে ক্যালিগ্রাফি ও অস্তর্ভূক্ত ছিল। এ থেকেই ক্যালিগ্রাফির প্রতি হযরত মুহাম্মদ (সা.)-এর ভালবাসার গভীরতা নিরূপণ করা যায়। শুধু হযরত মুহাম্মদ (সা.) ক্যালিগ্রাফি শিল্পীদের পছন্দ করেছেন তাই নয়, সেকালে মুসলিম সমাজের সর্বত্রে ক্যালিগ্রাফি এবং ক্যালিগ্রাফি শিল্পীদের কদর ছিল। মুসলিম শাসকগণ শিল্পীদেরকে আর্থিক সহায়তা প্রদান ছাড়াও রাষ্ট্রীয় পৃষ্ঠপোষকতাও দান করেছেন। আবুসৌয় আমলে অনেক শিল্পীকে প্রশাসনিক দায়িত্বে নিয়োগ দেবার ক্ষেত্রেও সর্বাধিক শুরুত্ব দেয়া হয়েছে। সকল মুসলিম রাষ্ট্রে এমন কি মুঘল আমলেও রাষ্ট্র নায়কগণ ক্যালিগ্রাফি চর্চা ও প্রচার প্রসারে সহায়তা করে গেছেন। যে ক্যালিগ্রাফির প্রতি এক সময় এত বেশী শুরুত্ব দেয়া হয়েছে সেই ক্যালিগ্রাফি বলতে ইঙ্গলিপি বিদ্যা (Hand writing as an art)। অর্থাৎ সাধারণ অক্ষরকে বিশেষভাবে বিন্যাসের মাধ্যমে সুন্দর আকর্ষণীয় রূপ দেয়াকে বুঝানো হয়েছে। এই আদর্শকে সামনে রেখেই অতীতে সমগ্র বিশ্বের মুসলিম রাষ্ট্রগুলোতে ক্যালিগ্রাফি চর্চা হয়েছে। ক্যালিগ্রাফি চর্চার এই পদ্ধতি ঠিক করে থেকে শুরু হয়েছিল সে বিষয়ে সুনির্দিষ্ট কোন তথ্য পাওয়া যায় না। তবে পবিত্র কোরআনের সুরা আল-বাকারার ৩১ নং আয়াতে বলা হয়েছে যে, ‘আল্লাহ আদম (আ:)-কে প্রত্যেক বস্তুর নাম এবং তাদের প্রকৃতি সম্পর্কে অবগত করিয়েছেন’। সুতরাং এই আয়াতের আলোকেই বিশ্বাস করা হয় যে, যেহেতু প্রত্যেক বস্তু সম্পর্কে আদম (আ:)-কে অবহিত হয়েছে সেহেতু তাকে আরবী সম্পর্কেও অবগত করানো হয়েছে। এই বিশ্বাসের আলোকেই বিভিন্ন তথ্যে বলা হয়েছে যে, আদম (আ:) এর পর তাঁর পুত্র শীষ (আ:) আরবী বর্ণ ও বর্ণ বিন্যাসের উৎকর্ষ সাধন করেন। এমনভাবে বংশনক্রমে তাঁরাই আরবী ভাষার বিকাশ সাধন করেছেন। আবুসৌয় আমলে মুসলিম সভ্যতার যখন স্বর্ণযুগ তখন আরবী ভাষা আন্তর্জাতিক ভাষা হিসেবে সমগ্র বিশ্বে বীকৃতি লাভ করেছিল বলে অভিমত পাওয়া যায়। এই তথ্য থেকেই আরবী ভাষার এবং ক্যালিগ্রাফি শিল্পের জনপ্রিয়তা সম্পর্কে কিছুটা ধারণা পাওয়া যায়।

বাংলাদেশে প্রাতিষ্ঠানিক শিক্ষার কোন ব্যবস্থা না থাকার কারণে ক্যালিগ্রাফি শিল্প জনপ্রিয়তা লাভে ব্যর্থ হয়েছে বলে অনেকে মনে করে থাকে। তা না হলে যে শিল্প

সমগ্র মুসলিম বিশ্বে এমন কি ভারতীয় উপমহাদেশে এক সময় অত্যন্ত জনপ্রিয় ছিল সেই শিল্পের কদর না থাকবার আর কোন কারণ থাকতে পারে না। বিষ্ণু শিল্পের প্রতি দৃষ্টি দিলে দেখা যাবে এখনও বহু দেশে ক্যালিঘাফি শিল্পের জনপ্রিয়তা রয়েছে। বাংলাদেশে অনুষ্ঠিত দ্বি-বার্ষিক এশীয় চারুকলা প্রদর্শনীতেও শিল্পমান সম্পন্ন ক্যালিঘাফি চিত্র দেখতে পাওয়া যায়। পাকিস্তানের শিল্পী সাদেকাইন, ইন্দোনেশিয়ার শিল্পী আব্দুল জলিল পাহিরোস, ইরানের শিল্পী আর মাফি, বি, জাভিদ, এম. এহসান, জর্ডানের শিল্পী এম. রফিলাহহাম, কুয়েতের শিল্পী জাবের আহমাদসহ বহু দেশের বহু শিল্পীর ক্যালিঘাফি শিল্প এই প্রদর্শনীতে অনেকেই প্রত্যক্ষ করেছেন। দেশ বিভাগের পূর্বে এতদঞ্চলে যে সকল ক্যালিঘাফি শিল্পের চর্চা হয়েছে তার সিংভাগই মসজিদকে কেন্দ্র করে করা হয়েছে। এ সকল শিল্পের মধ্যে কিছু করা হয়েছে পাথর খোদাই করে এবং কিছু করা হয়েছে মসজিদের দেয়াল গাত্রে। পাথরে খোদাই করা ক্যালিঘাফি শিল্পের নির্দশন বাংলাদেশ জাতীয় জাদুঘরে সংরক্ষিত রয়েছে। প্রাচীন বাংলায় প্রাপ্ত ক্যালিঘাফির সিংভাগই আরবী অক্ষরে করা। তবে কিছু কিছু ফার্সি ও সংস্কৃত ভাষায় নির্মিত ক্যালিঘাফি নির্দশনও পাওয়া গেছে। এই সমস্ত ক্যালিঘাফির স্টাইল বিভিন্ন রকমের। যেমন, থালয়, নাসক, তুঘরা, কুফিক, বিহারী প্রভৃতি। বাংলাদেশের বিভিন্ন স্থান থেকে যে সকল নির্দশন সংগ্রহ করা হয়েছে তার অধিকাংশই তুঘরা স্টাইলে করা। এই স্টাইলের প্রধান বৈশিষ্ট্য হচ্ছে, পাশাপাশি সন্নিবেশিত অক্ষরগুলি অত্যধিক লম্ব স্বত্বাবের। দূর থেকে লক্ষ্য করলে এগুলোকে লোহার রেলিংয়ের অনুরূপ মনে হয়। প্রকৃত অর্থে তুঘরা কোন স্বতন্ত্র লিখন পদ্ধতি নয়। কুফিক, নাসক, সুলস এবং তাদের গোত্রভূক্তির মধ্য দিয়ে তুঘরা নামে পরিচিত রয়েছে। এই পদ্ধতির আরও একটি বৈশিষ্ট্য হচ্ছে, অক্ষর বা বর্ণগুলো একে অপরের মধ্যে প্রবেশ করে একটি সুন্দর দৃষ্টি নদন শৈলিক রূপ ধারণ করে। এই পদ্ধতিতে কোরআনের কোন আয়াত বা বিশেষ দোয়া অবলম্বন করে অলংকরণ প্রক্রিয়ায় পাখি, বাঘ, সিংহ এবং হাতির প্রতিকৃতি করা হয়েছে বলে বাংলা একাডেমী প্রকাশিত ‘মুসলিম মুদ্রা ও হস্তলিখন শিল্প’ নামক গ্রন্থে উল্লেখ রয়েছে (পঃ ৩২৫)।

বাংলাদেশে সাংস্কৃতিককালে যারা ক্যালিঘাফি শিল্পের চর্চা করছেন তাদের অনেকেই তুঘরা স্টাইলের অনুসরণ করছেন। যেমন ইব্রাহিম মঙ্গল, আরিফুর রহমান, কে-এইচ মুনিরুজ্জামান, মোহাম্মদ মনোয়ার হোসেনসহ আরও অনেকে। ১৭ মে '০২ তারিখে বাংলাদেশ জাতীয় জাদুঘরে ঢাকা সাহিত্য সংস্কৃতি কেন্দ্র নামক সংগঠনের উদ্যোগে যে ক্যালিঘাফি প্রদর্শনী হয়েছে সেই প্রদর্শনীতে ২৪ জন শিল্পীর শিল্পকর্ম প্রদর্শিত হয়েছে। এ সকল শিল্পীর মধ্যে দেশের প্রবীণ খ্যাতিমান শিল্পীসহ ইতিমধ্যেই এ বিশয়ে খ্যাতি অর্জন করেছেন এমন শিল্পী এবং অনেক প্রতিশ্রুতিশীল

শিল্পীরা রয়েছেন। এ সকল শিল্পীরা হলেন, শিল্পী মুরজা বশীর, আবু তাহের, শামসুল ইসলাম নিজামী, আব্দুস সাত্তার, সাবিহ-উল-আলম, মোঃ রেজাউল করীম, রাসা, ইব্রাহীম মণ্ডল, আরিফুর রহমান, নাসির উদ্দিন আহমেদ খান, আমিনুল ইসলাম আমিনী, শহীদুল্লাহ এফ বারী, মাহবুব মুরশীদ, এম. এ. আজীজ, মোহাম্মদ আমীরুল হক, কে এইচ মুনিরুজ্জামান, মোহাম্মদ মনোয়ার হসেইন, মুবাস্তির মজুমদার, মোহাম্মদ আব্দুর রহিম, ফেরদৌস আরা আহমেদ, রফিকুল্লাহ গাজালী, হা. মিম কেফায়েতুল্লাহ, আবু ডারভা মোঃ মোনাওয়ে, মোঃ মাসুম বিল্লাহ। প্রদর্শনীতে অংশগ্রহণকারী এসকল শিল্পীর প্রায় সকলেই আরবী বর্ণ এবং কোরআনের আয়াত অবলম্বন করেছেন চিত্র নির্মাণের ক্ষেত্রে। শিল্পী আব্দুস সাত্তার এবং শিল্পী আরিফুর রহমানসহ হাতে গোনা কয়েকজন বাংলা বর্ণ ব্যবহার করেছেন।

শিল্পী মুরজা বশীর এমন একটি নাম যার সম্পর্কে কোন ব্যাখ্যা দেবার প্রয়োজন হয় না। বাংলাদেশের সাংস্কৃতিক জগতের প্রায় সকলেই জানেন, তিনি এ দেশের একজন শীর্ষস্থানীয় শিল্পী। তিনি পূর্বে তার পেইন্টিংয়ে যে আরবী অক্ষর ব্যবহার করেছেন সে বিষয়টিও অনেকের জানা। এবার এই প্রদর্শনীতে তিনি দুটো নির্ভেজাল ক্যালিগ্রাফি চিত্র উপস্থাপন করেছেন। এর একটির বিষয় আলীফ, লাম এবং মীম। তিনি এই প্রদর্শনীর উদ্দেশ্যেই ২০০২ সালের এপ্রিল মাসে চিত্র দৃটি অংকন করেছেন। চিত্র দৃটিতে শিল্পী আরবী অক্ষর ব্যবহার করলেও এর সার্বিক অবয়বে নির্বস্তুক পেইন্টিংয়ের অনুভূতি প্রকাশ করেছেন। শিল্পী আবু তাহের এবং শামসুল ইসলাম নিজামীও এ দেশের প্রবীণ শিল্পী এবং শিল্পাঙ্গনে উভয়েই পরিচিত। উভয় শিল্পীকে দেশের শিল্পপ্রেমী মানুষের এ্যাবন্ট্রাঞ্চ শিল্পী হিসেবেই জানেন। তবে উভয়েই তাদের কাজে অনেক সময় আরবী অক্ষর ব্যবহার করেছেন। উভয়েই পূর্বে আয়োজিত ক্যালিগ্রাফি প্রদর্শনীতে অংশগ্রহণ করেছেন। এবারেও আকর্ষণীয় সুন্দর চিত্র উপহার দিয়েছেন। শিল্পী আবু তাহের ও শামসুল ইসলাম নিজামীর মত শিল্পী আব্দুস সাত্তারও আরবী এবং বাংলা উভয় শ্রেণীর বর্ণমালা সহযোগে ২০/২৫ বছর পূর্ব থেকেই চিত্র নির্মাণ করছেন। তিনি কাঠখোদাই, এক্রেলিক, জল রঙ এবং এটিং মাধ্যমে বহু ক্যালিগ্রাফি চিত্র অংকন করেছেন। বর্তমান প্রদর্শনীতে তিনি এক্রেলিক মাধ্যমে করা তিনটি চিত্র উপহার দিয়েছেন দর্শকদের জন্য। আন্তর্জাতিক প্রদর্শনীতে প্রদর্শিত শিল্পীর আরবী বর্ণমালার বিশালাকৃতির কাঠখোদাই ক্যালিগ্রাফি চিত্র মালয়েশিয়ার ন্যাশনাল আর্ট গ্যালারীতে সংরক্ষিত হয়েছে।

শিল্পী রাসাকে সবাই দেশের একজন প্রথিত যথা ভাক্ষর হিসেবেই জানেন। তিনি ক্যালিগ্রাফি, প্রদর্শনীর জন্য বাংলা বর্ণমালা অবলম্বনে কাঠের কাজ দর্শকদের জন্য

উপহার দিয়েছেন। ইব্রাহীম মণ্ডল ইতিমধ্যেই ক্যালিগ্রাফি শিল্পী হিসেবে খ্যাতিলাভ করেছেন। তিনি নিয়মিত ক্যালিগ্রাফি চৰ্চা করে থাকেন। তার এ সকল কাজের মধ্যে বৰ্ণ বিন্যাস এমনভাবে করা হয়েছে যে রঙ ফর্ম এবং বৰ্ণ মিলে মিশে একাকার হয়ে গেছে। ফলে চিত্রে একটি ভিন্ন স্বভাব পরিলক্ষিত হয়েছে। ফলে এ সকল চিত্র একটি ভিন্ন স্থান করে নিতে সক্ষম হয়েছে। এবারের প্রদর্শনীতে তেল রঙ-এর পাশাপাশি কাঠের তৈরি ক্যালিগ্রাফি ও উপহার দিয়েছেন। শিল্পী আরিফুর রহমান আর একজন শিল্পী যিনি তার কাজের জন্য ইতিমধ্যেই ব্যাপক পরিচিতি পেয়েছেন। দেশের দৈনিকসহ বিভিন্ন পত্রপত্রিকায় তার বাংলা এবং আরবী বৰ্ণমালার চিত্রাকৰ্ষক ক্যালিগ্রাফি চিত্র অনেকেই প্রত্যক্ষ করে থাকেন। তার শিল্পকর্ম দেখে অনেকেই প্রশংসা করেছেন। মোঃ আমিনুল ইসলাম আমিন আরবী বৰ্ণকে অবলম্বন করে সুন্দর আকৰ্ষণীয় শিল্প রচনা করেন। তার চিত্রে আরবী বৰ্ণমালার পাশাপাশি মানুষের হাত, লতা, পাতাসহ আরও বহুবিধি বিষয়ের সমাহার লক্ষ্য করা যায়, যা তার চিত্রকে একটি বিশেষ বৈশিষ্ট্য দান করে। যেমন সুরা আর রুম-৪১। শহীদুল্লাহ এফ বারী নির্ভেজাল আরবী ক্যালিগ্রাফি করে থাকেন। কখনো রঙের মাঝে সাদা স্পেস রেখে সে জমিনে স্পষ্টভাবে আরবী অক্ষরগুলা উপস্থাপন করেন। কখনও আবার পুরো জমিনে বিভিন্ন ধরনের হালকা রঙ ব্যবহার করে তার উপর বৰ্ণ বিন্যাস করেন। মাহবুব মুর্শিদ এবারের প্রদর্শনীতে ৫টি চিত্র উপস্থিত করেছেন যার প্রায় প্রতিটিই অত্যন্ত সুন্দর এবং আকৰ্ষণীয়। তিনি আরবী বৰ্ণ ব্যবহারের সাথে সাথে আরও কিছু ফর্ম ব্যবহার করে চিত্রকে ভিন্ন রূপ দিতে চেষ্টা করেছেন এবং এ ক্ষেত্রে তিনি স্বার্থক হয়েছেন। একই বৰ্ণ এবং ফর্ম-এর মধ্যে বিচিত্র বর্ণের সমাহার ঘটিয়ে চিত্রগুলোকে দৃষ্টিনন্দন করেছেন। আমিরুল হকও তার চিত্রে আরবী বর্ণের পাশাপাশি লতা-পাতা-ফুল ব্যবহার করে তার চিত্রকে আকৰ্ষণীয় রূপ দিতে সচেষ্ট হয়েছেন। শিল্পী মুনিরুজ্জামান হালকা রঙের জমিনে বিভিন্ন রঙের মাধ্যমে আরবী বৰ্ণ ব্যবহার করেছেন। তিনি জল রঙ মাধ্যমে বিষয়কে সুন্দরভাবে উপস্থাপন করেছেন।

মনোয়ার হোসেন তুঘরা স্টাইলে অক্ষর বিন্যাসের মাধ্যমে ক্যালিগ্রাফি চৰ্চা করেছেন। কোনটিতে শুধু অক্ষর, আবার কোনটিতে পাহাড়, পর্বত, আকাশ, সবুজ বৃক্ষ এবং মসজিদের গম্বুজ ব্যবহার করে তার মধ্যে সুন্দরভাবে আরবী বৰ্ণ উপস্থাপন করেছেন। তার এ প্রচেষ্টা ব্যতিক্রমী দৃষ্টান্ত স্থাপন করেছে।

শিল্পী আব্দুর রহীম চিত্রের পাশাপাশি ক্যালিগ্রাফি সমৃদ্ধ পটারী বা মৃৎপাত্র উপহার দিয়েছেন দর্শকদেরকে। তার চিত্র এবং মৃৎপাত্র উভয়ই আকৰ্ষণীয়। রঙ ব্যবহারে মার্জিত রুচিবোধের পরিচয় দিয়েছেন শিল্পী রহীম। ফেরদৌস আরা আহমেদ বর্তমান প্রদর্শনীর একমাত্র মহিলা শিল্পী। তার সঙ্গে এক সময় একটি ক্যালিগ্রাফি

ওয়ার্কশপে সামান্য দু'একটি বাক্য বিনিয়য়ে হয়েছিল। সেদিন তিনি বলেছিলেন মেহনী পাতা-থেকে রস সংগ্রহ করে ক্যালিঘাফি চৰ্চার চেষ্টা করছেন। প্রদর্শনীতে তার দু'টি চিত্র স্থান পেয়েছে। তিনি মেহনী পাতার রস দিয়ে নানা রকম লতা-পাতা-ফুলের নম্বুর মাঝে আরবী বর্ণ ব্যবহার করেছেন। আরবী অক্ষরগুলোর মধ্যেও একইভাবে লতা-পাতা-ফুলের ক্ষুদ্র ক্ষুদ্র নম্বুর করেছেন। তিনি তার প্রচেষ্টায় যে সফল হয়েছেন তা দর্শক সাধারণ চিত্র দর্শনেই সে কথা অনুভব করবেন। শিল্পী রফিকুল্লাহ গাজালীর ক্যানভাস-এর চতুর্দিকে গাছ-পাতার সমাহার ঘটিয়ে তার মাঝের অংশে সাদা রঙে আরবী অক্ষর ব্যবহার করেছেন। এই অক্ষর বিন্যাসের পিছন অংশে অর্থাৎ জমিনে হালকা-লালচে ও নীল রঙ ব্যবহার করে পুরো ছবিকে আকর্ষণীয় করেছেন। শিল্পী কেফায়েত উল্লাহ তার ক্যানভাসের উপর এ্যাবস্ট্রেক্ট ফর্মে গাঢ় নীল রঙের ফ্রি ভ্রাশ ট্র্যাক ব্যবহার করে তার উপর উজ্জ্বল হলুদাভ রঙে মোটা অক্ষর বিন্যাস করেছেন। আরবী মোটা বলিষ্ঠ অক্ষরগুলোর নিচে ক্ষুদ্রাকৃতির অক্ষর বিন্যাসের মাধ্যমে বৈচিত্র্য আনয়নের চেষ্টা করেছেন। শিল্পী নাইম প্রদর্শনীতে সুন্দর তিনটি চিত্র উপস্থাপন করেছেন। তার বর্ণবিন্যাসে তিনি শিল্পী-সুলভ মানসিকতার পরিচয় তুলে ধরেছেন। বিভিন্ন চরিত্রের বর্ণ ব্যবহার করে চিত্রকে আকর্ষণীয় করেছেন। রঙ ব্যবহারও চমৎকার। তিনি বিভিন্ন রঙে আরবী অক্ষর বিন্যাসের মাধ্যমে ক্যালিঘাফি চিত্রে চরিত্র-বৈশিষ্ট্য স্পষ্ট করে তুলে ধরেছেন। মোঃ মাসুম বিল্লাহ জল রঙ মাধ্যমে আরবী বর্ণ বিন্যাসে চিত্র রচনা করেছেন। তিনি শ্রেষ্ঠ রজনী নামক চিত্রে বর্ণগুলোকে এমনভাবে ব্যবহার করেছেন যে, সেটি গোলাকার রূপ ধারণ করেছে। এই গোলাকার রূপ ব্যাঞ্জনাকে বার বার ব্যবহার করেছেন। এগুলোর একটি আর একটি থেকে ত্রুমারয়ে অস্পষ্ট হতে হতে জমিনের রঙের সাথে মিশে গিয়েছে।

শিল্পী মুবাখির মজুমদার এক্সিলিক রঙ ব্যবহার করেছেন তার চিত্র রচনার ক্ষেত্রে। শিল্পী অত্যন্ত আকর্ষণীয় রঙ ব্যবহারের সাথে সাথে আরবী বর্ণ বিন্যাস করেছেন। নাসির উদ্দিন আহমেদ খান তেল রঙের মাধ্যমে এ্যাবস্ট্রেক্ট পেইন্টিং-এর আবহ সৃষ্টি করে তার উপর আরবী অক্ষর বিন্যাস করে চিত্র রচনা করেছেন। তার কোন কোন চিত্রে অক্ষরগুলোকে বৃহৎ আকারে ব্যবহার করেছেন এবং এর সঙ্গে ফুল-পাতার অনুভূতি সৃষ্টি করে চিত্রকে আকর্ষণীয় করবার প্রয়াস পেয়েছেন।

শিল্পী শহীদুল্লাহ জল রঙ মাধ্যমে ক্যালিঘাফি চিত্র অংকন করেছেন। আরবী বর্ণের পিছনে কোনটিতে তিনি মসজিদের গম্বুজ আবার কোটিতে কোরআনের ব্যবহার করে ধর্মীয় অনুভূতি প্রদানে সচেষ্ট হয়েছেন।

এই প্রবন্ধ লিখবার মুহূর্তে কয়েকজন শিল্পীর শিল্পকর্মের ফটো না থাকার কারণে তাদের শিল্পকর্ম বিষয়ে কোন কিছু উল্লেখ করা সম্ভব হলো না।

বর্তমান প্রদর্শনীতে অধিক সংখ্যক শিল্পীদের অংশগ্রহণ প্রয়াণ করছে যে, ক্রমাবয়ে ক্যালিগ্রাফি চিত্র চর্চা বাংলাদেশে জনপ্রিয় হয়ে উঠেছে। ভবিষ্যতে হয়তো আরও অনেক শিল্পী এ মাধ্যমে শিল্প চর্চায় উৎসাহিত হবেন এবং এক কালের জনপ্রিয় শিল্প বাংলাদেশেও জনপ্রিয় হবে। এবারের প্রদর্শনীর প্রধান শিল্পী এবং বলা যায় প্রধান আকর্ষণ মুর্তজা বশীর। তিনি যে বহু পূর্ব থেকে অত্যন্ত আন্তরিকতার সাথে ক্যালিগ্রাফি চর্চা করতেন তা তার এক সাক্ষাৎকারে স্পষ্ট হয়েছে। আমার এই প্রবন্ধ লেখা যখন শেষ করছি ঠিক তখনই হাতে এলো সকালের দৈনিক। সেই দৈনিকে তার এই সাক্ষাৎকারটি সবিস্তারে ছাপা হয়েছে। তিনি ক্যালিগ্রাফি চর্চা করতে গিয়ে আমাদের দেশের এক শ্রেণীর অবিবেচক এবং পরশ্রীকাতর মানুষদের দ্বারা যে আক্রান্ত হয়েছেন সাক্ষাৎকারে সে কথাও স্পষ্টভাবে বর্ণনা করেছেন। তবে তিনি যে ঐ সকল পরশ্রীকাতর মানুষদেরকে পরওয়া করেননি সেটি তার বক্তব্যে প্রমাণিত হয়েছে। তিনি তার সাক্ষাৎকারে শিল্প চর্চার ক্ষেত্রে তার বাবার সহনয় ভূমিকা, হাদীস-কোরআনের আলোকে শিল্প চর্চার ক্ষেত্রে পাপ-পূণ্যের বিষয়সহ বহু মূল্যবান তথ্য তুলে ধরেছেন। শেষে অত্যন্ত বলিষ্ঠ কষ্টে ঘোষণা করেছেন যে, বর্তমানে তিনি ব্যাপকভাবে ইসলামী অনুভূতিকে অবলম্বন করে চিত্রাংকন করছেন এবং সে সকল চিত্রের সাহায্যে সামনের রজমানে প্রদর্শনীর আয়োজন করবেন। এখানে তার বক্তব্য হবহু তুলে ধরা হলো। তিনি বলেছেন যে, ‘অন দ্যা অকেশন অব রমজান’ আমি এটা করবো। আমি জানি আমার উপর দিয়ে আরেকটা ঝড় বয়ে যাবে। সেই সবকে কেয়ার আমি করি না।’ আমাদের আশা শিল্পী মুর্তজা বশীরের এই বলিষ্ঠ ঘোষণা এবং ক্যালিগ্রাফি বিষয়ে তার উৎসাহ আরও অনেক শিল্পীকে অনুপ্রাণিত করবে এবং ক্যালিগ্রাফি শিল্প অন্যতম প্রধান শিল্প হিসেবে শিল্পপ্রেমী মানুষের হৃদয়ে স্থান করে নেবে।

---

লেখক : পরিচালক, বাংলাদেশ চারকলা ইনসিটিউট, ঢাকা বিশ্ববিদ্যালয়।

# অমুসলিমদের দৃষ্টিতে হযরত মোহাম্মদ (সা.)

## সৈয়দ আশরাফ আলী

বর্তমান বিশ্বের প্রায় একশ' কোটি মুসলমান নিঃসঙ্গে স্বীকার করেন যে, হযরত মোহাম্মদ (সা.) হচ্ছেন সর্বযুগের, সর্বকালের সর্বশ্রেষ্ঠ মানুষ। কিন্তু এই দাবী যখন করা হয় তখন অমুসলিম কিংবা যারা ধর্মে আদৌ বিশ্঵াস করেন না তারা অনেকেই প্রতিবাদ করেন, ভ্রকুটি করেন এবং প্রয়োজনবোধে ব্যঙ্গ করেন। এ কথা দুঃখজনক হলেও সত্য যে, তথাকথিত আধুনিক শিক্ষায় শিক্ষিত বা সাম্প্রতিককালের বিভিন্ন 'ISM'-এর দ্বারা প্রতাবাবিত মুষ্টিমেয় দুর্বলচিত্ত মুসলমানও এই দাবীর পটভূমিকায় উচ্চারণ করেন যে, আমরা মুসলমান বলেই নাকি একপ দাবী করছি। কিন্তু তাঁরা বোধ হয় জানেন না যে, আমাদের এই দাবী শুধুমাত্র ধর্মপ্রাণ মুসলমানদের দাবী নয়; এই দাবীর স্বীকৃতি দিয়েছেন উইলিয়াম ম্যারের মত কঠোর ইসলামবিদেবী, এই দাবীর স্বীকৃতি দিয়েছেন জন স্টুয়ার্ট মিলের মত Utilitarianism-এর একজন প্রখ্যাত প্রবক্তা, ঘোর নাস্তিক ও বিশ্ববিদ্যাত দার্শনিক। এই দাবীর স্বীকৃতি দিয়েছেন মহাআয়া গাঙ্কীর মত অহিংসবাদী, ধর্মপ্রাণ হিন্দু, এই দাবীর স্বীকৃতি দিয়েছেন বসওয়ার্থ স্বাথের মত ধর্মভীরুৎ পাদ্মী। এই দাবীর স্বীকৃতি দিয়েছেন নেপোলিয়ান বোনাপার্টের মত জগদ্বিদ্যাত বীর ও মনীষী, এই দাবীর স্বীকৃতি দিয়েছেন বার্নার্ডস'র মত বিশ্বনন্দিত সাহিত্যিক। এই দাবীর স্বীকৃতি দিয়েছেন আলবার্ট আইনস্টাইন-এর মত সর্বজন শ্রদ্ধেয় বিজ্ঞানী, এই দাবীর স্বীকৃতি দিয়েছেন শুরু নানকের মত উদারপ্রাণ ধর্মগুরু। যারা ইসলামের কথা শুনে উন্নাসিক হয়ে পড়েন, যারা যদেন করেন যে, ইসলাম হচ্ছে যথ্যযুগের চিন্তাধারা এবং আধুনিক বিশ্বের অনুপযোগী, তারা যদি একটু খোঁজ রাখতে কষ্ট স্বীকার করেন, অঙ্গতার মায়াজাল ছিড়ে বাইরে বেরিয়ে আসার সামান্য প্রয়াস নেন, তাহলে দেখবেন যে, হযরত মোহাম্মদ (সা.)-কে মুসলমানরাই শুধু শুন্দা করে না, পৃথিবীর

ইতিহাসে বিভিন্ন সময়, বিভিন্ন ধর্ম ও মতাবলম্বী বিশ্ববিদ্যাত ব্যক্তিত্বরাও মেনে নিয়েছেন তাঁকে যুগপ্রস্থা হিসেবে, মহামানব রূপে, এমনকি পৃথিবীর ইতিহাসে সর্বশ্রেষ্ঠ ব্যক্তি হিসেবে।

অমুসলিমদের দৃষ্টিতে ইসলামের নবী সম্পর্কে আলোচনা শুরু করার পূর্বে প্রথমেই বলে রাখা ভাল যে, হয়তর মোহাম্মদ (সা.) সম্পর্কে অমুসলিমদের মধ্যে এবং স্বল্পসংখ্যক তথাকথিত আধুনিক শিক্ষাপ্রাঙ্গণ ব্যক্তিদের মধ্যে যে ভান্ত ধারণা বিরাজ করছে তা আকস্মিক বা বিচ্ছিন্ন কোন ঘটনা নয়। এটি হচ্ছে একটি সুপরিকল্পিত কুট চক্রান্তের ফল। ‘এনসাইক্লোপেডিয়া ব্রিটানিকা’র মত নির্ভরযোগ্য প্রকাশনাও দাবী করছে: ‘Few great men have been so maligned ad Muhammed Christain scholars of medieval Europe painted Muhammed as an imposter, a Lecher and a man of blood. A corruption of his name, Mahound, came to signify the devil. This picture of Muhammed and his religion still retains some influence’. একই এনসাইক্লোপেডিয়া হ্যারত মোহাম্মদ (সা.)-কে আবার চিহ্নিত করেছে ‘জগতের ধর্ম-প্রবর্তকদের মধ্যে সর্বপেক্ষা সফলকাম পঞ্চমৰ’ হিসাবে।

ইসলাম ও হ্যারত মোহাম্মদ (সা.)-এর বিরুদ্ধে এই চক্রান্ত বা ঘড়্যন্ত যে কত সুপরিকল্পিত তার ছোট একটি নির্দশন মেলে মাইকেল হার্টের বিশ্ববিদ্যাত গ্রন্থ ‘দি হানড্রেড এ র্যাঙ্কিং অফ দি মোস্ট ইনফ্লুয়েনশিয়াল পারসনস ইন হিস্টরি’ শীর্ষক গ্রন্থে। এই গ্রন্থটি মাত্র ১১ বছর পূর্বে ১৯৭৮ সালে প্রকাশিত হয়। কিন্তু এর মধ্যেই এই বইটি তাপর্যময়ভাবে দুষ্প্রাপ্য হয়ে উঠেছে বিশ্বব্যাপী, একটি সুপরিকল্পিত চক্রান্তের দরুল্ল। এর কারণ বোধহয় এই যে, এই বইটিতে মাইকেল হার্টের মত একজন বিশ্ববিদ্যাত অমুসলিম দাবী করেছেন যে, পৃথিবীর ইতিহাসে যে সকল বিরল ব্যক্তিত্ব অসাধারণ প্রভাব বিস্তার করেছেন তাদের মধ্যে হ্যারত মোহাম্মদ (সা.)-এর স্থান সর্বশীর্ষে। তার ভাষায় :

My choice of Mhammad to lead the list of the world's most influential persons may surprise some readers and may be questioned by others but he was the only men in history who was supremely successful on both the religious and secular levels.

তাঁর এই অভিমতের জন্য এই বইটির প্রায় সমস্ত কপিই মুসলিম বিদ্যোৱাৰা সংগ্রহ করে এমনভাবে বিনষ্ট করেছে যে, অনেকে মনে করেন, এ জাতীয় কোন গ্রন্থ নাকি আদৌ প্রকাশিত হয়নি। এই গ্রন্থটির ‘রিভিউ’ বা পর্যালোচনা প্রকাশিত হয়েছে বিশ্ববিদ্যাত ‘নিউজ উইক’ পত্রিকার ১৯৭৮ সালের ২১শে জুলাই তারিখের সংখ্যায়। তবুও এটি বিস্ময়ের ব্যাপার যে, মুসলিম বিদ্যোৱা দাবী করেছেন, এ

জাতীয় গ্রন্থ নাকি আদৌ প্রকাশিত হয়নি। এই ঢাকা শহরেই অল্প কয়েক বছর পূর্বে একটি সেমিনারে তথাকথিত 'আঁতেলেকচুয়ালরা' এই বইয়ের অঙ্গত্ব সম্পর্কে গভীর সন্দেহ প্রকাশ করেন। এ থেকে সহজেই উপলব্ধি হয় যে, এক শ্রেণীর হ্যারত মোহাম্মদ (সা.) বিদ্যুর্বী লোকদের চক্রান্ত, দুরভিসংক্ষি কত মারাত্মক ও কত ভয়ংকর ছিল। অথচ, মাইকেল হার্ট এই গ্রন্থেই উল্লেখ করেছেন :

This ranking does not imply, of course, that I think Muhammad was greater man than Jesus.

কিন্তু তবু এই বইটি পুড়িয়ে ফেলা হয়েছে। কারণ, তথাকথিত আধুনিক শিক্ষায় শিক্ষাপ্রাঙ্গণ ব্যক্তিরা তো স্বীকার করতে পারেন না যে, ১৪শ' বছর পূর্বের পার্থিব অর্থে নিরক্ষর একজন আরব পৃথিবীর ইতিহাসে সর্বাপেক্ষা বেশী প্রভাব বিজ্ঞারে সফল। তাদের 'ISM' তাঁদের আধুনিক শিক্ষা তাদেরকে তো এই সত্য স্বীকার করতে দেবে না।

কিন্তু কেন এই চক্রান্ত, কেন এই বিশোদগার? এর কারণ হ্যারত মোহাম্মদ (সা.) শুধুমাত্র আরবদের জন্য বা মুসলমানদের জন্যই প্রেরিত হননি। তিনি ছিলেন সমগ্র বিশ্বজগতের জন্য, সকল সৃষ্টির জন্য রহমত- রাহমাতুল্লিল আলামীন। পবিত্র কোরআনে সুস্পষ্টভাবে উল্লেখ করা হয়েছে: 'হে মানবকুল! নিশ্চয় আমি তোমাদের সকলের নিকট আল্লাহর রাসূল বা প্রেরিত দৃত'।

তাঁর পূর্বসুরীদের মত তিনি একটি জাতির জন্য, কোন একটি দেশের জন্য, কোন একটি সমাজের জন্য প্রেরিত হননি। আমরা বিশ্বাস করি যে, তিনি বিশ্বজগতের সমস্ত সৃষ্টির কল্যাণের জন্যই প্রেরিত হয়েছেন।

অবশ্য এ দাবী শুধুমাত্র মুসলমানদেরই নয়। জর্জ বার্নার্ডশও দাবী করেছেন: 'মধ্যযুগের খৃষ্টীয় ধর্মাজকগণ তাঁদের অজ্ঞতা কিংবা গৌড়ামির কারণে মোহাম্মদকে কৃত্যবর্ণে চিত্রিত করিয়াছেন। বস্তুত তাহাদিগকে মানুষ মোহাম্মদ এবং তাহার ধর্মকে শৃণু করিতে শিক্ষা দেওয়া হইয়াছিল। তাহাদের কাছে মোহাম্মদ ছিলেন দজ্জাল। আমি তাহাকে অধ্যয়ন করিয়াছি— আশ্চর্য মানুষ তিনি। আমার বিশ্বাস, তাহাকে দজ্জাল না বলিয়া বরং মানব জাতির আগকর্তা বলাই উচিত। আমি বিশ্বাস করি, যদি তাঁহার মত কোন ব্যক্তি আধুনিক জগতের একনায়কত্ব এহণ করিতেন তবে তিনি ইহার সমস্যাগুলি এরপ্রভাবে সমাধান করিতে পারিতেন যাহাতে বহুল আকাঙ্ক্ষিত শাস্তি ও সুখ ইহজগতে আনয়ন করিতে সমর্থ হইতেন।'

গুরু নানক উল্লেখ করেছেন, 'এখন দুনিয়াকে পরিচালিত করার জন্য কোরআনই একমাত্র গ্রন্থ। সাধু, সংক্ষারক, গাজী, পীর, শেখ ও কুতুবগণ অশেষ উপকার পাবেন যদি তাঁরা পবিত্র নবীর উপর দরদ পাঠ করেন। মানুষ যে অবিরত অঙ্গির থাকে এবং নরকে যায় তার একমাত্র কারণ এই যে, ইসলামের নবীর প্রতি তার কোন শ্রদ্ধা নাই।'

নোবেল পুরস্কার বিজয়ী স্যার সিডি রমন বলেছেন, ‘মোহাম্মদের চরিত্র ছিল সম্পূর্ণ ও কল্পক্ষীয়। মোহাম্মদ কখনও নিজেকে ভগবানের সমান বলে মনে করেননি। তার অনুসারীরা কখনও একবারের জন্যও বলে না যে, তিনি একজন মানুষের চেয়ে বেশী অন্য কিছু ছিলেন। তারা কখনও তাঁকে গ্রীষ্মী সম্মান আরোপ করেন না। নিঃসন্দেহে আল্লাহর নবী হ্যরত মোহাম্মদ (সা.) অন্য যে কোন ব্যক্তির চেয়ে দুনিয়ায় অধিকতর মঙ্গল সাধন করে গেছেন।’

স্বামী বিবেকানন্দ ‘দি প্রেট টিচার্স অফ দি ওয়ার্ল্ড’ গ্রন্থে উল্লেখ করেছেন : ‘তারপর আসেন সাম্যের দৃত মোহাম্মদ! তুমি প্রশ্ন কর, তাঁহার ধর্মে কি ভাল আছে? যদি তাহাতে ভাল না থাকে, তবে কিরূপে তা বাঁচিয়া থাকে? কেবল ভালই বাঁচে, কেবল তাহাই টিকিয়া থাকে। এক অপবিত্র লোকের জীবন, এমনকি আমার এই জীবনেরও, কত কাল?’

পরিত্র লোকের জীবন কি দীর্ঘ হয়? নিঃসন্দেহে, কারণ পরিত্রতা শক্তি, সৎস্বভাব শক্তি। মুসলমান ধর্ম কিরূপে বাঁচিয়ে রাখিল যদি তাহার শিক্ষার কিছুই ভাল না থাকে? তাহাতে নিঃসন্দেহে বহু কিছু ভাল আছে। মোহাম্মদ ছিলেন সাম্যের পয়গম্বর, মোহাম্মদ ছিলেন মানুষে ভাত্তড়ের পয়গম্বর- সার্বজনীন বিশ্ব-ভাত্তড়ের পয়গম্বর।’

বিশ্ববিদ্যাত ঐতিহাসিক, সাহিত্যিক ও সমালোচক এইচ. জি. ওয়েলস ইসলামকে কল্পিত করার চেষ্টা করেছেন। মহানবীকে তিনি নানাভাবে দোষারোপ করেছেন। অন্যান্যভাবে বিভিন্ন কলঙ্কে কলঙ্কিত করেছেন। তবুও তিনি স্বীকার করেছেন: ‘দ্যর্থবোধক কোন প্রতীক ছাড়াই, অন্যকে মসীলিষ্ঠ বা পুরোহিতগণের স্তুতি না করেই, মুহূর্ম সেই আকর্ষণীয় বিশ্বাসগুলি মানবজাতিকে হৃদয়ঙ্গম করিয়েছিলেন। ইসলাম সৃষ্টি করেছিল এমন এক সমাজ, এর আগে দুনিয়ার অস্তিত্বশীল যে কোন সমাজের তুলনায় যা ছিল ব্যাপক নিষ্ঠৃততা ও সামাজিক অত্যাচার থেকে অধিকতর মুক্ত।’

অনেকের হয়ত ধারণা হতে পারে যে, অমুসলিম এই চক্রান্তের কাহিনী মুসলমানদের মনগড়া, তাদের কল্পনার ফলপ্রতি। কিন্তু ‘দি হানড্রেড’ শীর্ষক মাইকেল হার্টের যে গ্রন্থটির বিষয় পূর্বে উল্লেখ করা হয়েছে, সেটি সম্পর্কে পুস্তকের দোকানে কিংবা গ্রন্থাগারে খোঁজ নিলে প্রতীয়মান হয় যে, শুধুমাত্র বাংলাদেশ নয়, ইউরোপ, আমেরিকা, অস্ট্রেলিয়া, এমনকি এই এশিয়ারও বইয়ের কোন দোকানে এবং লাইব্রেরীতে সেটি পাওয়া যাবে না। মাত্র ১১ বছর পূর্বে প্রকাশিত ‘দি হানড্রেড’ গ্রন্থটি প্রায় কর্পুরের মত গায়েব হয়ে গেছে, যিশে গেছে ওমর বৈয়য়ামের ভাষায় ‘Yesterdays seven thousand years’-এর সঙ্গে। আরও একটি জ্বলন্ত

দৃষ্টান্ত দ্বারা হয়ত উপলক্ষি হবে যে, ইসলাম বিরোধীরা ইসলামকে কিভাবে বাধা প্রদান করে। বিশ্ববিখ্যাত মুঠিযোদ্ধা ক্যাশিয়াশ ক্লে যখন সনি লিস্টনকে পরাজিত করে ‘বিশ্ব হেভিওয়েট চ্যাম্পিয়ন’ আখ্য লাভ করেন তখন অমুসলিম সাংবাদিকরা তার বিষয়ের সংবাদ নির্দিধায় পৃথিবীর প্রতিটি কোণে পৌছে দেন। কিন্তু এই একই ব্যক্তি পরবর্তী পর্যায়ে যখন ইসলাম ধর্মে দীক্ষিত হয়ে মোহাম্মদ আলী নাম গ্রহণ করেন, তখনই সেই সংবাদ সম্পূর্ণরূপে গোপন রাখা হয় মাসের পর মাস। তদনীন্তন পূর্ব পাকিস্তানে থেকেও আমরা এ খবর জানতে পেরেছি বহু মাস পরে এবং সেটিও সম্ভব হয় মোহাম্মদ আলীর ব্যক্তিগত প্রয়াসের মাধ্যমে। ‘বস্ক্রিং-রিং’-এর মধ্যেই প্রতিপক্ষকে বার বার আঘাত করে তিনি জিজ্ঞাসা করতে থাকেন, ‘What is my name? What is my name?’ তার এই উন্নত রূপ দেখে সেদিন দর্শকরা এবং সাংবাদিকরাও সহজেই বুঝতে পেরেছিল, পৃথিবীও জানতে পেরেছিল যে, সত্যি তিনি আর ক্যাশিয়াশ ক্লে নন, তিনি তখন পুরোপুরি মুসলমান মোহাম্মদ আলীতে রূপান্তরিত হয়েছেন। একই ভাবে আমরা আজও সঠিকভাবে জানিনা, চন্দপৃষ্ঠে পদার্পনকারী প্রথম মানুষ নীল আর্মেন্ট্রিং সত্যি মুসলমান ধর্ম গ্রহণ করেছেন কিনা। বৃটেন, ভারত, অস্ট্রেলিয়ার বিভিন্ন পত্র-পত্রিকায় বিভিন্ন সময়ে স্বীকৃত হয়েছে যে, নীল আর্মেন্ট্রিং ও মাইকেল কলিস ইসলাম ধর্মে দীক্ষিত হয়েছেন। এই বাংলাদেশ থেকেও সরাসরি পত্র লেখা হয়েছে নীল আর্মেন্ট্রিং-এর কাছে। ‘নাসা’-র কাছে এই সত্যের স্বীকৃতির জন্য পত্র মারফত বেশ কয়েকবার অনুরোধ জানান হয়েছে। কিন্তু সুস্পষ্ট কোন উত্তর, কোন স্বীকৃতি বা অস্বীকৃতি অদ্যবধি পাওয়া যায়নি। বলা বাহ্যিক, আমাদের নবীর মহত্বকে, প্রতিভাকে, ওর্দার্যকে অমুসলিমরা যে স্বীকৃতি দিয়েছেন তা’ও সুস্পষ্টভাবে আমাদের কাছে পৌছতে দেয়া হয়নি।

১৮৪০ খ্রিস্টাব্দে প্রথমবারের মত পাশ্চাত্য জগতে ইসলামী বিরোধী এই মনোভাবের ব্যতিক্রম ঘটে যখন বিখ্যাত মনীষী টমাস কার্লাইল এডিনবার্গের বক্তৃতা মধ্যে দাঁড়িয়ে ৮ই মে তারিখে প্রকাশ্যে স্বীকৃতি দেন ইসলামের নবীকে মহামানব হিসেব। HERO, HERO-WORSHIP AND THE HEROIC IN HISTORY সিরিজে বক্তৃতা প্রদানকালে ‘HERO AS PROPHET’ শীর্ষক আলোচনায় তিনি উল্লেখ করেন : Our current hypothesis about Mahommet, that he was a scheming Imposter, a Falsehood incarnate that his religion is a mask of quachery and fatuity, begins really to be untenable to us. The lies, which well-meaning zeal has heaped round this man, are disgraceful to ourselves only.

নিবেদিতপ্রাণ ও একনিষ্ঠ খ্রিস্টান ধর্ম্যাজক বসওয়ার্থ স্মীথও উল্লেখ করেছেন: ধর্মগুরু ও রাষ্ট্রনায়ক মোহাম্মদ ছিলেন একাধারে ‘গোপ’ ও ‘সীজার’। কিন্তু পোপের

অসমৰ দাবী, অথবা সীজারেৱ বিশাল সৈন্যবাহিনী কোনটিই তাহাৰ ছিল না। যদি কোন মানুষ স্থায়ী সেনাবাহিনী, দেহৰক্ষী, রাজপ্রাসাদ, নির্দিষ্ট রাজস্ব ছাড়া কেবলমাত্ৰ ঐশ্বৰিক অধিকাৰ বলে রাজ্য শাসন কৰাৰ দাবী কৰিতে পাৰেন, তবে মোহাম্মদই হইতেছেন সেই ব্যক্তি। সাধাৰণ রাজপুৰুষগণ, এমনকি নেপোলিয়ন, ক্রমওয়েল ও সীজারেৱ ন্যায় শক্তিমান পুৰুষগণও ক্ষমতাৰ প্রলোভন ও আকৰ্ষণ হইতে নিজদিগকে দূৰে রাখিতে পাৰেন নাই। মোহাম্মদ পূৰ্ণ বিন্দুতায় রাজদৰবাৰেৱ ঐশ্বৰ্য, আড়স্বৰ ও আজ্ঞাভিমানেৰ অনেক উৎৰে উঠিয়াছিলেন। তিনি ক্ষমতাৰ আড়স্বৰেৱ কোন মূল্য দেন নাই। তিনি কেবল মূল্য দিয়াছেন সত্যেৰ। তাহাৰ সমসাময়িক ব্যক্তিগণ, এমনকি তাহাৰ শক্রুগণও যাহাৰা তাহাৰ বাণীকে অস্বীকাৰ কৰিয়াছিলেন, তাহাৰাও একবাক্যে প্ৰতিটি বিশয়ে তাহাৰ ন্যায়পৰায়ণতা, দয়াদৰ্চিত্বতা ও সত্যনিষ্ঠার উচ্চ প্ৰশংসা কৰিয়াছেন। জগতেৱ ইতিহাসে এক বিশেষ সৌভাগ্যেৰ বলে তিনি একধাৰে একটি ধৰ্ম, একটি জাতি ও একটি সাম্রাজ্যেৰ স্থপতি। যদিও তিনি নিৱক্ষণ ছিলেন এবং লিখিতে-পড়িতে পাৰিতেন না, তবুও তিনি ছিলেন এমন একটি গ্ৰহেৰ রচয়িতা যাহা একধাৰে একটি কাব্যগৰ্থ, আইনশাস্ত্ৰ, প্ৰার্থনা পুস্তক ও ‘বাইবেল’ এবং আজও পৃথিবীৰ এক-পঞ্চমাংশ অধিবাসী যাহাকে নিখুঁত রচনা কৌশল, জ্ঞান-গৰ্ভতা ও সত্য জ্ঞানেৰ প্ৰেৰণাৰ দিক দিয়া অলৌকিক বলিয়া শ্ৰদ্ধা কৰেন। মোহাম্মদ ইহাকে একটি অলৌকিক বস্তু বলিয়া দাবী কৰিয়াছেন এবং সত্যই ইহা ছিল একটি অলৌকিক সৃষ্টি। তিনি যে দাবী লইয়া জীৱন আৱৰ্ষ কৰিয়াছিলেন জীৱনেৰ সায়াহু অবধি সেই দাবী লইয়া তিনি সন্তুষ্ট ছিলেন। ইহা অপেক্ষা তাহাৰ সততা ও আন্তৰিকতাৰ বড় প্ৰমাণ আৱ কি হইতে পাৰে? আমি সাহস কৰিয়া বলিতে পাৰি যে, একদিন না একদিন প্ৰকৃত খৃষ্টধৰ্ম ও জগতেৱ শ্ৰেষ্ঠতম দৰ্শনও তাহাকে ইশ্বৰেৱ একজন আদৰ্শ পয়গম্বৰ আখ্যা দিতে বাধ্য হইবে।”

প্ৰজাপতিৰ পাৰ্থাৰ মত বৰ্ণাত্য ছিল মহানবীৰ জীৱন। অসাধাৰণ ছিল তাৰ প্ৰতাৰ। অনুপম ছিল তাৰ আদৰ্শ। এতদসত্ৰেও বাস্তবানুগ, অনুকৰণীয়, সহজ-সৱল, স্বাভাৱিক ছিল তাৰ চিন্তা-চেতনা, ধ্যান-ধাৰণা, বৰ্ণিল কৰ্মকাণ। নবী কৱীম (সা.)-এৱ সামগ্ৰিক জীৱনেৰ একটি সুন্দৰ ছবি আঁকা হয়েছে মনীষী স্ট্যানলি ল্যানপুলেৱ অপূৰ্ব ভাষায় :

‘এই মানুষটিৰ মধ্যে একদিকে নারীসুলভ কোমলতা ও অন্যদিকে পৌৱষব্যঙ্গক তেজস্বিতাৰ এমন সমাৰেশ ছিল যে, একুপ চৰিত্ৰ মানুষেৰ মনে যে প্ৰেম ও ভক্তিভাৱ জাগাইয়া তোলে তাহাতে সমালোচক নিজেৰ অজ্ঞাতসাৱেই অভিভূত হইয়া পড়েন এবং তাহাৰ পক্ষে সঠিক রায় দান দুৱহ ব্যাপার হইয়া পড়ে। তিনিই সেই ব্যক্তি যিনি বৎসৱেৰ পৱ বৎসৱেৰ ধৰিয়া নিঃসঙ্গভাৱে তাৰ স্বজাতিৰ ঘৃণা-বিদ্বেষ

সহ্য করিয়াছেন, আবার তিনিই সেই ব্যক্তি যিনি করমদ্বন্দের সময় অপরের হাত হইতে নিজের হাতকে কখনও প্রথমে সরাইয়া লন নাই। শিশুদের পরম প্রিয় সেই ব্যক্তিটি কখনও তাহার মনোরম লোচনের মৃদু হাসি এবং তাহার মধুর কষ্টের মধুরতর সংস্থান ছাড়া শিশুদের পাশ দিয়া যান নাই। সেই মানুষটির অকপট বক্ষুপ্রীতি, মহান উন্দার্য, অসমসাহসিকতা ও আশাবাদ ইত্যাদি গুণাবলী সমালোচনাকে স্তুতিবাদে পরিগত করে।'

‘তিনি সেই অর্থে একজন ভক্ত ছিলেন যখন ভক্তিই হয় পৃথিবীর সারবস্তু, যাহা মানব জীবনকে পচনের হাত হইতে রক্ষা করে। যখন জগতকে অনুপ্রাণিত করিবার জন্য ভক্তির একান্ত প্রয়োজন দেখা দিয়াছিল, তিনি সেই সময়েই একজন ভক্তের বেশে আভিভূত হন এবং তার ভক্তি ছিল মহৎ উদ্দেশ্যে নিবেদিত। যেই সামান্য কয়েকজন ভাগ্যবান মানুষ একটি বিরাট সত্যকে জীবনের মূল উৎসরূপে বিবেচনা করার পরম সৌভাগ্য লাভ করিয়াছেন, তিনি তাহাদেরই অন্যতম। তিনি ছিলেন এক ও অদ্বিতীয় আল্লাহর দৃত। জীবনের শেষ মুহূর্ত পর্যন্ত তিনি আত্মবিমৃত হন নাই এবং তার অস্তিত্বের নির্যাসস্বরূপ ছিল যে বাণী সেই বাণীকে তিনি বিসর্জন দেন নাই। তিনি নিজের দীনতাবোধ হইতে উচ্ছৃত মধুর ন্যতা ও বিরাট কর্তব্যানুভূতি সম্বলিত মর্যাদাবোধের সহিত তাহার জাতির নিকট আপন বারতা বহন করিয়া আনিয়াছিলেন।’

প্রেক্ষিতে, নিতান্তই স্বাভাবিক যে, জন উইলিয়াম ড্রেপারের মত বিশ্ববিখ্যাত ঐতিহাসিকও তার ‘এ হিটৰী অফ দি ইনটেলেকচুয়াল ডেভেলপমেন্ট অফ ইউরোপ’ শীর্ষক গ্রন্থে দ্যুর্ঘাতীন ভাষার স্বীকার করেছেন যে:

‘জরুরত মোহাম্মদ মানব ইতিহাসে সর্বাপেক্ষা শ্রেষ্ঠ প্রভাব বিস্তার করিয়াছেন।’ তার ভাষায় : ‘Four years after the death of Justinian, in A.D. 569, was born at Mecca, in Arabia, the man (Muhammad) who, of all men, has exercised the greatest influence upon the human race.’

সুপ্রসিদ্ধ ফরাসী দার্শনিকও ঐতিহাসিক লামার্টিনও তাঁর ‘Histoire de la Turques’ গ্রন্থে অভিমত প্রকাশ করেছেন যে: ‘যে কোন মাপকাঠিতেই মানব-মহসু বিচার করা হোক না কেন, আমরা সহজেই জিজ্ঞাসা করতে পারি- কোন মানুষ কি তাঁর (মহানবীর) চেয়ে মহৎ ছিলেন?’

---

লেখক: বিশিষ্ট ইসলামী চিন্তাবিদ, মহাপরিচালক, ইসলামিক ফাউন্ডেশন বাংলাদেশ।

# বিশ্বনবী (সা.)

## প্রসঙ্গ কাব্য সাহিত্য

### এম, এ, রশীদ চৌধুরী

সমস্ত প্রশংসা আল্লাহ তা'আলার। দরদ ও সালাম নবী মুহাম্মদের (সা.) প্রতি। হ্যরত আয়েশা (রা.) বর্ণিত মশহুর হাদীস অনুযায়ী ‘বিশ্বনবী (সা.) ছিলেন জীবন্ত কোরআন’। আল্লাহপাক পবিত্র কোরআনে ঘোষণা দিয়েছেন, ‘এ কিতাবে আমি কোন কিছু বাদ দেইনি’। আবার বিশ্বনবী মুহাম্মদের (সা.) কোন কাজ, কোন কথা কোরআনে পাকের অনুমোদন ছাড়া নেই। তাই কাব্য সাহিত্য প্রসঙ্গে মহানবী মুহাম্মদের (সা.)-এর দৃষ্টিভঙ্গি আলোচনা করতে গেলে আল কোরআনের কাছেই যেতে হয়।

পবিত্র কোরআনে সূরা আশ-শুআরা অর্থাৎ ‘কবিগণ’ নামে কোরআনের ২৬ নম্বর সূরাটির নামকরণ করা হয়েছে। এর তাৎপর্য অত্যন্ত সুন্দরপ্রসারী। সূরা আশ-শুআরার শেষ রূক্মুর শেষ আয়াতগুলো হলো : ‘(২২০) নিশ্চয় তিনি সর্বশ্রেষ্ঠ ও সর্বজ্ঞনী। (২২১) আমি আপনাকে বলব কি কার নিকট শয়তান অবতরণ করেং (২২২) তারা অবতীর্ণ হয় প্রত্যেক মিথ্যাবাদী, গোনাহগারের উপর। (২২৩) তারা প্রত্যুষ কথা এনে দেয় এবং তাদের অধিকাংশই মিথ্যাবাদী। (২২৪) বিজ্ঞান লোকেরাই কবিদের অনুসরণ করে। (২২৫) আপনি কি দেখেন মা তারা প্রতি যয়দানেই উদ্ভ্রান্ত হয়ে ঘুরে বেড়ায়ঃ (২২৬) এবং এমন কথা বলে যা তারা করে না। (২২৭) তবে তাদের কথা ভিন্ন, যারা বিশ্বাস স্থাপন করে ও সৎকর্ম করে এবং আল্লাহকে বেশী বেশী স্মরণ করে এবং নিপীড়িত হলে প্রতিশোধ গ্রহণ করে। নিপীড়িনকারীরা শৈতানেই জানতে পারবে তাদের গন্তব্যস্থূল কিরণ!’

আল কোরআনের ভাষাশৈলী, বাচনভঙ্গী, ছন্দময়তা এতো উন্নত যে, যার তুলনা নেই। যদিও এটা কোন কাব্যগ্রন্থ নয়। আল্লাহর সমগ্র সৃষ্টিতে এই ছন্দময়তা

বিরাজমান। প্রতিদিনের সূর্যোদয় এবং অন্তগমন থেকে শুরু করে সমুদ্র সোত, বায়ু প্রবাহ, জোয়ার-ভাটা, পাথির কলরব, মৌমাছির শুঁজরণ, এমনকি ইলেক্ট্রন, নিউট্রন এবং প্রোটনের মধ্যেও সেই অনাবিল ছন্দময়তা বিজ্ঞানীরা অবলোকন করে যে নিপুণ নিয়মতাত্ত্বিকতা আবিষ্কার করেছেন তাতে গোটা বিশ্বকে একখানা অপূর্ব কাব্যগ্রন্থের সঙ্গে তুলনা করা যায়। আমরা জানি তৎকালীন আরব সমাজ, যাকে আইয়ামে জাহেলিয়াত বলা হয়, প্রায় সব দিক থেকেই কুসংস্কারের অঙ্ককারে নিমজ্জিত ছিল। কিন্তু কবিতার ক্ষেত্রে তাদের উৎকর্ষতা আজও প্রবাদের মতো। তাদের সকল সাহিত্যকর্ম ছন্দময় বাক্যে লিপিবদ্ধ ছিল। উকাজের মেলায় গণ্যমান্য ব্যক্তিরাও অনুষ্ঠানের আয়োজন করে কবিতা আবৃত্তি করতেন, শুনতেন। প্রতি বছর কাবার দেয়ালে সুদৃশ্য মিশ্রীয় বন্ধে সোনালী অঙ্কে লিপিকৃত সে বছরের প্রের্ণ সাতটি কবিতামালা ঝুলিয়ে রাখা হতো; যা ‘বুলন্ত কাব্য সপ্তক’ নামে পরিচিত ছিল। যদিও কাব্যগুণে ঐসব কবিতা অত্যন্ত উন্নতমানের ছিল কিন্তু ওগুলো শিরক এবং অশ্লীলতায় পরিপূর্ণ থাকতো। যেকো বিজয়ের পর এই প্রথা পরিত্যক্ত হয়। বর্তমানে কাবার গেলাফে অপরূপ সৌন্দর্যে শোভা পায় আল কোরআনের বাণী। সুদৃশ্য কেলিগাফিতে কালো বন্ধের উপর সোনালী রংয়ের রেশমী সূতার কারুকাজে আল্লাহর বাণীসমূহ কি অপার মহিমায় ফুটে উঠে। বারবার ফিরে তাকাতে ইচ্ছে করে। কি বিরাট এবং মহিমাভিত্তি পরিবর্তন। নিজ চোখে এবং অন্তরদৃষ্টি দিয়ে না দেখলে এই অপরূপ সৌন্দর্যের সৌরভ উপলব্ধি করা যায় না। আমার আফসোস হয়, নজরুল, ফররুখদের মতো কবিরা যদি এই মহিমাভিত্তি দৃশ্য স্বচক্ষে দেখতে পেতেন, তাহলে তাঁদের কাব্য, সঙ্গীত, হামদ, নাত এদেশের মানুষকে আরো বেশীভাবে আল্লাহ এবং রাসূলপ্রেমে মতিয়ে রাখতো।

কবিদের একটি অন্তরদৃষ্টি থাকে। তা দিয়েই তাঁরা অনেক কিছু দেখতে পান। তাই হয়তো স্বচক্ষে না দেখেই তাঁরা এমন সুন্দর বর্ণনা তাঁদের কবিতা ও সঙ্গীতে ফুটিয়ে তুলতে পেরেছেন। যেমন, নজরুল গেয়েছেনঃ

‘বক্ষে আমার কাবার ছবি

চক্ষে মোহাম্মদ রসূল

শিরোপারি ঘোর খোদার আরশ

গাই তারি গান পথ বেঙ্গুল।’ অথবা,

‘খোদার হাবিব হলেন নাজেল খোদার ঘর ঐ কাবার পাশে

কুঁকে পড়ে আর্শ কুর্শি, চাঁদ সুরুয় তাঁয় দেখতে আসো॥

ভেঙ্গে পড়ে মূরত মন্দির, লাত-মানাত, শয়তানী তথত

লা-ইলাহা ইল্লাল্লাহ’র উঠিছে তকবীর আকাশে॥

খুশীর মউজ তুফান তোরা দেখে যা মরুভূমে

কোহ-ই তুরের পাথরে আজ বেহেশতী ফুল ফুটে হাসো।’  
 ফরমুখ বারবার বলেছেনঃ  
 ‘তবু দেখা যায় দূরে বহু দূরে হেরার রাজতোরণ।’ অথবা  
 ‘নাইতো মা’বুদ আল্লাহ ছাড়া  
 তোহিদ সুর জাগায় সাড়া, জাগায় সাড়া।’ অথবা  
 ‘তোমার কাবা, তোমার কোরআন  
 হয়নি আমার জানা  
 জানের আলোয় করো উজল হৃদয়- রাববানা।’

আজও জাহেলিয়াত যুগের কবি ইমরাউল কায়েস প্রমুখের কবিতা মদ্রাসায় পড়ানো  
 হয়। আরবী কাব্য-সাহিত্যে এদের স্থান শেক্সপীয়ারের মতো। কারণ কাব্যগুণে  
 এগুলো কালোত্তীর্ণ। কিন্তু এই কাব্য চর্চা তৎকালীন আরব সমাজকে শয়তানের  
 প্ররোচনায় জাহেলিয়াতের অতল গহ্বরে নিয়ে গেল। কারণ এই অপূর্ব শিল্প  
 মাধ্যমকে তারা মদ্যপান, অশ্রীলতা, প্রতিহিংসা, অপবাদ, গীবত, যুদ্ধ, উন্মাদনা,  
 যৌন উত্তেজনা, ব্যক্তিবন্দনা, মিথ্যাচার, অহংকার, মানুষকে মানুষের বিরুদ্ধে  
 সামান্য কারণে ক্ষেপিয়ে তোলা, নারীদেহের অশ্রীল বর্ণনা, প্রকৃতি ও প্রতিমা পূজা,  
 মিথ্যা বংশগৌরব ও ভোগবাদী সমাজ সৃষ্টিতে ব্যবহার করতো। তারা সমগ্র  
 সমাজকে কবিতামুখী করে তুলেছিল। কিন্তু আফসোসের বিষয় হলো, আমাদের  
 বর্তমান কবিদেরও অনেকে এ ব্যাপারে আজ মোটেই পিছিয়ে নেই। তার প্রমাণ  
 আমাদের হাতের কাছে, যা আমরা প্রতিনিয়তই দেখতে পাচ্ছি।

অত্যন্ত স্বাভাবিকভাবে রাসূল (সা.)-এর সাহবাগণ ছিলেন কাব্যপ্রেমিক। সূরা আশু  
 ও আরার ‘কবিগণ’ সংক্রান্ত উক্ত আয়াতগুলো নাযিলের পর সাহবী কবিবৃন্দ  
 ক্রমনৱত অবস্থায় ছুটতে ছুটতে রাসূল (সা.)-এর দরবারে গিয়ে হাজির হলেন।  
 রাসূল (সা.) তাদের এ অবস্থায় দেখতে পেয়ে বললেন, ‘সূরার শেষ অর্থাৎ ২২৭  
 নম্বর আয়াতটি পড়ো।’ ২২৭ নম্বর আয়াতটি ছিল: ‘তবে তাঁদের কথা ভিন্ন, যারা  
 বিশ্বাস স্থাপন করে ও সৎকর্ম করে এবং আল্লাহকে বেশী বেশী স্মরণ করে আর  
 নিপীড়িত হলে প্রতিশোধ গ্রহণ করে। নিপীড়নকারীরা শীঘ্ৰই জানতে পারবে তাদের  
 গন্তব্যস্থল কিৰণপথ।’ কত সুন্দর এবং মহৎ অভ্যবাচন! এই সূরার প্রত্যেকটি আয়াত  
 এত চিরন্তন যে, মনে হয় যেন এগুলো এ যুগেই নাযিল হয়েছে। এ আয়াতগুলো  
 সকল যুগের কাব্য, সাহিত্য, সঙ্গীতসহ সকল প্রকার শিল্প সাধনার সঙ্গে কোন না  
 কোনভাবে সম্পৃক্ত। সূরার প্রথম থেকে শেষ পর্যন্ত অধ্যয়ন করলে ব্যাপারটা স্পষ্ট  
 হয়ে যায়। সূরার শুরুতেই আল্লাহ পাক ‘(১) ত্বা, সীন, মীম’-এর কোডওয়ার্ড দ্বারা  
 সত্যায়ন করে বললেন, ‘(২) এগুলো সুস্পষ্ট কিতাবের আয়াত।’ আবার শেষ

রুক্কুর শুরুতে বললেন, ‘(১৯২) এই কোরআন তো বিশ্ব জাহানের রবের নিকট থেকে অবর্তীণ। (১৯৩) বিশ্বস্ত ফেরেশতা একে নিয়ে অবতরণ করেন। (১৯৪) আপনার অস্তরে, যাতে আপনি সতর্ককারীদের অস্তর্ভুক্ত হন। (১৯৫) এর ভাষা সুস্পষ্ট আরবী।’ এরপর ২১০ থেকে ২১৩ এই চারটি আয়াতের প্রতি লক্ষ্য করা যাক, ‘(২১০) এই কোরআন শয়তানরা অবর্তীণ করেনি। (২১১) তারা এ কাজের উপযুক্ত নয় এবং তারা এর সামর্থ্যও রাখে না। (২১২) তাদেরকে তো শ্রবণের জায়গা থেকে দূরে রাখা হয়েছে। (২১৩) অতএব, আপনি আল্লাহর সাথে অন্য উপাস্যকে আহ্বান করবেন না। করলে শাস্তিতে পতিত হবেন।’ এতে আমরা দেখতে পাই যে, আল্লাহপাক আল কোরআনের প্রত্যেকটি বাণীকে শয়তানের প্রভাব থেকে কিভাবে সংরক্ষিত করে রেখেছেন।

আরবের মুশরিকগণ রাসূলকে (সা.) পাগল, জীনেধরা, যাদুকর এবং অন্য কারো শিথিয়ে দেয়া বাণী প্রচারের অভিযোগে অভিযুক্ত করেছিল। এমনকি, বর্তমান বিশ্বে শয়তানের অনুসারী কিছু বৃদ্ধিজীবী, লেখক, সমাজপতি এবং ভাষ্যকাররা উপরোক্ত ধারণাগুলো নবী কর্মীর (সা.) ব্যাপারে সৃষ্টিতে প্রচার করতে চায়। তাই দেখা যায়, আলোচ্য সূরায় উল্লেখিত শয়তান অবতরণের ব্যাপারটা শুধুমাত্র কবিদের প্রসঙ্গে আসেনি। এসেছে ব্যাপকভাবে সকল বাতিল আদর্শ, উদ্দেশ্যপূর্ণ এবং খেয়ালী ভাষ্যকারদের প্রতি। যদের মধ্যে ইসলামী আদর্শের প্রচার ও প্রসারকারী বলে পরিচয় দানকারী, আত্মপ্রসাদে পরিতৃপ্ত তথাকথিত আলেম সমাজের একটি অংশও অস্তর্ভুক্ত। তাই বলছিলাম, শিল্প-সাহিত্যের ব্যাপারে বুঝাতে হলে অন্ততঃ এই সূরাটি অত্যন্ত নিবিষ্ট চিত্তে সকলের অধ্যয়ন করা জরুরী।

নবী করীম (সা.)-এর সাথী কবিবৃন্দের অন্যতম ছিলেন হাস্সান বিন সাবিত (রা.), আবদুল্লাহ বিন রাওয়াহা (রা.), কা'ব বিন মালিক (রা.), লবিদ ইবনে রাবিয়া (রা.) প্রমুখ। একবার কা'ব বিন যুহায়ের (রা.)-এর একটি কবিতা শুনে নবী করীম (সা.) এতই খুশী হয়েছিলেন যে, তিনি তৎক্ষণাত্মে আপন গায়ের থেকে নিজের চাদরখানি খুলে তাঁকে উপহার দিয়েছিলেন। চাদরখানি এখনও তুরস্কের জাতীয় মিউজিয়ামে সুরক্ষিত আছে। অথব এই কা'ব বিন যুহায়ের (রা.) এক সময় ইসলামের কুৎসা রটনাকারী কবিদের অন্যতম নেতা ছিলেন। আসলে তৎকালীন আরব সমাজে কবিদের প্রাধান্য এবং সংখ্যা ছিল প্রচুর। দ্বিনের দাওয়াত পাওয়ার পর দেখা গেল সেই কবিদের একটি বিপুল অংশ ইসলামের ছায়াতলে আশ্রয় নিল। ফলে মানব সম্প্রদায়ের মধ্যে যেমন মানুষ একদল জান্নাতী ও অপর দল জাহান্নামী এ দু'টি ভাগে সুস্পষ্টভাবে বিভক্ত হয়ে গেল, তেমনিভাবে কবিরাও দু'টি ভাগে বিভক্ত হয়ে গেল এ আয়াতগুলোর মাধ্যমে। আর এ বিভাজনের মানদণ্ড হলো ‘কবিগণ’ সূরায় বর্ণিত কয়েকটি বিশেষ গুণ। এভাবে কোরআনে বর্ণিত গুণাবলী অর্জন করে

তৎকালীন কবিদের বিশাল অংশ ইসলামে দাখিল হওয়ার কারণেই দেখা যায়, নবী করীম (সা.)-এর সাহাবীদের একটি বিশাল অংশ মূলতঃ উচ্চতরের কবি ছিলেন। কোরআনের উক্ত সূরার ২২৭ নম্বর আয়াতটি বিশ্লেষণ করলে দেখা যায়, মহান আল্লাহ কবিদের মাত্র চারটি গুণে বিভূষিত হয়ে কল্যাণের ধারায় নিজেদের সম্পৃক্ত করতে বলেছেন। চিরন্তন কল্যাণের পথে এগিয়ে চলা এ কবিগণ প্রথমেই আল্লাহর ওপর ঈমান আনে। দ্বিতীয়ত তারা সৎকর্ম করে। তৃতীয়ত তারা আল্লাহকে বেশী বেশী শ্রদ্ধণ করে এবং সর্বশেষ ও চতুর্থত তারা নিপীড়িত হলে প্রতিশোধ গ্রহণের জন্য উচ্চকিত হয়। মূলতঃ যে কোন মানুষের জীবনকে সফল করতে হলেই এ চারটি কাজ তাকে করতে হবে। তবে কবিদের জন্য আল্লাহ বিশেষ করে এ চারটি কাজ করার কথা উল্লেখ করেছেন এ জন্য যে, যখন কোন মানুষ ঈমান আনে ও সৎ কাজ করে তখনই সে মুসলিম দলভুক্ত হয়ে যায়। কিন্তু কবিরা ভাবুক ও কল্পনাবিলাসী হওয়ার কারণে নেক আমলে তাদের ভুলভাষ্টি হওয়ার অবকাশ থাকে। এ ধরনের ভুল থেকে কবিরা যেন বেঁচে যেতে পারে এ জন্য তাদেরকে বলা হয়েছে বেশি বেশি আল্লাহকে শ্রদ্ধণ করার কথা। আল্লাহর শ্রদ্ধণ মানুষকে যাবতীয় পাপ ও অন্যায় কাজ থেকে বিরত রাখে। এরপর আল্লাহ কবিদের একটি বিশেষ দায়িত্ব অর্পণ করেছেন। বলেছেন, নির্যাতীত হলে প্রতিবাদ করার কথা। আয়াতের এ অংশ কবিদের শ্রদ্ধণ করিয়ে দেয়, সমাজে অন্যায়, অসঙ্গতি ও নির্যাতন দেখলে তার বিরুদ্ধে সোচ্চার হওয়া কবিদের নৈতিক দায়িত্ব। এ জন্যই দেখা যায়, পৃথিবীর প্রায় সকল সমাজ বিপ্লবের প্রাথমিক ডাক দিয়েছে কবিরা। কারণ আল্লাহ সমাজের গতিধারা অনুধাবন করার যে বিরল ক্ষমতা কবিদের দিয়েছেন, তা অন্যদের দেননি। কবি-সাহিত্যিকরা আবান দেয়, মুসলিমরা সমবেত হলে তাদের ইমামতি করার জন্য এগিয়ে যায় রাজনৈতিক নেতারা, এটাই সভ্যতার ইতিহাস।

রাসূল (সা.) নিজে কবি ছিলেন না। আল্লাহপাক বলেন, ‘কবিতা চর্চা তাঁর কাজ নয়, এটা তাঁর জন্য শোভনীয়ও নয়’। কারণ রেসালাতের যে মহান দায়িত্ব আঞ্চাম দেয়ার জন্য তাঁকে দুনিয়ায় প্রেরণ করা হয়েছে সে দায়িত্ব ফেলে রেখে কেবলমাত্র মানবতুষ্টির জন্য কাব্যচর্চা করা তাঁর দায়িত্ব ও মর্যাদার পক্ষে মানানসই নয়। কারণ তিনি কবি নন, নবী। যার মর্যাদা কবিত্বের মর্যাদার চাইতেও অনেক অনেক শুণ বেশী। মর্যাদার সে সুমহান স্তর থেকে কবিত্বের সংকীর্ণ এবং মানবীয় মর্যাদায় তাঁকে অভিষিক্ত করা কিছুতেই সমীচীন ও সঙ্গত হতে পারে না।

কিন্তু তার মানে এ নয় যে কাব্য রসের সাথে তাঁর কোন পরিচয় ও সংযোগ ছিল না। বরং সীরাতে রাসূল থেকে জানা যায়, তিনি ছিলেন কবিতার একনিষ্ঠ ভক্ত ও অনুরাগী। তিনি কবিতার ভাষা এবং শব্দ চয়ন খুব মনোযোগের সঙ্গে শুনতেন।

প্রয়োজনবোধে কবিতার শব্দ পরিবর্তনের নির্দেশ দিয়ে সাহাৰা কবিবৃন্দকে শিরক  
অথবা সন্দেহবাদ থেকে মুক্ত করতেন।

ইসলামের সোনালী যুগের তরঙ্গ কবিগণকে হ্যৱত ওমৱ (ৱা.) জাহেলিয়াত যুগের  
শ্রেষ্ঠ কবিতাগুলো পড়ে নেয়াৰ তাগিদ দিতেন। কেননা, তুলনামূলক পঠন-পাঠন  
যে কোন কাব্যের গুণগত তাৰতম্য সঠিকভাবে অনুধাবনেৰ জন্য অপৰিহার্য বলে  
তিনি মনে কৰতেন।' তাই এসব কবিবৃন্দ আল কোরআনেৰ রচনাশৈলীৰ প্ৰভাবে  
এবং সুৱা আশ্ৰণ আৱার শেষ অৰ্থাৎ ২২৭ নম্বৰ আয়াতেৰ অনুপ্ৰেৰণায় এক  
অনাবিল উন্নত কাব্য সম্ভাৱে বিশ্বেৰ কাব্য সাহিত্যে বৈপ্লাবিক পৰিবৰ্তন সাধন  
কৰেন। বহুকাল ধৰে মুসলিম কাব্য সাহিত্যে জাহেলিয়াত যুগেৰ কাব্য চৰ্চাৰ  
অমানবিক এবং অশ্রীল দিকগুলো বৰ্জন কৰা হয়েছে। সেই সূত্ৰ ধৰে আমৱা পাই  
কুমুদী, সা'দী, হাফিজ, ইকবাল, হালী, নজৰুল, ফরহুদ প্ৰমুখেৰ মতো কালজয়ী  
কবিগণকে।

সাহাৰা কবিবৃন্দ একদিকে আল কোরআনেৰ মাধুৰ্যমণ্ডিত ভাষা, অন্য শব্দ বাংকাৰ,  
ছন্দময়তা এবং অপূৰ্ব রচনাশৈলী, অন্যদিকে জাহেলিয়াত যুগেৰ কবিতার ছন্দ ও  
শৈল্পিক উৎকৰ্ষতাৰে আঘাত কৰে কাব্য ক্ষেত্ৰে যুগান্তকাৰী বিপ্লব সাধন কৰেন।  
তাৱা ছিলেন সুৱা আশ্ৰণ আৱার শেষ আয়াতে বৰ্ণিত বৈশিষ্ট্যেৰ অধিকাৰী মুমিন  
কবি। যাদেৱ প্ৰভাৱ বিশ্ব শতাব্দীৰ পূৰ্ব পৰ্যন্ত মুসলমান কবিগণেৰ উপৰ কৰ্ম-বেশী  
বিদ্যমান ছিল। বিশ্ব শতাব্দীৰ পূৰ্বে শিৱক এবং অশ্রীলতা তাঁদেৱ কবিতায় তেমন  
পৱিলক্ষিত হয় না। কোন কোন মুসলমান নামধাৰী কবি 'প্ৰতি ক্ষেত্ৰে উদ্ভ্রান্ত হয়ে  
ময়দানে ঘুৱে ফিরেছেন এবং বিভাস লোকেৱা তাঁদেৱ অনুসৰণ কৰে' সমাজে  
শিৱক এবং নাফৰমারীৰ বিস্তাৰ ঘটিয়েছে। কিন্তু অশ্রীলতাৰ প্ৰসাৱ তখনও এতোটা  
ব্যাপক হয়নি। বিখ্যাত মনোবিজ্ঞানী সিগমণ ফ্ৰয়েড প্ৰমুখেৰ প্ৰভাৱে পাশ্চাত্যে  
অশ্রীলতাৰ সয়লাব বয়ে যায়। চাৰ্লস ডারেউইন এবং কাৰ্ল মাৰ্কস প্ৰমুখেৰ মতবাদ  
এতে ইন্ধন যোগায়। উনবিশ্ব শতাব্দীৰ এই জোয়াৰ মুসলিম বিশ্বে অবাৱিতভাৱে  
প্ৰবেশ কৰে। কাৰণ প্ৰায় সমগ্ৰ মুসলিম জাহান তখন ছিল পাশ্চাত্য সন্ত্রাঙ্গেৰ  
কৱতলগত। বিশ্ব শতাব্দীৰ শুৱলতে পাশ্চাত্যেৰ কবি, সাহিত্যিক, শিল্পী ও  
সংস্কৃতিসেবীগণ আধুনিক বিশ্বে অশ্রীলতা এমন ব্যাপকভাৱে ছড়িয়ে দেয় যাতে  
সমাজে নগতা মহামাৰীৰ আকাৰ ধাৰণ কৰে। ফলে সমগ্ৰ বিশ্বে নাৰী ধৰ্ষণ,  
ছিনতাই, হত্যা, যুদ্ধ-বিগ্ৰহ, ভয়াবহুলপে দেখা দেয়। বৰ্তমান মিডিয়া বিপ্লবেৰ  
মাধ্যমে বিশ্বেৰ সৰ্বত্র এই আধুনিক জাহেলিয়াতেৰ বিশ্বাস ঘটেই চলেছে।

অপৰদিকে বিজ্ঞানেৰ জয়যাত্রাৰ অনেক সুফল মানুষেৰ সহজ যাতায়াত ও  
ইন্টাৱনেটেৰ মাধ্যমে তথ্যেৰ আদান-প্ৰদান অতি সহজে সত্যকে জানাৰ এবং  
উপলক্ষি কৰাৰ অনেক সুযোগ কৰে দিয়েছে। বিভিন্ন দেশেৰ কাব্য-সাহিত্যেৰ

অজস্র অনুবাদসহ আল কোরআনের বহু মূল্যবান তফসীর গ্রন্থ পৃথিবীর বিভিন্ন ভাষায় প্রকাশিত ও প্রচারিত হচ্ছে। ইসলামের মৌলিক আকায়েদ অনুযায়ী সমাজ বিজ্ঞান, রাষ্ট্র বিজ্ঞান, অর্থনীতি, কাব্য-সাহিত্য, সংস্কৃতির রূপরেখাসহ অনেক গ্রন্থ রচিত, অনুদিত ও প্রচারিত হয়েছে বিংশ শতাব্দীতেই। রেডিও, টেলিভিশন, চলচ্চিত্র, কম্পিউটার, ইন্টারনেট, সবকিছুতেই ইসলামের অনুপ্রবেশ ঘটেছে। যার ফলে বিজ্ঞান ও প্রযুক্তির যে শীতল যুদ্ধ বিংশ শতাব্দীতে শুরু হয়েছিল সমাজতন্ত্র ও ধনতন্ত্রের মধ্যে, সে রকম প্রজ্ঞার একটি প্রতিযোগিতা ইতিমধ্যে শুরু হয়ে গেছে ইসলাম এবং জড়বাদের মধ্যে। একবিংশ শতাব্দীর শুরুতেই এর একটা ফয়সালা হয়ে যাবে বলে মনে হয়। প্রতিদিনের বিশ্ব সংবাদ পর্যবেক্ষণ করলে এর আলামত পাওয়া যায়। আমাদেরকে এই প্রজ্ঞার যুদ্ধে জয়লাভ করতে হলে আল কোরআনের কাছে ফিরে যেতে হবে। এ ব্যাপারে কাব্য-সাহিত্যের একটি বড় ভূমিকা আছে। তাই বিশ্বের কাব্য ভাষার সম্পর্কে না হলেও আমাদের কবি ও কবিতার প্রতি তীক্ষ্ণ নজর রাখতে হবে। আরো একটি ব্যাপারে আমাদের সতর্ক থাকতে হবে, তা হলো প্রযুক্তিতে পিছিয়ে থাকা ও প্রজ্ঞার প্রতিযোগিতায় হেরে যাওয়ার আশঙ্কা। অপপ্রচার ছাড়াও উন্নত প্রযুক্তিসম্পন্ন জাতি পেশী শক্তিতে বিশ্বস্ত করার প্রয়াস নিতে পারে প্রতিপক্ষকে। সূরা আশু শু'আরা এ কথাটিই বার বার আমাদের শ্বরণ করিয়ে দেয়।

## ২.

আরবী কবিতার বাংলা অনুবাদসহ কবিতা পড়া আমার প্রায় নিত্যদিনের অভ্যাস। তাই আমি শেঞ্চগীয়ার, হাইটম্যান, এজরাপাউও, ইলিয়াট, শেলী, কীট্স থেকে শুরু করে ঝুঁঢ়ী, ইকবাল, হালী, নজরুল, ফররুখ, সৈয়দ আলী আহসান, তালিম হোসেন, আহসান হাবীব, আশরাফ সিদ্দিকী, দিলওয়ার, শামসুর রাহমান, আল-মাহমুদ, আফজাল চৌধুরী, ওমর আলী, আবদুল মান্নান সৈয়দ এবং রবীন্দ্রনাথ, সুকান্ত ভট্টাচার্য, সুনীল গঙ্গোপাধ্যায়, মহাদেব সাহা, নির্মলেন্দু শুণ, ত্রিদিব দণ্ডিদার এবং একেবারে সাম্প্রতিক কালের কবিদের কবিতা অত্যন্ত নিবিষ্টিচিত্তে অধ্যয়ন করে থাকি। এ জন্যই হয়তো সূরা আশু শু'আরার তাৎপর্য আমার কাছে এমন পরিষ্কার এবং প্রাসঙ্গিক বলে মনে হয়েছে। সালমান রুশদীর 'দি স্যাটানিক ভার্সেস' আমি ভালভাবে পড়েছি। তাই আমি বুঝতে পারি শয়তান কাদের ওপর অবতরণ করে। আল্লাহর অসীম রহমতে আমি বিভাস্ত হইনি। আল কোরআনের বাণীর ওপর আমার প্রত্যয় আরো দৃঢ় হয়েছে। আলহামদুলিল্লাহ। তাই আমি শামসুর রাহমানদের অরুচিকর কবিতার নিদা করি, সালমান রুশদী, দাউদ হায়দারদের অর্থলিঙ্গা ও প্রচারমোহকে ঘৃণা করি। ওদের লেখার ছত্রে ছত্রে শয়তানের সূক্ষ্ম

কারুকার্য প্রত্যক্ষ করি। দেখতে পাই তাদের মিথ্যার বেসাতি। আমি চিনতে পারি ওদের উদ্ভাস্ত অনুসারীদের। স্বরূপ উদঘাটনের জন্য আমি তাদের অশ্রাব্য কবিতার উদ্ভৃতি দিতে চাই না। পাঠকরাই পড়ে দেখবেন। ওদের অনেককেই মনে হয় জাহেলিয়াত যুগের কাব্যসভার সদস্য। সুরা আশ্ শুআরার আলৌকিক বাণী মনে করিয়ে দেয়, সকল যুগেই একশ্রেণীর কবি মিথ্যাবাদী এবং শয়তানের অনুসারী হয়। তাদের দাঙ্গিকতাপূর্ণ পদচারণায় সাধারণ মানুষ বিভাস্তও হয়। এদের হালুয়া-রুটির অভাব হয় না। রাজতন্ত্র, গণতন্ত্র, একনায়কতন্ত্র যে কোন রাষ্ট্র ব্যবস্থায় ওরা সামনের সারিতে স্থান করে নেয়। কারণ তোষামোদ ও ব্যক্তিবন্দনা তাদের মজ্জাগত। অশ্লীলতার আকর্ষণে এরা তরুণ-তরুণীদের সর্বনাশ করে। তারা সভা সমিতিতে অনেক সময় নীতিকথা শোনায় যা তারা নিজেরা অনুশীলন করে না। আল কোরআনের স্পষ্ট বাণীকে ওরা মানতে চায় না। আল্লাহ ও ফেরেশতায় ওদের বিশ্বাস নেই। নেই আস্তা আল্লাহর সার্বভৌমত্বে। ওরা ভোগ বিলাসী। কিন্তু একটি ব্যাপারে ওরা বড় অসহায়। সত্যকে দেখলেই ওরা আঁতকে ওঠে। কারণ ওদের সৎ সাহস নেই। সত্যকে ওরা বড় বেশী ভয় পায়। রুখে দাঁড়ালে ওরা গা ঢাকা দেয়, ভোল পাল্টায়। শিল্পের গোলক ধাঁধায় বঞ্চিত-নিপীড়িত মানুষের প্রতি ওদের দরদ উগড়ে দেয়। কিন্তু তাদের ব্যক্তি জীবন পর্যবেক্ষণ করলেই সে কপটতা ও মুনাফেকী ধরা পড়ে যায়। তারা ব্যক্তি স্বাধীনতার নামে ব্যক্তিগত জীবনকে ‘প্রাইভেট এ্যাফেয়ার’ বলে আড়াল করতে চায়। সাহিত্য, কবিতা, সঙ্গীত, নাটক, শিল্প, ভাস্কর্য ওদের কৃতকর্মের বাহন।

আদিকাল থেকে কাব্য চর্চার ইতিহাস পর্যালোচনা করলে আমরা দেখতে পাই, সুনির্দিষ্ট আদর্শের অভাবে প্রায় সকল যুগেরই এক শ্রেণীর কবি বিভাস্ত হয়ে উপত্যকায় ঘুরে বেড়ায়। সেই সুযোগে শয়তান তাদের প্রতিভাকে কাজে লাগিয়ে সমাজে শিরক, অশ্লীলতা এবং মিথ্যার রাজত্ব চালায়। পক্ষান্তরে, আলোচ্য সুরার সর্বশেষ আয়াতে সত্য ও সুন্দরের সৈনিক কবিদের গুণাগুণ ও পরিচয় অতি স্পষ্ট। তাঁরা হলেন প্রত্যয়ন্ত্রিত ইমানদার, সৎকর্মশীল, পরহেজগার ও চরিত্রবান মানুষ। আল্লাহর শ্বরণে তাঁরা সদা মশগুল থাকেন। তবে অত্যাচারীর খড়গ কৃপাণকে গুঁড়িয়ে দিতে তারা পিছপা হন না। ওদের মসীই তখন অসিতে ঝুপান্তরিত হয়। তারা ইলহামের সাহায্যে ভবিষ্যত দ্রষ্ট। জ্যোতিষি কিংবা গণককে তারা উপেক্ষা করেন। ইহজাগতিক চাকচিকে তাঁরা অস্বস্তি বোধ করেন। তাঁদের রচনা শিল্পাত্মীর্ণ কিন্তু বল্লাহীন নয়। মুক্তিচান্তায় তাঁরা বিশ্বাস করেন কিন্তু কপটতায় নয়। শিল্পের সীমানায় যেমন তাঁরা সূক্ষ্ম কারিগর, তেমনি প্রতিটি ক্ষেত্রে ‘সীমালংঘনের’ ভয়ে সদা সতর্ক। নবী করীম (সা.)-এর সাহারী কবিবৃন্দের কবিতা পাঠ করলে উক্ত আয়াতের তৎপর্য গভীরভাবে করা অনুধাবন করা যায়।

বাংলা কবিতা ও সঙ্গীতের যিনি মুকুটহীন রাজা, আমাদের জাতীয় কবি কাজী নজরুল ইসলামের কাব্য-সাহিত্য এবং তার জীবন চরিত পর্যালোচনা করলে অনেকের কাছেই বেশিকিছু অসংগতি চোখে পড়তে পারে। তাঁর রচনায় হিন্দু ‘পুরাণে’র বিষয়বস্তু, শব্দসম্ভারের ব্যাপকতা দেখে প্রশংসন জাগা স্বাভাবিক। কিন্তু এগুলো একটু গভীরভাবে অধ্যয়ন করলে বিস্মিত হতে হয় এই ভেবে যে, ইসলামসহ পৃথিবীর প্রধান ধর্ম এবং মতবাদ সম্পর্কে তাঁর প্রজ্ঞা কত সুগভীর ছিল! শুধু তাই নয়, শব্দ ও ভাষায় এর প্রয়োগের ক্ষেত্রে তিনি ছিলেন সিদ্ধহস্ত। উপমা, উৎপ্রেক্ষা, চিত্রকল্প, ভাষা, ছন্দ, রচনাশৈলী পর্যালোচনা করলে তিনি যে বিভ্রান্তির উপত্যকা ঘুরে এসে স্থিতি লাভ করেছিলেন ২২৭ নং নথির আয়োতের মুরীন কবিদের সারিতে, তা স্পষ্ট হয়ে উঠে। ইসলামের উদার মানবিকতার সুর বাজায় হয়ে উঠে এসেছে তাঁর কাব্যে, তাঁর রচনায়। আল্লাহর সুন্দর নামসমূহের ব্যাপারে তিনি কতটা অবগত ছিলেন তাঁর ইসলামী কবিতা ও সঙ্গীত অধ্যয়ন করলে তা স্পষ্টভাবে প্রতিভাত হয়। তাঁর ‘কাব্যে আ’মপারা’ এবং অসম্পূর্ণ ‘মরু ভাস্কর’ পাঠ করলে বিস্ময়ে অভিভূত হতে হয়।

কবিদের স্বভাব বৈশিষ্ট আল্লাহর বেশি আর কেউ জানেন না। তাদের মধ্যে স্বপ্ন ও কল্পনার শৃণ তিনিই দিয়েছেন। এ শৃণাবলী না থাকলে কারো পক্ষে কাব্যচৰ্চা করা সম্ভব নয়। কিন্তু এ স্বপ্ন ও কল্পনার জগতে বিচরণের ক্ষেত্রে তারা কতদূর যেতে পারবে তার একটি সীমারেখা আল্লাহ টেনেছেন চারটি শুণের উল্লেখ করে। তারা আকাশ, পাতাল, মর্ত্য সর্বত্র কল্পনার পাখা বিস্তার করে ছুটে যেতে পারবে, কিন্তু ইমান, সৎ আশল এবং আল্লাহর স্মরণের সাথে সাংঘর্ষিক কোন ময়দানে যাওয়া তাদের জন্য বারণ। কখনো তেমন কোন পদস্থলন ঘটলে তওবা করে আল্লাহর পথে ফিরে আসাটাই প্রকৃত ইমানের দাবী। নজরুল জীবনের অসঙ্গিতগুলো এ দৃষ্টিকোণ থেকে বিবেচনা করাই অধিক সঙ্গত। কবি চিত্তের শ্রেষ্ঠ সম্পদ আবেগ এবং উজ্জ্বাসের জোয়ারকে নিয়ন্ত্রণ করতে ব্যর্থ হলে এ ধরনের অসঙ্গতি কবিদেরকে আক্রান্ত করতে পারে— এ আশংকা থাকার কারণেই আল্লাহ কবিদের স্মরণ করিয়ে দিয়েছেন আল্লাহকে বেশি বেশি স্মরণ করার জন্য। অবশ্য তিনি এ দুর্বলতায় আচ্ছন্ন হয়েছিলেন এক সুগভীর সূক্ষ্ম ষড়যন্ত্রের শিকার হয়ে। এ ষড়যন্ত্র তাঁর জীবনটাকেই তচ্ছন্দ করে দিল। বেঁচে থেকেও জীবনের একটি সুনীর্ধ সময় তাকে কাটাতে হলো বোৰা কান্না বুকে নিয়ে অর্ধমৃত অবস্থায়। তা’ না হলে তিনি যে কাব্য প্রতিভা নিয়ে জন্মগ্রহণ করেছিলেন, তাঁর সমকক্ষ অদ্যাবধি সমগ্র বাংলা কাব্য-সাহিত্য ও সঙ্গীতে কেউ নেই। আজও তিনি প্রায় ত্রিশ কোটি বাংলা ভাষাভাষী মানুষের অতি কাছের মানুষ, গৌরবের ধন।

সমাজে কবি ও কবিতার প্রভাব আলোচনা করতে গেলে বলতে হয়, আমাদের কাব্যাঙ্গনের প্রবীণতম মহিলা কবি (সম্প্রতি প্রয়াত) যিনি রবীন্দ্র সঙ্গীতকে ইবাদত (প্রার্থনা)-এর সঙ্গে তুলনা করেছেন। অথচ রবীন্দ্র সঙ্গীতের ছত্রে ছত্রে শিরক মিশে আছে। তিনি কখনো কায়েদ-ই আজম বন্দনা, কখনো রবীন্দ্র বন্দনায় মত হয়ে ব্যক্তি পূজার প্রচলন করে আমাদের সমাজের প্রবীণ, নবীণ এবং তরঙ্গদের কি সর্বনাশ করেছেন তা হয়তো তিনি নিজেও জানেন না। কবিতার ক্ষেত্রে তাঁর মৌলিক অবদান খুব বেশী না হলেও তিনি সমাজের বিভিন্ন ক্ষেত্রে নেতৃত্ব দিয়েছেন। তাই তাঁর ভক্ত এবং অনুসারীর সংখ্যা কম নয়। এ ধরনের ব্যক্তি বন্দনার জন্য আরো অনেক কবিকে দায়ী করা যায়। মানুষের ভাল কাজের প্রশংসা করা আমাদের ঈমানী দায়িত্ব। তাই বলে ব্যক্তি বন্দনা বা ব্যক্তি পূজাকে কোন অবস্থায়ই অনুমোদন করা যায় না। ‘হামদ এ বারী তা’লা’ এবং ‘না’তে রাসূল’ (সা.)-এর মধ্যে সুস্পষ্ট পার্থক্য এর উজ্জ্বল দৃষ্টান্ত। অথচ ইদানিং রবীন্দ্র পূজার প্রতিযোগিতায় এক শ্রেণীর বুদ্ধিজীবী, সংস্কৃতিসেবী, কবি, সাহিত্যিক, সমাজপতি এবং রাজনীতিকরা যেভাবে উঠে পড়ে লেগেছেন এবং তারা রবীন্দ্রনাথকে অতিমানব বানিয়ে বাংলাদেশের স্বাধীনতার প্রেরণার উৎস, বঙ্গালী জাতীয়তাবাদের জনুদাতা, ধর্ম নিরপেক্ষতার মূর্ত প্রতীক, সাম্প্রদায়িকতা বিরোধী ‘বীরমুজাহিদ’ ইত্যাদি বলে আখ্যায়িত করে দস্তুরমত পূজা পার্বণের আয়োজন করেছেন। খুবি, শুরুদের ইত্যাদি তো তাঁর পুরোনো ভক্তদের দেয়া উপাধি। অথচ ইতিহাসের বিচারে তাঁর এই বিশেষগুলো প্রায়ই গ্রহণযোগ্য নয়। শামসুর রাহমান যখন রবীন্দ্রনাথ সম্পর্কে বলেন, ‘আমার অস্তিত্বে তুমি ঈশ্বরের মতো...’ হয়তো তিনি জানেনও না যে, এটা কত বড় শিরক। স্বয়ং রাসূল করীম (সা.)-কে কেউ যদি আল্লাহর সঙ্গে তুলনা করে তাহলে সে আর মুসলমান থাকে না। তবে ভুল বুঝতে পেরে সত্যিকারভাবে অনুতপ্ত হয়ে তওবা অর্থাৎ প্রত্যাবর্তন করলে হয়তো আল্লাহপাক তাঁর অসীম করঞ্চায় কোন ব্যক্তিকে মাফ করে দিতে পারেন। নজরঞ্জলের কাব্য জীবনের শেষ দিকে তাঁর এই অনুতাপ প্রকট ছিল। রবীন্দ্রনাথের কাব্য-সাহিত্য এবং সঙ্গীতের প্রশংসা আমরাও করি। কারণ বাংলা কাব্য-সাহিত্যে রবীন্দ্রনাথ নিঃসন্দেহে একজন বড় কবি। তবে এসব ভাড়ামী দেখলে হয়তো স্বয়ং রবীন্দ্রনাথও বলতেন, ‘ধরণী দ্বিধা হও’।

প্রসঙ্গত মনে পড়ে ছেট বেলায় আমাদের সংলগ্ন এক বাড়ীতে রোজই সূর্যাস্তের পর সন্ধ্যা প্রদীপ জুলিয়ে সবাই মিলে গাইতো ‘শুরুদেব দয়া কর দীনজনে’ ইত্যাদি। আমরা তখন মাগরিবের নামায পড়তাম। কিন্তু আমার মন ঐ সন্ধ্যা সঙ্গীতের প্রতি আকৃষ্ট হতো। কারণ নামাযের স্রো কালাম ইত্যাদির মর্ম কিছুই বুঝতাম না। এ বাড়ীর আমার সহপাঠীকে একদিন জিজ্ঞেস করলাম, ‘দোষ্ট, বিশ্বকবি রবীন্দ্রনাথকে

তোরা শুরুদের বলে থাকিস। প্রার্থনার বেলায় তোরা কি তার কাছে দয়া চাস?’ উভরে সে বলেছিল, ‘নারে, সে তো ভগবানের কাছে’। এ ব্যাপারটা নিয়ে আমার মরহুম পিতার সঙ্গে বিস্তারিত আলোচনার পর তিনি বলেছিলেন, ‘তোমরাও তো মাগরিবের নামাজের পর কবি গোলাম মোস্তফার, ‘অনন্ত অসীম প্রেমময় তুমি, বিচার দিনের স্বামী / যত গুণগান হে চির মহান তোমারই অন্তর্যামী’।’ অথবা ‘হে খোদা, দয়াময় রহমানুর রাহীম / হে বিরাট, হে মহান, তুমি অনন্ত অসীম’ সুর করে গাইতে পার।’ কবি গোলাম মোস্তফা কর্তৃক সূরা ফাতেহার কাব্যানুবাদ পড়েই আল কোরআন বুরেশ্বনে পড়ার আগ্রহ আমার কিশোর মনে জাগ্রত হয়। আমার পিতার কাছেই শুনেছিলাম, কোলকাতার সাখাওয়াত মেমোরিয়াল স্কুলে ক্লাশ শুরু হওয়ার পূর্বে ‘অ্যাসেন্টলি’-তে শিক্ষার্থীরা গোলাম মোস্তফার ঐ প্রার্থনাসমূহ সুর করে সমবেত কঠে গাইতো। এমতাবস্থায় কবি সুফিয়া কামাল প্রমুখরা কি করে নিজেদেরকে বেগম রোকেয়া সাখাওয়াত হোসেনের আদর্শ বাস্তবায়নের জয়গান গাইতে ইসলামের বিরোধিতা করতে পারেন? নারী শিক্ষার প্রসার এবং নারী অবরোধ প্রথার বিরুদ্ধে সংগ্রামের প্রেরণা বেগম রোকেয়া ইসলাম থেকেই পেয়েছিলেন এবং তিনি নিজেও পর্দার মধ্যে থেকেই এ আন্দোলন করেছেন। তিনি জানতেন পর্দা এবং অবরোধ প্রথা এক জিনিস নয়। ইসলামে অবরোধ প্রথা নেই। নারী অবরোধ এসেছে গ্রীক, রোমান এবং আর্য সভ্যতা থেকে। ইসলাম নারীদেরকে ঘরের বাইরে যাওয়া বা কাজ করার জন্য পর্দা নামের একটি শালীন পোষাককে বাধ্যতামূলক করেছে। এসব কিছুর মূল কারণ আল কোরআনের বাণীর মর্মার্থ উপলব্ধির অভাব। ইসলামে বিদ্যা শিক্ষা প্রত্যেক নর ও নারীর জন্য ফরজ। তাই বলে নারী স্বাধীনতার নামে তাদের মধ্যে পাঞ্চাত্যের উলঙ্গপনার প্রসার এবং পণ্যের ন্যায় বাজারজাতকরণের কল্পনা বা স্থপু বেগম রোকেয়ার ছিল না। মুশরিকদের কাছে কল্প্য দানের মতো জঘন্য পাপ তিনি কল্পনাও করেননি। শুধু এটাই নয়, আমাদের দুর্ভাগ্য, বাংলাকে রাষ্ট্রভাষা করার মূল আন্দোলন করলো ইসলামী সাংস্কৃতিক সংগঠন ‘তমদুন মজলিস’। অথচ আজ এর কৃতিত্ব দাবী করছে অন্যরা, যাদের অনেকে রাষ্ট্রভাষা আন্দোলনের বিরোধিতাও করেছেন।

দাউদ হায়দারদের মতো অর্বাচীন কবি-সাহিত্যিক ও সংস্কৃতিসেবীদের কথা না হয় বাদই দিলাম কিন্তু ঢাকা বিশ্ববিদ্যালয়ের একজন প্রবীণ এবং প্রখ্যাত শিক্ষক (সম্প্রতি প্রয়াত) ড: আহমদ শরীফের মতো বুদ্ধিজীবীরা যখন ইসলামের মৌলিক আকিদার ওপর আঘাত হেনে সাধারণ মানুষকে বিভাস্ত করেন, তখন দুঃখ হয়। তাদের অহেতুক রসিকতা ও মিথ্যাচারের ছড়াছড়ি দেখে আমার কাছে সূরা আশু শুআরার আয়াতগুলো আরও চিরস্তন ও জীবন্ত মনে হয়। আমার স্পষ্ট মনে আছে,

আয়ান শুনে মুসলমান মহিলারা যখন ওড়না অথবা শাড়ীর আঁচল দিয়ে মাথা ঢাকতেন তখন ড: আহমদ শরীফ রসিকতাছলে বলতেন, ‘আল্লাহর আপনাদের ভাসূর নাকি?’ তাঁর অনেক ছাত্র-ছাত্রী এর প্রত্যক্ষ সাক্ষী। বিশ্ববিদ্যালয়ের শিক্ষা সমাণ করে তাদের অনেকেই দেশের বিভিন্ন পর্যায়ে আজ কর্ণধার হয়ে বসেছেন। শিক্ষকদের শিক্ষা এবং চরিত্রের ছাপ ছাত্রদের ওপর পড়বে এটা অত্যন্ত স্বাভাবিক। সুতরাং বর্তমান সামাজিক অবক্ষয় এবং মূল্যবোধের প্রতি অনীহার জন্য ছাত্র-ছাত্রীদের চেয়ে বেশী দায়ী এইসব বিভ্রান্ত শিক্ষকরা। তাই সূরা আশ শু’আরায় উল্লেখিত শয়তান অবতরণের ব্যাপারটা শুধু কবিদের বেলায়ই প্রযোজ্য নয়। কারণ শয়তানের কর্মসূত্র অনেক ব্যাপক ও বিস্তৃত। এমনকি, মানুষের মেধা, মনন এবং অস্তরেও তার অবাধ বিচরণ। সেটা প্রতিরোধের ব্যবস্থাও আল্লাহপাক আল কোরআনের ছোট ছোট সূরায় এবং আয়াতে করে রেখেছেন। যা আমরা অনেকেই জেনে অথবা জানি না বলে অনুশীল করি না। অথচ এসব সূরা বা আয়াতগুলোর ঘর্মার্থ অনুধাবন করা আমাদের পক্ষে কঠিন নয়।

এদেশের একজন প্রখ্যাত অভিনয় শিল্পী ফেরদৌসী মজুমদার সম্প্রতি তাঁর এক সাক্ষাৎকারে বলেছেন, কৈশোরে তিনি তাঁর পিতাকে জিজেস করেছিলেন, ‘আল্লাহর পরে কে?’ উত্তর দিতে তাঁর পিতা ইতস্তত: করলেও তিনি বলেছিলেন, ‘রবীন্দ্রনাথ’! তাঁর সম্পূর্ণ সাক্ষাৎকার আমাদের প্রতিপাদ্য বিষয় নয়। তবে তিনি যে এই ধারণার জন্য এখনও গর্বিত তা স্পষ্ট করেই বলেছেন। সমাজ বিবর্তনে যাদের প্রভাব এত বেশী, সেই কবি, সাহিত্যিক, বুদ্ধিজীবী ও সমাজপতিদের সম্পর্কিত সূরাটির তাংপর্য অনুধাবনের জন্য বিস্তৃত আলোচনার প্রয়োজন। তবে এ ধরনের উদাহরণ দিতে গেলে শিল্প, সাহিত্য, সংস্কৃতি ও রাজনীতিসহ সমাজের অনেক ক্ষেত্রে নেতৃত্ব দানকারী বিভিন্ন ব্যক্তিত্বের কথা উল্লেখ করা যায়, যারা বুক ফুলিয়ে এ ধরনের বক্তব্য রেখে নিজেদের ধন্য মনে করেন। অনেকে হয়তো এমন সব মন্তব্য করে বসেন যা আলোচ্য সূরায় উল্লেখিত বিভ্রান্ত ব্যক্তিদের মন্তব্যের সঙ্গে অবিকল মিলে যায়।

কবিতার ক্ষেত্রে একটি অতীন্দ্রিয় ব্যাপার থাকে। সবাই কবি হতে পারে না। মানুষকে প্রদত্ত অসংখ্য অনুগ্রহের মধ্যে এটা আল্লাহর একটি বড় নেয়ামত। কিন্তু শয়তানের প্ররোচনায় এর সঙ্গে অহংকার, আত্মস্মৃতি যুক্ত হয়ে শিরক ও অশীলতাসহ এতে অনেক নাফরমানীর অবতারণা হয়। মোটকথা, সমাজ জীবনে কবি এবং কবিতার প্রভাব অত্যন্ত সুদূরপ্রসারী। প্রায় সকল কবিরাই শিল্প সংস্কৃতির সঙ্গে জড়িত। তাঁদের অনেকে একটা দার্শনিকের ভাব বেশ-ভূষায় হলেও প্রকাশ করে থাকেন।

যদিও সমাজের পালাবদলের পালায় আজ পরিবর্তনের সুর শোনা যাচ্ছে। বিশেষ করে আশির দশকে একদল বিশ্বাসী কবির আবির্ভাবের ফলে এবং তাদের ক্রমাগত চেষ্টায় অনেক প্রীণ কবির চিন্তা চেতনায়ও পরিবর্তনের এ টেটু প্রত্যক্ষ করা যাচ্ছে। যে ধরনের কবিতা শুনে রাসূল (সা.) আপুত হতেন, খোলাফায়ে রাশেদার চার খলিফাসহ রাসূলে করীম (সা.)-এর প্রখ্যাত সাহাবীগণ যে ধরনের কাব্যচর্চা করতেন, আশির কবিদের পদাঙ্ক অনুসরণ করে নতুন প্রজন্মের প্রতিভাধর কবিরা যদি সে ধরনের কাব্যচর্চায় এগিয়ে আসেন তাহলে বাংলা কাব্যে যুগান্তকারী বিপুব সাধিত হতে পারে।

এ ক্ষেত্রে এ ধরনের কবিদের উৎসাহিত করা মুসলিম উম্মাহর অনিবার্য কর্তব্য হয়ে দাঁড়ায়। রাসূল (সা.) বিশ্বাসী কবিদের কাব্য যেভাবে পাঠ করতেন, তাদের উৎসাহ দিতেন, নির্দেশনা দিতেন, পুরস্কৃত করতেন, সশ্মান দিতেন, এসব সুন্নত সমাজে চালু করার জন্য তাঁর উম্মত হিসাবে আমাদের আজ সচেষ্ট হতে হবে। সমাজে রাসূল (সা.)-এর এ সুন্নতগুলো জারী করার জন্য সচেষ্ট হলে একদিকে আমরা যেমন সওয়াবের ভাগী হবো তেমনি সমাজও উপকৃত হবে। আজকে যাঁরা বিভিন্ন পর্যায়ে ইসলামী নেতৃত্বে অধিষ্ঠিত আছেন, এ বিষয়ে তাঁদের স্বতঃস্ফূর্ত ভূমিকা অপরিহার্য হয়ে পড়েছে। তাঁরাই পারেন সমাজে এসব সুন্নত চালু করার কার্যকর পদক্ষেপ নিতে।

মহানবী হ্যরত মুহাম্মদ (সা.) মসজিদে নববীতে কবিতা পাঠের জন্য আলাদা স্থায়ী মঞ্চ তৈরী করে দিয়েছিলেন। আমি এখনি এ পর্যায়ে যেতে বলছি না, কিন্তু আমরা কি পারি না বিভিন্ন ইসলামী দিবসগুলোতে যেসব জায়গায় সঙ্গে মসজিদে কাব্য জলসা করতে, কবিদেরকে সশ্মাননা প্রদান করতে এবং জাতীয় পর্যায়ে কবিদেরকে পুরস্কৃত করতে?

---

লেখক: প্রখ্যাত ইসলামী চিন্তাবিদ, জাতীয় শিশু কিশোর সংগঠন কেন্দ্রীয় ফুলকুঁড়ি  
আসরের সম্মানিত সভাপতি।

କବିତା



## তুমি যেই এলে সৈয়দ শামসুল হৃদা

শ্যামলী শ্যামল হলো মীলিমা সুনীল  
তুমি যেই এলে নবী তুমি যেই এলে  
আলোদের আলো তুমি জানলো আলোরা  
সকল অপূর্ণ যত হলো পূর্ণ হলো ।

মরি মরি অলঙ্ঘিত কৌ যে দৃশ্যমানঃ  
পৃথিবী পাগল-পারা আপন সঞ্চারে ।  
যেদিকেই মেলে চোখ চেনে না নিজেকে  
অঙ্গময় অভিনব একি কারুকাজ !

তুমি এলে সাথে সাথে সর্ব আকাঙ্খিত  
দিলো ধরা মানুষের স্বপ্ন দীপ্ত হাতে ।  
মরুচিন্ত নৃত্যময় ধারা সাগরের  
ফুলেদের দোল্ দোল্ রঙের বাহার ।  
স্বর্গলোক এলো নেমে, সঙ্গ আকাশের  
একে একে গেলো ঝুলে সকল দুয়ার ।

স্রষ্টা সুপ্রকাশমান প্রিয় সৃষ্টিময়  
মানুষের বিজয়ের দোলে মাল্যখানি  
পরালো তোমারি কঢ়ে প্রিয় স্রষ্টা হাতে,  
পরালে সে মালা তুমি সবারে সবারে ।

তুমি যেই এলে প্রিয় তুমি যেই এলে  
দেখলো স্রষ্টাকে সৃষ্টি মাটি চোখ মেলে ।

তারা কি কেউ বন্ধু স্বজন

আবদুল মুকীত চৌধুরী

বিভাজনের গানে মুখর তও তাত্ত্বিকেরা  
উষ্ণ শ্বাসে ছড়ায় আগুন জ্বালায় নবীর ডেরা  
বিশ্বেষণের সে যে কতো সূক্ষ্ম বোল ও চাল!  
আল্লাহ তোমার দীন বাঁচাও এরা পঙ্গপাল।

নবীর মাঠের ফসল খেয়ে করলো এরা শেষ  
তবু তাদের ক্ষুধার আগুন হলো না নি:শেষ!  
দাঁড়িয়ে এরা দেখে জুলে নবীর ঘর ও দোর  
তবু কাদা ছেঁড়াছুড়ির রাত হলো না ভোর!

বৈরাগ্যে দীক্ষা দিতে যারা ব্রতচারী  
পঙ্কুকরণ কর্মযজ্ঞে চেতনা সংহারী  
বিশ্বজোড়া গণহত্যায় পরোক্ষে সায় যার  
তারা কি কেউ বন্ধু স্বজন বেদিশা উস্মার?

নবীর ঘরে যারা আনে হিংসা বিভাজন  
কিংবা যারা পুণ্য বলে বৈরাগ্য সাধন  
কিংবা বিবেকবিহীন বুদ্ধি, সে যে কী বিস্ময়  
মানবতার বুলি-বচন প্রতারণাময়!

এদের নীরব সম্মতিতে 'বৈধ' হলো সবি  
আঘাসনের শিখায় জুলে 'মানবতা'র ছবি!  
আসবে শতক, যাবে শতক রাত হবে না ভোর  
ঘরেই যার প্রতিপক্ষ, সামালো ঘর-দোর।

## শুভাশিস নেবো

অসম-উশ-শহীদ

যদি হই একখনি ভাসমান মেঘ  
যদি পাই বাতাসের জোর গতিবেগ  
পুবাল আকাশের এই দিগন্ত শেষে  
পাড়ি দেবো আমি সেই নবীজীর দেশে  
যেখানে দেখা হয় সতেজ রবির-  
সবুজ গঙ্গাজে সুধাময় রওজা নবীর  
সেখানেই নেমে যাবো হয়ে বারিধারা  
সেখানেই বিলীন হবো, হবো দিশেহারা ।

যদি এই দৃশ্যহীন শীতল বায়ু  
যদি পাই আরো কিছু আয়ু-পরমায়ু  
তবে আমি যাবো সেই মরু ছুঁয়ে ছুঁয়ে  
যেখানে আছেন নবীজী নীরবেই শয়ে  
যেখানে দরজ-সালাম সুবাস ছড়ায়  
যেখানে পুণ্যভূমি হয়েছে ধরায়-  
আমিও যাবো সেই নবীজীর দেশে  
শুভাশিস নেবো তাঁর, জিয়ারত শেষে ।

সোনালী শাহজাদা

আবদুল হালীম ঝা

কী আশ্চর্য মুজেজা সেই সোনালী শাহজাদার!

তাঁর শাহাদাত অঙ্গুলি আমার চোখের সামনে  
আজো ভেসে ওঠে। কী তাঁর মহিমা!

প্রাচ্য এবং পার্শ্বাত্মক এক সঙ্গে দুলে ওঠে  
দুলে ওঠে আকাশ বাতাস  
অঙ্গুলি ইশারায় দ্বিখণ্ডিত হয় চাঁদ  
পদতলে লুক্ষিত হয় বিশাল পারশ্য রোম  
মুছে যায় বিশ্বের তামাম জাহেলিয়াত  
হেরার সূর্য হেসে ওঠে

সারা দুনিয়ায় লাগে জাগরণের পূর্ণ জোয়ার।

কী আশ্চর্য ক্ষমতা সেই সোনালী শাহজাদার!

তাঁর পরশে কেউ অপূর্ণ থাকেনি  
তাঁর পরশে কেউ দুর্বল থাকেনি  
তাঁর পরশে কেউ অত্পুর্ণ থাকেনি  
ফুল হেসে ওঠেছে পরিপূর্ণ সৌন্দর্য সৌরভে  
চাঁদ হেসে ওঠেছে পরিপূর্ণ উজ্জ্বলতায়  
নদী ছুটে চলেছে কথিত ঠিকানায়  
মানুষ ঝুঁজে পেয়েছে মনফিল  
তাঁর পরশে হীন-পতিত দাঁড়িয়েছে শির উঁচু করে  
তাঁর পরশে পঙ্কু লংঘিতে পেরেছে গিরিচূড়া।

কী আশ্চর্য মুজেজা সেই সোনালী শাহজাদার!

যেখানে রেখেছেন হাত সেখানেই হয়ে গেছে সোনা

যেখানে রেখেছেন পা সেখানেই হয়ে গেছে সোনা

যেদিকে তাকিয়েছেন, যার দিকে তাকিয়েছেন

সেই চলে এসেছে তাঁর কাছে মুহূর্তে হয়ে গেছে ছায়া

জাহেলিয়াতের ধূলি বেড়ে ফেলে

দাঁড়িয়েছে তাঁরা মেরুদণ্ড সোজা করে

মাত্র কদিনেই উলট পালট করে দিয়েছেন তামাম দুনিয়া।

জাবালে নূরে দাঁড়িয়ে

মাহবুবুল ইক

হঁ, কবিদের মতই আজ আমার সুটীব্র অনুভূতি  
আর সেই অনুভূতির লকলকে মিনার থেকে  
আমি মহাকালের মহা আবেগের প্রতিনিধি  
নীলাভ আকাশে চোখ ফেরাতে ফেরাতে  
কথন, কোন্ ক্ষণে এসে থির হয়েছি  
জাবালে নূরের এই সমোহিত পাদ-পল্লীতে ।

আকাশ এখানে এতো নীল কেন?  
বাতাস এখানে, এতো ভারী কেন?  
একী বেদনার্তের নীল নভোযান?  
একী দীর্ঘশ্বাসের ভারী খেয়াযান?  
আমার দৃষ্টি ও অনুভব এক মোহনায় একাকার  
শুধু দু'টি পা  
দেড় হাজার বছর আগের চলিমুও-চপ্পল  
শুভ-কোমল দু'টি পা ।

হায় কী প্রেমে, কী বিভাষ  
কী অভিজ্ঞায়, আর  
কী মিলন টানে  
পা' দুটি তর তর করে উঠে যেত!

আমি আমার সেলুলয়েডে  
অকুর্ণিত পায়ের তাল ও লয় দেখি  
ভাবতেই, তায়েফের রক্ত ঝরা পা আর  
ওহদের রক্তাঙ্গ মুখের ছবি ভেসে উঠে  
কষ্ট হয়। খুব কষ্ট ।

নাভীমূল থেকে কষ্টের শ্বাস উঠে আসে  
মনে হয় সমস্ত মানবতা আতঙ্কে মুখ ঢাকে

মাতম উঠে জমিনে জমিনে  
আকাশ থেকে আকাশে  
অনুভবে ভেসে ওঠে—  
পবিত্র পদ-চিহ্নের ওপর আচ্ছাদিত হবে  
আরো কারো পদচিহ্ন?  
হায়! এমনটি যদি না হতো!

এ পর্বতের পবিত্র শরীরে আর কেউ যদি  
নতুনভাবে পা না রাখতো!  
অঙ্গত থাকতো এই নূরের পাহাড়  
শুধু চার চারটি পায়ের রেখা চিহ্ন নিয়ে।

হঁ, অপর দু'টি পা অবশ্যই প্রেমিকার—  
অবশ্যই স্ত্রীর—  
অবশ্যই একজন মাতার এবং একজন সহধর্মীনীর।  
খাদিজার টাল-মাটাল শ্রম সাধ্য পা,  
খাদিজার শংকিত লাজ-ন্ত্র পা,  
খাদিজার দরদভরা মমতার পা।  
আহা! কী আয়াস-সাধ্য ছিল পর্বত অভিযাত্রা  
আহা! কী দুঃসহ ছিল দীর্ঘপথের অভিজ্ঞতা।

আমি ধীরে ধীরে উঠি আর ভাবি  
একজন প্রেমিকের কাছে প্রেমিকার নিত্য অভিসার  
অথচ প্রেমিকের অভিসার প্রেমের উৎসমূলে—  
যে উৎস আদিতে ছিল,  
অন্তেও থাকবে।  
খাদিজাও অনন্ত প্রেমের ঝন্দ পরশ পেয়েছিল।

তবু মহামিলনের এই মহাস্থানে  
অন্য কারো পদচিহ্ন যদি না পড়তো!  
হেরার অনির্বান রাজতোরণে  
অন্য কারো প্রবেশাধিকার যদি না থাকতো  
মহাপ্রলয়ের পরে আবার যদি  
মহামিলনের অভিষেক হতো!

# শতান্ত্রীর এ কেমন অভিযাত্রা

## জয়নুল আবেদীন আজাদ

নতুন শতান্ত্রীর এ কেমন অভিযাত্রা

পুরনো পক্ষেই জড়িয়ে গেল সে ।

শতান্ত্রীর কারাগারে দেখেছে মানুষ

ভয়ংকর সব আস্ফালন,

যুদ্ধে হয়েছে বিধ্বন্ত নগর-মহানগর সহস্র জনপদ ।

পারমানবিক অস্থিরতায় টুটেছে আকাশ

হয়েছে বিকৃত মানব মন্তিক্ষ ।

এরপর ভেঙেছে ঘর, সমাজ ভেঙেছে

ভেঙেছে মানব-হৃদয় ।

দুই দানবের যুদ্ধে তছনছ হলো এভাবেই

সবুজ উদ্যান, মানব-সংসার ।

শতান্ত্রীর শেষ রাতে স্বপ্ন দেখলো মানুষ

ভাবলো, উঠবে নতুন সূর্য

ফুল-ফসলে সৌরভ সম্পদে হাসবে পৃথিবী আবার ।

কিন্তু ভাঙতেই ঘুম স্বপ্নে আর থাকে না বিশ্বাস ।

আবার যুদ্ধ, আবার ধ্বংস, ছলনা আবার

এমন বাতাবরণে স্বপ্নরাও আর থাকে না জীবন্ত,

হৃদয় জমাট বেঁধে হয়ে যায় পাথর ।

মানুষ এখন কাজ করে, অবিরত শুধু কাজ

সভ্যতার কারাগারে অস্তুত এক ত্রৈতদাস

হাসে না কাঁদে না, শুধুই রোবট সে ।

জাহেলিয়াতও ছিল চের ভাল এর চেয়ে ।

অঙ্ককারে তখন তো আলো জ্বলেছিল, ঐশ্বী আলো

উজ্জ্বল এক আল-আয়ীন ।

এখন জ্বালাবে কে, কোথায় সে বিশ্বাসী?

অর্থচ চারদিকে কেমন যেন আলোর প্রহসন!

## নবীকে সালাম জাহানীর হাবীবউল্লাহ

পৃথিবীর ছাদ ঢাকা গভীর আঁধারে  
আদমের সন্তান বিপথে যে যায়,  
মরণদেশে হানাহানি রক্ষ গড়ায়  
দিবানিশি মানবতা কাঁদে বারে বারে ।

আল্লাহর বান্দারা পূজা দেয় কারে  
ঈর্ষা ও নিন্দায় একতার শেষ,  
সমাজের মাঝে তাই বাড়ে বিদ্রে  
দূর থেকে ইবলিশ কলকাঠি নাড়ে !

হঠাতে আলোর চেউ, সূর্য ও চাঁদ  
নীলিমায় খেলা করে, পাখি গায় গান,  
জগতের বুক থেকে যায় অবসাদ  
রাসূল মুহম্মদ দেন আহ্বান ।

নবীকে সালাম দিয়ে তাঁর ডাকে হৃশ  
সত্য ন্যায়ের পথে এগোয় মানুষ ।

শাশ্বত কথা ও বাণী

সুজাউদ্দিন কায়সার

অবিনশ্বর মোহন ক্লান্তি জুড়ে বসেছে হৃদয়পাতে

আজ জন্মাদিন তোমার

প্রস্তুটিত ফুলের সমারোহ

তুমি তো ভোরের মুয়াজ্জিনের মগ্নাফনি

কালের তাপস

সত্য ও সুন্দরের যথার্থ উপমা

তোমার অপার মহিমা জাগায় শাশ্বত বাণী

এবং এ জীবনে আনে জীবনের সরল উপমা-

আমি আমার সন্তায় স্পষ্ট শুনি

জাগরণের কঠিন রেনেসাঁ

যুদ্ধের প্রলয়

তত্ত্বারেই আমি জেগে উঠি নবীন সূর্যে

মানুষের ধারাপাতে এ-কি দোলা লাগে

সৃষ্টির বৈভবে-

সুন্দর দিগন্ত মাড়িয়ে ছুটে আসছে ওই

মহিমাবিত নূরানী হাওয়া

সহসা চতুর্দিকে ছাড়িয়ে যাচ্ছে তোমার

শাশ্বত কথা ও বাণী ।

# জগতের সব উজ্জ্বলতার সমষ্টি দেলওয়ার বিন রশিদ

যত হতাশা, দুঃখ কষ্ট, যত্নগার মেঘমালা  
সব দূর হয়ে যায়,  
পরিপূর্ণ প্রশান্তি  
বেহেশ্তী সৌরভ দ্রাগ-

সব খানে  
ছড়িয়ে পড়ে,  
দূর দূরাত্তরে,  
পাহাড় পর্বতের প্রান্তরে প্রান্তরে চূড়ায় চূড়ায়  
উজ্জ্বল জ্যোতি ঝরে  
থরে থরে,  
সর্বত্র শান্তির স্নিগ্ধ সৌরভ ভাসে,  
কেবলি তাঁর, তাঁর জন্যে শান্তির অধিয়ধারা,  
তিনি শান্তির দৃত, তিনি আলোর ফুল  
শ্রেষ্ঠ মানুষ  
'মুহাম্মদ'

সাল্লাল্লাহু আলায়হি ওয়া সাল্লাম ।

জগতের সব উজ্জ্বলতার সমষ্টি  
সমবেত সুন্দরের নাম  
আলোর ঐশ্বর্যের নাম  
'মুহাম্মদ'  
সাল্লাল্লাহু আলায়হি ওয়া সাল্লাম  
তাঁর জন্যে বার বার  
অসংখ্য দরশন ও সালাম ।

আমার ভালোবাসা

আশরাফ আল দীন

নির্জনতাকে আমি ভালোবাসি কারণ  
নির্জন্তা ভীষণ প্রিয় ছিল আমার নবীর।

একা একা হেঁটে বেড়ানো মরণ-দুলালের নির্জন-দৃষ্টি  
সীমা ছড়িয়ে অসীমের দিঘলয়ে ঘুরে বেড়াতো  
মনে পড়ে;

বাণিজ্য-কাফেলার সওয়ারীর পিঠে  
এক-ধরণের ধ্যানঘন্তায় নির্জনতার চাদর জড়িয়ে  
যুবক নবী (সা.) পথ চলতেন,  
মনে পড়ে,

হেরা-গুহার গ্রীষ্ম প্রচ্ছায়ায় নির্জন্তার গাঢ়  
কুয়াশাচ্ছন্নতার ভেতর  
দিনের পর দিন  
রাতের পর রাত  
শুধুই আমার প্রিয় নবী (সা.)র ক্লান্তিহীন দিল,  
জেগে জেগে একা একা জেগে জেগে,  
স্রষ্টা ও সৃষ্টির রহস্য-ভাবনায় ‘বাঞ্ময়’ হয়ে উঠতো  
মনে পড়ে;

ইসলামী রাষ্ট্রের শত ব্যক্তির ভেতর  
যুদ্ধ ও বিজয়ের ঘর্মার্কতার ভেতর  
অবলীলায় আমার নবী (সা.) নির্জন্তায় প্রবিষ্ট হতেন  
তাঁর মসজিদে এতেকাফে,  
মনে পড়ে।

নবী (সা.) কে যারা ভালোবাসে  
তারা কি নির্জনতাকে ভালো না বেসে পারে!

নবীর দুলালী তিনি

সোশায়মান আহসান

সে কোন ফুল ঘটেছিল বালুকার বনে  
যার সূরভী ছড়ায পৃথিবীর চৌ প্রান্তরে  
সে কোন্ জন্মেছিল মাতৃত্বের অহংকার নিয়ে  
মহিয়সী, করেছে যে নারীত্বের অপূর্ব উপমা ।

যে কোন্ নারীর জন্ম ঘটেছিল এই পৃথিবীতে  
যার হাতে রাখা আছে জান্মাতের সুশোভিত খিল  
আর যার মাধুরী আজো আমাদের সঞ্চাইত করে  
যার পদচিহ্ন ধরে এগিয়ে যাবে সব নারী, নর ।

তারাই সফলকাম-

সার্থক জন্ম নেওয়া তাদের  
তিনি আমাদের মা— সারা জাহানের মা জননী  
পরম আত্মীয়, প্রেয়সী হযরত আলীর  
ধৈর্য স্থিরতা তুলনা বিহীন প্রতিচ্ছবির ।

নারীকুলের সেরা— জননী এবং জায়া  
তাঁর চোখে মুখে ছিল সৃষ্টির তাবৎ মায়া  
নবীর দুলালী তিনি  
রাসূলের (সা.) যোগ্য কন্যা আর  
আমরা শুণ্যাহী অনুসারী অনুরক্ত তাহার  
তিনি মা ফাতেমা তুজ্ জোহরা!  
মা ফাতেমা তুজ্ জোহরা!

রাসূলের (সা.) কাছে পত্র

মোশাররফ হোসেন খান

এই পত্র আমার রাসূলের কাছে,  
যিনি যাচ্ছেন সিরিয়ার পথে  
বাণিজ্য কাফেলার সাথে আর পাখির পালকের মত  
হালকা মেঘ তাকে দিয়ে যাচ্ছে ক্রমাগত শীতল ছায়া।

এই পত্র আমার রাসূলের কাছে,  
যিনি ধ্যানমণ্ড হেরাগুহায়  
অকস্মাত যিনি কেঁপে উঠলেন এ বাণীতে:  
‘ইকরা বিসমি রাবিকাললাজি খালাক.....।’

এই পত্র আমার রাসূলের কাছে, যিনি কুরাইশদের  
সকল রক্ষণ্ট উপেক্ষা করে, শত নির্যাতন পায়ে দলে  
দিক হতে দিগন্তে ছড়িয়ে দিলেন:  
‘লা ইলাহা ইল্লাহু মুহাম্মদুর রাসূলুল্লাহ।’

এই পত্র আমার রাসূলের কাছে,  
যিনি আবুবকরের সাথে  
অবস্থান নিয়েছেন সাওর পর্বতের এক  
বিপদ-সংকুল গুহায়।  
মাথার ওপরে আবুজেহেল ও তার পদচিহ্ন বিশারদ  
গুহার মুখে মাকড়সার জাল। প্রিয় রাসূলকে  
আগলে রেখেছেন এক মহান শক্তি।  
আবু বকরের কম্পিত কষ্ট: ‘হে রাসূল! ওরা  
যদি একবার তাকায় ওদের পায়ের দিকে,  
তাহলে নিচয় দেখে ফেলবে আমাদের!  
আমরা তো মাত্র দুজন।’

আমার পত্র সেই রাসূলের কাছে, যিনি নির্ভয়ে জবাব দিলেন:  
‘ত্য গেয়ো না হে আবুবকর!  
আল্লাহপাকও আমাদের সাথে আছেন।’

এই পত্র আমার রাসূলের কাছে, যাকে ধরতে গিয়ে  
সুরাকার শক্তিশালী অশ্বের পা আমূল দেবে গিয়েছিল  
মাটিতে আর ধূলিঘাড়ের আচ্ছাদনে  
আল্লাহপাক যাকে আবৃত করে রেখেছিলেন ।

আমার এই পত্র রাসূলের কাছে, যার অঙ্গুলি হেলনে  
চাঁদটি হয়ে গেল দ্বিভিত এবং নীরব পাথরও  
সরবে উচ্চারণ করলো:  
‘লাইলাহা ইল্লাল্লাহু মুহাম্মাদুর রাসূলুল্লাহ ।’

আমার এই পত্র রাসূলের কাছে, তায়েফের পথে  
পবিত্র দেহ থেকে ঝরেছিল  
তরতাজা রক্ত । রক্ত ঝরেছিল  
যুদ্ধের ময়দানে । যিনি ছিলেন সেনাপতি,  
রাষ্ট্রনায়ক আবার ক্ষুধায় কাতর  
এক জীর্ণ কুটিরের পরিত্ণ বাসিন্দা ।

আমার এই পত্র রাসূলের কাছে,  
যিনি বাইতুল মাকদাস থেকে  
গমন করেছে আল্লাহর সান্নিধ্যে, আরশ মহল্লায়  
আর উচ্চতের জন্য বয়ে এনেছেন অশেষ কল্যাণ ।

আমার এই পত্র কেবল রাসূলের কাছে,  
সমগ্র বিশ্বের যিনি শিক্ষক,  
যার নামে জিন-ইনসান পড়ে দরঢ়-  
সাল্লাল্লাহু আলাইহে ওয়া সাল্লাম,  
হে প্রভু! তার কাছেই পৌছে দাও  
আমার তাৎক্ষণ্য প্রেম  
আর এই অধমের পত্র-কালাম ।

কাওসার তাঁর হাতে ।

গোলাম মোহাম্মদ

পূর্ণ চাঁদের আলো সে অধরময়  
গোলাপের শ্রাগ তার সে কান্তি ভরে  
তিনি আসলেন রাত্রি করতে দূর  
আকাশে বাতাসে সেই উল্লাস সুর ।

মৃগনাটী যেন মুহাম্মদের নাম  
সেই পদপাতে কত যে সম্মোহন  
তিনি আসলেন সাথে এলো সেই  
মুক্তির আঙ্গাম  
দিকে দিকে হলো সত্যের উদ্ঘোধন ।

সেই সুর আজ হৃদয়ে হৃদয়ে বাজে  
সেই মূর্ছনা মরমে স্বপ্ন তোলে  
দেশে দেশে তাই স্বাধিকার সংগ্রাম  
লড়ে মুজাহিদ প্রাণ দেয় কলরোলে ।

শুভ দু'হাতে প্রভাতের মত আলো  
তার কথা কাজ সবার শ্রেষ্ঠ ভালো  
সেই সংগ্রাম কাওসার তার হাতে  
কারো তুলনা হয় না তাঁহার সাথে  
দুঃখী অসহায় বধিতদের পাশে  
তিনি দাঁড়ালেন অবিচল বিশ্বাসে ।

তার ছোঁয়া পেয়ে হাসলো নিঃস্বজন  
তিনি প্রেমময় রহমত বিশ্বের  
ডুবন্তরা শিখলো সন্তরণ  
অসহায় পেল বাঁচার তাকিদ বুকে  
তিনি যে বন্ধু অসহায় নিঃশ্঵ের ।

সালাম দরবাদ সে নামে লক্ষ কোটি  
সুন্দরতম তিনি সুমহান অতি ।

গল্প



## একটি হারের বিনিময়ে হাসান আলীম

ক.

তিনি মঙ্কা ত্যাগ করেছেন। আঞ্চীয়স্বজনসহ চলে গেছেন মদীনায়। কিন্তু আদরের দুলালী কল্যা ও জামাতাকে সাথে নিতে পারেননি। জামাত এখনও পৌত্রিক। সে মঙ্কা ত্যাগ করবে কেন? অন্যান্য অমুসলিম আঞ্চীয় স্বজনদের সাথে সেও রয়ে গেছে মঙ্কায়।

আদরের কল্যা যয়নবের কি হবে? সে যে মুসলিম হয়েছে। এ মুহূর্তে তাকে সাথে নেয়া যাচ্ছে না। বিবাহ বিছেদও করানো যাচ্ছে না। তাঁর জামাতা খুব ভদ্র। কোরেশ বংশের বিখ্যাত লোক। প্রিয়তমা স্ত্রীর বোনের পুত্র। সে এখনও নিজেকে মুসলিম হিসেবে ঘোষণা দেয়নি। তাঁর আচরণ খুব সুন্দর ও রহস্যজনক। সে কারো সাথে শক্রতা করে না। গোত্রের প্রধানদেরও অস্তুষ্ট করে না। আবু লাহাব, আবু জেহেল কেউ তার প্রতি ঝুঁক্ট নয়। মুহম্মদের জামাত হলে কি হবে? সে তো গোত্র প্রধানদের শক্র নয়। মুহম্মদ (সা.)-এর ধর্ম গ্রহণও করেনি। যয়নব মুসলিম হলে কি হবে, সে তো তাঁর স্ত্রী। তার প্রতি তো আর খারাপ ব্যবহার করা যায় না। বরং রয়েছে গভীর ভালবাসা। আবুল আছের ইচ্ছে হয় মুসলিম হতে। পৌত্রিকতা ছেড়ে দিতে। কিন্তু সে একটু কৌশল করতে চায়। তার অন্তরে রয়েছে অন্যরকম ভালবাসা। পবিত্রতম ভালবাসা। তার ধারণা যে প্রকাশ্যে মুসলিম হলে তার আমানতদারির ক্ষতি হবে।

মঙ্কার মুশারিকেরা, গোত্রের লোকেরাই তার সহায় সম্পদ লুটপাট করবে। তার কাছে গচ্ছিত মানুষের সম্পদের খেয়ানত হবে। তাঁকেও তার শপথের মত জন্মভূমি ত্যাগ করতে হবে। আবুল আছের শধু কি মাল সামানার খেয়ানত হবে? নাকি অন্য কোন গোপন আমানতেরও ক্ষতি হবে! মুহম্মদ (সা.)-এর ক্ষতি হবে! তাকে সহায়তা করা যাবে না।

খ.

রটনা হয় মুসলিম গুপ্তচরেরা মঙ্কার ব্যবসায়ী কাফেলা আক্রমণ করে মালামাল

লুঠন করেছে। তাই প্রতিশোধ আর যুদ্ধের দাবনাল জুলছে দিকে দিকে। ঘরে ঘরে যুদ্ধের সাজসাজ রব। কোরেশ বংশের প্রধান প্রধান লোকেরা মদীনা আক্ৰমণের পরিকল্পনা করছে। যুদ্ধের কাফেলা প্রস্তুত। স্বয়ং আবু জেহেল, আবু সুফিয়ান, ওতো সহ আরও বিশিষ্ট লোকেরা রয়েছে এ কাফেলায়। কোরেশ বংশের সকল পুরুষকে এ যুদ্ধে যোগ দিতে হচ্ছে। কোন সামৰ্থ্বান পুরুষ ঘরে বসে থাকতে পারবে না। কোন অজুহাত চলবে না। সকলকে যুদ্ধে যেতে হবে। রাসূলের জামাতা আবুল আছ কি পরিআন পাবে? তাকেও কি যুদ্ধে যেতে হবে? বংশের গন্যমান্য লোকদের সাথে তাকেও মুহম্মদের বিরুদ্ধে অন্ত্র ধরতে হবে? শুন্দরের বিপক্ষে জামাতাকে তলোয়ার হাতে দাঁড়াতে হবে। এ বড় নিষ্ঠুর আচরণ। এ বড় কঠিন পরাক্রিয়া। হয়ত এখানেও আবুল আছ কৌশল অবলম্বন করবে। সে যুদ্ধেও যাবে, আমানতও রক্ষা করবে।

বদর প্রান্তর। এক পক্ষের সেনাপতি স্বয়ং রাসূলে খোদা পয়গঘর মুহম্মদ (সা.)। অন্য পক্ষে আবু জেহেল, আবু সুফিয়ান। আবুল আছের অন্য উপায় নেই। অন্য দরোজা নেই। সে বাধ্য হয়েই এসেছে যুদ্ধে। পরম শ্রদ্ধেয়, পরম পবিত্রতম মানুষটির বিরুদ্ধে তার এই অনিষ্ট্যকৃত তলোয়ার ধারণ। আজ কিভাবে সে তার প্রিয়তমা স্তুর পিতার বিপক্ষে যুদ্ধ করবে? কি করে শ্রেষ্ঠ মানুষ, মহামানব হ্যরত মুহম্মদ (সা.) এর ওপর অন্ত চালাবে? সে মনে প্রাণে বিশ্বাস করে তার শুণুর যুগের শ্রেষ্ঠ। সে মহামানব। মহানবী। বিশ্বয়কর সত্য, অবাক সুন্দরের স্তুপতি। এই সুন্দরের, এই জ্যোর্তিরয়ের আলোকরশ্যা কখনও নির্বাপিত হবে না।

সে তার শুণুরের বিপক্ষে দাঁড়ালে কি হবে? অন্তর্যামী জানেন তার মনের অবস্থা। তার শুণুর আল্লাহর দোষ মুহম্মদ (সা.)। নিচয় তাঁর কাছে তার অন্তরের খবর রয়েছে। নিচয়ই তাঁর শুণুর তার নাজুক অবস্থার কথা অনুধান করবেন। নিচয়ই তিনি তাকে ক্ষমা করবেন। হিস্ম কোরেশুরা অন্ত চালালে কি হবে নিচয়ই তার শুণুরের দল সত্য কাফেলার দল বিজয়ী হবে। কাজেই তার ভয় কিসের? যুদ্ধের ময়দানে থাকলেই হল। বঙ্গী হলে মুসলিমরা তার ক্ষতি করবে না। রাসূলের জামাতা হিসেবে এটুকু রেহাই দেবে। তাছাড়া সে তো মুসলিম কাফেলার কোন ক্ষতি করেনি। রাসূলের অন্য আঞ্চীয় আবু লাহাব আবু জেহেলের মত কোন মারাত্মক ক্ষতি করেনি। তাই রাসূলের অন্য আঞ্চীয়রা, বংশের শক্রু মাপ না পেলেও সে হয়ত মাপ পেয়ে যাবে।

তাই সে এসেছে। বদর প্রান্তরে কোরেশের পক্ষে যুদ্ধে এসেছে। এতো মুসলিম বাহিনী একে একে বিরোধী কোরেশদের পরাভৃত করছে!

শেরে খোদা আলী (রা.) হত্যা করছেন ওলীদকে। বীরকেশুরী হাময়া হত্যা করছেন ওতবাকে। আর শায়বাকে শেষ করছেন এ দুই জনে মিলে। কোরেশুরা ছত্রভঙ্গ

হয়ে গেছে। আবু জেহলের বিপক্ষে নেমেছেন হ্যরত মাউফ (রা:)। তিনি হত্যা করেন আবু জেহলকে। তার মস্তক ছিন্ন করেন তরবারীর আঘাতে। যারা মিটিয়ে দিতে চেয়েছিল নবী মুহম্মদ (সা.)কে, যারা মদীনাকে ধ্বংস করতে চেয়েছিল, যারা আল্লার নূর নিভিয়ে দিতে চেয়েছিল বদর প্রাস্তরে, তারা নিঃশেষ হয়ে গেছে। পরাজিত হয়েছে পৌর্ণলিঙ্ক কোরেশ শক্ররা।

মুসলিম সৈন্যদের হাতে বন্দী হয়েছে অবশিষ্ট শক্রসেনা। সেও হ্যরত আবদুল্লাহ বিন জাবিরের হাতে বন্দী হয়।

গ.

রাসূলের জামাতা বন্দী শিবিরে মুক্তির প্রহর গুনছে।

আবুল আছের হৃদয় লজ্জায় সংকুচিত হয়ে যায়। যদিও তার হৃদয়ের এক কোণে বইছে আনন্দের ফলুধারা। তার ষষ্ঠৰের দল সত্যের কাফেলা বিজয়ী হয়েছে। অন্য দিকে লজ্জা আর বেদনা রাসূলের জামাতা হয়ে এসেছিল বিপক্ষে লড়তে, এখন বন্দী হয়েছে। মুসলিম সৈন্যের মধ্যে রাসূলের মুখ কি ছোট হয়ে যাবে? হায় হায়! একি পাপ করেছে সে! একি লজ্জা! ভীষণ লজ্জা! কিন্তু না, আল্লাহতালা তো অস্তর্যামী, তিনি তো আবুল আছের হৃদয়ের খবর জানেন। আবুল আছ তো এসেছিল নেহায়েত অনিষ্টসন্ত্বে। আমানতদারী রক্ষা করতে।

কিন্তু ঐদিকে কি হবে? এ পরাজয়ের সংবাদ মক্কার ঘরে ঘরে পৌছে যাবে। তার ঘরের তো ক্ষতি হবে না? যয়নবের কি হবে? রাসূলের মেয়ে রেহাই পাবে তো? আহা! প্রিয়তমা স্ত্রী কি ভাবছেন! সেও জানে তার অপারগতার কথা। কিন্তু কোন এক মুহূর্তে সে যদি ভাবে, তার পিতার বিরলদে অস্ত্র ধারন করেছে, যদি সে তাকে পরিত্যাগ করে চলে যায়! রাসূলের শরীরের অংশ যদি তার ভাগ্য থেকে খসে যায় তা হলে কি হবে তার! প্রিয়তমা স্ত্রী যদি তার কথা ভেবে ভেবে পেরেশান হয়ে পড়ে! সে যদি উদ্ভাস্তা হয়ে যায়। সে তো তাকে পরিত্যাগ করে তার পিতার সাথেই মদীনায় চলে যেতে পারত, কিন্তু তা সে করেনি। সে যে প্রাগাধিক! এ দুর্বল লোকটি তার স্বামী! এ ইমানহীন লোকটি তার স্বামী! অর্থচ সে তো তাকে এখনো ছেড়ে যায়নি! এখন কি হবে তার? মক্কার কোরেশরা অর্থের বিনিময়ে হ্যত তাদের আভীয়দের ছাড়িয়ে নেবে। কিন্তু তার ললাটে কি চল্দি উদয় হবে?

প্রিয়তমা স্ত্রী কি তার জন্য কিছু করবে? হ্যাত করবে। সে তো তার খালাস্মা- আস্মা খাদিজার মেয়ে। খালাত বোন। আস্মা খাদিজা তো মুহায়দের পদতলে সমস্ত সম্পদ বিলিয়ে দিয়েছেন। তাঁর বিপদে তাঁকে রক্ষা করেছেন! ছায়ার মত ঘিরে রেখেছেন! যয়নব, সে তো তার-ই মেয়ে! স্বর্ণ ইগল! নিশ্চয় সে তার স্বর্ণের বিনিময়ে তাকে মুক্ত করবে।

মঙ্কার লোকেরা একে একে রাসূলের দরবারে বন্দী মুক্তির জন্য ফিদিয়া পাঠাতে লাগলো । যয়নব ভাবছে, কি পাঠাবে মদীনায় । কি বিনিয়য় করবে প্রিয়তম স্বামীর সাথে । মদীনার রাষ্ট্র নায়ক মহানবী । সে তো তারই মহান পিতা । সে তো তার জামাতাকে এমনিতেই ছেড়ে দিতে পারে । কিন্তু তা সে করতে যাবে কেন? সবাই মুক্তিপণ দেবে । অথচ রাসূলের জামাতা বলে এমনিতেই খালাস পেয়ে যাবে! না, এ হয়না । সে জানে তার পিতা দয়ালু কিন্তু ন্যায় বিচারক । সাধারণ মুসলিমের জন্য যে কানুন- তার জামাতার জন্যও তাই প্রযোজ্য হবে । তাছাড়া সে তার প্রাণপ্রিয় পিতাকে খাঁটো করবে কেন? অতএব যয়নব ফিদিয়া দেবে । কিন্তু কি সে ফিদিয়া? নিশ্চয়ই সে ফিদিয়া হতে হবে পৃথিবীর মধ্যে সর্বশ্রেষ্ঠ মহা মূল্যবান । রাসূলের জামাতার মূল্য কি কম! তাই সে মনে মনে ভাবছে- রাসূলের প্রিয় জিনিসটিই সে ফিদিয়া দেবে । যেই ভাবনা সেই কাজ । দেবর রবিকে ফিদিয়া দিয়ে মদীনায় পাঠালেন ।


রাসূল রবির হাতে হারটি দেখে চমকে গেলেনঃ এ হার সে পেলো কোথায়ঃ নিশ্চয় এটা যয়নবের কাজ । এতো তাঁর প্রিয়তমা স্ত্রী খাদীজার গলার মহামূল্যবান হার! সহধর্মিনী, প্রথম মুসলিম, দুঃখ-সুখের সাথী প্রিয়তমা স্ত্রীর স্মৃতি বিজড়িত এ হার । এ হারের মূল্য পৃথিবীর যে কোন সম্পদের চেয়ে মহা মূল্যবান । এ যে অমূল্য রতন । না, এ হার, রাসূলের স্ত্রীর গলার হার, এটা সাধারণের সম্পদ হতে পারে না । অন্যের হাতের স্পর্শ পেতে পারে না । বায়তুল মালের সম্পদ হতে পারে না । এ হার যয়নবের গলায়ই মানায় । এ যে তার মায়ের দেওয়া উপটোকন! একি ফেরত নেওয়া যায়!

রাসূল সাল্লাল্লাহু আলাইহি ওয়া সাল্লাম সাহাবাদের বললেন, এ হার পাঠিয়েছে যয়নব, আমার কন্যা । হারটি তার মায়ের নির্দশন । ইচ্ছে করলে হারটি তোমরা ফেরত পাঠাতে পারো । মঙ্কা গিয়ে আবুল আছ যয়নবকে মদীনায় পাঠিয়ে দেবে, এটাই তার ফিদিয়া ।

অপূর্ব সমাধান । মানুষের বিনিয়য়ে মানুষের মুক্তি, যয়নব মুসলিম । সে দারুল হরবে থাকবে কেন? সে তার পিতার রাষ্ট্রে, দারুল ইসলামে ফিরে আসবে । প্রিয়তমা স্ত্রী খাদীজার কষ্ট হার পরে নয়নের পুতলি যয়নব তাঁ-ই ছায়াতলে ফিরে আসবে ।

মহামূল্যবান এই হারের বিনিয়য়ে যয়নব তার স্বামীকে পেল আর মহানবী পেল তার কন্যাকে ।

ପ୍ରବନ୍ଧ



# মহানবীর আদর্শ ও সূরাতুন-নাম্ল : নন্দিত জীবনের অপরিহার্য দিক নির্দেশনা

## মুহাম্মদ সিরাজ উদ্দীন

মানব ইতিহাসের শুরু থেকে আল্লাহ তা'আলা মানুষের হেদয়াতের জন্যে আসমানী কিতাব ও সহীফা নাফিল করেছেন এবং নবী ও রাসূল প্রেরণ করেছেন। এ প্রক্রিয়ায় মঙ্গা নগরী এবং তার নিকটতম অঞ্চলে বিভিন্ন নবী ও রাসূলের আবির্ভাব ঘটেছে। তাঁরা প্রত্যেকে ইসলামের আলোকিত পথের দিকে মানুষকে আহ্বান জানিয়েছেন। এন্দের অনেকেই সংবাদ মঙ্গাবাসীর কাছে নানা সূত্রে পৌছেছে। কা'বায়, জমজমে, সাফা-মারওয়ায়, আরাফাতে, মীনায়, সিরিয়ায়, জর্দানে, ফিলিস্তিনে এন্দের সংগ্রামী জীবন ও কর্মের অসংখ্য নির্দেশন রয়েছে।

আরবের ক্রপকথায় ও কবিতায় এন্দের কর্মমূখ্য জীবনকাহিনী নানাভাবে প্রভাব বিস্তার করেছে। এমনকি নিকটতম অতীতে তাদেরই ভৃ-খণ্ডে হ্যরত ইবরাহীম (আ:) তাঁর দুই পুত্র হ্যরত ইসলামিল (আ:) ও হ্যরত ইসহাক (আ:) এবং ত্রী হাজেরা ও সারাকে নিয়ে ইসলাম প্রচার ও প্রতিষ্ঠার জন্যে সংগ্রাম করেছেন।

মঙ্গার অধিবাসীগণ ছিল আল্লাহ তা'আলায় বিশ্বাসী। তাই আবরাহা কর্তৃক কা'বা আক্রান্ত হলে অসংখ্য দেব-দেবীকে বাদ দিয়ে একমাত্র আল্লাহর কাছেই তাঁরা একে রক্ষার জন্যে প্রার্থনা জানিয়েছে। কা'বার খাদেম হিসেবে তামাম দুনিয়ায় তারা ইজ্জত লাভ করেছে। তারা ভাল করেই জানত যে, আসমান ও যমীনের সুষ্ঠা আল্লাহ। পানি বর্ষণ ও ফসল উৎপাদন তাঁরই কাজ। যমীনকে বসবাসের যোগ্য তিনিই করেন। তাঁরই সৃষ্টি সাগর-নদী, পাহাড়-পর্বত। একই নদীর পানি প্রবাহে, দুটি স্বতন্ত্র স্নোতধারার সৃষ্টি করে উভয়ের মধ্যে ভেদেরেখা তিনিই টানেন। তাঁরা জানত যে, ব্যাকুল ও অস্ত্রি চিন্তের ফরিয়াদ শ্রবণকারী একমাত্র আল্লাহ। জলে ও স্থলে তিনিই পথ প্রদর্শক এবং সুশীলত বায়ুকে বৃষ্টির আগমনী বার্তাসহ আল্লাহই পাঠান। সৃষ্টির সূচনা এবং পুনরাবৃত্তি, আসমান ও যমীন হতে রিয়িক দান তাঁরই

কাজ। তাইতো রাসূলুল্লাহ সাল্লাল্লাহু আলাইহি ওয়াসাল্লাম ও তাঁর সাহাবীদেরকে সামাজিকভাবে বয়কট করার উদ্দেশ্যে প্রণীত চুক্তিনামার শুরুতে তারা লিখেছে: ‘বিছমিকা আল্লাহস্ত্র’ (সীরাতে ইবনে হিশাম, পৃষ্ঠা: ১০০)। বদরের যুদ্ধে যাওয়ার আগেও তারা আল্লাহর কাছেই জয়-পরাজয়ের ফায়সালার ভাব অর্পণ করেছে। পুত্র সন্তানের নাম রেখেছে ‘আবদুল্লাহ’ অর্থাৎ আল্লাহর বান্দা।

রাসূলুল্লাহ (সা.) এই আল্লাহ তা’আলার বন্দেগী করার জন্যেই মক্কাবসীকে আহবান জানিয়েছিলেন। তবে যেসব কারণে তারা তাঁর এ আহবান প্রত্যাখ্যান করেছে তন্মধ্যে কয়েকটি উল্লেখযোগ্য কারণ হলো:

- ক. ইসলাম মূর্খ ও বর্বর জাতির বিশ্বাস ও প্রথা বিরোধী।
- খ. কুরাইশ সম্পদায়ের কর্তৃত্ব ধনসম্পদ ও সন্তান নির্ভর ছিল। কিন্তু রাসূল সাল্লাল্লাহু আলাইহি ওয়াসাল্লামের নেতৃত্ব ছিল নৈতিকতা নির্ভর।
- গ. কা’বা আক্রমণকারী আবরাহা শ্রীষ্টান ছিল। ইসলাম ধর্মের সাথে খৃষ্ট ধর্মের কতিপয় বিষয়ে আংশিক মিল থাকায় তারা ইসলামকে শক্তির ধর্ম মনে করে।
- ঘ. রাসূলুল্লাহ সাল্লাল্লাহু আলাইহি ওয়াসাল্লামের নবুওয়ত প্রাণিকে বনু উমাইয়া বনু হিশামের বিজয় মনে করত। কারণ উভয় গোত্রের মধ্যে দীর্ঘদিনের দুশ্মনী ছিল। তাই বনু উমাইয়ার আবু সুফিয়ান বদর ছাড়া মক্কা বিজয়পূর্ব সকল যুদ্ধে মুসলমানদের বিরুদ্ধে কাফিরদের সেনাপ্রধানের দায়িত্ব পালন করেন। প্রসঙ্গত উল্লেখ্য, মক্কা বিজয়, আবু সুফিয়ানসহ বনু উমাইয়া গোত্রের কতিপয় শ্রেষ্ঠ ব্যক্তির ইসলাম গ্রহণ এবং কয়েকজন নেতার বিভিন্ন রণাঙ্গনে মৃত্যুর মধ্য দিয়ে আরবের এ দুটি প্রাচীন গোত্রের দ্বন্দ্বের আপাত: অবসান ঘটলেও রাসূল (সা:)-এর ইন্দ্রেকালের পর; বিশেষত: হযরত ওসমান (রা:)-এর শাহাদাতের পর উভয় গোত্রের সেই প্রাচীন দ্বন্দ্ব পুনরায় মাথাচাড়া দিয়ে গঠ্টে।
- ঙ. কুরাইশ নেতাদের মারাঞ্চক চরিত্রহীনতা ও স্বার্থপরতা ইসলাম কবুলের পথে অস্তরায় হয়ে দাঁড়ায়।
- চ. আহলে কিতাবীগণ বনু ইসরাইলী হওয়ায় তারা বনু ইসরাইলী নবীর নবুওয়ত ও রিসালাত বিরোধী ছিল। তাই কুরাইশ বংশে জন্মগ্রহণকারী নবীর বিরুদ্ধে মুশরিকদের দুশ্মনীকে অস্ত্র হিসেবে ব্যবহার করে তাঁকে নাজেহাল করার জন্যে নানা কৌশল ও অবাস্তর প্রশংসন কাফেরদের জুগিয়ে দেয়।
- ছ. ইসলাম মদ, জুয়া, গোত্রীয় দ্বন্দ্ব, ব্যাভিচার, মৃতি পূজা, হত্যা, লুঁষ্টন, জুলুম, অসহিষ্ণুতা, অশ্রীলতা ও উশৃঙ্খলতা বিরোধী হওয়ায় ইসলামের শান্তি ও শৃঙ্খলার, নীতি ও নৈতিকতার দাওয়াত মেনে নেওয়া কাফেরদের জন্যে

অত্যন্ত কঠিন হয়ে পড়ে ।

- জ. কুরাইশগণ ছিল সমাজ সংক্ষার ও সংশোধন বিরোধী ।  
ঝ. ইসলামের বিজয়ে মুশরিকদের ধর্মীয়, রাজনৈতিক ও অর্থনৈতিক কর্তৃত্বের অবসান ঘটার ভয় ।  
ঞ. উপরন্তু, আখিরাতে অবিশ্বাস ছিল তাদের নৈতিক বিপর্যয় এবং ইসলামের দাওয়াত প্রত্যাখ্যান করার একটি অন্যতম কারণ ।

এতদসত্ত্বেও চরম জাহেলিয়াতে ডুবে থাকা অবস্থায় তারা ছিল সাহসী, স্বাধীনতাপ্রিয়, বিস্ময়কর স্মৃতিশক্তির অধিকারী, বুদ্ধিমান, আত্মর্যাদা সচেতন, কর্তব্যনিষ্ঠ, উদার, কাব্যামোদী, অতিথিপরায়ণ এবং দেশপ্রেমিক । কিন্তু তাওহীদ, আখিরাত ও রিসালাতে অবিশ্বাস এবং উপরোক্ত কারণগুলো তাদের এসব দুর্লভ শুণাবলীকে হ্লান করে দেয় ।

অতএব রাসূলুল্লাহ সাল্লাল্লাহু আলাইহি ওয়াসাল্লাম যখন তাদেরকে আল্লাহর প্রতি নির্ভেজাল ও নিরবচ্ছিন্ন আনুগত্য প্রদর্শনের আহ্বান জানালেন তখন তাঁর উপর তারা ক্ষিণ্ঠ হয় । তাঁর সঙ্গীদের উপর অবগন্তীয় নির্যাতন চালায় । সাহাবীদের কাউকে হত্যা করে, কাউকে নির্যাতিত অবস্থায় মানবেতর জীবন-যাপনে বাধ্য করে । কারো ব্যবসা বাণিজ্য কেড়ে নেয় । কাউকে হিজরত করতে বাধ্য করে । কেউ হন গৃহবন্দী । কেউ তাদের হাতে আগুনে জ্বলেন, কেউ পানিতে ডুবেন, কেউ উত্তপ্ত বালুতে শুয়ে থাকতে বাধ্য হন । কেউ হন কর্মহীন । অথচ একজন নবী, একজন সংক্ষারক, একজন আদর্শ সংগঠক, একটি জীবন বিধান, একটি সুশৃঙ্খল সমাজ ও রাষ্ট্র ব্যবস্থা তাদের জন্যে ঐসময় ছিল অপরিহার্য ।

এতদসত্ত্বেও রাসূলুল্লাহ সাল্লাল্লাহু আলাইহি ওয়াসাল্লামের দাওয়াত মাত্র কয়েক বছরের মধ্যে নওমুসলিমদের বিশ্বাস ও আচরণে, বুদ্ধিমত্তা ও নৈতিকতায়, ধৈর্য ও সাহসিকতায় আরবের বুকে যে বৈপ্লাবিক পরিবর্তনের সূচনা করে তা জাহেলিয়াতের প্রাণপুরুষ আবু জাহেল, আবু লাহাব, উৎবা ও শাইবাদের জন্যে চিন্তার কারণ হয়ে দাঁড়ায় । ওরা সবিশ্বয়ে প্রত্যক্ষ করল, ওদেরই সমাজের হ্যরত আবু বকর (রাঃ), হ্যরত ওসমান (রাঃ), হ্যরত মাছআব (রাঃ) বা হ্যরত আম্বার (রাঃ)-এর মত প্রধান, অপ্রধান ব্যক্তিগণ ইসলামের সংস্পর্শে এসে দিন দিন পূর্বাপেক্ষা অধিক সৎ, যোগ্য, নিভীক, চরিত্রবান, দৃঢ়চেতা ও আত্মত্যাগী হয়ে উঠছে এবং সাধারণ মানুষ তাদের প্রতি আকৃষ্ট হচ্ছে । তাদের নির্যাতন উপেক্ষা করে ইসলামী বিপ্লবের পতাকা সুন্মুক্ত করছে । ক্ষীতদাস হ্যরত বিলাল (রাঃ) তাঁর মনিব উমাইয়া বিন খালফের বিরুদ্ধে, হ্যরত আবু জান্দাল (রাঃ) এবং তাঁর ভাই হ্যরত আব্দুল্লাহ (রাঃ) তাঁদের মুশরিক পিতা সুহাইল বিন আমরের বিরুদ্ধে, হ্যরত যুবাইর ইবনুল আওয়াম (রাঃ) তাঁর চাচা খুয়ালিদের বিরুদ্ধে, হ্যরত মাছআব (রাঃ) আপন জন্মাদাত্রীর বিরুদ্ধে,

হ্যরত মুবাইনা (রাঃ) তাঁর মনিব ওমর বিন খাতাবের বিরুদ্ধে, এমনকি ওমরের আপন বোন এবং ভগীপতিও তাঁর আদর্শের বিরুদ্ধে রুখে দাঁড়িয়েছেন। নির্যাতনকারীগণ আরও প্রত্যক্ষ করল, মুহাম্মদ সাল্লাল্লাহু আলাইহি ওয়াসাল্লামের সাহাবীগণ সমকালীন আরবের শ্রেষ্ঠ ব্যক্তিত্ব আবু সুফিয়ান ইবনে হারব, আবু লাহাব, আবু জাহেল, ওয়ালীদ ইবনে মুগীরা অথবা আছ ইবনে ওয়ালেদ, উৎবা ইবনে রাবিয়াহ, আসওয়াদ ইবনে মাতলাব, অথবা আসওয়াদ ইবনে আবদ ইয়াগুস, আখনাফ ইবনে খালফ বা উকবাহ ইবনে আবি মুইত-এর মত প্রভাব-প্রতিপত্তিশালী না হয়েও ইসলামী বিপ্লবের সংস্পর্শে এসে কঠিন ঈমানী পরীক্ষার মধ্য দিয়ে শ্রেষ্ঠত্ব অর্জন করছে।

রাসূলল্লাহ সাল্লাল্লাহু আলাইহি ওয়াসাল্লামের মক্কী জীবনের মধ্যবর্তী সময়ের এ তাৎপর্যপূর্ণ ঘটনাগুলো কাফিরদের মনে ক্ষেত্রে আগুন যেমন জুলিয়ে দেয়, তেমনি তাদেরকে উৎকৃষ্টত, বিশ্বিত, বিচিলিত, চিন্তিত ও ভীত-সন্ত্রস্ত করে করে তোলে। তারা বুঝতে পারে, জাহেলিয়াতের ভঙ্গুর সমাজ ব্যবস্থা আর অধিক দিন টিকিয়ে রাখা সম্ভব নয়। এভাবে একটু একটু করে জাহেলিয়াতের মাটি পায়ের তলা থেকে সরতে দেখে রাসূল সাল্লাল্লাহু আলাইহি ওয়াসাল্লামকে কুরআনের দাওয়াত থেকে নিবৃত্ত করার জন্যে সত্যের দুশ্মনগণ কখনো তাঁর সাথে, কখনো তাঁর চাচা আবু তালিবের সাথে, কখনো নিজেদের মধ্যে বৈঠক করেছে। মতেক্ষে উপনীত হওয়ার ব্যর্থ প্রচেষ্টা চালিয়েছে। এভাবে আপোষ এবং প্রতিরোধের প্রচেষ্টা পাশাপাশি চলেছে। তাদের ব্যর্থতা এবং মুসলমানদের সাফল্য অবশেষে তাদেরকে অত্যন্ত প্রতিহিংসাপরায়ণ করে তোলে। ইসলামী আন্দোলনের এ চরম সংকটকালে মুষ্টিমেয় মুসলমান বিচ্ছিন্ন ও বিক্ষিণ্ডাবে নিজ নিজ অবস্থানে থেকে দ্বিনের দাওয়াতী কাজ অব্যাহত রাখেন। কাফিরদের নির্মম অত্যাচার, নবী সাল্লাল্লাহু আলাইহি ওয়াসাল্লামের আনুগত্য এবং আল্লাহর ভালবাসা মুসলমানদেরকে জাহেলী সমাজের দুর্ভেদ্য প্রাচীরের বিরুদ্ধে দাঁড় করিয়ে দেয়। কাফিরগণ এরপ পরিস্থিতি নিয়ন্ত্রণ করতে ব্যর্থ হয়ে কখনো নবী সাল্লাল্লাহু আলাইহি ওয়াসাল্লামের প্রতি গণক, কবি, যাদুকর, পাগল, ভূত বা জ্বিন প্রভাবাবিত ব্যক্তি ইত্যাদি বিশেষণ প্রয়োগ করে সাধারণ মানুষকে বিভ্রান্ত করার প্রয়াস চালায়। কখনো তাঁকে সুন্দরী নারী, রাজত্ব বা ধন-সম্পদ দিয়ে প্রলুক্ত করার ব্যর্থ চেষ্টা করে। কখনো প্রাণমাশের হৃষকি দিয়ে ইসলামের বিপুরী দাওয়াত থেকে বিরত রাখার চক্রান্ত করে। এ দু:সহ পরিস্থিতিতে হ্যরত খাববাব ইবনুল ইরত (রাঃ) একদিন কাবাঘরের ছায়ায় বিশামরত রাসূলল্লাহ সাল্লাল্লাহু আলাইহি ওয়াসাল্লামের কাছে আরজ করলেন, “হে আল্লাহর রাসূল (সা:)! অত্যাচার ও যুন্মের তো সীমা ছাড়িয়ে গেছে। আপনি কি আল্লাহর নিকট দুঃখ করবেন না? একথা শোনার সঙ্গে সঙ্গে রাসূল সাল্লাল্লাহু আলাইহি ওয়াসাল্লামের

যুখমগুল রক্তিম বর্ণ ধারণ করল। তিনি বললেন, তোমাদের পূর্বে যারা ইমানদার ছিলেন তাঁদের উপর তো এ অপেক্ষাও কঠিন দুঃসহ যুদ্ধ অনুষ্ঠিত হয়েছে। তাঁদের দেহের অঙ্গ মজ্জার উপর লোহা নির্মিত চিরনি চালানো হত। তাঁদের মাথার উপর দিয়ে করাত টানা হত। কিন্তু এত কিছু সত্ত্বেও তাঁরা দীন ইসলাম ত্যাগ করতে প্রস্তুত হতেন না। নিচিত জেনো, আল্লাহ তাঁর কাজকে সম্পূর্ণ করবেনই। এমনকি এমন এক সময়ও আসবে যখন একজন লোক ‘ছানায়’ হতে ‘হায়রা মাউত’ পর্যন্ত নির্ভয়ে সফর করতে পারবে এবং তখন সে আল্লাহ ছাড়া আর কাউকে ভয় করবে না। কিন্তু তোমরা বড় তাড়াহড়া করছো।” (হাদীসে বুখারী)

এরপ পরিস্থিতিতে নির্যাতন, ব্যঙ্গ-বিদ্রূপ, আখিরাত ও রিসালাত নিয়ে সন্দেহ-সংশয়, ঈমান না আনার জন্যে নিত্য-নতুন ওজর-আপত্তি, মিথ্যা মাবুদ ত্যাগ করতে অঙ্গীকৃতি, ইসলামের দুশমনী এবং মুসলমানদেরকে নিজীব, প্রভাব-প্রতিপন্থিহীন, কোনঠাসা, আশ্রয়হীন ও নির্মূল করার জন্যে কাফিরদের সর্বাঞ্চক প্রচেষ্টার মুখোমুখি দাঁড়িয়েছিলেন রাসুলুল্লাহ সাল্লাল্লাহু আলাইহি ওয়াসাল্লামের নেতৃত্বে সহায়-সম্বল, প্রভাব-প্রতিপন্থি এবং কর্তৃত্বহীন মুসলমানদের একটি স্কুদ্র দল। স্ব-স্ব অবস্থানে থেকে এভাবে নির্যাতিত ও উপেক্ষিত হওয়া ছাড়া প্রতিরোধের হাতিয়ার তুলে নেয়ার কোনো উপায় বা অনুমোদনই তাঁদের ছিল না। এই অঙ্গকারময় পরিবেশে শুধু ইয়াসরাবের দিক থেকেই এক অস্পষ্ট আলোকচ্ছটা বিছুরিত হচ্ছিল। মদীনার ‘আওস’ এবং ‘কাজরাজ’ গোত্রের প্রভাবশালী ব্যক্তিগণ নবী করীম সাল্লাল্লাহু আলাইহি ওয়াসাল্লামের কাছে এসে ইসলাম গ্রহণ করেন এবং কোনো প্রকার আভ্যন্তরীণ প্রতিবন্ধকতা ব্যতীতই তাঁদের মধ্যে ইসলাম প্রচার ও প্রসার লাভ করে। কিন্তু এ সামান্য সূচনার মধ্যে ভবিষ্যতের যে বিপুল সংঘাবনা নিহিত ছিল তা কোনো স্থলবুদ্ধিসম্পন্ন মানুষ দেখতে পেত না। বাহ্যদৃষ্টিতে মানুষ এতটুকুই দেখতো যে, ইসলাম একটি দুর্বলতম আন্দোলন মাত্র। তার পশ্চাতে কোনো বস্তু ও বস্তুনির্ণয় শক্তির সামান্য সাহায্য-সহযোগিতা ক্রিয়াশীল নেই। তার নেতৃ এমন এক লোক, যে জন্য থেকেই ইয়াতীম, নিরাশ্রয় ও অভিভাবকহীন। দুর্বল প্রকৃতির কয়েকজন অসহায়, নিরাশ্রয়, বিক্ষিষ্ট ও বিছ্বস্ত লোক নিজেদের জাতীয় বিশ্বাস ও আদর্শ পরিত্যাগ করে ইসলাম গ্রহণ করেছে মাত্র। এর ফলে তারা স্বীয় সমাজ থেকে এভাবে দূরে নিষ্কিষ্ট হয়েছে যেভাবে পত্র-পত্রব বৃষ্টচ্যুত হয়ে বৃক্ষ থেকে দূরে মৃত্তিকায় লুটিয়ে পড়ে।” (তরজমায়ে কুরআন মজীদ; পৃষ্ঠা: ১৯১-১৯২)

প্রতিনিয়ত বাতিলের সুপরিকল্পিত ও কঠিন কঠোর আঘাতে আঘাতে জর্জরিত এই মুসলিম জামাতের জন্যে সে মুহূর্তে অপরিহার্য হয়ে পড়েছিল:

ক. কুরআনের মর্মেপলক্ষি এবং এর ব্যাপক প্রচার এবং প্রসার।

- খ. মুসলমানদের সংখ্যা বৃদ্ধি ও গুণগত মানোন্নয়ন।
- গ. কাফিরদের নির্যাতন এবং শত প্ররোচনার মাঝেও ধৈর্যধারণ এবং আত্মকর্মসূচীর উপর সুদৃঢ় থাকা।
- ঘ. প্রতিপক্ষের অবাস্তুর প্রশ্ন এবং অবাস্তুত দাবীর যুক্তিসঙ্গত জবাব দান।
- ঙ. মুশারিকদের ভুল ধারণা বিশ্বাস অত্যন্ত জোরালো যুক্তি প্রমাণের সাহায্যে নিরসনের চেষ্টা করা।
- চ. গাফলতে নিমজ্জিত মানুষকে কিয়ামত এবং হাশরের ভীতিকর এবং বিভীষিকাময় বর্ণনার মাধ্যমে জাগ্রত ও সচেতন করে তোলা এবং এর মাধ্যমে পরকালের অনুভূতি তীব্রভাবে জাগিয়ে দেয়া। উদ্দেশ্য: সংশোধন, ভীত-স্ত্রুত করা নয়।
- ছ. প্রতিপক্ষের জনবল, ধনবল, অস্ত্রবল, প্রভাব প্রতিপত্তির সীমাবদ্ধতা ও দুর্বলতার মুখোশ উন্মোচন।
- জ. ইসলামী শিষ্টাচার এবং প্রশাসনিক শিক্ষা প্রদান।
- ঝ. নবী করীম সাল্লাল্লাহু আলাইহি ওয়াসাল্লাম এবং তাঁর সাহাবীদেরকে ইসলামের দুশ্মনদের মোকাবেলায় হতোন্দৰ বা নিরাশ না হওয়ার জন্য হিদায়াত দান।
- ঝঃ. নিঃস্ব নওমুসলিমদের দারিদ্র্য বিমোচন।
- রাসূলল্লাহ সাল্লাহু আলাইহি ওয়া সাল্লামের মক্কী জীবনে ইসলামের বিপ্লবী দাওয়াতের এ বিশেষ অধ্যায়ে সূরা ‘শুয়ারা’, ‘নাম্ল’ ও ‘কাছাছ’ পর পর নাযিল হয়। এ প্রসঙ্গে ইয়রত ইবনে আবুস (রাঃ) ও যাবির ইবনে যায়েদ (রাঃ) বর্ণনা করেন: “প্রথমে ‘সূরা ‘শুয়ারা’ এর পর ‘নাম্ল’ এবং পরে ‘কাছাছ’ নাযিল হয়।”
- ‘শুয়ারা’, ‘নাম্ল’ ও ‘কাছাছ’ এ সূরাত্ত্বার মধ্যে একাধিক বিষয়ে তাৎপর্যপূর্ণ মিল রয়েছে। উপরোক্ত তিনটি সূরায় আলেচিত কোনো কোনো কাহিমী ও বিষয় বিচ্ছিন্নভাবে অসম্পূর্ণ ও বিক্ষিপ্ত; কিন্তু সমষ্টিগতভাবে সম্পূর্ণ। এ কারণে তিনটি সূরা নাযিলের প্রেক্ষাপট, বিষয়বস্তু ও বৈশিষ্ট্য সতর্ক পর্যবেক্ষণে না এনে আলাদাভাবে কোনো একটি সূরার মর্মান্বাদ পুরোপুরি সম্ভব নয়। এর প্রসঙ্গে নিম্নোক্ত বিষয়গুলো বিবেচ:
- (ক) তিনটি সূরার শুরুতেই হৃষকে মুকাভাআতের ব্যবহার রয়েছে; যা কুরআনের দুশ্মনদের জন্যে এক জটিল অভেদ্য সংখ্যাতাত্ত্বিক প্রতিরোধ ব্যবস্থার সৃষ্টি করছে এবং কুরআনকে এক বিশেষ বৈশিষ্ট্য ও মাধ্যম দান করেছে।
- (খ) তিনটি সূরায় ব্যবহৃত হৃষকে মুকাভাআতের মধ্যে প্রায় বিশ্বয়কর মিল রয়েছে। যেমন: শুয়ারায় ‘ত্রু-সীন-মীম’, নাম্ল-এ ‘ত্রু-সীন’, এবং কাছাছে ‘ত্রু-সীন-মীম’।
- (গ) তিনটি সূরায় ব্যবহৃত হৃষকে মুকাভাআতের পরপরই কুরআনের বৈশিষ্ট্য

বর্ণিত হয়েছে। যেমন: “ত্বা-সীন-মীম। এ স্পষ্টভাষী কিতাবের আয়াত।” (গুয়াই: ১-২)

“ত্বা-সীন। এ কুরআন এবং সুস্পষ্টভাষী কিতাবের আয়াত।” (নাম্ল: ১-২)

“ত্বা-সীন-মীম। এ সুস্পষ্ট গ্রন্থের আয়াত।” (কঢ়াছ: ১-২)

- (ঘ) তিনটি সূরাই রাসূলল্লাহ সাল্লাল্লাহু আলাইহি ওয়াসাল্লামের মক্কী জীবনের মাঝামাঝি সময়ে নাযিল হয়েছে এবং মক্কী সূরার বৈশিষ্ট্য তিনটিতেই পুরোপুরি বিদ্যমান।
- (ঙ) তিনটি সূরাতেই রয়েছে বেজোড় রুক্মু। যেমন: শুয়ারায় ১১, নামলে ৭ এবং কঢ়াছে ১১।
- (চ) সূরাত্ত্বয়ীতে দ্বিমান আনার ক্ষেত্রে কাফেরদের ওয়ের-আপত্তি, টাল-বাহানা ও হঠকারিতা আলোচিত হয়েছে।
- (ছ) শিরকমুক্ত জীবনের প্রতি তিনটি সূরাতেই আহ্বান জানানো হয়েছে।
- (জ) তিনটি সূরাতেই নবী সাল্লাল্লাহু আলাইহি ওয়াসাল্লামকে প্রয়োজনীয় হিদায়াত, উত্সাহ ও শাস্ত্রনা দেয়া হয়েছে।
- (ঝ) তিনটি সূরাতেই ইসলামের দাওয়াত গ্রহণে অনিষ্টুক ব্যক্তি ও জাতির কর্কণ, শোচনীয় পরিণতি এবং পরকালে জবাবদিহিতার প্রসঙ্গ অত্যন্ত শুরুত্ব লাভ করেছে।
- (ঞ) সূরা ‘নাম্ল’-এর ৮৬ নং আয়াতে বলা হয়েছে: “তারা কি বুঝতে পারতো না যে, রাতকে তাদের প্রশান্তি লাভের জন্যে বানিয়েছিলাম এবং দিনকে করেছিলাম উজ্জ্বল। এতেই প্রচুর নির্দশন ছিল মুমিনদের জন্যে।”

এ ইঙ্গিতবহুল তাৎপর্যপূর্ণ ও সংক্ষিপ্ত বক্তব্যের আরও বিস্তারিত ব্যাখ্যা রয়েছে সূরা কঢ়াছের ৭১-৭৩ আয়াতে। যেমন: “(হে নবী! ওদেরকে) বলুন, তোমরা কি কখনও চিন্তা করেছো যে, আল্লাহ যদি রাতকে কিয়ামত পর্যন্ত তোমাদের জন্যে বর্ধিত করে দেন তাহলে আল্লাহ ছাড়া আর কোন্ মা’বুদ আলো এনে দিতে পারবেং তোমরা কি তনতে পাও না? তাদেরকে জি জেসা করো, তোমরা কি কখনো ভেবে দেখেছ, আল্লাহ যদি কিয়ামত পর্যন্ত তোমাদের জন্যে দিন বানিয়ে দেন তাহলে আল্লাহ ছাড়া আর কোনো মা’বুদ রাত এনে দিতে পারবে, যেন তোমরা শান্তি লাভ করতে পার: তোমরা কি এসব কথা ভেবে দেখ না? সেই আল্লাহর রহমত ছিল বলেই তিনি তোমাদের জন্যে রাত ও দিন বানিয়েছেন যেন তোমরা (রাতে) শান্তি লাভ করতে পার এবং (দিনের বেলা) তোমাদের রবের অনুগ্রহ সঞ্চাল কর। হয়তো তোমরা শুকরগ্নজার হবে।”

সূরা শুয়ারার ১৪ আয়াতে উদ্বৃত্ত হয়েছে, নবুওয়তের দায়িত্ব গ্রহণে অক্ষমতা প্রকাশ করে হ্যরত মুসা (আ:) আল্লাহর কাছে আরজ করলেন:

“ফিরাউনের জাতির প্রতি কৃত একটি অপরাধের অভিযোগ আমার ‘বিরুদ্ধে  
রয়েছে। সে কারণে আমি ওখানে গেলে আমাকে হত্যা করবে বলে ভয় পাচ্ছি।’  
পরে হ্যরত মুসা (আ): যখন ফিরাউনের দরবারে গেলেন, তখন ফিরাউনের উক্তি:  
“আমরা কি তোমাকে আমাদের ঘরে একটি বালক হিসেবে লালন-পালন করিনি?  
তুমি আমাদের নিকট কয়েক বছর পর্যন্ত অবস্থান করলে, পরে তুমি যা করার করে  
চলে গেলে।” (আয়াত ১৮)

কিন্তু সেখানে এ দুটি কাজের কোনো বিস্তারিত বিবরণ দেয়া হয়নি। সূরা ‘কাছাছে’  
এর বিস্তারিত বিবরণ দেয়া হয়েছে। অনরূপভাবে সূরা নামলের সূচনায় বলা হয়েছে:  
হ্যরত মুসা (আ): তাঁর পরিবার পরিজনকে সঙ্গে নিয়ে যাচ্ছিলেন। আকস্মিকভাবে  
তিনি আধুন দেখতে পান। “কিন্তু এই সূরায় এর বিস্তারিত বিবরণ পাওয়া যায় না।  
এ সফরটি কি রকম ছিল, কোথেকে তিনি আসছিলেন এবং কোথায় যাচ্ছিলেন-  
এসবের বিস্তারিত বিবরণও সূরা নামলে নেই। সূরা কাছাছে এর বিস্তারিত বিবরণ  
দেওয়া হয়েছে।” (‘তাফসীরল কুরআন’, প্রতিহাসিক প্রেক্ষাপট, সূরা কাছাছের  
ভূমিকা ।)

সূরা নামলে রয়েছে শুরুত্বপূর্ণ সূচনা বক্তব্য (১-৬ আয়াত), উপসংহার (৯১-৯৩  
আয়াত) এবং দুটি ভাষণ। প্রথম ভাষণ ৭-৪২ আয়াতে এবং দ্বিতীয় ভাষণ ৪৩-৯০  
আয়াতে।

এ সূরার সূচনায় বলা হয়েছে: কুরআনের বক্তব্য অত্যন্ত সুস্পষ্ট। ঈমান, সালাত  
কায়েম, যাকাত আদায় এবং সর্বোপরি পরকালের উপর দৃঢ় বিশ্বাস এবং সে মর্মে  
জ্বাবদিহিতা করতে প্রস্তুত ব্যক্তি ও জাতিই শুধু কুরআনের হিদায়াত ও সুসংবাদ  
লাভের অধিকারী। কিন্তু পরকালে অঙ্গীকৃতিই হচ্ছে কুরআন থেকে হিদায়াত ও  
সুসংবাদ লাভের ক্ষেত্রে মস্ত বড় বাঁধা। এ প্রসঙ্গে আল্লাহ তা’আলা বলেন: “প্রকৃত  
কথা এই যে, যারা পরকাল মানে না তাদের জন্যে আমরা তাদের কাজকর্মকে  
চাকচিক্যময় বালিয়ে দিয়েছি। এ কারণে তারা বিড়ান্ত হয়ে ফিরছে। এরা সেই  
লোক যাদের জন্যে অত্যন্ত খারাপ শাস্তি রয়েছে। আর পরকালে এরাই সর্বাধিক  
মাত্রায় ক্ষতিগ্রস্ত হবে।” (আয়াত: ৪-৫)

এ সূচনা বক্তব্যের প্রেক্ষাপটে প্রথম ভাষণে তিন শ্রেণীর লোক-চরিত্রের দৃষ্টান্ত পেশ  
করা হয়েছে। প্রথম দৃষ্টান্ত হচ্ছে: ফেরাউন, সামুদ জাতির সরদার ও লৃত জাতির  
খোদাদোহী লোকদের চরিত্র। পরকাল অঙ্গীকৃতি এবং নফসের দাসত্বেই তাদের  
কর্মতৎপরতার সার কথা। কোনো নির্দেশন দেখেও তারা ঈমান আনতে প্রস্তুত ছিল  
না। শুধু তাই নয়, যারা তাদেরকে কল্যাণ ও মঙ্গলময় পথের নির্দেশ করতো  
তাদেরকেও তারা দুশ্মন মনে করতো। তারা নিজেদের সব রকমের দৃঢ়তি ও  
অনাচারের উপর মজবুত হয়েছিল, যদিও তার জগন্যতা সম্পর্কে কোনো বুদ্ধিমান

মানুষেরই মনে একবিন্দু সন্দেহ থাকতে পারে না। তারা এতদূর গাফিল হয়েছিল যে, খোদার আয়াৰ এসে তাদেরকে ছাস কৰার পূৰ্বমুহূৰ্ত পর্যন্তও তাদের ইঁশ হয়নি।

দ্বিতীয় দৃষ্টান্ত হলো হ্যৱত সুলায়মান (আ:)-এর। আল্লাহ তাঁকে এতবেশী সম্পদ, রাষ্ট্ৰ-ক্ষমতা ও প্ৰভাৱ-প্ৰতিপত্তি দান কৱেছিলেন যে, মক্কার কাফেৰ সৱদারগণ তা ধাৰণা পৰ্যন্ত কৱতে পাৰতো না। কিন্তু তা সন্তোষ যেহেতু আল্লাহৰ নিকট জওয়াবদিহি কৱার তীব্র অনুভূতি তাঁৰ ছিল এবং তিনি যা কিছু লাভ কৱেছিলেন তা সবই আল্লাহৰ দান বলে নিঃসন্দেহে বিশ্বাস কৱতেন, এ জন্যে তাঁৰ মাথা সবসময়ই আল্লাহৰ নিকট নত হয়ে থাকত; অহংকাৰ ও দাঙ্কিকতাৰ লেশমাত্ৰও তাঁৰ চৱিত্ৰে কখনো স্থান পায়নি।

তৃতীয় দৃষ্টান্ত হলো সম্রাজ্ঞী সাবাৰ চৱিত্ৰে। আৱব ইতিহাসেৰ এক প্ৰখ্যাত সম্পদশালী জাতিৰ উপৰ রাজত্ব কৱেছিলেন এ নারী। এৰ নিকট সেসব কাৰ্য্যকাৱণ বৰ্তমান ছিল যা যে কোনো লোককে দাঙ্কিকতাৰ নিমজ্জিত কৱতে পাৰতো। মানুষ সাধাৱণত যেসব জিনিসেৰ কাৱণে গৌৱৰ ও অহংকাৱে মেতে ওঠে, তা আৱবদেৱ তুলনায় তাঁৰ ছিল অনেক অনেক বেশী। তাহাড়া তিনি ছিলেন এক মুশারিক জাতিৰ সদস্য। যেমন পিতৃপুৰুষেৰ অঙ্গ অনুসৰণেৰ কাৱণে, তেমনি নিজেৰ জাতিৰ লোকদেৱ উপৰ স্থীয় আধিপত্য অক্ষুন্ন রাখাৰ জন্যেও শিৱক-এৰ ধৰ্ম ত্যাগ কৱে তাওহীদী দীন কৰুল কৱা তাঁৰ পক্ষে অত্যন্ত কঠিন ছিল। কিন্তু প্ৰকৃত সত্য যখন তাঁৰ নিকট সুল্পষ্ট হয়ে উঠলো, তখন তা কৰুল কৱতে কোনো বাধাই তাঁকে বিৱত রাখতে পাৱেনি। কেননা তাঁৰ গোমৰাহী ছিল শুধু এক মুশারিক জাতিৰ পংক্ষিল পৱিবেশে লালিত-পালিত হওয়াৰ কাৱণে। লালসাৱ দাসত্ব ও নফসেৰ গোলামীৰ কোনো রোগই তাঁকে আতঙ্কণ কৱেনি। আল্লাহৰ নিকট জৰাবদিহি কৱার তীব্র অনুভূতি তাঁৰ মনকে সব সময়ই কাতৰ কৱে রাখতো।

দ্বিতীয় ভাষণে সৰ্বপথম বিশ্ব-প্ৰকৃতিৰ কৱিপথ সুস্পষ্ট ও দৃশ্যমান মহাসত্ত্বেৰ দিকে ইঙ্গিত কৱে মক্কার কাফিৱদেৱ নিকট একেৱ পৱ এক প্ৰশ্ন কৱে বলা হয়েছে: বল, এসব মহাসত্য কি শিৱক প্ৰমাণ কৱে- যাতে তোমৰা নিমজ্জিত হয়ে আছ, না এ আল্লাহৰ তাওহীদেৱ সাক্ষ্য দেয়, যার দাওয়াত কুৱান মজীদে তোমাদেৱ নিকট পেশ কৱা হচ্ছে? অতঃপৰ কাফিৱদেৱ আসল রোগ নিৰ্দেশ কৱে বলা হয়েছে, যে জিনিসটা তাদেৱকে অঙ্গ বানিয়ে রেখেছে, যার কাৱণে তাৱা সবকিছু দেখতে পেয়েও কিছুই দেখে না, সবকিছু শুনতে পেয়েও কিছুই শুনে না- সে রোগ হচ্ছে পৱকাল অস্থীকাৱ কৱা। এই পৱকাল অস্থীকৃতিই তাদেৱ জীবনেৰ কোনো একটি বিষয়েও কোনোৱপ বৃদ্ধিমত্তাৰ পৱিচয় বাকী রাখেনি। কাৱণ তাদেৱ ধাৰণা ছিল,

যখন শেষ পর্যন্ত সবকিছু মাটিতে মিশে একাকার হয়ে যাবে এবং বৈষম্যিক জীবনের সমস্ত তৎপরতা একেবারে নিষ্ফল হয়ে যাবে তখন মানুষের জন্যে হক ও বাতিল সমান হয়ে যাবে। মানুষের জীবন-ব্যবস্থা ন্যায় ও সত্য আদর্শের উপর প্রতিষ্ঠিত কি না, সে প্রশ্ন তাদের নিকট এ কারণেই কোনো গুরুত্ব লাভ করতে পারেনি। কিন্তু এ আলোচনার উদ্দেশ্য তাদের মনে নৈরাশ্য সৃষ্টি নয়। এও নয় যে, এরা যখন চরম গাফিলতিতেই নিমজ্জিত হয়ে আছে তখন এদের দাওয়াত দেয়াই অথবীন। আসলে গাফিলতিতে নিমজ্জিত মানুষগুলোকে জগত ও সচেতন করে তোলাই এর মূল লক্ষ্য। এ কারণে ষষ্ঠ ও সপ্তম রূপকুতে পর পর এমন সব কথা বলা হয়েছে যা লোকদের মনে পরিকালের অনুভূতি তৈরিতাবে জাগিয়ে দেয়। এ বিষয়ে গাফিলতি অবলম্বিত হলে তার পরিণাম যে অত্যন্ত মারাত্মক হবে তাও বলে দেয়া হয়েছে। এ দিনের আগমন সম্পর্কে তাদের মনে এমন এক দৃঢ় বিশ্বাস জাগানো বর্ণনা দেয়া হয়েছে, যার মাধ্যমে মানুষ নিজের চোখে না দেখেও প্রকৃত অদৃশ্য সত্যকে বুঝতে সক্ষম হবে।

উপসংহারে এক আল্লাহর বন্দেগী গ্রহণের জন্যে কুরআনের মূল দাওয়াত অতীব সংক্ষেপে অর্থ অত্যন্ত জোরালোভাবে পেশ করে মানুষকে সাবধান করা হয়েছে। বলা হয়েছে, এ দাওয়াত করুল করা তোমাদের নিজেদের জন্যেই কল্যাণকর। আর এ প্রত্যাখান করা তোমাদের নিজেদের জন্যেই ক্ষতিকর। একে মেনে নেয়ার জন্যে যদি তোমরা সে সব নির্দশন দেখার অপেক্ষায় বসে থাকো যা সামনে উপস্থিত হওয়ার পর তা না মেনে কোনো উপায়ই থাকে না, তাহলে মনে রেখো, তা হবে চূড়ান্ত ফায়সালা গ্রহণের অস্তিম মুহূর্ত। তখন এ মেনে নেওয়ায় এর কোনো ফলই পাওয়া যাবে না।”

(তরজমায়ে কুরআন মজিদ, সূরা ‘আন নামলের’ ভূমিকা।)

### শিক্ষণীয় বিষয়

কুরআন থেকে শুভসংবাদ এবং হিদায়াত লাভ করার জন্যে অপরিহার্য শর্ত হচ্ছে একেপ দৈমানের অধিকারী হওয়া যা-

- ক. সালাত কায়েম (আল্লাহর হক),
- খ. যাকাত (বান্দার হক, দারিদ্র্য বিমোচনের কর্মসূচী) আদায় এবং
- গ. পরিকালে দৃঢ় বিশ্বাসের (আল্লাহ ও তাঁর বান্দার হকের জন্যে জবাবদিহিতার) উপর নিজেকে কায়েম রাখা এবং এসব কর্মসূচি বাস্তবায়নের জন্যে সর্বদা সচেতন করে। (আয়াত: ১-৩)
- \* পরিকালে অবিশ্বাসীর কাজকর্মকে আল্লাহ তা'আলা চাকচিক্যময় বানিয়ে দেন। এতে সে ক্ষতিঅন্ত হয়। (আয়াত: ৪-৫)

- \* আল্লাহ নবী রাসূলদের বক্তু। (আয়াত: ১০)
- \* পাপী ন্যায় ও সুন্দর কাজের মাধ্যমে আল্লাহর ক্ষমা ও রহমত লাভ করতে পারে। (আয়াত: ১১)
- \* নৈতিক বিপর্যয় সৃষ্টিকারীদের পরিণাম অত্যন্ত ভয়াবহ। (আয়াত: ১৪)
- \* শাসন, কর্তৃত্ব এবং ক্ষমতার অধিকারীদের উচিত সুলায়মান (আ:)-এর মত নিজেদের শক্তি সামর্থকে নিয়ন্ত্রণে রাখা, সংয়মী হওয়া এবং নিজেদেরকে আলোকিত বান্দাগণের অন্তর্ভুক্ত করার জন্যে আল্লাহর কাছে দু'আ করা। (আয়াত: ১৯)
- \* প্রজা বা কর্তৃত্বাধীনের খোঁজ খবর রাখা বাদশাহ, শাসক বা মালিকের জন্যে অপরিহার্য কর্তব্য। (আয়াত: ২০-২১)
- \* শয়তানই কফিরের কাজকর্মকে চাকচিক্যময় করে দেয়, সিরাতুল মুসতাফীম থেকে বিচ্ছুত করে এবং আল্লাহর বন্দেগী থেকে দূরে রাখে। (আয়াত: ২৪)
- \* যে কোনো জটিল ও গুরুত্বপূর্ণ বিষয়ে পরামর্শ গ্রহণ অপরিহার্য। তবে অন্যায় বা আয়ৌক্তিক পরামর্শ গ্রহণ করা বাঞ্ছনীয় নয়। (আয়াত: ৩২-৩৩)
- \* যাচাই বাছাই না করে কোনো গুরুত্বপূর্ণ বিষয়ে বাদশাহ বা শাসকের সিদ্ধান্ত গ্রহণ অনুচিত। (আয়াত: ২২-২৮)
- \* দূতের মাধ্যমে প্রেরিত সংবাদ বা ফরমান লিখিত হওয়া বাঞ্ছনীয়। (আয়াত: ২৯-৩০)
- \* ইসলাম ও ঈমান ব্যতীত দীনের দায়ীর কাছে কোনো ধন-সম্পদই মূল্যবান নয়; সবই তুচ্ছ। (আয়াত: ৩৬)
- \* কিতাবের জ্ঞানই মূল শক্তি। (আয়াত: ৪০)
- \* ভাল এবং কল্যাণের জন্যে তাড়াহুড়া করা অনুচিত। (আয়াত: ৪৬)
- \* শুভ ও অশুভের মূল মাপকাঠি একমাত্র আল্লাহই নির্ধারণ করেন। (আয়াত: ৪৭)
- \* কাফিরদের সকল চক্রন্তই আল্লাহ সুকোশলে ব্যর্থ করেন। (আয়াত: ৪৯-৫১)
- \* জ্ঞানীরাই ইতিহাস থেকে শিক্ষা গ্রহণ করে। (আয়াত: ৫২)
- \* মুমিন এবং পরহেয়গারকে আল্লাহ তাঁর গ্যব থেকে বাঁচান। (আয়াত: ৫৩)
- \* নবী, রাসূল বা মর্দে মুমীনকে যারা নির্মূল করতে চায় মূলত তারাই নির্মূল হয়। (আয়াত: ৫৯-৫৩)
- \* অত্যন্ত শক্ত প্রতিপক্ষের মোকাবিলায় হ্যরত মূসা (আ:) হ্যরত সালেহ (আ:), হ্যরত লুত (আ:) এবং হ্যরত সুলায়মান (আ:)-এর মত হিস্তের সাথে লড়ে যাওয়ার জন্যে মুমীনকে সদা তৎপর থাকতে হবে। (আয়াত: ৫৭-৫৮)
- \* জান-মাল এবং ইজতের ঝুঁকিপূর্ণ অবস্থানে থেকেও দীনের দাওয়াতি কাজ অব্যাহত রাখতে হয়। (আয়াত: ৫৭-৫৮)

- \* ফিরাউন, কৃত্তমে সালেহ (আ:) ও কৃত্তমে লুত (আ:) অসৎ নেতাদের পরমার্শদ্রব্যে নবী রাসূলের বিরুদ্ধাচরণ করে আল্লাহর গজবে ধ্বংস হয়েছে। কিন্তু সাবাব রানী সভাসদদের অসৎ পরামর্শ উপেক্ষা করে সীরাতুল মুসতাকীম খুঁজে পেয়েছে। (আয়াত: ৩২-৪৪)
- \* মানুষের সিজদা তথা বন্দের যোগ্য একমাত্র আল্লাহ। (আয়াত: ৩১)
- \* রাজা, বাদশাহ বা শাসকের কর্তব্য মানুষকে শুধু এক আল্লাহর গোলাম বানানো; নিজের দাস নয়। (আয়াত: ৩১)
- \* আল্লাহ মানুষের শোকরের মুখাপেক্ষী নন। আঘাকল্পাণের জন্যে প্রত্যেকের উচিত আল্লাহর শোকরণ্ডাজ বান্দা হয়ে যাওয়া। (আয়াত: ৪০)
- \* ইবলিসী বা কুফরী, জাহেলী বা মুশরিকী সমাজের প্রভাব প্রতিপত্তি ও সাহচর্য থেকে দ্রুত অব্যাহতি লাভের পত্র উত্তোলন ও কার্যকর ব্যবস্থা গ্রহণ অপরিহার্য। (আয়াত: ২২-২৬, ২৯-৩৫, ৪২-৪৪)
- \* সঠিক মূলনীতির উপর থাকার জন্যে সঠিক কর্মপদ্ধার পাশাপাশি আল্লাহর সাহায্য কামনা এবং নেক বান্দাদের অঙ্গৰ্ভুক্ত হয়ে থাকা অপরিহার্য। (আয়াত: ২৮-২৯)
- \* মুশরিকী বা জাহেলী সমাজ চালু রাখার অনুমতি যে কোনো মূল্যবান উপটোকন বা সম্পদের বিনিময়ে দেয়া যায় না। (আয়াত: ৩৬-৩৯)
- \* দুনিয়ার বুকে প্রত্যেক ব্যক্তি ও জাতিকে আল্লাহ পাক তাঁর ওয়াহাদানিয়াত কবুল করার জন্যে যে সময় ও সুযোগ দিয়ে থাকেন তার সম্বৃদ্ধার করা অপরিহার্য। (আয়াত: ৪৪)
- \* রাজত্ব, খিলাফাত, শাসন ক্ষমতা-এ সবই আল্লাহর দান। মুমিন এ জন্যে হ্যরত সুলায়মান (আ:)-এর মত আল্লাহর শোকর আদায় করে। আর ফাসিক, মুনাফিক, কাফির একে প্রজা বা অধীনস্থদের উপর জুলুমের হাতিয়ার বানিয়ে নেয়। (আয়াত: ৪০)
- \* আল্লাহর জীবনে দীন কায়েমের জন্যে তবলীগে দীনের পাশাপাশি হ্যরত সুলায়মান (আ:)-এর মত সর্বাঙ্গক জিহাদের কর্মসূচী থাকাও অপরিহার্য। (আয়াত: ২৯-৩১, ৩৬-৩৭)
- \* আল্লাহর দিকে আহ্বানকারীদের অবাঞ্ছিত বা অগুভ শক্তি মনে করা এবং তাদের বিরুদ্ধাচরণ করা কঠিন শাস্তিযোগ্য অপরাধ। (আয়াত: ১৩-১৪, ৪৮, ৫৬-৫৮)
- \* পরিবার গঠন এবং মানব প্রজননের শাশ্বত প্রক্রিয়া পরিহার করে যারা কৃত্রিম ও অগুলি কর্মে লিঙ্গ হয় এবং এ জগন্য কাজে বাধা দানকারীদের উপর ঢড়াও হয় তারা আল্লাহর গবেষে ধ্বংস হওয়ার উপযোগী। (আয়াত: ৫৪-৫৮)
- \* অস্বাভাবিক ও অবৈধ উপায়ে যৌনক্ষুধা নির্বস্তু করে নারীর প্রতি অবজ্ঞা ও উপেক্ষা প্রদর্শন মূর্খতারই বহিঃপ্রকাশ। (আয়াত: ৫৫)

- \* প্রত্যেক গুরুত্বপূর্ণ বক্তব্যের সূচনায় আল্লাহর হাম্দ এবং তাঁর নেক বান্দাদের প্রতি সালাম পেশ করা সন্ন্যত ও মুস্তাহাব। (আয়াত: ৫৯)
- \* সৃষ্টিক্ষমতা ও কুশলতায়, ব্যবস্থাপনা ও ফরিয়াদ শ্রবণে, পথ প্রদর্শনে ও রিয়িক দানে, গায়েবের জানে এবং যমীনকে আবাসযোগ্য করার ক্ষেত্রে আল্লাহই একক এবং শ্রেষ্ঠ। তাঁর তুল্য কেউ বা কোনো কিছুই নেই এবং হতে পারে না। (আয়াত: ৫৯-৬৬)
- \* ইসলামের দুশ্মনদের হঠকারিতা, ষড়যন্ত্র ও শর্তা দেখে দ্বীনের মুজাহিদদের কৃষ্ণিত হওয়া বা সংকোচবোধ করার কোনো কারণ নেই। (আয়াত: ৭০)
- \* হিদায়াত লাভের অপরিহার্য শর্ত হচ্ছে অন্তর, শ্রুতি এবং স্মৃতিশক্তিকে কাজে লাগানো এবং সত্ত্বের অনুসন্ধানে সদা তৎপর থাকা। (আয়াত: ৮০-৮১)
- \* মহাবিপর্যয় এডানোর জন্যে সংক্রান্তের আদেশ দান এবং অসংক্রান্তে বাধা দানের কর্মসূচী অব্যাহত রাখা অপরিহার্য। (আয়াত: ৮২)
- \* মানুষ তার বৃদ্ধি-বিবেককে হিদায়াত লাভের উদ্দেশ্যে কাজে লাগিয়েছে কি না সে জন্যে হাশরের ময়দানে আল্লাহর কাছে জাবাবদিহি করতে হবে। (আয়াত: ৮৪)
- \* মানুষ আত্ম-যুন্মের কারণে আখিরাতে আয়াবের স্বাদ আস্বাদন করবে। (আয়াত: ৮৫)
- \* দিনের ঔজ্জল্যে এবং রাতের প্রশান্তির বৈজ্ঞানিক কর্মকাণ্ডে ইমানদারদের জন্যে অনেক শিক্ষণীয় উপাদান নিহিত রয়েছে। (আয়াত: ৮৬)
- \* কিয়ামতের ধৰ্মস ও বিপর্যয়ে মুমিনগণ আতৎক্রমুক্ত থাকবেন, কাফেরগণ হবে শংকিত ও বিচলিত। (আয়াত: ৮৯)
- \* আখিরাতে একমাত্র আমলের ভিত্তিতেই মানুষের মৃল্যায়ন হবে। (আয়াত: ৯০)
- \* সকল বিরুদ্ধতা, নির্যাতন ও বৈরি পরিবেশে ইসলামের উপর অবিচল থাকা এবং কুরআনের দাওয়া মুমিনের জন্যে অপরিহার্য। (আয়াত: ৯১-৯২)
- \* মানুষের উচিত নিজের কল্যাণের জন্যেই আল্লাহর আনুগত্য করা। (আয়াত: ৯২)
- \* মানুষ আল্লাহর প্রতি আনুগত্য প্রকাশ করে না বিদ্রোহ করে তার খরব তিনি পুরোপুরি রাখেন। (আয়াত: ৯৩)
- \* সকল পরিবেশ ও পরিস্থিতিতে আল্লাহর হৃকুম মেনে চলা, কুরআনের দাওয়াত দেওয়া, মানুষকে সচেতন ও সতর্ক করা এবং প্রয়োজনে এ জন্যে জান ও মাল আল্লাহর পথে নির্দিষ্টায় উৎসর্গ করা প্রতিটি মুমিনের অপরিহার্য কর্তব্য। (আয়াত: ৯১-৯২)

হে আল্লাহ! এই ‘স্রাতুন-নাম্লের’ শিক্ষণীয় বিষয়গুলোর উপর আমাদেরকে পরিপূর্ণ আমল করার তৌফিক দান করুন। আমীন।

# হ্যরত মুহাম্মদ (সা.)-এর অর্থনৈতিক আদর্শ মোহাম্মদ আবদুল মামান

পৃথিবীতে যুগে যুগে অনেক চিন্তাবিদ, সংস্কারক ও বিপ্লবীর আবির্ভাব ঘটেছে। কিন্তু তাদের একজনের আদর্শের সাথে অন্যের আদর্শের কিছু ক্ষেত্রে অংশিল এবং অন্য অধিকাংশ ক্ষেত্রে মিল দেখা যায়। এ ধরনের আদর্শের নেতৃত্বগ সমাজে যে পরিবর্তন আনার জন্য কাজ করেন, তার দ্বারা ব্যক্তির অভ্যাস ও আচরণে এবং বাস্তু জীবন-দৃষ্টিতে পূর্ণাঙ্গ, চূড়ান্ত এবং বৈপ্লবিক রূপান্তর সাধিত হয় না। সম্পদে ব্যক্তি মালিকানা প্রশ্নে ক্যাপিটালিজম ও কম্যুনিজমের অবস্থান দুই বিপরীত মেরুতে। কিন্তু জীবনের বস্তুবাদী ব্যাখ্যার প্রশ্নে এই দুই আদর্শের মৌলিক দৃষ্টিভঙ্গি অভিন্ন। মানব রচিত মতবাদ মাত্রই সীমাবদ্ধতার অধীন।

হ্যরত মুহাম্মদ (সা.) নবী ও রাসূল ছিলেন। আল্লাহ প্রদত্ত আদর্শের ভিত্তিতে তিনি একটি সর্বাঞ্চক বিপ্লব বা total revolution, সার্বিক রূপান্তর বা total transformation এবং সামগ্রিক পরিবর্তন বা total change -এর প্রবর্তন করেন। তিনি মানুষের ব্যক্তি ও সমাজ জীবনে সর্বাঞ্চক বিপ্লব সাধন করেছেন, তাদের মধ্যেকার দৃঢ়মূল অভ্যাসগুলি বদলে দিয়েছেন, তাদের দৃষ্টিভঙ্গি, বিচার - বিবেচনার মানদণ্ড এবং চিন্তার প্রক্রিয়া-পদ্ধতি, সমাজ কাঠামো, আর্থিক বিন্যাস, কল্যাণ ও স্বার্থের ধারণা, বিশ্বাস্ত্ব, জীবনের লক্ষ্য ইত্যাদি সব কিছুতে পরিবর্তন সাধন করেছেন। শরীয়াহর বিধিবদ্ধ নিয়ন্ত্রক শক্তির অধীনে মানব জীবনের সকল দিক ও বিভাগ, নৈতিক আচরণ ও অভ্যাস, তাদের খাদ্য গ্রহণ ও পানাভ্যাস, বিবাহ ও তালাক, ক্রয় ও বিক্রয় সব কিছুকে বিন্যস্ত করেছেন। তাদের সকল সামাজিক ও অর্থনৈতিক কার্যক্রমকে আল্লাহর আদেশ ও নিষেধের আলোকে ঢেলে সাজিয়েছেন।

হ্যরত মুহাম্মদ (সা.)-এর সর্বাঞ্চক বিপ্লবের উৎস এবং ভিত্তি হলো এহি বা আল-কোরআন। আল-কোরআনই তার অর্থনীতিরও উৎস এবং ভিত্তি। আল্লাহর বিধানের আলোকে তার প্রদর্শিত ও প্রতিষ্ঠিত সেই অর্থনীতিকেই আমরা ইসলামী অর্থনীতি নামে অভিহিত করছি।

অর্থনীতির আধুনিক ব্যাখ্যা ও ইসলামী অর্থনীতি  
পুঁজিবাদ ও সমাজতন্ত্রকে পৃথক অর্থনীতি হিসাবে স্বীকার করার কারণ হলো সম্পদে

ব্যক্তির মালিকানা সম্পর্কে এদের আলাদা ও বিশিষ্ট দৃষ্টিভঙ্গি। সম্পদে ব্যক্তির মালিকানা সম্পর্কে ইসলামের দৃষ্টিভঙ্গি এই দুই অর্থনীতি থেকে সম্পূর্ণ ঝুঁতন। আধুনিক বিবেচনাতেও ইসলামী অর্থনীতির আলাদা অবস্থান স্বীকৃত।

#### ক. পুঁজিবাদী ব্যবস্থায় মালিকানার নীতি হলো:

১. সম্পদ অর্জন ও ভোগের ব্যাপারে ব্যক্তি নিরংকৃতভাবে স্বাধীন;
২. সম্পদ ব্যবহারের ক্ষেত্রে পুঁজিবাদ কোন নৈতিক শৃংখলার বিধান গ্রাহ্য করে না;
৩. ব্যক্তি-মালিকানা নিরংকুশ হিবার দরঘণ এবং নৈতিক শৃংখলার অনুপস্থিতির কারণে সুদ পুঁজিবাদী ব্যবস্থার মেরদণ্ড বা ভিত্তি হিসাবে কাজ করে।
৪. পুঁজিবাদের ব্যক্তির অর্থনৈতিক কর্মকাণ্ডে মোটিভেশন বা মূল প্রেরণা হিসাবে কাজ করে ব্যক্তিস্বার্থ। পুঁজিবাদী দর্শন অনুযায়ী ব্যক্তিস্বার্থই ব্যক্তিকে দক্ষভাবে কাজ করতে উৎসাহ যোগায়।

#### খ. সমাজতান্ত্রিক ব্যবস্থায়

১. ব্যক্তির মালিকানা সম্পূর্ণ অঙ্গীকৃত;
২. মালিকানা রাষ্ট্রের;
৩. বাক্তি সামর্থ্য অনুযায়ী কাজ করবে এবং প্রয়োজন অনুযায়ী ভোগ করবে;
৪. ব্যক্তি-মালিকানা অঙ্গীকৃত হিবার কারণে সমাজতান্ত্রিক সমাজে আভিধানিক অর্থে সুদের কোন প্রয়োজন নেই।

#### গ. ইসলামী ব্যবস্থায় সম্পদের মালিকানা

বিশ্ব জগত ও তার মধ্যকার সকল সম্পদের নিরংকুশ মালিক আল্লাহ তায়ালা। মানুষের জীবিকা ও অর্থনীতির সমুদয় উপায় উপকরণ তিনিই প্রাকৃতিক বিধানের ওপর সৃষ্টি করেছেন। তিনিই তার একচ্ছত্র মালিকানাধীন সম্পদ হালালভাবে অর্জন ও ব্যবহারের জন্য তার সৃষ্ট মানুষকে মনোনীত ও নিযুক্ত করেছেন। মানুষ এই সম্পদ অর্জন ও ব্যবহারের ক্ষেত্রে আল্লাহর হৃকুম ও বিধান মেনে চলবে।

সম্পদ অর্জন ও ব্যবহারের ব্যাপারে ইসলামের নৈতিক শৃংখলাগুলো হলো:

১. মানুষ সম্পদ ব্যবহার করবে ইহকালীন ও পরকালীন হাসানাহ বা সুন্দর এবং ফালাহ বা কল্যাণকে আহরণ করার জন্য;
২. তাদের অর্থনৈতিক কার্যক্রমের উদ্দেশ্য হবে আদল বা ন্যায় বিচার এবং ইহসান বা দয়া প্রতিষ্ঠা;
৩. তারা মারুফ বা কল্যালমূলক ইস্টিউশন কায়েম করবে এবং এভাবে তারা নিজেদের জীবনকে সকল বোঝা-বঙ্গন থেকে মুক্ত করবে।

**ইসলামী অর্থনৈতিক মূলনীতি ও নৈতিক শৃংখলার সার কথা হলো:**

১. সম্পদ অর্জনে অবৈধ পথ অনুসরণ করা যাবে না। প্রতারণা বা অন্য কোনভাবে অন্যের হক নষ্ট করা চলবে না এবং অন্য কোন অবৈধ পত্র অবলম্বন করা যাবে না।
২. সম্পদ ব্যবহারে হালাল-হারামের নীতি মানতে হবে। হালাল খাতে ও হালাল পদ্ধতিতে অর্থনৈতিক কার্যক্রম পরিচালিত করতে হবে।
৩. সম্পদের অপচয় ও অপব্যবহার করা চলবে না।
- ৪) সম্পদে একক বাড়ির একচেটিয়া কর্তৃত বা উত্তরাধিকার বা মুষ্টিমেয় লোকের হাতে সম্পদ পুঁজিভূত রাখা যাবে না, বরং সম্পদ বন্টন ও বিকেন্দ্রীকরণের ব্যবস্থা রাখতে হবে।

ইসলামী অর্থনৈতির এই নৈতিক শৃংখলার বিধানকে আধুনিক ইসলামী অর্থবীতিবিদগণ জুলুম ও শোষণমুক্ত ন্যায়ভিত্তিক ভারসাম্যমূলক অর্থনৈতিক লক্ষ্যে পরিশোধ পদ্ধতি বা Filter Mechanism নামে অভিহিত করেছেন।

সাধারণ অর্থনৈতির ‘অর্থনৈতিক মানুষ’ ও ইসলামী অর্থনৈতির ‘ইসলামী মানুষ’

বস্তুবাদী অর্থনৈতিতে মানুষের অর্থনৈতিক আচরণ নিয়েই শুধু আলোচনা করা হয়। আর সেই অর্থশাস্ত্রের ভাষায় মানুষ হলো অর্থনৈতিক মানুষ। কিন্তু ইসলাম মানুষের সার্বিক আচরণ অবিচ্ছিন্নভাবে আলোচনা করে। এই ইসলামী পরিভাষায় মানুষ হলো ইসলামী মানুষ।

**অর্থনৈতিক মানুষদের সাথে ইসলামী মানুষের পার্থক্য হলো:**

- ক. ইসলামী মানুষ ভোক্তা হিসাবে কিংবা উৎপাদক হিসাবে সার্বভৌম নয়, সার্বভৌমত্ব শুধুই আল্লাহর।
- খ. ইসলামী মানুষ ইহকালীন ও পরকালীন উভয় প্রয়োজনে বিশ্বাসী এবং উভয় জগতের কল্যাণ ও ত্বক্ষি আহরণের প্রত্যাশী, যা শুধু অর্ধের মাপকাঠিতে পরিমাপ করা অসম্ভব।
- গ. ধর্মনিরপেক্ষ তথা বস্তুবাদী অর্থনৈতিতে বস্তুগত উপাদানই মানব কল্যাণের একমাত্র উপকরণ। কিন্তু ইসলামী অর্থনৈতিতে মানব কল্যাণ কেবল বস্তুগত লক্ষ্যের মধ্যে সীমিত নয়। ইসলামী মানুষ পণ্য বা সম্পদ ও সেবা পেলেই শুধু তৎপৰ হয় না। ভোগের ত্বক্ষির চাহিতে ত্যাগে সে কখনো বেশী ত্বক্ষি আহরণ করে, যার কোন ব্যাখ্যা বস্তুবাদের কাছে নেই।

ইসলামী মানুষের আচরণের ফলে সমাজে সীমিত সম্পদ নিয়ে অসীম চাহিদা পূরণের সংকট জটিল হয় না। অর্থনৈতিক আচরণে নৈতিক শৃংখলার নীতি ও হারাম-হালালের সীমা মেনে চলা এবং বাহ্য বিলাসিতা বর্জন ও অন্যের প্রয়োজনকে অগ্রাধিকার দানের প্রেরণার কারণে ইসলামী মানুষের চাহিদার একটা

সীমা থাকে। পুঁজিবাদী অর্থনীতিতে ব্যক্তির সকল অর্থনৈতিক আচরণের প্রেরণা বা মোটিভেশন হলো ব্যক্তিস্বার্থ। কিন্তু একজন ইসলামী মানুষ শুধু ব্যক্তি স্বার্থে কাজ করে না। তার সামনে মোটিভেশন হলো আল-কোরআনের সেই আয়াত, যেখানে বলা হয়েছে: “যারা আল্লাহর কিতাব পাঠ করে, নামাজ কায়েম করে এবং আমি যা দিয়েছি তা থেকে গোপনে ও প্রকাশে ব্যয় করে তারা এমন ব্যবসা আশা করে যাতে কখনো লোকসান হয় না।”

### **ইসলামে আর্থ-সামাজিক পুনর্গঠন**

আর্থ-সামাজিক কাঠামো পুনর্গঠনের ক্ষেত্রে ইসলামী অর্থনীতির দৃষ্টি প্রধান কর্মকৌশল হলো সুদ-প্রথার বিলোপ সাধন ও যাকাত ব্যবস্থার প্রবর্তন।

#### **১. সুদ-প্রথার বিলোপ সাধন**

সামাজিক বৈষম্য বৃদ্ধিকারী সকল আর্থিক কাজের বিরুদ্ধে ইসলামের ব্যাপক প্রতিরোধের একটি বিশেষ উদাহরণ হলো রিবা বা সুদের বিরুদ্ধে ইসলামী অর্থনীতির ব্যাপক দৃষ্টিভঙ্গ। এর কারণ:

- ক. সুদ একচেটিয়া মুনাফাখোরীর একটি মাধ্যম আর মুনাফাখোরী সুদ তথাকথিত নিরঙ্কুশ বর্তমান মালিকদের হাতে সমাজের বিপুল মানুষের সম্পদ পুঁজিভূত করে।
- খ. সুদ সম্পদ বন্টন ও বিকেন্দ্রিকরণের পথে বাঁধা দেয়। সুদ প্রথা সুদের আয় থেকে বিভ্রান্তদের ব্যয় নির্বাহের যে সুযোগ দেয়, তা এ কারণেই ইসলাম অনুমোদন করে না।
- গ. সুদ ব্যবসায়ীর নৈতিকতা নষ্ট করে, তাকে শাইলক বানায়।
- ঘ. উৎপাদনের সাথে সম্পর্কহীন হবার কারণে সুদ কর্মসূহা নষ্ট করে।
- ঙ. সুদের ফলে পণ্যের ওপর একটি বাড়তি মূল্য যোগ হয়। ফলে পণ্যের দাম বাড়ে। মানুষের ক্রয় ক্ষমতা হ্রাস এবং মজুরের প্রকৃত মজুরী এর ফলে কমে যায়।
- চ. সুদের প্রসারের ফলে সমাজে মুদ্রাস্কীতি, দারিদ্র্য, উৎপাদনহ্রাস, আর্থিক বিপর্যয় দেখা দেয়।

#### **২. যাকাত ব্যবস্থার প্রবর্তন**

সমাজের দরিদ্র জনগণের সম্পদ মুষ্টিমেয় ধনী ব্যক্তির হাতে পুঁজিভূত করার শোষণ-যন্ত্রণাপী সুদ নিষিদ্ধ করার পাশাপাশি ইসলাম সমাজের ধনী মানুষের সম্পদ অভাবী ও বাধিতদের মধ্যে সঞ্চালিত ও প্রবাহিত করার বাধ্যতামূলক ব্যবস্থার বিধান করেছে যাকাত প্রবর্তনের মাধ্যমে। যাকাত হলো ইসলামের একটি মৌলিক বিষয় এবং ইসলামী অর্থ কাঠামোর এক অনন্য ভিত্তিতে। যাকাত হলো সমাজের সম্পদকে যথাযথ মানব কল্যাণে প্রবাহিত করার ব্যবস্থা। ধনীদের সম্পদ দরিদ্রদের মাঝে বাধ্যতামূলকভাবে প্রবাহিত করার এমন আরেকটি ব্যবস্থা পৃথিবীর অন্য কোন

মতবাদ, চিন্তা বা দর্শনে খুঁজে পাওয়া যাবে না। আহলে নেসাবদের কাছ থেকে যাকাত আদায় করে তা নেসাব পরিমাণের কম সম্পদের অধিকারী তথা দরিদ্র ও বংশিত মানুষদের মাঝে বন্টন ও বরাদ্দ করার একটি প্রাতিষ্ঠানিক কাঠামো গড়ে তোলা ইসলামী সমাজের একটি গুরুত্বপূর্ণ বৈশিষ্ট্য। যাকাত ইসলামী অর্থনীতি প্রতিষ্ঠার অপরিহার্য পূর্ব শর্ত।

### যাকাতের বৈশিষ্ট্য

১. এটি কোন স্বেচ্ছামূলক দান নয়, বরং বাধ্যতামূলক লেভি। বছরে একবার যাকাতের রিটার্ন তৈরী করে সে অনুযায়ী যাকাত পরিশোধ করা ফরয বা বাধ্যতামূলক। এটি সম্পদের বাধ্যতামূলক পুনর্বন্টনের অনন্য প্রক্রিয়া যা মানুষে মানুষে সহযোগিতা ও আত্মত্ব গড়ে তোলার সুবিন্যস্ত ব্যবস্থা।
২. যাকাতের খাত ও হার অপরিবর্তনীয়। যাকাত দাতা যাকাতের ভোক্তা নন। অন্য দিকে অন্যান্য করের খাত ও হার পরিবর্তনযোগ্য এবং করদাতা করের ফসল ভোগ ও ব্যবহার করতে পারেন।
৩. একটি মুসলিম দেশে অন্যান্য কর আদায়ের অভিন্ন কাঠামোতেই যাকাত আদায় সম্ভব। যাকাত আদায়ের পাশাপাশি অন্যান্য কর আদায়ের কাজও চলতে পারে। তবে কর প্রাদানকারীর জন্য যাকাতের টাকা রিবেট সুবিধা পাবে। একজন মুসলিম দ্বৈত করের সম্মুখীন হবেন না।

### ইসলামী অর্থনীতিতে রাষ্ট্রের ভূমিকা

ইসলামী রাষ্ট্রের প্রথম বায়তুল মাল প্রতিষ্ঠার পর রাসূল (সা.) ঘোষণা করেন: “যদি কেউ সম্পত্তি রেখে মারা যায়, তবে তা তাদের উত্তরাধিকারীরা পাবে; আর যদি কেউ এতিম বা বিধবা রেখে মারা যায় তবে তার উত্তরাধিকারী আমি।”

এই ঘোষণা থেকে ইসলামী রাষ্ট্রের দায়িত্ব সম্পর্কে স্পষ্ট নীতি পাওয়া যায়।

### নাগরিক চাহিদা পূরণের তিনি স্তর

ইসলামী রাষ্ট্র সম্পদ প্রাপ্ত্যাকার ওপর ভিত্তি করে আর্থ-সামাজিক পুনর্গঠন এবং সম্পদ ভোগের অগ্রাধিকার নিরূপণের দায়িত্ব সরকারকে পালন করতে হয়।

ইমাম শাতিবী ইসলামী রাষ্ট্র কর্তৃক নাগরিকদের অর্থনৈতিক চাহিদা পূরণের জন্য অগ্রাধিকার নিরূপণের তিনটি স্তর উল্লেখ করেছেন। যথা:

ক. জরুরিয়াত: অত্যাবশ্যকীয় বা life saving চাহিদা;

খ. হাজাত: মৌলিক প্রয়োজনসমূহ;

গ. তাহসানিয়াত: উৎকর্ষ সাধন বা জীবন-মানের উন্নয়ন;

রাষ্ট্র সম্পদ প্রাপ্তির আলোকে প্রথমে নাগরিকদের জরুরী প্রয়োজনসমূহের যোগান নিশ্চিত করবে, এর পরের ধাপে মৌলিক প্রয়োজনসমূহ পূরণ করবে। সমাজের সকল মানুষের মৌলিক চাহিদাসমূহ মিটানোর পরই রাষ্ট্র তার নাগরিকদের জন্য আরাম বৃদ্ধিকারী উপাদানসমূহ যোগান দেয়ার কথা বিবেচনা করবে।

দেশের উৎপাদন, বন্টন, আমদানী-রফতানীসহ সকল বাজেটারী মাধ্যমে এই

ধারাক্রম অনুসরণ করা হলে পৃথিবীর দরিদ্রমতম দেশেও মানুষ তার মৌলিক প্রয়োজন পূরণের সুযোগ থেকে বঞ্চিত হবে না। পৃথিবীর এ যুগের উন্নয়ন অর্থনীতির সকল প্রবক্তাই এখন একথা বলছেন যে, অভাব ও দারিদ্রের মূল কারণ সম্পদের ঘাটতি নয়, মূল সমস্যা হলো সম্পদ বন্টনের। দারিদ্র ও দুর্ভিক্ষের কারণ ব্যাখ্যা করতে গিয়ে নোবেল পুরস্কার বিজয়ী অর্থনীতিবিদ অমর্ত সেন বলেছেন: “দুর্ভিক্ষের জন্য সম্পদের সীমাবদ্ধতা নয়, সম্পদের ওপর মানুষের অধিকারহীনতাই দায়ী।”

**ইসলামী সরকারের দায়িত্ব নাগরিকদের আর্থিক ও আঞ্চলিক কল্যাণ**  
ইসলামী রাষ্ট্রে সরকারের অর্থনৈতিক ভূমিকা শুধু খাদ্য স্বয়ংসম্পূর্ণতা অর্জন, আর্থিক দারিদ্র দূরীকরণ ও বেকার সমস্যা সমাধানের মতো বস্তুগত প্রয়োজন পূরণে সীমিত থাকবে না। নাগরিকদের ইহজাগতিক কল্যাণের সাথে সাথে পরকালীন মুক্তির পথও যাতে প্রশংস্ত হয় সেদিকে ইসলামী রাষ্ট্রকে মনোযোগী হতে হবে। ইসলামী সরকারের জবাবদিহিতা আখেরাত পর্যন্ত বিস্তৃত। সে কারণে ফোরাতের তীরে একটি কুকুরও যদি না খেয়ে মারা যায় সে জন্য ইসলামী রাষ্ট্রের প্রধান নিজেকে জবাবদিহিতার মুখোমুখি মনে করেন।

### **বর্তমান বিশ্ব ও রাসূল (সা.)-এর অর্থনৈতিক আদর্শ**

সম্পদ বন্টনের সমস্যার কারণে সারা বিশ্বের সিংহভাগ মানুষ এখন দারিদ্র সংস্কৃতির মাঝে বাস করছে। পৃথিবীর অধিকাংশ সম্পদ মুষ্টিমেয় হাতে পুঁজিভূত হয়ে পড়েছে। তার পাশাপাশি সম্পদের ওপর মানুষের অধিকার প্রতিষ্ঠার আওয়াজও জোরদার হচ্ছে। অর্থনীতিবিদগণ বিশ্বের বিদ্যমান দারিদ্র পরিস্থিতিকে “দোজখ”- এর সাথে তুলনা করছেন এবং দারিদ্র দূরীকরণের জন্য একটি বহুমুখী প্রক্রিয়া বা Multidimensional Process তারা তালাশ করছেন। Denis Goalet নামক একজন অর্থনীতিবিদ বলেছেন, বিশ্বকে দারিদ্রের বর্তমান দোজখ থেকে উদ্ধার করার জন্য এমন একটি বহুমুখী প্রক্রিয়া অনুসরণ করতে হবে, যা বিদ্যমান সামাজিক কাঠামোর খোল-নৈচা পাল্টে দেবে, জনগণের দৃষ্টিভঙ্গিতে আয়ুল পরিবর্তন সৃষ্টি করবে এবং জাতীয় প্রতিষ্ঠানগুলির লক্ষ্য ও উদ্দেশ্যের ক্ষেত্রে এবং কাঠামো ও কৌশলের ক্ষেত্রে বড় রকমের পরিবর্তন নিশ্চিত করবে।

বিশ্বের অর্থনৈতিক চেহারা আয়ুল পাল্টে দেয়ার এই বিপ্লবী প্রত্যাশা পূরণের সকল যোগ্যতা বৈশিষ্ট্য হ্যরত মুহাম্মদ (সা.)-এর অর্থনৈতিক আদর্শ তথা ইসলামী অর্থনীতিতে বিদ্যমান, এ আলোচনায় তা প্রতিফলিত হয়েছে বলে আশা করি।

---

লেখক: প্রখ্যাত গবেষক, প্রাবন্ধিক ও ইতিহাসবিদ।

# রাসূলে খোদার মিশন, আমাদের বিশ্বাস ও বিজ্ঞাননির্ভর আজকের প্রেক্ষিত মাসুদ মজুমদার

একটা সময় আসবে যখন মানুষ যুক্তি দিয়ে বুঝতে চাইবে। বিজ্ঞান দিয়ে সব কিছুকে ব্যাখ্যা করবে। যৌক্তিকতা থাকুক কিংবা নাই থাকুক মানবিক জ্ঞানের সীমাবদ্ধতা ভুলে যাবে। বিপর্যয়, সত্য মিথ্যার ধরণ ও সংজ্ঞা পালিয়ে দেয়ার চেষ্টা করা হবে। যোগাযোগ, ব্যবসা-বাণিজ্য আন্তর্জাতিক সম্পর্ক সব মিলিয়ে যথেষ্ট ‘উন্নত’ পরিবেশ পরিস্থিতি পৃথিবীর দেশে দেশে বিজ্ঞান প্রযুক্তির জয়জয়কার লক্ষ্য করা যায়।

ধর্মকে কিংবদন্তী, সনাত্তকালীন ও অচল ভাবা হবে। মানুষ যখন এমনি পরিস্থিতির ওপর নির্ভর করে সভ্যতার দাবীদার সাজেবে তখন ঠিক ‘বিশ্বাস’-এর অপমৃত্যু ঘটবে? তোহিদ, আখেরাত, রেসালাত নিয়ে ভাববার প্রয়োজন অনুভূত হবে না— এমন একটি জিজ্ঞাসা পৃথিবীর সেরা সেরা মনীষীদের কথায় জট পাকিয়ে দিয়েছেলো।

হানা আসন্নের চিন্তাবিদরা ঘটনার গভীর বিশ্লেষণের দিকে নজর দিলেন। অসংখ্য চিন্তানায়ক ভেবে-চিন্তে অভিমত দিলেন— বিজ্ঞান কখনো ওহী জ্ঞানের সীমানা স্পর্শ করবে না, মানবিক সীমাবদ্ধতা থেকে মানুষ কখনো মুক্তি পাবে না। বিজ্ঞান-প্রযুক্তি দাঙ্গালের মত আর্ডভূত হবে কিন্তু চিরায়ত সত্য-মিথ্যার দেয়াল ভাঙতে পারবে না, ঘুরে ফিরে মানুষ আল্লাহর চূড়ান্ত এবং একচ্ছত্র ক্ষমতার কাছে আত্মসমর্পণে বাধ্য হবে। ইতিহাস এভাবেই ভঙ্গ-গড়ার পটভূমি ব্যাখ্যা করেছে।

এই সময়ে শেষ ও মহানবীর জীবন অধিকতর আলোচিত হবে। প্রতিকূলতার ভেতরও মানুষ বিশ্বাসের দিকে প্রত্যাবর্তন করবে। জীবনের অসঙ্গতিগুলো আবার বিশ্বাস দিয়ে সাজিয়ে তোলা হবে। বিজ্ঞান-প্রযুক্তিকে এড়িয়ে যায়, আত্মস্থ করে মেঠালিক শুণাবলী সম্পন্ন একদল মানুষ রাসূলে খোদার মিশনকে এতটা বাস্তবভাবে উপস্থাপন করবে যে, ‘আধুনিক’ মানস মনের অজান্তেই মুহাম্মদ (সা.)-এর নবুওতের সাক্ষ্যদাতা হিসেবে দাঁড়িয়ে যাবে— এই কি সেই সময়? এমন একটি ছোট্ট জিজ্ঞাসার নিরিখে সামান্য আলোকপাতই আমাদের লক্ষ্য।

বিজ্ঞান মানুষকে প্রচুর দিয়েছে। কিন্তু পূর্ণাঙ্গ নির্দেশনা দিতে পারেনি। জ্ঞানের বিশাল উৎস হলেও বিজ্ঞান জীবনের আংশিক ব্যাখ্যাই দিতে পারে। জন্মের কার্যকারণ বা উদ্দেশ্য নিয়ে বিজ্ঞান ভাবে না। সার্বিক প্রকৃতি ও চিন্তাধারা, নৈতিক ও

মানবিক বিষয়ে বিজ্ঞান কোন জবাব দেয় না। অধিকস্তু পুরো বিজ্ঞান মানুষের সামগ্রিক চিন্তাশক্তির ফসল হলেও সীমাবদ্ধতার বাতাড়োরা বন্দী। এই কারণে বিজ্ঞান তাওহীদ ও রিসালাত নিয়ে ভাবতে চায় না, জান্নাত-জাহান্নামকে উহু রাখতে চায়। আল্লাহর অস্তিত্ব ও সার্বভৌমত্বের পরিধি নিয়ে বিজ্ঞানের উৎসহ আছে কিন্তু উত্তর সেই। ওহী নিয়ে বিজ্ঞান ভাবতে বসলে বড়জোর ধ্যান লক্ষ জ্ঞানের কথা যাবে, ধ্যান সাধনায় বিজ্ঞানের উৎসাহ আছে কিন্তু এর সাথে ওহী কিংবা ইলহামকে এক করে দেখতে সাহস করে না। বিজ্ঞানের এই খণ্ডিত অবয়ব মগজে রাখলে বিশ্বাস নিয়ে বিবৃত হতে হয় না। বিকৃতির তো প্রশ্নাই উঠে না।

ধরা যাক ওহী নিয়ে বিজ্ঞান ভাবতে বসলো, বিজ্ঞানের কাছে জিবরাইল (আ:) এর অস্তিত্ব কাল্পনাতীতই থেকে যাবে। এই জন্য বিশ্বাসের জন্য বিজ্ঞান সহায়ক, কিন্তু বিশ্বাস বিজ্ঞাননির্ভর নয়। পৃথিবীর কোন বিজ্ঞানী নবীদের অস্তিত্ব সময় কাল, সমাজ বিনির্মাণ, জন্ম মৃত্যু অঙ্গীকার করেনি, করবেও না। কিন্তু বিজ্ঞান দিয়ে বিশ্বাসে আসার কোন সুযোগ নেই।

চিকিৎসা বিজ্ঞানের কোন শাখাই আস্তার ঠিকানা খুঁজে পায়নি। সেই বিজ্ঞানকে আস্তার তিন অবস্থা কিংবা নফসকে খুঁজতে দিলে বিভ্রান্তি অনিবার্য। হাশর অথবা কিয়ামতের জন্য বিজ্ঞানের কাছে হাত পেতে কী লাভ!

আল্লাহ'র রাসূল (সা.) বষ্ঠ শতকের কোন একসময় জন্ম নিয়েছিলেন, পরবর্তী শতকে তিনি ইস্তেকাল করেছেন, তিনি নিরক্ষর কিন্তু জন্মনি ছিলেন। তাঁর প্রজ্ঞা, মনীষা, পরিশুল্ক জীবনচার, পরিশীলিত জীবনবোধ, সভ্যতাকে মানবিকতার উৎকর্ষের সেই শরে পৌছিয়ে দিয়েছে আজকের সমাজ বিজ্ঞানী, রাষ্ট্রবিজ্ঞানীসহ বিজ্ঞানের প্রায় সকল শাখা তাঁকে ভাবতে আগ্রহী, কিন্তু কেন?

এই আগ্রহের কারণ মাইকেল হার্টের সূচীনির্ভর তালিকা প্রণয়ন নয়, মানবিক বিবেচনায় মানুষ যখনই একজন পূর্ণাঙ্গ মানুষের অবয়ব কল্পনা করে তখনই দৃষ্টিটা ঐ ব্যক্তিত্বের কাছে গিয়ে ঠেকে যায়। বিজ্ঞানকে আচরণবিধির ভেতর আনতে গেলেই রাসূল ভাবনা এসে পড়ে। রোমান ক্যাথলিক, কিংবা প্রোটেস্টেন্টরা যেখানে অঙ্গ সেখানটায় গিয়ে বিজ্ঞান হোচ্ট খেয়ে বাঁক ঘুরে যায়, সেখানে রাসূল ভাবনা বিজ্ঞানকে হাত বাড়িয়ে ডাকে, আত্মস্তু করে। বিজ্ঞানময় কোরাওয়ানকে হাত ধরার্থের করে চলতে বলে, এই গভীরতা পাক্ষাত্য আজ ভালো ভাবে বোঝে।

হ্যরত ইব্রাহীম (আ:) এর সহীফা, দাউদ (আ:) এর যবুর, মুসা (আ:) এর তাওরাত, ঈসা (আ:) এর ইঞ্জিল এর ওপর সংক্রণ নিয়ে কোন মন্তব্যের প্রয়োজন নেই, বাইবেলের সব কঢ়ি সংক্রণই মানুষের হাতে হয়েছে। কোরান শুধু বলছে এইসব সংক্রণ বিকৃতি-বিভ্রান্তি দিয়ে ভরে দেয়া হয়েছে। অখণ্ড অবস্থা ও বিনা বিচারে পরম বিশ্বাসে আমরা নায়িলকৃত এমন কিতাবের ওপর নির্ভর করতে পরিনা, কিন্তু এর অধিকৃত অবয়বের উপর বিশ্বাস করা ঈমানের অংশ। এর একটি হচ্ছে বিশ্বাসগত দৃষ্টিভঙ্গীর ব্যাপার, অপরাটি হচ্ছে অধিকৃত ওহীর আলোকে বিকৃতির বিশ্বাস। অপরাপর আহলে কিতাবীদের সাথে আমাদের বিশ্বাসগত ফারাকটা

এখানেই। অতীতের সকল নবী-রাসূল আমার, আমাদের এই বিশ্বাসের ব্যক্তি আর অপরাপর আহলে কিভাবীদের বিশ্বাসের গান্ধি বিজ্ঞান কি দিয়ে ব্যাখ্যা করবে?

ইচ্ছার স্বাধীনতা ও ভাগ্য, পাপের শাস্তি ও হেদায়েত প্রাপ্তি নিয়ে ওহী ভেবেছে, বিজ্ঞান ভাবেনি, যদি ভাবতো তাহলে কি পেতো? চট জলদি বিজ্ঞান বলবে কবর থেকে লাশ তোল, আমরা দুটো লাশের ফারাক ঝুঁজবো, কেন মানুষ বিশ্বাসের ভিত্তিতে বিভক্ত হয়। দুর্বলকম হয়। এর বেশি কিছু নিষ্ঠয়ই নয়।

লাশ তোলার প্রয়োজন নেই। প্রথমেই এমন কোন পাল্লায় তুলে আশ্বাসটা মাপতে চেষ্টা করল, কোন জবাব পাবেন না, ওহীর বাইরে এই বিশ্বাস মাপবার যন্ত্র মানুষের হাতে নেই।

ইচ্ছার স্বাধীনতা দিয়ে, প্রকৃতির ভেতর নিয়ম রেখে আল্লাহ মানুষকে বলে দিয়েছেন, তোমরা আমার জন্য, আর সকল সৃষ্টি তোমার জন্য। তোমরা ইচ্ছে করলে মাটি ভেদ করে পাতালে হারিয়ে যেতে পার না, পারবে না নিঃসীম নীলিমায় লীন হয়ে যেতে। জন্ম-মৃত্যুর বাগড়োর ডিঙ্গাতে পারবে না। নিয়তিকে হাতের মুঠোয় পাবে না, বিজ্ঞান সেই আচরণ বিধির সীমা ডিঙ্গাতে পারেনি। বিশ্বাসের জগতে হাত দেয়ার প্রশ্নই উঠে না।

মানুষের সাম্প্রতিক জীবন কি বিশ্বাস তাড়িত নয়? বিজ্ঞান বিশ্বাসকে কখনো ধ্বনিয়ে দেয়, কখনো খসিয়ে দেয়, অধিকাংশ সময় ভ্রান্তির ঝটাজালে জড়িয়ে দেয়, বিভ্রান্তি ছড়িয়ে দেয়, যদি বিশ্বাসটা নির্ধার্ত হয়, বিজ্ঞানের প্রবেশ সেখানে নিষিদ্ধ, প্রগতি সেখানে অঙ্গ, উত্তর আধুনিকতাও সেখানটায় থমকে যায়।

এ জন্য বিশ্বাসের শক্তি বিজ্ঞান শক্তির বিবেচনায় আলাদা এবং অধিকতর শক্তিময়। প্রসঙ্গটা এখানেই, নবী-রাসূল (সা.)রা তাহলে কোন বিশ্বাস লালন করতেন? যার ওপর নির্ভর করে তাঁরা বলতেন, এক হাতে চাঁদ অপর হাতে সূর্য দাও, তাতেও বিশ্বাসের ভেতর পরিবর্তন প্রত্যক্ষ করবে না। রাসূল (সা.)-এর সেই বিশ্বাস কি এই যুগে ছোঁয়া যায়, ধরা যায়! স্পর্শ ছাড়াও অনুভব করা যায়? হ্যাঁ, যায় বৈকি! বিজ্ঞানের জৌলুস ও ফ্লাড লাইটে সেটেলাইট নেটওয়ার্কের দৌরাত্বের ভেতর বসে যারা বিশ্বকাপ-এর শেষ খেলাটা উপভোগ করেছেন, তারা বিজয়ী ব্রাজিল দলের খেলোয়াড়দের বিশ্বাসটা মাপুন। ‘তিত্তবাদী যিশুর সন্তানদের’ বিশ্বাসগত দিকটা কি কম উপভোগ্য ছিলো। কেউ কি এর ভেতর ধর্মান্বতা, মৌলিক অথবা প্রতিক্রিয়াশীলতা প্রত্যক্ষ করেছেন? আমার ধারণা কেউ পাননি। যে বিশ্বাস খেলার মাঠেও আড়ঢ় হয় না, সেই বিশ্বাস যেমনটিই হোক আমার শ্রদ্ধাটা সেখানে অকৃষ্ট, এই আচরণ যদি বিশ্ববাসী সেনেগাল, তুরক কিংবা অন্য কোন মুসলিম রাষ্ট্রের খেলোয়াড়দের কাছ থেকে পেতো, তাহলে কি প্রতিক্রিয়া হতো! সেই মন্তব্য উহ্য থাকুক।

প্রসঙ্গটা টেমেছি এই জন্য যে, বিশ্বাসকে বিজ্ঞান ডিঙ্গাতে পারে না, আধুনিকতার ভেতরও যেটি আড়ষ্ট নয়। জীবনোধকে সহজেই বিশ্বাস রাঙিয়ে দেয়, সেই

বিশ্বাসের উৎস ওহী। সেই ওহী রেসালাতকে অনিবার্য করে সেই অনিবার্যতার পরম্পরায় রাসূলে খোদার অধিষ্ঠান বিশ্বাসকে শুধু পূর্ণতা দেয় না, আত্মপ্রত্যয়ের সেই স্তরে নিয়ে যায়, যেখানে দাঁড়িয়ে শুধু কালেমা তাইয়েবা ও কালেমায়ে শাহাদাত ছাড়া আর কিছুই উচ্চারণ করা যায় না। অন্তত মুক্তি এবং প্রয়োজন-এর ভিন্নটা বলে না।

যারা বিজ্ঞান দিয়ে আমার বিশ্বাসটা আড়াল করে, আমার ‘মডেল কনসেপ্টকে’ বিভাজন করে, আমার অস্তিত্ব ও উপস্থিতিকে ‘সভ্যতার’ সাথে সাংঘর্ষিক করে তারা এই কাজটি করে ঠাণ্ডা মাথায়। কারণ রাহমাতুল লিল আলামীনের পরিচয় পুঁজিবাদ, সমাজবাদকে বর্তমান প্রেক্ষিতে অচল করে দেবে, সাম্রাজ্যবাদের বিদ্যারী ঘন্টা বেজে ওঠবে। সভ্যতাকে ঠিকঠাক ঘূরিয়ে দেবে। মজলুম প্রতিবাদী হবে, প্রতিক্রিত ঈসা মসিহ'র আগমন ও ইমাম মাহদীর উপস্থিতির প্রেক্ষাপট সৃষ্টি করবে। এটা ধনতন্ত্র ও জড়বাদ কামনা করে না।

অর্থনৈতিক বিপর্যয়, রাজনৈতিক শূন্যতা, সামাজিক ধূস, সাংস্কৃতিক দেউলিয়াপনা পীঠটা এখন দেয়ালের শেষ প্রান্তে, এমনি মুহূর্তে মানুষ বিশেষত নতুন প্রজন্ম বিশ্বাস কিনতে চায়। যে বিশ্বাস স্থিতি দেবে, স্বত্ত্ব দেবে, পৃথিবীকে করবে বাসযোগ্য, সর্বোপরি সভ্যতাকে দেবে উৎকর্ষ। এটা ইসলামের নবী ছাড়া আর কারো হাতে নেই, এর যেমন বিকল্প নেই, তেমনি লাগসই অন্য কোন উপমাও নেই। তাহলে বিশ্বাস কেনার এই হাঁটে বিশ্বাসের সংঘাত অনিবার্য। এটাকে কেউ সভ্যতার সংঘাত বললে আমি আপত্তি করবো না। জালেম-মজলুমের লড়াই ভাবলে, বলবো না যথার্থ নয়, কিন্তু সত্য-মিথ্যার সংঘাত যে শুরু হয়েছে সেটা জোর দিয়ে বলবো।

আটলান্টিকের ওপারে কি ঘটলো, হিন্দুকুশে কিংবা খাইবার গিরিশৃঙ্গে কি হচ্ছে, আর্যাবর্তে কেন অস্ত্রিতা, কৃষ্ণ-কাবেরী কেন রক্ষাত, ফোরাতের তীরে আবার কিসের আহাজারী, ফারান সিনাই অথবা জেরুজালেমের কান্নার কারণ কী— এইসব প্রশ্নের জবাব ঐ একটিই, এই সময় একই সাথে মজলুমরা যেমন জালেমের অত্যাচারে জর্জরিত, তেমনি প্রতিবাদীও। ইতিহাস সাক্ষী, মুক্তিকামী মজলুম যখন প্রতিবাদী হয়, মুক্তির দাবীকে শাহাদাতের পর্যায়ে উন্নীত করতে পারে, তখনই একটি সভ্যতার প্রসব বেদনা শুরু হয়। বর্তমান ধর্মসের ভেতর সেই সৃষ্টি-সুর্খের উল্লাস আছে, মাতম আর আহাজারীর উত্তর শাস্ত্রনার অভয়বাণীও আছে। রাসূলে করীম (সা.) এই সময়ের ইঙ্গিত দিয়েই বলেছেন, কোন কুরবানীই বৃথা যাবে না, মেপে মেপে আল্লাহ এর প্রতিদান দেবেন। কাউকে দেবেন, শাহাদাতের নজরানা দিয়ে, কাউকে দেবেন জালেমের ওপর বিজয় দিয়ে।

---

লেখক: প্রখ্যাত কলামিস্ট, সম্পাদক, সাংগীতিক বিদ্রম।

# ইসলামী সমাজ গঠন : প্রয়োজন তৃণমূল পর্যায়ে সংগঠন আবু তাহের মোহাম্মদ সালেহ

বাংলাদেশে জনসংখ্যার শতকরা পঁচাশি ভাগ মুসলমান। এত অধিক সংখ্যক মুসলমান হওয়া সত্ত্বেও সমাজে ইসলামী নীতিমালা বাস্তবায়নে জনসমর্থন পাওয়া যায় না। সমাজে ইসলাম বিরোধী কর্মকাণ্ড ক্রমাগত ভাবে বেড়ে চলেছে। কিন্তু ইসলামী সংগঠনগুলো এর প্রতিরোধে তেমন কোন ভূমিকা রাখতে পারছে না।

দেশের জনসংখ্যার অধিকাংশ অশিক্ষিত। এদের জীবনযাত্রার মান দারিদ্র্য সীমার নিচে। ফলে দারিদ্র্য বিমোচনের নামে এনজিও নামের বিভিন্ন সংস্থা এখানে কাজ করছে। শহরে কি ধারে সর্বত্রই এদের অবাধ পদচারণা। বিভিন্ন কর্মসূচীর নামে এরা প্রথমেই মানুষের ধর্মীয় বিশ্বাসে আঘাত হানে। ধর্মীয় বিশ্বাস ও কর্মকাণ্ড বৈষয়িক উন্নয়নের পথে বাঁধা হিসেবে চিহ্নিত করে সাধারণ মানুষকে প্রগতিবাদী করার নামে ধর্মহীন করার চেষ্টা করে।

এরা নারী সমাজের উন্নয়নের নামে বেহায়াপনাকে উসকিয়ে দিছে। তথাকথিত উন্নয়নের ধারায় একত্রিত হয়ে নারীরা ঘর-সংসার বিসর্জন দিয়ে স্বাধীনতা ভোগ করছে। ফলে তাদের সন্তানেরা পারিবারিক বন্ধন মুক্ত হয়ে বখাটেপনার সুযোগ পাচ্ছে।

সমাজের তৃণমূল পর্যায়ের লোকদের মধ্যে ইসলামী জীবন ব্যবস্থার প্রতি মমত্বোধ আছে। কিন্তু তাদের মধ্যে ইসলামের সঠিক শিক্ষা নেই। নামাজ-রোজার কিছু কিছু অনুশীলন থাকলেও ইসলামের পূর্ণাঙ্গ রূপ তাদের জানা নেই। এদের জন্য ইসলামী শিক্ষার উপযুক্ত কোন ব্যবস্থাও নেই। সমাজের পুরুষ লোকেরা বিভিন্ন অনুষ্ঠানে কিছু কিছু ওয়াজ-নসিহত শোনার সুযোগ পেলেও মহিলাদের দ্বীন শেখার কোন উপায় নেই। কারণ তারা শুক্রবারে মসজিদেও যায় না কিংবা কোন ওয়াজ

মাহফিলে যাওয়ারও সুযোগ পায় না। ছোট বেলায় মক্কবে কিংবা মা-দাদী নানীদের কাছে শুনে শুনে এরা নামাজ-রোজার কিছু কিছু নিয়মনীতি শিখলেও দীন সম্পর্কে বেশি কিছু জানতে পারে না।

সমাজের নিম্ন পর্যায়ে ইসলামী শিক্ষার মূল কেন্দ্র হচ্ছে মক্কব ও মসজিদ। এসব মক্কব ও মসজিদের প্রায় সবগুলোই ব্যক্তিগত ও স্থানীয় উদ্যোগে স্থাপিত হয়। ফলে এসব প্রতিষ্ঠান আর্থিক সমস্যায় জর্জরিত থাকে। উপর্যুক্ত সম্মানীর অভাবে যোগ্য শিক্ষক ও ইমাম পাওয়া যায় না। তাছাড়া এসব শিক্ষক ও ইমাম সমাজের প্রভাবশালী ব্যক্তিদের দয়া-দাক্ষিণ্যের উপর নির্ভর করে তাদের দায়িত্ব পালন করে থাকে। এসব কারণে তারা ইসলামের পূর্ণাঙ্গ রূপ জনসমষ্টে উপস্থাপন করতে পারে না।

সমাজের মানুষ দুনিয়ার সফলতা, বিপদাপদ থেকে উদ্ধার এবং পরকালের সহজ মুক্তির জন্য পীর-ফকিরের দরবারে ও মাজারে ধর্ণা দিয়ে থাকে। এদেশে পীর-দরবেশের মাধ্যমে ইসলামের প্রচার-প্রসার হয়ে থাকলেও বর্তমানে ঐ ধারা সমাজে কোন গুরুত্বপূর্ণ ভূমিকা রাখতে পারছে না।

বর্তমান সমাজে দুই ধরনের পীর দেখা যায়। এক ধরনের পীর যারা ইসলামের নাম নিয়ে নানা প্রকার অসামাজিক কর্মকাণ্ডে লিঙ্গ থাকে। এরা তঙ্গ পীর নামে পরিচিত।

অপরদিকে শরীয়তী পীর নামে পরিচিত লোকেরাও সমাজে তেমন গুরুত্ব পাচ্ছে না। পীর সাহেবদের দরবারে কিছু তসবিহ-তাহলীল এবং জিকির-আজকার-মশক করা ছাড়া সাধারণ মানুষ এখানে আর কিছু পায় না। ইসলামী সমাজ গঠনে এদের কোন পরিকল্পনা নেই। নেই কোন বিশেষ কর্মসূচী। ফলে মুরিদদের মধ্যে যারা সমাজের উচ্চ শ্রেণীর বিশৃঙ্খলী তারাই পীর সাহেবের চারপাশে ঘিরে থাকে। এরা পীর-ভাই পরিচয়ে বৈষয়িক ব্যাপারে পরম্পরার সহযোগিতা নিয়ে নিজের ভাগ্য উন্নয়নের কাজে লিঙ্গ থাকে। কার্যসিদ্ধির জন্যে এ শ্রেণীর লোকেরা পীরের দরবারের বড় রকমের নজর-নেওয়াজ দিয়ে মানুষকে পীরের প্রতি আকৃষ্ট করে।

অপরদিকে সাধারণ মুরিদগণ পীর-সাহেবের সিন্নি-সালাদ ও উরসের আয়োজনে নিজেদের সর্বস্ব উজাড় করে দিয়ে দু'জাহানের কল্যাণ পেতে চায়। ইসলামের মৌলিক কোন শিক্ষা এখান থেকে লাভ করার সুযোগ থাকে না।

তাবলীগ জামাত সমাজে ইসলামের দাওয়াত নিয়ে কাজ করছে। তাবলীগ জামাত মানুষকে ইসলামের যে দাওয়াত দিচ্ছে তাতে ইসলামের পূর্ণাঙ্গ কোন রূপ নেই। ইসলামের খণ্ডিত রূপ অনুশীলনের কারণে মূলত: জীবন বিমুখতাই এখানে বড় হয়ে দেখা দেয়। তাবলীগী নেসাবে ব্যাপক সওয়াবের কথা থাকলেও ইসলামের আলোকে জীবন-জীবিকার কোন সমাধান এখানে নেই। ফলে বিষ্঵ ইজতেমা এবং

আখেরী মুনাজাতে লোক সমাগম আশানুরূপ হলেও সমাজে ইসলাম বিরোধী নিয়ম-নীতির সয়লাব দিন দিন বেড়েই চলেছে। এদের রাজনৈতিক ও অর্থনৈতিক কোন কর্মসূচী না থাকায় মানুষ জীবন সমস্যার কোন সমাধান এখানে খুঁজে পায় না। দৈনন্দিন জীবনে মানুষের অসংখ্য সমস্যাকে এড়িয়ে চলার কারণে ইসলামী সমাজ গঠনে এদের কোন ভূমিকা রাখার সুযোগ নেই।

জামায়াতে ইসলামী সমাজ পরিবর্তনের অঙ্গীকার নিয়ে ময়দানে কাজ করছে। কিন্তু তৎমূল পর্যায়ে তাদের সাংগঠনিক মজবুতি এখনো বাড়েনি। জামায়াতের কার্যক্রম কার্যত: শিক্ষিত শ্রেণীর মধ্যে সীমাবদ্ধ। বিভিন্ন পেশাজীবির মধ্যে কার্যক্রম চালু থাকলেও অশিক্ষিত-দরিদ্র জনগোষ্ঠীর মধ্যে জোরালো সাংগঠনিক কোন কার্যক্রম চোখে পড়ার মত নয়।

শিক্ষিত লোকেরা মূলত: সুবিধাবাদী শ্রেণীর লোক। এরা ঘরোয়া বৈঠক, বক্তব্য-বিবৃতিতে যতটা পারঙ্গম, মিটিং-মিছিলে ততটা পলায়ন পর। ভোটার তালিকায় এদের অনেকেরই নাম থাকে না। তাছাড়া ভোট দেওয়ার বামেলায় এরা যেতে চায় না।

জামায়াতের কর্মীদের মধ্যে অনেকেই বিভিন্ন পেশায় নিয়োজিত চাকুরীজীবি। ইসলামী সমাজ গঠনের প্রচেষ্টায় যে ত্যাগের প্রয়োজন তা চাকুরীজীবী মানুষের কাছে সব সময় পাওয়া যায় না। চাকুরীর কঠোর বিধি-বিধান আন্দোলনের দাবীকে উপেক্ষা করে। ফলে দোলাচলবৃত্তির কারণে সমাজের সাধারণ মানুষের সাথে মিশতে এদের খুবই কষ্ট হয়।

যে সব লোক ছাত্র জীবনে ত্যাগের মহিমায় উজ্জীবিত হয়ে জীবনের মাঝে ত্যাগ করে আন্দোলনে ঝাপিয়ে পড়ে, কর্মজীবনে প্রবেশ করার পর তাদের অনেকেই বিমিয়ে যায়। চাওয়া-পাওয়ার হিসেব মিলাতে গিয়ে তারা আন্দোলনের চেয়ে কর্মজীবনের সফলতাকে প্রাধান্য দেয়। ছাত্র জীবনে আন্দোলন করতে গিয়ে যে ক্ষতি তাদের হয়ে যায় তা পুরিয়ে নেয়ার জন্য তারা অধিক তৎপর থাকে। ফলে সাংগঠনিক কর্মকাণ্ডের সাথে তাদের সম্পৃক্ততা শিথিল হয়ে পড়ে।

দুনিয়ার যে কোন আন্দোলনের দিকে তাকালে দেখা যাবে যে, সমাজের নিম্ন পর্যায়ের দরিদ্র শ্রেণীর লোকেরাই বেশি কুরবানী দিয়ে থাকে। সমাজ বা শাসক পরিবর্তনে এদের ভূমিকাই মূখ্য। শিক্ষিত শ্রেণীর লোকেরা মূল নেতৃত্বে থাকলেও গণজোয়ার সৃষ্টি না হলে কোন নিয়মতান্ত্রিক পরিবর্তন সম্ভব হয় না।

গণতান্ত্রিক সমাজে নেতার যোগ্যতার চেয়ে ভোটার সংগ্রহের যোগ্যতার উপরই নির্ভর করে জয়-পরাজয়। শিক্ষিত শ্রেণীর লোকেরা বাধ্যবাধকতা না থাকলে ভোটার তালিকায় নাম আছে কিনা তা দেখার সময় পায় না। আবার ভোটার হলেও

ভোট কেন্দ্রের ঝাঁকি-ঝামেলার কারণে অনেকে ভোট দিতে যায় না। ফলে ভোটের আন্দোলনে এদের ভূমিকা গৌণ।

অপরদিকে সাধারণ জনগণ তার পছন্দের প্রার্থীর জন্য জীবন বাজি রেখে ভোট সংগ্রহে ঝাঁপিয়ে পড়ে। নিজের ভোট তো দেয়ই, পারলে জাল ভোট দিয়েও পছন্দের প্রার্থীকে জয়ের মুখ দেখাতে প্রাণস্তুকর চেষ্টা করে থাকে। অনেক সময় সমাজের প্রভাবশালী ব্যক্তির নির্দেশে এরা ভোট প্রার্থীর পক্ষে কাজ করে থাকে।

যুদ্ধের যয়দানে সাধারণ সৈনিকদের কুরবানীর মাধ্যমেই জয়-পরাজয় নির্ধারিত হয়। সেনাপতি কমাঞ্চারদের ভূমিকা সৈনিকদের উদ্বৃক্ত করার মধ্যেই সীমিত থাকে।

প্রিয় নবী মুহাম্মদ (সা.) দরিদ্র শ্রেণীর মানুষদের নিয়েই ইসলামী সমাজ গঠন করেছিলেন। এজন্য সমাজপতি এবং ধনীক শ্রেণীর লোকেরা রাসূল (সা.)-এর সমালোচনা করেছে।

অতীতে আমাদের দেশে বিভিন্ন সময়ে পরিবর্তনের জন্য যেসব আন্দোলন হয়েছে সেগুলো সাধারণ মানুষের সম্পৃক্ততার কারণে সম্ভব হয়েছে। পঞ্চাশের দশকের ভাষা আন্দোলন বিশ্ব ইতিহাস সৃষ্টির ধারায় একটি রক্তক্ষয়ী জনযুদ্ধের মাধ্যমে একাত্তরের ইতিহাস সৃষ্টি করেছে। নববইয়ের দশকে বৈরাচারের বিরুদ্ধে নিরবচ্ছিন্ন আন্দোলন করে বৈরাচারী সরকারের পতন ঘটিয়েছে। এর পরবর্তী সরকারগুলোর পতনের ক্ষেত্রেও ঐক্যবদ্ধ জন-জোয়ার বিশেষভাবে কার্যকরী হয়েছে।

অতীতের সেইসব ইতিহাস থেকে আমাদের শিক্ষা গ্রহণ করতে হবে। সমাজকে অধঃপতনের হাত থেকে রক্ষার জন্য ঐক্যবদ্ধ প্রচেষ্টা চালাতে হবে। সাধারণ মানুষের মধ্যে ইসলামের আলো জ্বালাতে হবে। ইসলাম ছাড়া অন্যকিছু দিয়ে এ অধঃপতন ঠেকানো যাবে না। এ জন্য চাই তৃণমূল পর্যায়ে সংগঠন।

ইসলামী আন্দোলনের লোকেরা শিক্ষিত শ্রেণীর শহরে লোক হওয়ার কারণে সাধারণ মানুষদের নিত্যদিনের সমস্যার সাথে একাত্ত হতে পারে না। সমাজের টাউট বাটপার লোকেরা এদের চারপাশে ঘুর ঘুর করে। এরা জনগণের সমস্যাকে পুঁজি করে ফায়দা হাসিল করে। ফলে সমাজের নেতৃত্ব তাদের হাতেই থেকে যায়। ভোটের সময় এদের কথাই জনগণ শোনে। এ অবস্থায় পরিবর্তনের জন্য সমাজের নিম্নপর্যায়ে সংগঠিত ইসলামী নেতৃত্ব চাই।

বাংলাদেশের অধিকাংশ লোক দারিদ্র সীমার নিচে বাস করে বিধায় এদের মধ্যে দারিদ্র বিমোচনের কর্মসূচী নিয়ে কাজ করতে হবে। সাথে সাথে সহজ পদ্ধতিতে ইসলামী শিক্ষার বিস্তার ঘটাতে হবে। শিশুদের জন্য মক্কবে উপযুক্ত ইসলামী

শিক্ষার ব্যবস্থা করতে হবে। নারী সমাজের মধ্যে ব্যাপকভাবে ইসলামী শিক্ষা বিত্তারের জন্য সুযোগ সৃষ্টি করতে হবে। একজন মায়ের মধ্যে ইসলামের আলো জ্বালাতে পারলে নিশ্চিতভাবে একটি পরিবারকে ইসলামের দিকে আকৃষ্ণ করা সম্ভব হবে।

মসজিদে যোগ্য এবং ট্রেনিং প্রাণ্ড ইমাম নিয়োগের ব্যবস্থা করতে হবে। যাতে তারা ওয়াজ নসিহতের সাথে সাথে সামাজিক কর্মকাণ্ডে সম্পৃক্ত হতে পারে। বয়স্ক শিক্ষার মাধ্যমে দরিদ্র জনগোষ্ঠীর কর্মক্ষম লোকদের মধ্যে দীনের উপলক্ষ্মি ঘটাতে হবে। এর জন্য বিজ্ঞান ভিত্তিক সহজ কর্মপদ্ধতি তৈরি করতে হবে। অডিও-ভিডিও ক্যাসেটের মাধ্যমে ইসলামের শিক্ষা তাদের সামনে তুলে ধরতে হবে।

এমনিভাবে স্থান-কাল-পাত্রের প্রেক্ষিতে বিশেষ কর্মসূচী প্রণয়ন করে জনগণের মন জয় করার মাধ্যমে ইসলামী সমাজ গঠনের প্রক্রিয়াকে ত্বরাবিত করতে হবে। এর জন্য তৃণমূল পর্যায়ে ত্যাগী কর্মীবাহিনীর মাধ্যমে গণসংগঠন গড়ে তোলা ছাড়া কোন বিকল্প নেই। বাংলাদেশের সাম্প্রতিক ইসলামী আন্দোলনের কাছে এটাই সময়ের দাবী।

---

লেখক: সিনিয়র ভাইস প্রেসিডেন্ট, ইসলামী ব্যাংক বাংলাদেশ লিঃ।

## আদর্শ মহামানব হ্যরত মুহাম্মদ (সা.) ইকবাল কবীর মোহন

দুনিয়ায় আজ অবধি অগণিত মানুষ এসেছে। তার মধ্যে সর্বশ্রেষ্ঠ মানুষ হচ্ছেন হ্যরত মুহাম্মদ (সা.)। যে সব পরম শ্রদ্ধেয় ও সত্যনিষ্ঠ নবী রাসূলের আগমন হয়েছিল তাদের মধ্যেও মুহাম্মদই (সা.) শ্রেষ্ঠতম মানব ও নবী। তিনি ছিলেন গোটা বিশ্ব সম্প্রদায়ের জন্য আদর্শ মানুষ এবং উন্নত আদর্শ। তিনি সমগ্র মানব জাতির জন্য রহমত হিসেবে আগমন করেছিলেন। গোটা মানবতাকে সত্য, ন্যায় ও কল্যাণের পথে পরিচালিত করতেই আগমন ঘটেছিল শেষ নবী মুহাম্মদের (সা.)। নবী ছিলেন মানুষের পথ প্রদর্শক, কল্যাণকারী, সুসংবাদদাতা ও সতর্ককারী।

মহান আল্লাহতায়ালা আল কুরআনে মুহাম্মদ (সা.) সম্পর্কে তাই বলেছেন, ‘তোমাদের মধ্য হতে তোমাদের নিকট একজন রাসূল (দৃত) এসেছে। তোমরা বিপদাপন্ন হও তা তার নিকট অসহ্য। সে তোমাদের সবার হিতাকাংখী। বিশ্ববাসীদের জন্য পরম স্নেহশীল।’ (সূরা তওবা: ১২৮-১২৯)

মহান আল্লাহর আরো বলেছেন, ‘আমি তো তোমাকে সমগ্র মানব জাতির জন্য সুসংবাদদাতা ও সতর্ককারী রূপে প্রেরণ করেছি। (আল সাবা: ২৮)

রাসূল (সা.)কে উন্নত আদর্শ হিসেবে ঘোষণা করে আল্লাহতায়ালা বলেছেন, ‘নিশ্চয়ই তোমাদের জন্য আল্লাহর রাসূলের মধ্যে আছে উন্নত আদর্শ।’ (সূরা আহ্যাব: ২১০)

আল্লাহতায়ালা আরো ঘোষণা করেন, ‘আমি তোমাদের মধ্যে তোমাদেরই একজনকে রাসূল করে পাঠিয়েছি, যে আমার আয়াতসমূহ তোমাদের কাছে পাঠ করে। তোমাদের পবিত্র করে এবং জ্ঞান-বিজ্ঞানের শিক্ষা দেয়। (আল বাকারা: ১৫১)

হ্যরত মুহাম্মদ (সা.) এমন এক সময় দুনিয়ায় আগমন করেন যখন গোটা দুনিয়া

ছিল অঙ্ককারে নিমজ্জিত। জ্ঞান-বিজ্ঞানের আলোকচ্ছটা নির্বাপিত হয়ে সত্যতা ক্ষয়িমুণ্ড এক ইন্দ্রিয় সেবায় পর্যবসিত। আসমানী কিভাবধারী ধর্মগুলো স্বার্থাঙ্গ ও চরিত্রাদীন নেতা ও পুরোহিতদের বিকৃত মনোবাসনা ও ইচ্ছাপূরণের হাতিয়ারে পরিণত। ধর্ম ও সুনীতি বিকৃত, অবহেলিত। বৃহত্তম মানবগোষ্ঠী সমাজপতি ও রাষ্ট্র শাসকদের হৃকুমের গোলামির জিজি঱ে আবদ্ধ। নারী জাতি বাজারের পণ্য হিসেবে বিবেচিত এবং মানুষ রক্ষণাত্মক ও হানাহানির চরম বিশৃঙ্খলায় আকর্ষণ নিমজ্জিত। সেই সময়ে আরবের সামাজিক অবস্থা ছিল আরো বেশি ভয়াবহ। এমন সময় মানবতাকে জীবনের আলো দেখাতে, সমাজকে সুশৃঙ্খল ও বাসোপযোগী করে তুলে একটি মানবিক ও শাস্তিময় সত্যনির্ত সমাজ কায়েম করতে আগমন ঘটে মহানবী হ্যরত মুহাম্মদের (সা.)। মহান আল্লাহ তাঁকে রাসূল হিসেবে প্রেরণ করেন সকল মহৎগণ ও যাবতীয় যোগ্যতার আঁধার হিসেবে। জ্ঞান, দক্ষতা, দূরদর্শিতা, সংক্ষারমনক্ষতা, সততা ও ন্যায়নির্ণাসহ যাবতীয় গুণের সমাবেশ ঘটেছিল নবীজীর চরিত্রে। তিনি ছিলেন দূরদৃশী সংক্ষারক, বীরযোদ্ধা, নিপুণ সেনানায়ক, সফল ব্যবসায়ী, আদর্শ স্বামী, মেহশীল পিতা, সত্যনির্ণ বিচারক, বিশ্বস্ত বন্ধু, দক্ষ রাষ্ট্রনায়ক, আদর্শস্থানীয় সমাজপতি, অভিজ্ঞ কুটনীতিক এবং অসাধারণ অর্থনীতিবিদ। মহানবীর এ বর্ণিল জীবন এবং বহুযুক্ত যোগ্যতা, দক্ষতা এবং প্রেরণ মহান আল্লাহতায়ালা যেমন নিজে পবিত্র কুরআনে বর্ণনা করেছেন, তেমনি তাঁর সহচর সাহাবীরা এবং তার ঘনিষ্ঠান, এমনকি তার শক্ররাও অকপটে স্বীকার করেছেন।

মক্কার কাফের কুরাইশরা নবীজীকে ছেটবেলা হতেই 'আল আমীন' বা বিশ্বাসী বলে মান্য করত। তাঁকে সত্যাশ্রয়ী মানুষ ও আমানতদার মনে করতো বলেই তারা তাঁর কাছে আমানত রেখে নিশ্চিন্ত থাকতো। মক্কায় যেখানে বেহায়াপনা, উলঙ্গপনার জোয়ার বইছিল সেখানে মুহাম্মদকে (সা.) কখনও তার ধারে কাছে পাওয়া যায়নি। এটা ছিল নবীজীর নবুয়ত পূর্ব অবস্থা। তখন আরবে বালক-বালিকা, যুবক-যুবতী, নারী-পুরুষ উলঙ্গ হয়ে কাবাঘর জেয়ারতের রেওয়াজ ছিল। তখনকার দিনে একসময় কাবাঘর মেরামতের কাজ চলছিল। বালক মুহাম্মদ পাথর টানছিলেন কাবা মেরামতের কাজে। খুব কষ্ট হচ্ছিল তাঁর। অনেকেই বলছিল, পরনের কাপড় ভাঁজ করে কাঁধে রেখে পাথর টানতে, যেমন অন্যান্য অনেকেই তা করছিল। একজন এসে নবীর কাপড় টেনে খুলে কাঁধে দিতে চাইল জোর করে। এ অবস্থায় মুহূর্তেই নবীজী জ্ঞান হারালেন লজ্জায়। এ ছিল নবীজীর মহান চরিত্রের নমুনা।

নবীজী যখন নবুয়ত পেলেন এবং ইসলামের কথা প্রচার শুরু করলেন তখন মিথ্যাবাদী, অবিশ্বাসী কুরাইশরা তা মানতে চাইল না। তারা বলতো, জানি তুমি মিথ্যা বলছো না, তবে বাপ দাদার ধর্ম ছেড়ে নতুন ধর্ম মানা আমাদের পক্ষে সম্ভব নয়। মক্কা যখন বিজিত হল তখন কাফের কুরাইশরা পালাতে শুরু করে দিল। কেননা, তারা ভেবেছিল নবীজীকে তারা বহুবার মেরেছে, দেহ রক্তাক্ত করেছে,

দেশ থেকে তাড়িয়েছে, তিনি অবশ্যই আজ প্রতিশোধ নেবেন। কিন্তু না। সেদিন একটি মানুষও খুন হয়নি। কোন ঘর লুণ্ঠিত হয়নি। কোন মানুষ জুলুমের স্থীকার হয়নি। বরং নবীজী সবাইকে ক্ষমা করলেন। মাফ করে দিলেন। এ ছিল নবীজীর মহান আদর্শ। নবীজীর আদর্শের সংস্পর্শে এসে দুনিয়া সত্য, ন্যায়, সুন্দর ও পবিত্রতায় অভিষিঞ্চ হল। গোটা দুনিয়ায় ছাড়িয়ে পড়ল তার আদর্শ। আরবের হানাহানি, জাতিভেদ, দাসপ্রথা, অশ্রীলতা, মিথ্যা প্রতারণার যুগের অবসান হল চিরতরে। তখন দুনিয়ায় এমন এক রাজত্ব কায়েম হল যা বিশ্বের মানুষ এর পর আজ পর্যন্ত দেখেনি।

তাইতো বিখ্যাত দার্শনিক জর্জ বার্নার্ড শ বলেছেন, ‘যদি গোটা বিশ্বের বিভিন্ন আদর্শ ও মতবাদসম্পন্ন মানব জাতিকে ঐক্যবদ্ধ করে এক নায়কের শাসনাধীনে আনা হত, তবে একমাত্র মুহাম্মদই (সা.) সর্বাপেক্ষা সুযোগ্য নেতৃত্বপে তাদেরকে শান্তি ও সমৃদ্ধির পথে পরিচালিত করতে পারতেন।’

পাক্ষাত্য মনীষী টমাস কার্লাইল নবী মুহাম্মদকে (সা.) শ্রেষ্ঠতম উল্লেখ করে বলেছেন, ‘জগতের আদিকাল হতে এ আরব জাতি মরুভূমির মধ্যে বিচরণ করে বেড়াত এক অঙ্গাত, অখ্যাত মেষ পালকের জাতি হিসেবে। তারপর তারা হৃদয়ঙ্গম করতে পারে এমন একটি বার্তাসহ সেখানে এক ধর্মবীর পয়গম্বর প্রেরিত হল আর ম্যাজিকের মত সেই অখ্যাত জাতি হয়ে উঠল জগত বিখ্যাত, দীনহীন জাতি হয়ে উঠল দুনিয়ার শ্রেষ্ঠ জাতি। তারপর এক শতাব্দীর মধ্যে পশ্চিমে গ্রানাড়া হতে পূর্বে দিল্লী পর্যন্ত প্রতিষ্ঠিত হল আরবের আধিপত্য। সুনীর্ধ কয়েক শতাব্দী ধরে পৃথিবীর এক সর্ববৃহৎ অংশের উপর আরবদেশ মহাসমারোহে এবং বিজ্ঞমের সাথে তার দ্যুতি বিকিরণ করেছে।’

বর্তমান পৃথিবীর পাণ্ডিত্যপূর্ণ এবং নির্ভরযোগ্য প্রকাশনা Encyclopedia Britanica মহানবী (সা.) সম্পর্কে দ্যথাহীন ভাষায় ঘোষণা করেছে, ‘জগতের সকল ধর্মপ্রবর্তক ও ধর্মীয় ব্যক্তিত্বের মধ্যে মুহাম্মদই(সা.) হচ্ছেন সর্বাপেক্ষা সফলকাম।’ ফরাসী সম্মাট নেপোলিয়ান মহানবী (সা.) সম্পর্কে তার অনুভূতি বর্ণনা করে বলেছেন, ‘মুহাম্মদের (সা.) ধর্মই আমার নিকট সর্বাপেক্ষা প্রিয়।’

বিখ্যাত পাক্ষাত্য মনীষী Jhon Devenport বলেছেন, ‘কোন ধর্মনেতা বা বিজয়ীর জীবনই বিস্তৃতি ও ঐতিহাসিকতার দিক দিয়ে হ্যারত মুহাম্মদ (সা.) এর জীবনের সাথে তুলিত হতে পারে না।’

মহানবী হ্যারত মুহাম্মদ (সা.) এমন এক মহামানব ছিলেন যিনি সকল ক্রুতি বিচ্ছিন্ন উর্ধ্বে। সকল পাপ-পক্ষিলতা ও অপবিত্রতা থেকে মুক্ত। যাবতীয় দুর্বলতা ও কুসংস্কার হতে পরিপূর্ণভাবে পবিত্র। তাই পবিত্র কুরআনের আলোকে যে সমাজ মহানবী (সা.) রচনা করেছিলেন তা হচ্ছে সর্বাপেক্ষা উত্তম ও সর্বোত্তমাবে গ্রহণীয় এবং কল্যাণকর।

মহানবী (সা.) তার জীবদ্ধশায় মানুষের জীবনের জন্য প্রয়োজনীয় সকল দিক নির্দেশনা এবং চলার পাখেয় বাতলে দিয়েছেন। মানব জীবনের এমন কোন দিক নেই যেখানে রাসূলের (সা.) দিক-নির্দেশনা নেই। কথা, চলা, ব্যবহার, স্বাস্থ্য, পরের অধিকার, পারিবারিক ও সামাজিক সম্পর্ক ও দায়িত্ব, রাষ্ট্রীয় বিষয়াবলী, বৈদেশিক সম্পর্ক, ব্যবসা-বণিজ্য, অধ্যনীতি, রাজনীতি কোনটাই নবীজীর দিক-নির্দেশনার বাইরে নেই। পৃথিবীর এমন কোন আদর্শ, এমন কোন নেতা নেই যার মাধ্যমে জীবনের সর্বক্ষেত্রে পথ চলার আলোকবর্তিকা পাওয়া যাবে। তাইতো তাঁর নিকট অবস্তীর্ণ ধর্ম ইসলামকে আল্লাহ বলেছেন, ‘একমাত্র দীন বা জীবন ব্যবস্থা।’

মহানবী (সা.) দুনিয়ার কোন শিক্ষক বা শিক্ষালয়ের ছাত্র বা অনুসরী ছিলেন না। তিনি যে জ্ঞান ও বিজ্ঞানের আলো পেয়েছিলেন তা স্বয়ং তাঁর এবং আমাদের প্রভু ও মালিক সৃষ্টিকর্তা আল্লাহতায়াল্লা প্রদত্ত। তাই তা ছিল পরিপূর্ণ, নির্ভুল ও কালজয়ী। তাইতো জ্ঞান অর্জনের ব্যাপারে মহানবী (সা.) যে উৎসাহ ও নির্দেশনা দিয়ে গেছেন তা আজ পর্যন্ত কোন মনীষী, কোন মহামানবের মুখে উচ্চারিত হয়নি। তিনি জ্ঞান অর্জনের জন্য উদাস্ত কঠে ঘোষণা করেছেন, ‘প্রত্যেক মুসলমান নর-নারীর জন্য জ্ঞান অর্জন ফরজ।’ জ্ঞানীর মর্যাদাকে উর্ধ্বে তুলে ধরে জ্ঞান অর্জনের শুরুত্বকে আরো মহীয়ান করেছেন মহানবী (সা.)। তিনি বলেছেন, ‘জ্ঞানার্জনে ব্যবহৃত মসী শহীদের রক্তের চাইতেও মূল্যবান।’ জ্ঞানার্জনে মনোযোগী হয়ে মুসলমানরা যাতে প্রেষ্ঠতম আদর্শকে মহীয়ান করে তুলতে পারে তার জন্য তিনি দূর দূরাত্ম গিয়ে হলেও জ্ঞান অর্জনের নির্দেশ দিয়েছেন। মহানবী (সা.) বলেছেন, ‘জ্ঞানার্জনের জন্য প্রয়োজন হলে সুদূর চীন দেশেও যাও।’ জ্ঞানের মাহাত্ম্য বর্ণনা করতে গিয়ে নবী করীম (সা.) বলেছেন, ‘আল্লাহ যার কল্যাণ চান তাকে দীনের তত্ত্বজ্ঞান দান করেন।’ জ্ঞান অর্জনকে জান্নাতের পথে অস্তসর হবার সহজ পথ বলে উল্লেখ করে হ্যরত মুহাম্মদ (সা.) বলেছেন, ‘যে ব্যক্তি ইলম হাসিল করার জন্য পথ চলে এর বিনিময়ে আল্লাহ তার জন্য জান্নাতে যাবার পথ সহজ করে দেন।’ ইলম হাসিলে যারা ব্যাপ্ত তাদের কাজকে শুরুত্ব দিয়ে নবী করীম (সা.) বলেছেন, ‘যে ব্যক্তি ইলম হাসিল করার উদ্দেশ্যে বের হয় সে ফিরে না আসা পর্যন্ত আল্লাহর পথে (জিহাদের মধ্যে) অবস্থান করে।’ ইলম অর্জনকারী দীনের মর্মকথা যেমন সহজে বুঝে এবং সে অনুযায়ী আমল করার সুযোগ পায় তেমনি তার জন্য আল্লাহর রহমতের দ্বারও খুলে যায়। দুনিয়ার সবাই, এমনকি ফেরেশতারাও তাঁর জন্য কল্যাণ কামনা করতে থাকে। এ প্রসংগে নবী মুহাম্মদ (সা.) বলেছেন, ‘আর ফেরেশতারা জ্ঞান অর্জনরত ছাত্রদের জন্য নিজের ডানা বিছিয়ে দেন। আর আকাশ ও পৃথিবীর মধ্যে যা কিছু আছে এমনকি পানির মাছও আলেমের জন্য ক্ষমা প্রার্থনা করে।’

ইলম অর্জনে জ্ঞান পিপাসার্ত মুসলমানরা নবীজীর নির্দেশ, উৎসাহ ও প্রেরণায় একদিন নিরলস চেষ্টা চালিয়েছিল। তাই এক সময় আকাশের নীলিম রহস্য,

সমুদ্রের গভীরতায় লুকানো তন্ত্র, পদার্থের সীমাহীন শক্তি, রোগ জটিলতা সমস্যা ও জীবনের নানান জটিল বিষয়ে তারা নব নব অবিক্ষারে সক্ষম হয়েছিল। ফলে ঝান বিজ্ঞানের প্রতিটি শাখায় মুসলমানরা অর্জন করেছিল সাফল্য। আজকের যে আধুনিক বিজ্ঞান তার ভিত্তিমূল তৈরী করেছিল মুসলমানরাই।

বিশিষ্ট মনীষী Robert Brifo এ কথারই স্বীকৃতি দিয়েছেন ভাবে, ‘আধুনিক বিজ্ঞান শুধুমাত্র চমকপ্রদ আবিক্ষার বা যুগান্তকারী তত্ত্বকথার কাছে ঝীণী নয়, আধুনিক বিজ্ঞান তার অস্তিত্বের জন্যই মুসলমানদের নিকট চির ঝীণী।’

উপমহাদেশের প্রথ্যাত নেতা পঞ্জিত জওহরলাল নেহেরুও মুসলমানদের জ্ঞান বিজ্ঞানের অবদানকে স্বীকার করে বলেছেন, ‘প্রাচীনকালে মিশ্র, চীন বা ভারতে বৈজ্ঞানিক প্রক্রিয়ার কোন নির্দর্শন আমরা পাই না। প্রাচীন গ্রীসে এর ছিটেফোটা লক্ষ্য করা যায়। রোমেও এটি অনুপস্থিত ছিল। কিন্তু আরবদের এ অনুসন্ধিৎসা ছিল। সুতরাং তাদেরকেই আধুনিক বিজ্ঞানের জনক বলা যায়।’

একটি আধুনিক এবং কল্যাণকামী আদর্শ সমাজ ও রাষ্ট্রব্যবস্থা কায়েমের ব্যাপারে মহানবী হ্যরত মুহাম্মদ (সা.) যে নীতি ও ব্যবস্থার প্রবর্তন করে গেছেন তা আজও বিশ্ব ইতিহাসে বিরল। আধুনিক রাষ্ট্রবিজ্ঞান ও সমাজ বিজ্ঞানের মূলনীতিশূলোর কোনটাই নবীজীর আদর্শ ব্যবস্থার সাথে তুলনীয় নয়। এক্ষেত্রেও তিনি সর্বশ্রেষ্ঠ রাষ্ট্রনীতি ও সমাজনীতির প্রবর্তক। আদর্শ শাসন পদ্ধতি, সামাজিক ও রাষ্ট্রীয় স্থিতি ও উন্নতি, মানুষের অধিকার সংরক্ষণ এবং মানবাধিকার প্রভৃতি যাবতীয় বিষয়ে নবী হ্যরত মুহাম্মদের (সা.) দিক-নির্দেশনা অনন্য ও কালজয়ী আদর্শ। তিনি তার মদীনা সনদ এবং বিদায় হজ্জে মানবাধিকার, সাম্য, স্পন্দনা, ভার্তাতে যে সুসম ঘোষণা দিয়েছেন তা আজ চৌদশত বছর পরও আধুনিক পৃথিবী প্রণয়ন করতে পারেন। মহানবীর মদীনা সনদ স্পর্কে (Charter of Medina) পার্শ্বাত্মক মনীষী Willaim More বলেন, ‘It reveals the man (the Prophet) in his real greatness, a mastermind not only of his own age, But of all ages;

মহানবী হ্যরত মুহাম্মদ (সা.) পরিত্র কুরআনের সূরা ইউসুফের ৪০ নং আয়াতে বর্ণিত আল্লাহর বাণী, ‘বিধান দেয়ার অধিকার একমাত্র আল্লাহরই’ অথবা সূরা কাসাসের ৭০ নং আয়াতে বর্ণিত মূলনীতি ‘তিনিই আল্লাহ, তিনি ব্যক্তিত কোন ইলাহ নেই, দুনিয়া ও আখিরাতের সব প্রশংসা তারই। বিধান তারই। তোমরা তার দিকেই প্রত্যাবর্তিত হবে’ –এর আলোকে যে জীবন পদ্ধতি, সামাজিক ও রাষ্ট্রীয়নীতি ঘোষণা করেছেন তা অনন্য, অসামান্য। ইসলামী এ আইনকে পার্শ্বাত্মক পর্যন্ত অবাক বিশ্বে লক্ষ্য করেছে।

বিখ্যাত মনীষী Admond Bark এর ভাষায়, ‘মুসলিম আইন মুকুটধারী সাম্রাজ্য হতে সামান্যতম প্রজা পর্যন্ত সকলের জন্য সমন্বাবে প্রযোজ্য। ইহা এমন একটি আইন যা জগতের সর্বোকৃষ্ণ পাণ্ডিত্যপূর্ণ এবং সর্বোকৃষ্ণ আইন শাস্ত্রের সহিত ওৎপ্রোতভাবে জড়িত।’

ইসলামী রাষ্ট্রব্যবস্থায় শাসকদের জবাবদিহীতা, দায়িত্ব, কর্তব্য এবং নীতিপরায়ণতার যে নীতি মহানবী (সা.) নির্দেশ করে গেছেন তা অসমান্য। শাসককে বিনয়ী, ন্যায়বান, সদাচারী হতে এবং অন্যায় অশীলতা ও সীমালংঘন হতে বিরত থাকার নির্দেশ দিয়েছেন আল্লাহত্তায়ালা। পবিত্র কুরআনের ঘোষণা হচ্ছে, ‘যে সকল মুমিন তোমার অনুসরণ করে, তাদের প্রতি তুমি বিনয়ী হও’ (সূরা শুয়ারা: ২১৫)।

আল্লাহত্তায়ালা আরো বলেছেন, ‘এবং বস্তুত আল্লাহ, তোমাদেরকে ন্যায়বিচার, সদাচরণ ও আঞ্চীয় স্বজনকে দানের নির্দেশ দিচ্ছেন। আর তিনি নিষেধ করেছেন অশীলতা ও অন্যায় কাজ ও সীমালংঘন। আল্লাহ নির্দেশ দিয়েছেন যাতে তোমরা উপদেশ গ্রহণ করো।’ (সূরা নাহরাত: ৯০)

ইসলাম রাষ্ট্রের শাসককে ইনসাফ ও ন্যায়বিচার প্রতিষ্ঠার নির্দেশ দিয়েছে। আল্লাহ পবিত্র কুরআনে ঘোষণা করেছেন, ‘তোমরা ইনসাফ করো, নিশ্চয়ই আল্লাহ ইনসাফকারীদের ভালবাসেন।’ (সূরা হজরাত: ৯)

শাসকদের দায়িত্ব সম্পর্কে নবী করীম (সা.) বলেছেন, ‘তোমাদের প্রত্যেককেই তার অধীনস্থদের রক্ষণাবেক্ষণ সম্পর্কে জিজ্ঞাসা করা হবে।’ অন্যায়কারী শাসকের জন্য জান্নাত হারাম ঘোষণা করে নবী (সা.) বলেছেন, ‘আল্লাহ তার কোন বাস্তুকে প্রজাসাধারণের তত্ত্বাবধায়ক বানাবার পর সে যদি তার সাথে প্রতারণা করে, তবে সে যে দিনই মরুক, আল্লাহ তার জন্য জান্নাত হারাম করে দেবেন।’ কোন শাসককে স্বৈরাচারী না হবার ব্যাপারে সতর্ক করে দিয়ে নবী (সা.) বলেছেন, ‘স্বৈরাচারী শাসক সে ব্যক্তি যে জনগণের প্রতি কঠোর ও অত্যাচারী। কাজেই তুমি সতর্ক থাকবে যেন তাদের অত্তৃত্ব না হও।’ শাসক বা রাষ্ট্রীয় দায়িত্বপ্রাপ্ত নেতৃত্বের প্রজাদের চাহিদা ও সেবা নিশ্চিত করার তাগিদ দিয়ে নবী করীম (সা.) বলেছেন, ‘যাকে আল্লাহ মুসলমানদের শাসক নিযুক্ত করেন এবং সে তাদের প্রয়োজন, চাহিদা ও দারিদ্র্বাবস্থা দূর করার প্রতি ভ্রক্ষেপ করে না আল্লাহও কিয়ামতের দিন তাঁর প্রয়োজন, চাহিদা ও দারিদ্র্দ পূরণের প্রতি ভ্রক্ষেপ করবেন না।’ ন্যায়পরায়ণ শাসককে কিয়ামতের দিন আল্লাহ রহমতের ছায়ায় আশ্রয় দেবেন। এক হাদিসে নবী করীম (সা.) উত্তম শাসকের নমুনা পেশ করে বলেছেন, ‘তোমাদের মধ্যে উত্তম শাসক ও ইমাম তারা যাদের তোমরা ভালবাস এবং তারাও তোমাদের ভালবাসে।’

একটি সুশীল, উন্নত ও কল্যাণকামী সমাজ তথা রাষ্ট্রগঠনে নবী করীম (সা.) সে সমাজের মানুষের অধিকারগুলো যেভাবে নিশ্চিত করেছেন তা অনন্য। তিনি সামাজিক স্থিতি, ভাস্তু, সংহতি ও নিরাপত্তা নিশ্চিত করার জন্য যেসব মূলনীতি ঘোষণা করেছেন তার কোন তুলনাই নেই।

উচু-নীচু, ছেট-বড় ভেদাভেদ তুলে দিয়ে নবী করীম (সা.) মানুষের মর্যাদা এবং সম্মানকে নিশ্চিত করেছেন। বিদ্যায় হজুর ভাষণে তিনি ঘোষণা করেছেন, ‘প্রত্যেক মুসলিম অন্য মুসলিমের ভাই। সুতরাং কেউ কারো প্রতি অবিচার করো না।

অনারবদের উপর আরবদের এবং আরবদের উপর অনারবদের প্রাধান্যের কোন কারণ নেই। সমস্ত মানুষ আদম হতে এবং আদম মাটি থেকে উৎপন্ন।'

সমাজ থেকে হিংসা-বিদ্ধে, জুলুম, প্রতারণা, ধোকাবাজি, চুরি, ডাকাতি, খারাবি ইত্যাদি নির্ম্মল করে একটি আদর্শ ও সর্বোৎকৃষ্ট শাস্তির সমাজ কায়েমে মহানবী (সা.) যে নির্দেশাবলী জারী করেছেন তা পৃথিবীর কোন ধর্ম, ইতিবাদ বা সনদে সে ভাবে পরিপূর্ণ গৃহীত হয়নি। সমাজের ভাঙ্গন, বিশৃঙ্খলা এবং অধঃপতন এড়াতে তিনি এসব মানবীয় দোষকৃতিগুলোকে ত্যাগ করার সাথে আবেরাতের মুক্তি, কল্যাণ ও দুনিয়ার শাস্তির জন্য গ্যারান্টি হিসেবে ঘোষণা করেছেন। বিদায় হজ্জের শেষ ভাষণে নবী করীম (সা.) বলেছেন, 'তোমরা পরম্পরের সাথে ঝগড়া ও বিবাদে লিপ্ত হয়ো না।' নরহত্যা, চুরি ও ব্যভিচারকে নিষিদ্ধ করে তিনি বিদায় হজ্জের ভাষণে বলেছেন, 'শিরক করো না। অন্যায়ভাবে নরহত্যা করো না। চুরি করো না। ব্যভিচার করো না।' জুলুম অত্যাচার থেকে দূরে থাকতে নবী (সা.) বলেছেন, 'তোমরা জুলুম থেকে দূরে থাক। কেননা, জুলুম কিয়ামতের দিন অঙ্ককারাচ্ছন্ন থোয়ায় পরিণত হবে।'

তিনি আরো বলেছেন, 'যে ব্যক্তি এক বিঘত পরিমাণের জমিতে জুলুম করবে কিয়ামতের দিন সাত তবক জমিন তার গলায় পরিয়ে দেয়া হবে।' মিথ্যার পরিণতি দোষখ হিসেবে ঘোষণা করেছেন নবী (সা.)। তিনি বলেছেন, 'মিথ্যাচার পাপাচারের দিকে নিয়ে যায় এবং পাপাচার মানুষকে দোষখে নিয়ে যায়।'

হিংসা-দেশ মানুষকে ধ্বংসের পথে নিয়ে যায় এবং পারম্পরিক সম্পর্কের অবনতি ঘটায়। সমাজে সৃষ্টি করে বিশৃঙ্খলা ও ক্রমেই সমাজ হয়ে উঠে অস্থিতিশীল।

তাই নবী করীম (সা.) এই দৃষ্টতা বা দোষ হতে বেঁচে থাকার জন্য বলেছেন, 'তোমরা হিংসা থেকে দূরে থাক। কেননা হিংসা মানুষের ভাল গুণগুলো এমনভাবে ধ্বংস করে দেয় যেমন আগুন শুকনো কাঠ বা ঘাস ভুস করে ফেলে।' ধোকা-প্রতারণা সম্পর্কে নবী করীম (সা.) বলেছেন, 'যে ব্যক্তি আমাদের সাথে প্রতারণা করে, সে আমাদের অস্তর্ভূত নয়।'

এর সাথে গীবত, পরচর্চা, পরনিন্দা, কাউকে অবজ্ঞা করা, ঝগড়া ফাসাদ করা, গর্ব অহংকার করা ইত্যাদিকেও আগ্নাহ যেমন নিষিদ্ধ করেছেন মহানবীও (সা.) এগুলোকে ঘৃণিত কাজ বলে এ থেকে বিরত থাকার তাগিদ দিয়েছেন। গীবত সম্পর্কে সূরা হজ্জরাতের ১২ নং আয়াতে আগ্নাহতায়ালা বলেছেন, 'তোমাদের কেউ যেন কারো গীবত না করে। তোমাদের মধ্যে কি এমন কেউ আছে যে তার মৃত ভাইয়ের গোশত খাওয়া পছন্দ করে? তোমরা নিজেরাই এটাকে ঘৃণা করবে।'

নবী করীম (সা.) গীবত সম্পর্কে বলেছেন, 'ঘার মুখ ও হাতের অনিষ্ট থেকে অন্য মুসলমানরা নিরাপদ থাকে সে-ই সর্বোত্তম মুসলমান।' নবী করীম (সা.) অন্যত্র বলেছেন, 'যে ব্যক্তি আমাকে তার দুই চোয়ালের মধ্যবর্তী জিনিসের (জিহ্বা) নিশ্চয়তা দিতে পারবে আমি তার বেহেশতের জন্য জামিন হতে পারি।'

চোখলখুরী সম্পর্কে নবী (সা.) বলেছেন, ‘চোখলখোর বা কুটনামীকারী কখনো বেহেত্তে প্রবেশ করতে পারবে না।’ কোন মুসলমানকে অবজ্ঞা বা অবহেলা ন করার জন্য রাসূল (সা.) বলেছেন, ‘কোন ব্যক্তির খারাপ হবার জন্য এটাই যথেষ্ট যে, সে তার মুসলমান ভাইকে অবজ্ঞা করে ন।’

সমাজের মধ্যে পারম্পরিক সম্পর্ক অটুট রাখার জন্য ওয়াদা প্রণের প্রতি যত্নবান হওয়ার জরুরী। তা না হলে ভুল বুঝাবুঝি এবং সামাজিক অনাস্থা ও পারম্পরিক বিরোধ ও অশান্তির জন্ম হতে পারে। ওয়াদা রক্ষার ব্যাপারে পবিত্র কুরআনে আল্লাহ বলেছেন, ‘তোমরা ওয়াদা পূর্ণ কর। কেননা ওয়াদা সম্পর্কে তোমাদেরকে জবাবদিহী করতে হবে’। (সূরা বনী ইসরাইল-৩৪)

এ সম্পর্কে রাসূল (সা.) বলেছেন, ‘যার মধ্যে ৪ টি দোষ পাওয়া যাবে সে মূলাফিক, তার একটি হলো যখন সে ওয়াদা করে তা সে ডংগ করে।’

গর্ব বা অহংকার পতনের মূল। এটা ব্যক্তি বিশেষের যেমন পতন ঘটায় তেমনি সমাজ বা রাষ্ট্রের পতনকেও তরান্তিত করে। এ থেকে বাঁচার জন্য নবী (সা.) বলেছেন, ‘তোমরা বিনয়ী হও, যাতে তোমাদের কেউ কারো প্রতি বাঢ়াবাঢ়ি না করে এবং কেউ কারো কাছে গর্ব করতে না পারে।’

রাসূলে পাক হয়রত মুহাম্মদ (সা.) দু-বী মানুষ, গরীব, এতীম, অভাবীদের প্রতি ছিলেন সহনশীল এবং রহমতময়। তিনি তাদের অধিকার সংরক্ষণে ছিলেন সদা সতর্ক। আমাদের আধুনিক সমাজ বা রাষ্ট্র যে সব মানুষকে ঘৃণা করে এবং তাদের গ্রাস কেড়ে নেয় তাদের প্রতি রহমদীল এবং যত্নবান হবার জন্য নবী করীম (সা.) মুসলমানদের নির্দেশ দিয়েছেন। নবীজীর এ আদর্শিক চেতনার কারণেই গোটা দুনিয়ার ছেট বড়, আমীর-ফুরী, আশরাফ-আতরাফ সব ধরনের মানুষ ইসলামের ছায়াতলে এসে জড়ো হয়েছিল, খুঁজে পেয়েছিল প্রকৃত শান্তি ও নিরাপত্তা। দুর্বল, নিঃস্ব ও গরীব লোকদের প্রতি দৃষ্টি দেয়ার জন্য আল্লাহপাক কুরআনে বলেছেন, ‘আর তাদের দিক থেকে অন্যদিকে তোমার দৃষ্টি নিবন্ধ করো না।’ (সূরা আল কাহাফ: ২৮)

নবী (সা.) নিঃস্ব-দুর্বল সম্পর্কে বলেছে, ‘নিঃস্ব মুসলমান ব্যক্তি সন্তুষ্ট ব্যক্তিদের চেয়ে অনেক উন্নত।’

বিদায় হজ্জের ভাষণে নবী করীম (সা.) বলেছেন, ‘কোন দুর্বল মানুষের উপর অত্যাচার করো না, গরীবের উপর অত্যাচার করো না।’

ইয়াতীম ও নিঃস্বদের ব্যাপারে আল্লাহ তায়ালা কুরআনে সতর্ক করে দিয়ে বলেছেন, ‘অতএব তুম ইয়াতীমের প্রতি কঠোর ব্যবহার করো না এবং যাঞ্চাকারীদের ধরক দিও না।’ (সূরা দোহা: ১০)

রাসূলও (সা.) এ ব্যাপারে ইয়াতীমদের প্রতি তার মমত্ব প্রকাশ করে বলেছেন, ‘ইয়াতীমের লালনকারী ও আমি বেহেশতে একত্রে থাকবো।’

আল্লাহর নবী (সা.) প্রতিবেশী এবং অমুসলিমদের অধিকার প্রতিষ্ঠায় যে মহান

ভূমিকা পালন করেছেন তা দুনিয়ার মানুষকে শুধু বিস্থিতই করেনি, পৃথিবীতে এনে দিয়েছিল এক সর্বশ্রেষ্ঠ বিপ্লব। তিনি দাস-দাসী ও গোলামদের অধিকারের ব্যাপারেও ছিলেন সমতাবে সচেতন। প্রতিবেশীর অধিকার এবং ক্রীতদাস ও গরীবদের অধিকার সম্পর্কে আল্লাহ তায়ালা বলেছেন, ‘তোমরা আল্লাহর ইবাদত কর। তার সাথে কাউকে শরীক করো না, পিতা-মাতার সাথে ভাল ব্যবহার করো। নিকটাঞ্চীয়, ইয়াতীম ও ফিসকিনদের প্রতি এবং নিকট প্রতিবেশীর প্রতি, দূর প্রতিবেশীর প্রতি এবং তোমাদের অধীনস্থ ক্রীতদাস ও দাসীদের প্রতি দয়া ও অনুগ্রহ প্রদর্শন করো।’ (সূরা নিসাঃ ৩৬)

এ সম্পর্কে নবী করীম (সা.) বলেছেন, ‘ঐ ব্যক্তি পূর্ণ মোমেন নয় যে দু’বেলা পেট ভরে আহার করে, আর তার প্রতিবেশী অনাহারে থাকে।

নবী করীম (সা.) আরো বলেছেন, ‘যার অনিষ্ট হতে তার প্রতিবেশী নিরপদ নয় সে বেহেশতে প্রবেশ করতে পারবে না।’ একটি সুন্দর ও সুসম্পর্কযুক্ত ও ভাত্তপূর্ণ স্থিতিশীল সমাজ নির্মাণে প্রতিবেশীর প্রতি দায়িত্ব পালনে মহানবীর সেকি অসাধারণ হেদায়ত! ক্রীতদাস অথবা চাকর-বাকরদের প্রতি সহানুভূতিশীল আচরণেও নবীজী ছিলেন সচেতন।

তিনি বলেছেন, ‘কোন নাক কাটা হাবশী গোলামকেও যদি তার যোগ্যতার জন্য তোমাদের আমীর বা শাসক বানানো হয়, তবে তার অনুগত থাকবে।’

তিনি আরো বলেছেন, ‘গোলাম বা চাকর তোমাদের ভাই। কাজেই তোমরা যা আহার করবে তাই তাদের খাওয়াবে। তোমরা যা পরিধান করবে তাই তাদের পরাবে।’

সমাজের স্থিতি ও সংহতির জন্য সমাজে যারা অমুসলিম, সংখ্যালঘু বা বিধৰ্মী তাদের প্রতিও কোন অন্যায় আচরণ না করে সমরোতা রক্ষা করার নির্দেশ দিয়েছেন মহানবী (সা.)। মহানবী (সা.) বলেছেন, ‘যে ব্যক্তি ইসলামী রাষ্ট্রের প্রতি অনুগত কোন অমুসলমান নাগরিককে অত্যাচার করবে বা তার প্রাপ্য কর্ম দেবে কিংবা তার উপর অভিরিক্ষ কর ধার্য করবে বা তার মন্তৃষ্ঠি ছাড়া তার কোন বস্তু হস্তগত করবে তবে আমি এরূপ ব্যক্তির বিরুদ্ধে কিয়ামত দিবসে আল্লাহর দরবারে ফরিয়াদী হবো।’

কি অপূর্ব মহানবীর বাণী। আজকের তথাকথিত সুসভ্য পাশ্চাত্য কিংবা ধর্ম নিরপেক্ষতার ধর্মাধীনী মনীয়ী বা রাষ্ট্র নায়কের আছে কি এমন কোন মনোভাব, যাদের রাষ্ট্র মুসলমানরা সংখ্যালঘু হিসেবে নিরাপদ! সেটা তো কল্পনাই করা যায় না। বরং সেখানে মুসলমান সংখ্যালঘুরা নির্যাতিত নিপীড়িত এবং রাষ্ট্রীয় ষড়যন্ত্রের শিকার হয়ে উঞ্চাস্তু কিংবা বিতাড়িত। আর মুসলিম দেশগুলোতে সংখ্যালঘুদের অবস্থা তার সম্পূর্ণ বিপরীত। এটাই মহানবীর (সা.) বাণীর শ্রেষ্ঠত্ব।

আমরা আজকাল নারী মুক্তির জন্য, নারীদের অধিকারের জন্য উচ্চকিত হই। নারীদের অধিকারের জন্য অবদান রাখায় আমরা অনেকে শ্বরণ করি Kate Millet,

Germaine Greer, Mary wilston কিংবা Margarate sanger এর নাম। অথচ তারা যে নারী মুক্তির কথা বলেছেন, যে সমাজের নারী মুক্তির চেষ্টা করেছেন সে সমাজে নারী মুক্তি তো আসেই নি বরং নারীদের তারা টেনে এনে তুলে দিয়েছে নর পিশাচদের ভোগ্যপণ্য রূপে, তাদের করেছে নগ্ন বিকৃত। পণ্য সামগ্রী হিসেবে ঠেলে দিয়েছে প্রতিযোগিতামূলক অমানবিক শ্রম কষ্টের পথে। যার ফলে নারীরা অহরহ হারাচ্ছে স্ত্রীম, লুঁষ্টিত হচ্ছে তাদের সতিত্তু, ভলুঁষ্টিত হচ্ছে তাদের মেহময়ী মাতাকৃপী মাত্তু। অথচ মহানবী (সা.) অনেক পূর্বেই নারীদের মুক্ত করে মাতা ও ভগ্নির মর্যাদা দিয়েছিলেন। মহানবী নারীদের মুক্তি এমন এক সময় করলেন যখন তাদেরকে পাপের বোৰা মনে করা হত, নারীদের সংশেগের সামগ্রী বলেই শুধু ব্যবহার করা হত। যেয়েদের জীবিত কৰব দেয়া হত, কোন সম্পদ বা সম্পত্তিতে নারীদের অধিকার মেনে নেয়া হত না। ইসলামের আগমনের সাথে সাথে নারীদের মর্যাদা ও অধিকার প্রতিষ্ঠা করলেন মহান আল্লাহতায়ালা। কন্যা সন্তানদেরকে যখন ঘৃণার চোখে দেখা হত তখন আল্লাহ বললেন, ‘তিনি যাকে ইচ্ছা কন্যা সন্তান দান করেন এবং যাকে ইচ্ছা পুত্র সন্তান দান করেন।’ (সূরা উরাঃ ৪১) নারী ও পুরুষের সমান অবদানকে বুঝানোর জন্য আল্লাহ বললেন, ‘আমি তোমাদের সৃষ্টি করেছি এক পুরুষ ও এক নারী হতে, পরে তোমাদের বিভক্ত করেছি বিভিন্ন জাতি ও গোত্রে, যাতে তোমরা একে অপরের সঙ্গে পরিচিত হতে পার।’ (সূরা হজুরাত: ১৩)

মহান আল্লাহ কন্যা সন্তানকে অবজ্ঞা না করার জন্য সতর্ক করে বলেছেন, ‘তাদের কাউকে যখন কন্যা সন্তানের সুসংবাদ দেয়া হয় তখন তার চেহারা কালো হয়ে যায় এবং সে অসহনীয় মনোক্ষেত্রে ক্লিষ্ট হয়। তাকে যে সংবাদ দেয়া হয় তার গুণি হেতু সে লোকসমাজ হতে নিজেকে শুকায়। সে ভাবে, হীনতা সন্ত্রেও সে ওকে রাখবে, না মাটিতে পুতে দেবে। সাবধান! তারা যে সিদ্ধান্ত নেয় তা কত নিকৃষ্ট।’ (সূরা নাহল : ৫৯-৫৯)

হযরত মুহাম্মদ (সা.) নারীদের মর্যাদা ও অধিকার প্রতিষ্ঠার জন্য আল্লাহর বাণীগুলো মানুষকে শুনালেন। তিনি নারীদের মুক্তি, সমান ও মর্যাদার জন্য আল্লাহ প্রদর্শিত গাইড লাইনের আলোকে আরো বললেন, ‘কারো যদি কন্যা সন্তান ভূমিষ্ঠ হয় আর তাকে যদি সে পুতে না ফেলে, তাকে যদি অপমানিত না করে এবং তাকে উপেক্ষা করে যদি সে পুত্র সন্তানের পক্ষপাতিত্তু না করে তবে আল্লাহ তাকে জালাতে দাখিল করবেন।’ নারীদের অধিকার নিশ্চিত করতে গিয়ে মহানবী (সা.) বিদায় হজুর ভাষণে ঘোষণা করলেন, ‘হে জনমঙ্গলী! নিশ্চয়ই তোমাদের স্ত্রীদের প্রতি তোমাদের যেমন অধিকার আছে, তোমাদের উপরও তাদের তেমন অধিকার আছে।’

নারীদের অধিকারকে নিশ্চিত করতে তিনি বায়তুলমালে ‘নারী পুরুষের সমান অধিকার’ এবং স্ত্রী কর্তৃক অর্জিত সম্পদে ‘স্ত্রীর একারই অধিকার’ সংরক্ষণ

করেছেন। স্তৰীয় সারা জীবনের ভরণ-পোষণের দায়িত্ব স্বামীর উপর বর্তিয়ে নারীর মর্যাদাকে বাড়িয়েছেন মহানবী (সা.)। নারীদের সাথে কোন দুর্ব্যবহার যেন না করা হয় তার জন্য মহানবী (সা.) বললেন, ‘তোমরা পরম্পর পরম্পরকে নারীদের সাথে ভাল ব্যবহার করতে উদ্ধৃত করবে। কেননা তারা তোমাদেরই অংশ। তাদেরকে তোমরা আল্লাহর আমানত হিসেবে গ্রহণ করেছো।’ মহানবী (সা.) নারীকে যে সম্মান ও মর্যাদা দান করেছেন তা বিশ্ব ইতিহাসে বিরল ঘটনা। পাঞ্চাত্য মনীষী Priete Crite এর ভাষায় ‘মুহম্মদ (সা.) সম্ভবত: পৃথিবীর ইতিহাসে সর্বশ্রেষ্ঠ নারীমুক্তির প্রবক্তা ছিলেন।’

এভাবে জীবনের প্রতিটি ক্ষেত্রেই মহানবী (সা.) মানুষকে দিক নির্দেশনা দিয়ে সর্বশ্রেষ্ঠ মানুষ হিসেবে তার দায়িত্ব পালন করেছেন। ধর্মীয়, সামাজিক, রাজনৈতিক, পারিবারিক, ও ব্যক্তিগত পর্যায়েই শুধু নয়, তিনি অর্থনৈতিক ক্ষেত্রেও দিক নির্দেশনা দিয়ে মানব জীবনের পূর্ণাঙ্গ কল্যাণ সাধনের পথকে উন্নত করেছেন। মানব জীবনে অর্থনৈতিক বিষয়টি অতীব গুরুত্বপূর্ণ। জীবন চলার পথে অর্থনৈতিক কর্মকাণ্ড খুবই তাৎপর্যপূর্ণ। রাস্তে করীম (সা.) এর অর্থনৈতিক দিক-নির্দেশনার মূলনীতি ছিল, সকল নাগরিকের ইহকালীন ও পরকালীন মুক্তি নিশ্চিত করা। সবার জন্য সুবিচার ও সম্পদের সুষম বচ্টন নিশ্চিত করা। ক্ষতি, বিপর্যয় ও জ্বলনের পথকে বক্ষ করা, মানুষের মৌলিক প্রয়োজন পূরণ করা, অভাবী ও দুর্বী মানুষের অধিকারকে সুনিশ্চিত করা। জীবিকা অর্জনের ব্যাপারে শ্রমের মর্যাদাকে প্রতিষ্ঠিত করতে গিয়ে নবী করীম (সা.) বলেছেন, ‘নিজস্ব শ্রমে অর্জিত রিযিকের চাইতে উভয় রিযিক আর নেই।’ আরো বলেছেন, ‘শ্রমিকের গায়ের ঘাম শুকানোর আগেই তার পাঞ্চনা মিটিয়ে দাও।’ ব্যবসায় একচেটিয়া পুঁজিকে নিরুৎসাহিত এবং সম্পদে সম অধিকার নিশ্চিত করার জন্য আল্লাহ ঘোষণা করেছেন, ‘সে সব লোকদের কঠিন যন্ত্রান্দায়ক শাস্তির সংবাদ দাও যারা সোনা, রূপা পুঁজিভূত করে অথচ তা আল্লাহর পথে খরচ করে না।’ (তওবা: ৩৪)

আল্লাহ আরো বলেছেন, ‘তাদের ধন সম্পদে সাহায্যপ্রার্থী ও বঞ্চিতদের অধিকার রয়েছে।’ (আল যারিয়াত: ১৯)

অর্থ ব্যবস্থাপনায় মানুষ যাতে জুলুম নিপীড়নের স্বীকার না হয় সে জন্য মহান রাবুল আলামীন সুদকে নিষিদ্ধ করেছেন। আল্লাহ বলেছেন, ‘আল্লাহ ব্যবসাকে হালাল করেছেন এবং সুদকে করেছেন হারাম।’ (বাকারা: ৩৮)

সুদ সম্পর্কে বলতে গিয়ে মহানবী (সা.) বলেছেন, ‘সুদ দাতা, সুদ গ্রহীতা, সুদের দলিল লেখক, হিসাব রক্ষক এবং সাক্ষীদের উপর অভিসম্পাত।’

সুদ বিহীন এবং শ্রমিকের অধিকার নিশ্চিত হালাল রুফী রোষগারের যে অর্থনৈতিক ব্যবস্থা আল্লাহ মহানবীর (সা.) এর মাধ্যমে কার্যমে করেছিলেন তাতে দুনিয়ায় এমন এক অর্থ ব্যবস্থা কার্যমে হয়ে যানে সমাজে যাকাত গ্রহণ করার মত একটি লোকও ঝুঁজে পাওয়া যায়নি।

ইসলামের অর্থনীতি যাকাতভিত্তিক এক সুষম অর্থব্যবস্থা। এর ফলে কারো আকাশ ছেঁয়া ধনী হবার সুযোগ যেমন নেই তেমনি সমাজে বন্ধিত ও অর্থহীন মানুষের সমাবেশ থাকার সম্ভাবনাও নেই। এ সমাজ হয় এক সুরী সমাজ। যে সমাজে ধনী গরীবের ব্যবধান খুবই কম। যাকাত সম্পর্কে নবী করীম (সা.) বলেছেন, ‘যাকাত মুসলিম সমাজের ধনীদের নিকট হতে আদায় করা হবে এবং সে সমাজের গরীবের মধ্যে বণ্টন করা হবে।’ এতে সমাজ হয়ে উঠে আঞ্চনিক ভারসাম্যপূর্ণ এবং বলিষ্ঠ।

আমাদের প্রিয় নবী হ্যামদ (সা.)-এর আদর্শের কয়েকটি ছিটেফোটা দিক নিয়ে উপরে আলোচনা করা হল মাত্র। মানব জীবনের সার্বিক বিষয়াবলী নিয়ে নবী মুহাম্মদ (সা.) প্রণীত ও নির্দেশিত বিধান ও নির্দেশনা সম্বলিত হাজার হাজার বই রচিত হয়েছে। তার কথা, কাজ ও আদেশ নিষেধের বিধান নিয়ে লিখতে গেলে এর কোথায় যে শেষ হবে তার হিসেব করা অসম্ভব। কোন মনীষী কিংবা দার্শনিকের পক্ষে এত ব্যাপক বিস্তৃত ও পরিপূর্ণ একটি জীবন বিধানের পরিবেশনা করল্লাই করা যায় না। তিনি তাই সর্বকালের সর্বশ্রেষ্ঠ মানব। সর্বশ্রেষ্ঠ আইন ও বিধানের প্রবর্তক। একজন সর্বসেরা রাষ্ট্রনায়ক, অর্থনীতিবিদ ও সমাজ সংস্কারক। মুহাম্মদ (সা.) সবচেয়ে উত্তম স্বামী, পিতা ও বক্তু। তিনি মানবতার মুক্তিদৃত। মুহাম্মদ (সা.) সর্বশেষ নবী এবং অনাগত বিশ্বের মুক্তির কাঞ্জারী। তাই তো আজও দুনিয়ায় যে মানুষের প্রতি প্রতিনিয়ত দর্কন, সম্মান ও সালাম পেশ হয় তিনি একমাত্র মুহাম্মদ (সা.)। যার ভালবাসায় মানুষ মদীনায় ছুটে যায় দুনিয়ার নানা প্রান্ত থেকে, তিনি প্রিয় নবী মুহাম্মদ (সা.)। যার আদর্শ প্রতিষ্ঠায় হাসি মুখে জেহাদের ময়দানে ঝাপিয়ে পড়ে লাখো মানুষ, তিনি নবী মুহাম্মদ (সা.)।

সেরা নবী মুহাম্মদ (সা.) সম্পর্কে মনীষী Alfred the Lamartin এর অমর সেই উক্তিটি খুবই প্রশংসনযোগ্য। তাহলো ‘দার্শনিক, বাণী, ধর্ম প্রবর্তক, আইন প্রণেতা, যতবাদ বিজয়ী ধর্মতের এবং প্রতিমাবিহীন উপাসনা পদ্ধতির পুনরায় সংস্থাপক, বিশ্বটি পার্থিব সাম্রাজ্যের এবং একটি ধর্মসাম্রাজ্যের সংস্থাপক মুহাম্মদ। যে সমস্ত মাপকাঠি দ্বারা মানবীয় মাহাত্ম্য পরিমাপ হয়ে থাকে সেগুলোর প্রত্যেকটির আলোকে বিবেচনা করা হলে আমরা একথা সহজে জিজ্ঞাসা করতে পারি, কোনো মানব কি তাঁর অপেক্ষা মহত্তর ছিল?’

আমরা আজকের বাঞ্ছা বিকুল, অনাচার-অত্যাচার জর্জরিত আর রক্ষপাত হানাহানিতে ক্ষতবিক্ষত দুনিয়ার মানুষ ‘রাহমাতুল্লিল আলামীনের’ ‘উসওয়াতুন হাসানা’ বা সর্বোস্তম আর্দশের দিকে যদি ফিরে যেতে পারি তাহলেই কেবল প্রকৃত মুক্তি, শান্তি, নিরাপত্তা খুঁজে পেতে পারি। আগ্নাত মানবতাকে, বিশেষ করে মুসলিম জাতিকে সেভাবে জেগে উঠার তোফিক দিন। আমিন।

# ঢাকার স্থান নামে হ্যরত মুহাম্মদ (সা.)-এর প্রভাব মোহাম্মদ আশরাফুল ইসলাম

স্থান নামের ইসলামী ঐতিহ্য সৃষ্টির আদিকাল থেকেই লক্ষ্য করা যায়। বেহেশত থেকে আদি পিতা হ্যরত আদম (আ.)কে বর্তমান শ্রীলংকার যে স্থানে পৃথিবীর ছোয়া দেন সে পর্বত শৃঙ্গটি আজও আদমশ্রেণ নামেই পরিচিত। আদি পিতার পদচিহ্ন সেখানে আজও নাকি অক্ষয় হয়ে আছে।

হ্যরত আদম (আ.) ও বিবি হাওয়া (আ.), দীর্ঘদিন বিচ্ছিন্ন থাকার পর আরব দেশের আরাফা ময়দানে পুনরায় একে অপরের সান্নিধ্যে আসেন। আরাফা শব্দের অর্থ চিনতে পারা। হ্যরত আদম (আ.) ও মা হাওয়া (আ.) দীর্ঘ সময়ের বিচ্ছিন্নতার পর যে স্থানটিতে পুনরায় একে অপরকে চিনতে পারেন সেই স্থানটিই ‘চিনতে পার’ অর্থাৎ ‘আরাফা’ নামে নামকরণ হয়।<sup>১</sup> পুনরায় চিনতে পারার এ দিনটি ছিল জিলহজ্জ মাসের নয় তারিখ। হাজী সাহেবগণ পবিত্র হজ্জ পালনের সময় ৯ই জিলহজ্জ তারিখে এ আরাফাত ময়দানে আজও মিলিত হয়ে থাকেন।<sup>২</sup> হ্যরত আদম (আ.) কেবল প্রথম মানবই নন, তিনি প্রথম নবীও বটে। তাঁর এ ঐতিহাসিক পুনর্মিলন ঘটনাকে কেন্দ্র করে স্থানের নাম ‘আরাফা’ সৃষ্টির ফলে স্থান নাম সৃষ্টির ইতিহাসেরও সুপ্রাচীন উদাহরণ পাওয়া গেল।

প্রসঙ্গক্রমে একটি আরবী প্রবাদের কথা উল্লেখ করতে হয় :

“মান আরাফা নাফছাহ- ফাকাদ আরাফা রাববাহ।” অর্থাৎ, যে নিজেকে চিনেছে সে তার রবকেও চিনেছে।

আরাফা সংক্ষেপে ব্যাপারে তফসীরে আনওয়ারু তনজিল বা তফসীরে বায়ব্যবীর বরাত দিয়ে ‘কাবা শরীফের ইতিহাস’ গ্রন্থে বলা হয়েছে: “হ্যরত ইব্রাহিম (আ.)কে জিব্রাইল (আ.) জিজ্ঞাসা করলেন, তুমি তোমার হজব্রত পালনের আহকামগুলির পরিচয় পাইয়াছ কি? হ্যরত ইব্রাহিম (আ.) বলিলেন “হা”। অর্থ রাবি বলিতেছেন যে, ঐদিন হইতেই এই ময়দানের নাম আরাফা ময়দান করা

হইয়াছে। আবার টীকায় বলা হয়েছে, হ্যরত ইবরাহিম (আ.) বলেনঃ ‘আরফতু’ অর্থাৎ “আমি পরিচয় পাইয়াছি বা চিনিয়াছি”। এ আরফতু অর্থাৎ “আমি চিনিয়াছি” শব্দ থেকেই আরাফাত শব্দের উৎপত্তি।

হাজীদের কাছে ছাড়াও আরাফাত আজ সারা বিশ্ববাসীর কাছে একটি পরিচিত পবিত্র ও জনপ্রিয় স্থান নাম।

অন্যান্য নবীগণের নাম এবং স্মৃতিময় ঘটনাকে কেন্দ্র করেও পৃথিবীর স্থানে স্থান-নাম প্রতিষ্ঠা পেয়েছে। আমাদের প্রিয় নবী হ্যরত মুহাম্মদ (সা.) ৬২২ ইস্যারী সালের ২ জুলাই শুক্রবার মক্কা থেকে মদীনায় হিজরত করে পৌছান।<sup>৪</sup> ঐ সময় পর্যন্ত মদীনার নাম ছিল ইয়াসরিব। হ্যরত মুহাম্মদ (সা.)-এর আগমনে ইয়াসরিব বাসীগণ শহরের নাম পরিবর্তন করে রাখেন ‘মদীনাতুন্নবী’ বা নবীর শহর।

এ প্রসংজে ঐতিহাসিক সৈয়দ আমীর আলী বলেন- "The People of Yathreb received the Prophet and his Meccan disciples, who had abandoned home for the sake of their faith, with great enthusiasm; and the ancient name of the city was changed to Medinat Un Nabi," The city of Prophet" or shortly Medina, which name it has borne ever since."<sup>৫</sup> এভাবেই হ্যরত আদম (আ.)-এর ধারায় শেষ নবী হ্যরত মুহাম্মদ (সা.)-এর সংশ্লিষ্টতায়ও ‘মদীনা’ নাম প্রতিষ্ঠার মাধ্যমে স্থান-নামের সূচনা হয়।

সারা পৃথিবীতে বিভিন্ন দেশে নবী পাক (সা.)-এর সংশ্লিষ্টতায় বহু স্থান-নাম হয়েছে এবং আগামীতেও হতে থাকবে ইনশাল্লাহ।

সিরিয়ার রাজধানী দামেস্কের সন্নিকটে রয়েছে ‘নবী’ নামে একটি স্থান-নাম। এ স্থানে ইমাম মুহিউদ্দীন ইয়াহইয়া আন নববী (রহ.) ৬৬১ হিজরী সালে জন্ম গ্রহণ করেন। তিনি ইমাম নববী নামে বেশী প্রসিদ্ধ। তাঁর নামটির শেষে ‘নববী’ পদবীটি ‘নবী’ নামক স্থান-নামের পরিচায়ক।<sup>৬</sup> এ ‘নবী’ নামক স্থান নামটিও শেষ নবী হ্যরত মুহাম্মদ (সা.)-এর স্মারকেই রাখা হয়। উল্লেখ্য, ইমাম নববী (রহ.) বিখ্যাত হাদিসগুলু রিয়াদুস সালেহীনসহ বহু মূল্যবান গ্রন্থের প্রণেতা।

আমাদের বাংলাদেশ বিশ্বের তৃতীয় বৃহত্তম মুসলিম জন অধ্যুষিত দেশ। এ দেশের সংস্কৃতির সাথে ইসলামের নিবিড় বন্ধন গড়ে উঠার ফলে এখনকার স্থান-নামগুলোতেও এ প্রভাব ব্যাঙ্গ হয়।

বিখ্যাত পাঞ্চাত্য মনীষী F.B. Bradley Burt তাঁর Romance of an Eastern capital (১৯০৬) নামক গ্রন্থে উপমহাদেশের স্থান-নাম বৈশিষ্ট্যে ধর্মের প্রভাবের কথা বলেন। তাঁর মতে “ভারতীয় শহরগুলোর উৎপত্তির সম্মান করলে পুনঃ পুনঃ একাপ দৃষ্টান্ত দেখা যাবে যে, কতকগুলো ক্ষুদ্র গ্রাম ক্রমেই সম্প্রসারিত হয়ে একটিমাত্র বিরাট পন্থীতে পরিণত হয়েছে এবং এই সব গ্রামের সবচেয়ে যৌটি বড়

ছিল তার উপাসনালয়ের নামে গোটা পল্লীটার নাম হয়েছে।”<sup>৭</sup>

ব্রাডলি বার্টের এ মন্তব্যের প্রতিফলন আমরা আমাদের দেশের স্থান-নামগুলোতে লক্ষ্য করে থাকি। আমাদের দেশের অনেক স্থানের নাম এ দেশে আগত ইসলাম প্রচারকগণের নাম থেকে নামকরণ হয়েছে।

প্রিয় নবী হ্যরত মুহাম্মদ (সা.) এ দেশের কেটি কোটি মানুষের অন্তরে মনমানসে সদা বিরাজ করেন। এ কারণেই জনসংস্কৃতিতেও এর প্রভাব লক্ষ্য করা যায়। বিশিষ্ট প্রাবন্ধিক গবেষক মরহুম সৈয়দ মুর্তজা আলী এ বিষয়ে মূল্যবান মন্তব্য করেছেন। তাঁর মতে “মুসলমান শাসন আমলে হ্যরত মুহাম্মদ (সা.)-এর স্মৃতিতে অনেক স্থানের নামকরণ হয়। সিলেট এবং ঢাকার ‘নবীগঞ্জ’, কুমিল্লার ‘নবীনগর’, সিলেটের ‘রসূলগঞ্জ’ এবং যশোহরের ‘মোহাম্মদপুর’-এর নামকরণ হয়েছে হ্যরত মুহাম্মদের (সা.) নাম থেকে। সিলেটে এবং ঢাকা জেলায় দুটি ‘কদমরসূল’ গ্রাম আছে। প্রবাদ আছে, হ্যরত মুহাম্মদ (সা.)-এর পদচিহ্ন এই সব স্থানে স্থাপিত হয়েছিলো।”<sup>৮</sup>

বাংলাদেশের বৃহত্তর পরিধিতে স্থান নামে হ্যরত মুহাম্মদ (সা.)-এর প্রভাব নিরূপণ বক্ষমান প্রবক্ষের অব্ধিষ্ঠ নয়। মসজিদের শহর খ্যাত বাংলাদেশের রাজধানী শহর ঢাকার স্থান-নামে হ্যরত মুহাম্মদ (সা.)-এর প্রভাব এবং সংশ্লিষ্টতা নির্ণয়ের একটি প্রয়াস চালানো হয়েছে এ লেখায়। স্থান-নাম গবেষণার প্রক্রিয়ায় প্রথমে সূচীকরণ এবং ক্রম পর্যায়ে যেসব নামগুলোর উৎপত্তির ইতিহাস লেখা সম্ভব সেগুলোর বিবরণ এখানে পেশ করা হলো। অবশিষ্টগুলো সম্পর্কেও ক্রমান্বয়ে লেখার প্রচেষ্টা অব্যাহত থাকবে।

ঢাকার স্থান-নাম গবেষণায় দেখা যায়, হ্যরত মুহাম্মদ (সা.)-এর নামে এখানকার স্থান-নামের ইতিহাস খুব প্রাচীন নয়। বৃহত্তর ঢাকাকে আলোচনায় টানলে অবশ্য এর প্রাচীনত্ব চারশো বছরের সীমানাকে ছাড়িয়ে যায়। রাজধানী শহর হিসেবে ঢাকার বয়স আগামী ২০০৮ সনে চারশো বছর পূর্ণ হবে। তবে পাকিস্তান আমলে (১৯৪৭-১৯৭১) এবং বাংলাদেশ আমলের (১৯৭২-২০০২)-এ পর্যন্ত ঢাকার স্থান-নামে হ্যরত মুহাম্মদ (সা.)-এর প্রভাব পড়েছে বেশী। অবশ্য ঘোগল আমলে এবং ইংরেজ আমলেও নবী পাক (সা.)-এর সংশ্লিষ্টতায় কিছু নামের স্মৃতি এ মহানগরী ধারণ করে আছে।

এবার ঢাকার যেসব স্থান-নামে মহানবী (সা.)-এর প্রভাব বা সংশ্লিষ্টতা রয়েছে সেগুলোর সূচীকরণ করা যাক।

১. কদম রসূল
২. হোসেনী দালান
৩. ইমামগঞ্জ

৪. পরগনা রসূলপুর
  ৫. নবীগঞ্জ
  ৬. কদম রসূল (গোওয়ারিয়া)
  ৭. মোহাম্মদপুর
  ৮. আহমদনগর (পাইকপাড়া, মীরপুর)
  ৯. আল আমিন রোড (গ্রীন রোড)
  ১০. রসূলপুর (কামরাঙ্গীর চর)
  ১১. রসূলপুর (যাত্রাবাড়ী, দনিয়া)
  ১২. মোহাম্মদিয়া হাউজিং সোসাইটি
  ১৩. আহমদ বাগ
  ১৪. আল আমিন রোড (ডেমরার কোনা পাড়ায়)
  ১৫. রসূলবাগ
  ১৬. নবীনগর
  ১৭. নবীপুর লেন
  ১৮. নবীবাগ (কামরাঙ্গীর চর)
  ১৯. মোহাম্মদিয়া হাউজিং লিমিটেড
  ২০. মোহাম্মদনগর
- সূচীভৃক্ত নামগুলো থেকে এ্যাবৎ প্রাণ তথ্যের ভিত্তিতে এবার বিষয়ভুক্ত কিছু স্থান-নামের বিবরণ পেশ করা যাক:

## ১. কদম রসূল

নারায়ণগঞ্জের বিপরীত দিকে শীতলক্ষ্যা নদীর তীরে কদম রসূল অবস্থিত। বাহারিস্তান-ই-গায়বি নামক ইতিহাস গ্রন্থের লেখক মির্জা নাথানের মতে, “এক সওদাগর কর্তৃক আরব দেশ থেকে আনিত এ পদচিহ্নটি মাসুম খাঁ কাবুলী খরিদ করে তা এখানে স্থাপন করেন।”<sup>১০</sup> ইংরেজ লেখক ব্রাডলি বার্ট তার রোমান্স অব এন ইষ্টার্ণ ক্যাপিটাল গ্রন্থে উল্লেখ করেন, “আর একটু উজানে নারায়ণগঞ্জ বাঁ হাতে রেখে এগিয়ে গেলে দেখা যাবে একটা বিরাট ফটকের মধ্যে রসূলের পদচিহ্নবাহী কদম রসূল।”<sup>১০</sup>

আবার তাওয়ারীখ-ই-ঢাকা গ্রন্থের লেখক মুনশী রহমান আলী তায়েশ বলেন, “কদম রসূলের দরগাহ নারায়ণগঞ্জের বিপরীত দিকে শীতলক্ষ্যা নদীর পূর্ব পাড়ে অবস্থিত। এটি একটি প্রসিদ্ধ দরগাহ এবং এতে রসূলুল্লাহ (সা.)-এর পদচিহ্ন রাখিত আছে। দীওয়ান মনওয়ার খান সর্বপ্রথম এ দরগাহ বাড়ি নির্মাণ করেন। তিনি দিওয়ান দুসাখান মসনদ-ই-আলা-এর প্রপোত্র।”<sup>১১</sup>



ভূগুঠ থেকে অনেক উপরে স্থাপিত 'কদম রসূল'-এর প্রবেশ দরওয়াজা।  
ছবি: সোনারগাঁও-পানাম; এশিয়াটিক সোসাইটি অব বাংলাদেশ-এর সৌজন্যে।

নবী করীম (সা.)-এর পবিত্র কদম বা পায়ের ছাপযুক্ত একটি পাথর এ স্থানে থাকার কারণেই এ স্থানের নাম হয় কদম রসূল। মীর্জা নাথানের লেখায় নামটি কদম রসূল উল্লেখ থাকায় এটি যে আরও পূর্বে স্থাপিত হয়েছে সে ধারণা করা যায়। তাওয়ারীখ-ই-ঢাকা গ্রন্থের ভূমিকার ফুটনোটে ইসাখার সেনাপতি মাসুম খান কাবুলী ১৫৮০ সালে এখানে কদম রসূল স্থাপন করেছেন বলে উল্লেখ পাওয়া যায়।

লোকেরা পাথরে পায়ের ছাপযুক্ত এ কদম রসূলকে 'নাল শরীফ' বলে থাকে এবং অনেকে এতে চুম্বন দিয়ে সম্মান প্রদর্শন করে থাকে। রাজধানী ঢাকার প্রতিষ্ঠাতা ইসলাম খান চিশতির (১৬০৮) সেনাপতি ইতিমাম খা (ইতিহাস লেখক মীর্জা নাথানের বাবা) ইন্দ্রেকাল করলে তাঁকে এ কদম রসূলে এনে সমাহিত করা হয়। ১৬২৪ সনে যুবরাজ সম্রাট শাহজাহান অঙ্গ সময়ের জন্য ঢাকায় এলে কদম রসূল পরিদর্শন করেন এবং এর খাদেমকে ৫০০ রূপী দান করেন।<sup>১২</sup> বাদশাহ শাহজাহান তনয় শাহ সুজা (১৬৩৯-১৬৬০) কদম রসূলের নামে ১৬৪২ সনে ৮০ বিঘা জমির জায়গীর দান করেন। এভাবে ঢাকার নবাব পরিবার পর্যন্ত চলে আসে রাষ্ট্রীয়ভাবে কদম রসূলের দেখাশোনার দায়িত্ব। এখনও প্রতিদিন বাংলাদেশের নানা অঞ্চল থেকে লোকজন এ পবিত্র কদম রসূল পরিদর্শনে আসেন। প্রতি বছর হ্যরত মুহাম্মদ (সা.)-এর জন্ম ও ওফাতের মাস রবিউল আউয়ালের শুরু থেকে শেষ পর্যন্ত কদম রসূলে ব্যাপক জনসমাগম ঘটে।<sup>১৩</sup>

স্থানটি উচ্চ টিলার উপর হওয়ার কারণে যোগাল আমলে দমদমা বা কামান দাগানোর প্রয়োজনে দৃঢ় হিসেবেও এটি ব্যবহৃত হবার প্রমাণ মিলে। নিবক্ষ লেখক নিজে একাধিকবার কদম রসূল পরিদর্শন করেছেন এবং এর উপর বিস্তারিত লেখাও প্রকাশিত হয়েছে।<sup>১৪</sup>

## ২. হোসেনী দালান রোড

ঢাকা সিটি কর্পোরেশনের বর্তমান ৬৩ নং ওয়ার্ডে হোসেনী দালান রোডের অবস্থান। প্রিয়নবী হ্যরত মুহাম্মদ (সা.)-এর দৌহিত্র হ্যরত ইমাম হোসেন (রা.)-এর শরণে হোসেনী দালান নামে এখানে রয়েছে একটি প্রাচীন ইমামবাড়া।

জেমস টেলর ঢাকায় 'মুসলমানদের উপাসনার স্থান' শিরোনামের আলোচনায় হোসেনী দালান প্রসঙ্গে মন্তব্য করেন। তার ভাষায়: "মুসলমানদের প্রধান প্রধান উপাসনার স্থান হলো ইন্দগাহ ও হোসেনী দালান।" তিনি ইন্দগাহ প্রসঙ্গ উল্লেখের পর বলেন: "পরবর্তীটি (হোসেনী দালান) মীর মুরাদ নামক জনেক ব্যক্তি নির্মাণ করেছিলেন বলে জানা যায়। ইনি সুলতান মুহাম্মদ আজিমের আমলে নাওয়ারাহ মহালের দারোগা পদে এবং জনপূর্ত বিষয়ক কার্যের তত্ত্বাবধানে নিযুক্ত ছিলেন।



হোসেনী দালান সম্পর্কে জনশ্রুতি এই  
যে, মীর মুরাদ স্বপ্নযোগে ইমাম  
হোসেনকে একটি 'তাজিয়াকান্না' বা  
শোকগৃহ উত্তোলন করতে দেখেন;  
ফলে তিনি বর্তমান অট্টালিকাটি গড়ে  
তোলার অনুপ্রেরণা লাভ করেন এবং  
এর নামকরণ করেন হোসেনী দালান।  
মহরমের সময় উক্ত দালানের  
আলোকসজ্জা ও পবিত্র পর্ব উপলক্ষ্মে  
গরীবদের খাওয়ানো ইত্যাদির  
ব্যায়ভাব তিনি নির্বাহ করতেন।  
তৎকালে তার দ্বারা এ জন্য যে ভাতা  
মঙ্গুর করা হয়েছিল, প্রদেশের পরবর্তী  
শাসনকর্তাগণ তা অব্যাহত রাখেন।  
বর্তমানে (১৮৩৮-৩৯) সরকার এই  
একই উদ্দেশ্যে নবাবকে বার্ষিক  
২,৫০০/- টাকা মঙ্গুর করেছেন।”<sup>১৫</sup>

হোসেনী দালান মসজিদের মিনার,  
সৌজন্যে: ড. সৈয়দ মাহমুদল হাসান;

ঢাকা দি সিটি অব এক্সেন।

হোসেনী দালান নির্মাণের পরিচয়জ্ঞাপক শিলালিপির পাঠ এরকম:

‘দার জামানে বাদশাহে বাওয়ে কার  
আঁ-আজাম উশ্বান সাহে নামদার।

সাখ্তই মাতাস্ সারা সাই ইয়াদ মোরাদ


দারসানে পানজা ওয়াদো-ওয়াবর ইয়াক হাজার।

চুঁকে নামি হাস্ত জাতে পাকে পান্ জেতান

গোষ্ঠ ই তারিখে দালানে হোসায়নি যাদগার।<sup>১৬</sup>

বিখ্যাত এ হোসেনী দালান থেকে আজও মহরম মাসে শোক মিছিল বের হয়।  
দূর-দূরান্তের থেকে সারা বছর লোকজন হ্যারত ইমাম হোসেন (রা.)-এর স্মরণে  
নির্মিত এ দালান পরিদর্শন করতে আসেন।

ঢাকার নায়েব নাজিমগণ বিখ্যাত এ হোসেনী দালানকে কেন্দ্র করে নিমতলী প্রাসাদ থেকে শোক মিছিল করে এ হোসেনী দালানে যেতেন। হোসেনী দালান সংলগ্ন ঢাকার নায়েব নাজিম গণের কবর রয়েছে।<sup>১৭</sup> পরবর্তীতে নিমতলির দিক থেকে হোসেনী দালানগামী রাস্তাটি হোসেনী দালান রোড নামে নামকরণ করা হয়।<sup>১৮</sup> এটি এখন শুধু একটি রোডের নাম নয় বরং দালান সংলগ্ন গোটা এলাকাটিও স্থান নামের মর্যাদায় অভিষিক্ত।



রূপার তৈরী (সিলভার ফিলিপ্রি মডেল) হোসেনী দালানের প্রতিরূপ;  
আজিমুশান হায়দার, এ সিটি এও ইটস সিভিক বডি।

### ৩. ইমামগঞ্জ

হ্যরত মুহাম্মদ (সা.)-এর দৌহিত্র হ্যরত ইমাম হাসান (রা.) এবং ইমাম হোসাইন (রা.)-এর শৃঙ্খল উদ্দেশ্যেই ঢাকার ইমামগঞ্জ নামটি নিবেদিত। এ সঙ্গে আজিমুশান হায়দার বলেন, “The name of Imamganj is to com-

memorize the name of Hazrat Imam Hussain and Hazrat Imam Hasan."

ঢাকার নায়ের নাজিমগণ ছিলেন শিয়া। এ কারণে তাঁরা মুহররমের অনুষ্ঠানসহ বিভিন্ন শিয়া কর্মকাণ্ডে ব্যাপকভাবে সরকারী পৃষ্ঠপোষকতা করতেন। ঢাকার কালেষ্টার কর্তৃক কলকাতার বোর্ড অব রেভিনিউতে ১৭৯৬ সালে লেখা একটি পত্রে এ গঞ্জিটি ঢাকার নওয়াব বা নায়ের নাজিমগণের অধীনে দেখা যায়। এ সময় ঢাকার নায়ের নাজিম ছিলেন নওয়াব নুসরৎ জং বাহাদুর (১৭৯৬-১৮২৩)। তিনি ঘোষণা করেন যে, ইমামগঞ্জ বাজার থেকে প্রাণ আয় ধর্মীয় পরগুলোর ব্যয়ের জন্য নির্ধারিত থাকবে।<sup>১৯</sup>

#### ৪. পরগনা রসূলপুর (নবীগঞ্জ)

“আরবী ভাষায় রিসালাত শব্দের অর্থ হলো বাণীপত্র, পয়গাম ইত্যাদি। যিনি মানুষের জন্য আল্লাহর বাণী বা পয়গাম বহন করেন তিনিই রাসূল। সহিফা বা আসমানী কিতাব যেসব নবীগণের উপর নাজিল করা হয়েছে তাঁদেরকে বলা হয় রাসূল। পৃথিবীতে আল্লাহর খলিফা বা প্রতিনিধি হিসেবে মানবজাতিকে মুক্তির দিশা দেখানোর জন্য আল্লাহর পক্ষ থেকে নবী রাসূলগণের আগমন হতো। শেষ নবী হয়রত মুহাম্মদ (সা.) ছিলেন একাধারে নবী ও রাসূল।<sup>২০</sup> আল্লাহর পক্ষ থেকে প্রেরিত শেষ রাসূল হয়রত মুহাম্মদ (সা.)-এর প্রভাব মুসলিম জনঅধ্যুষিত বাংলাদেশে ব্যাপক। এজন্য ‘আমাদের নবী’ বা ‘রাসূলল্লাহ সাল্লাল্লাহু আলাইহি ওয়াসাল্লাম’ শব্দগুলো উচ্চারণের সাথে সাথে এদেশের মানুষ হয়রত মুহাম্মদ (সা.)কেই বুঝে থাকেন। খিয়িরপুরের (বর্তমান নারায়ণগঞ্জ) নবীগঞ্জে ব্যাপকভাবে পরিচিত ‘কদম রসূল’ রসূলল্লাহ (সা.)-এর পবিত্র কদম মোবারকের ছাপযুক্ত একটি পাথরের কারণেই নামকরণ হয়েছে। এ ‘কদম রসূল’ এলাকাটি যে পরগনায় অবস্থিত তার নাম রসূলপুর। সৈয়দ মুহাম্মদ তৈফুর সাহেবের মতে, “Qadam Rasul is a pre-Moghal shrine in Dhaka district, situated by the river Lakhia, in the village called Nabiganj (opposite Khizirpur in Narayanganj) in pergonah Rasulpur.”<sup>২১</sup> ড. সিরাজুল ইসলামের মতে পরগনা বলতে বুঝায় “A revenue district within Zamindari. The Smaller units of a Pargana were termed as taraf, Joar, Mouja, etc.”<sup>২২</sup>

এ নামটি মুর্শিদকুলী খানের সময়ের পরগনা বিভাজনের সময়ের হতে পারে। ঢাকায় রসূলপুর নামে আরেকটি স্থান নাম রয়েছে কামরাঙ্গীর চর থানায়।

৫

## ৫. নবীগঞ্জ

নারায়ণগঞ্জ জেলার বিখ্যাত কদম রসূল নামের উৎপত্তি হয়েছে নবী করীম (সা.)-এর পবিত্র পা বা কদম মোবারকের ছাপযুক্ত একখানা শিলা 'নাল শরীফ' থেকে। ১৬৪২ সালে ঢাকার সুবাদার শাহ সুজা কদম রসূলের রক্ষণাবেক্ষণের খরচ মিটাতে ৮০ বিশা জমির বিরাট এলাকা জায়গীর স্বরূপ দান করেন।<sup>২৩</sup> পরবর্তীতে গোটা জনপদটি নবী পাক (সা.)-এর প্রতি শ্রদ্ধাবশতঃ নবীগঞ্জ নামে নামকরণ হয়। বর্তমানে নবীগঞ্জ একটি পৌরসভা। কদম রসূলের ঠিকানা বা অবস্থান লিখতে গিয়ে লেখা হয়: "Qadam Rasul" "Nabigonj Municipal Area, P.S. Bandor, on the eastern Bank of the river Lakhya, opposite Narayangonj"<sup>২৪</sup> তবে কদম রসূল নামটি যতটা প্রাচীন সে তুলনায় নবীগঞ্জ নামটি খুব বেশী পুরনো নয়। কদম রসূল বক্ষে ধারনকারী নামটি 'নবীগঞ্জ' হওয়া ঐ সময়ের বিদ্বান ব্যক্তিগণের সরস গবেষণা বলতে হবে।

## ৬. কদম রসূল (গেৱারিয়া)

সারা উপ-মহাদেশে বিখ্যাত খীরিরপুর (নারায়ণগঞ্জের) নবীগঞ্জে অবস্থিত কদম রসূল ছাড়াও ঢাকা শহরের গেৱারিয়াস্থ রেল স্টেশন সংলগ্ন কদম রসূল নামে একটি স্থান নাম রয়েছে। এখানে প্রিয় নবী হযরত মুহাম্মদ (সা.)-এর পায়ের ছাপযুক্ত একটি পাথর আছে এ বিশ্বাস থেকেই এলাকাটি কদম রসূল নামে নামকরণ হয়।<sup>২৫</sup> '৮৯ নম্বর ডিস্টিলারি রোড, ঢাকা-৪' এ ঠিকানায় ৫৪০ বর্গফুট আয়তনের মদ্রাসাযুক্ত কদম রসূল মসজিদ নামে এখানে একটি প্রাচীন মসজিদ রয়েছে।<sup>২৬</sup>

## ৭. মোহাম্মদপুর

"মিশ্য যারা বিশ্বাস করেছে, হিজরত করেছে, ধনপ্রাণ দিয়ে আল্লাহর পথে সংগ্রাম করেছে ও যারা আশ্রয় দিয়েছে এবং সাহায্য করেছে তারা পরম্পর পরম্পরের বন্ধু।"<sup>২৭</sup> (আল কুরআন, সূরা আনফাল, আয়াত -৭)

"তারপর সে সমস্ত লোক যারা হিজরত করেছে, তাদেরকে নিজেদের দেশ থেকে বের করে দেয়া হয়েছে এবং তাদের প্রতি উৎপীড়ন করা হয়েছে আমার পথে এবং যারা লড়াই করেছে ও মৃত্যুবরন করেছে, অবশ্যই আমি তাদের উপর থেকে অকল্যানকে অপসারিত করব এবং তাদেরকে প্রবিষ্ট করব জান্নাতে যার তলদেশে নহর সমূহ প্রবাহিত।"<sup>২৮</sup> (আল কুরআন, সূরা আল ইমরান, আয়াত ১৯৫)

স্বয়ং আল্লাহ পাক পবিত্র কুরআন মজিদে হিজরতকারীদের প্রতি তাঁর করুণা এবং যারা তাদের আশ্রয় দান করে তাদেরকে পরম্পর বন্ধুরূপে উল্লেখ করেছেন।

উপ মহাদেশে দীর্ঘ উশত বৎসর মুসলিম শাসনের পর ইংরেজদের হাতে ক্ষমতা চলে যায়। দীর্ঘ দুইশত বছরের যুন্ম নির্যাতন এবং ইংরেজদের এদেশীয় হিন্দু এজেন্টদের নির্যাতনে অতীষ্ঠ মুসলমানরা দীর্ঘ লড়াই ও আন্দোলনের মাধ্যমে ১৯৪৭ সালে পাকিস্তান নামক রাষ্ট্রের ব্যানারে স্বাধীনতা লাভের মধ্য দিয়ে

খন্দিতভাবে হলেও উপ-মহাদেশে নতুন করে মুসলিম শাসনের সূচনা করে। ভারতের শোষক ত্রাক্ষণ্যবাদীরা এ বিষয়টি কোনক্রমেই বরদাশ্ত করতে পারেনি। সে কারণেই ইংরেজদের কাছ থেকে স্বাধীনতা হাসিলের চূড়ান্তলগ্নে ১৯৪৬ ও ৪৭ সনে ভারতের মুসলিম সংখ্যালঘু অঞ্চলগুলোতে পাইকারী হারে মুসলিম হত্যা শুরু করে। ফলে পাঞ্জাবের ও অন্যান্য অঞ্চলের মুসলমানগণ তদানিস্তন পশ্চিম পাকিস্তানে এবং বিহার, উরিয়া ও কলকাতার মুসলমানগণ তদানিস্তন পূর্ব পাকিস্তানে আশ্রয় নেয়। বাংলাভাষাভাষী মুসলমানরা সারাদেশে ছড়িয়ে পড়লেও উর্দুভাষী বিহার প্রদেশের মুসলমানগণ গোত্রবন্ধভাবে এক এক এলাকায় আশ্রয় নেয়। হিজরতকারী এসব মুসলমান মুহাজিরদের ব্যাপারে আল কুরআনের নির্দেশের আলোকে সরকার ও জনগণ তাদের সহযোগিতার হাত বাড়িয়ে দেয়। তদানুষায়ী দেশের বিভিন্ন স্থানে তাদেরকে পুনর্বাসনের ব্যবস্থা করা হয়। ঢাকার মোহাম্মদপুরে তাদেরকে সরকারীভাবে পুনর্বাসনের ব্যবস্থা নেয়া হয়।<sup>২৯</sup>

আমাদের প্রিয় নবী হযরত মুহাম্মদ (সা.) ইসলাম প্রচারের স্বার্থে আল্লাহর ইশারায় স্থীয় জন্মভূমি মক্কা ত্যাগ করে মদীনায় হিজরত করেছিলেন। মদীনাবাসী তাঁর এ ত্যাগকে স্মরণীয় করে রাখার জন্য সেখানকার ইয়াসরিব শহরকে মদীনাতুন্নবী নামে নামকরণ করে। প্রিয় নবী (সা.)-এর মক্কা থেকে মদীনায় হিজরতের সেই ঐতিহাসিক ঘটনার স্মারকেই হিন্দুস্তানের বিহার থেকে নিঃহেরে শিকার হয়ে পাকিস্তানে আসা মুহাজিরদের পুনর্বাসন এলাকার নামকরণ করা হয় মোহাম্মদপুর। স্থান-নাম গবেষক অজিমুশান হায়দার মোহাম্মদপুর নামকরণ প্রসংগে বলেন, "Name given to a vast colony developed initially for the rehabilitation of displaced persons from India. Arriving out of once desolate land mass, it is now very much a part of the city. Initiated and built up through the planning of Mr. G. A. Madani it is named after Prophet Mohammad (peace be on him.)"<sup>৩০</sup>

ভারতে দীর্ঘদিনব্যাপী মুসলিম শাসনের স্মৃতিকে জাগরুক রাখার জন্য এ মোহাম্মদপুর এলাকার বিভিন্ন রাস্তার নামকরণও করা হয় সেখানকার রাজা বাদশাহগণের নামে।

মোহাম্মদপুর এলাকাটি এখন রাজধানী শহর ঢাকার একটি বর্ধিষ্ঠ এলাকা। এটি বর্তমানে একটি থানার মর্যাদায় প্রতিষ্ঠিত।

## ৮. আহমদ নগর

পাইকাপাড়া মৌজায় এক সময়ে রক্তপাড়া<sup>৩১</sup> নামে পরিচিত এলাকাটিই পরবর্তীতে আহমদ নগর নামে নামকরণ হয়। এলাকার বিশিষ্ট সমাজকর্মী মো: ছালেম উদ্দিন মাদবুর (জ. ১৯২১) ১৯৬৫ সন থেকে ইউ. পি. মেম্বর ও পরে কমিশনার হিসেবে দায়িত্ব পালন করেন। পৈত্রিক সূত্রে পাওয়া ৬০ কাঠা জমির

৪০ কাঠাই তিনি স্কুলের জন্য দান করে দেন। তাঁর দেওয়া জমিতে পাইকপাড়া প্রাইমারী স্কুল (১৯৫৮) ও তাঁর পিতার নামে বশিরউদ্দিন হাইস্কুল ও বশিরউদ্দিন মহিলা কলেজ প্রতিষ্ঠিত হয়। ছালেম উদ্দিন সাহেবের নামে গড়ে উঠে ছালেম উদ্দিন মার্কেট। ঘাটের দশকে এখানকার সমাজ নিয়ন্ত্রণ করতেন এই ছালেম উদ্দিন মাদবর, হাজী আকবর আলী (মরহুম) ও জোবেদ আলী। ১৯৬৭ সনে স্কুল স্থাপনকে কেন্দ্র করে এলাকায় গড়ে উঠে একটি ঘৃবক সমিতি। সমিতির সভাপতি ছিলেন আকাছ আলী মষ্টার ও সেক্রেটারী মো: সিরাজুল ইসলাম। সমিতির অন্যতম সদস্য ছিলেন ছালেম উদ্দিন মাদবরের ছেলে আনোয়ার হোসেন। সমিতি রণপাড়া নামটি পরিবর্তন করে এলাকার একটি নতুন নামকরণের উদ্যোগ নেয়। সদস্যগণ মোট ৯টি নাম বিবেচনার জন্য পেশ করে। যেগুলো হলো: পূর্বালী, সোনালী, আহমদপুর, ইসলামপুর, কাজলিঙ্গা ইত্যাদি। এ সময় এলাকায় বসবাসকারী রায়ের বাজার হাই ইংলিশ স্কুলের হেড মৌলভী আবদুর রকিব (জ. ১৯০০), পাগলা হজুর নামে পরিচিত, ইসলামী ঐতিহ্য অনুযায়ী আমাদের প্রিয় নবী হ্যরত মুহাম্মদ (সা.)-এর অন্য নাম আহমদ-এর সাথে নগর যোগ করে এলাকার নতুন নাম আহমদ নগর রাখার প্রস্তাৱ করেন। উপস্থিত সকলে একবাক্যে তার প্রস্তাৱে সাড়া দেয়। এভাবে সর্বসম্মতিক্রমে ১৯৬৭ সাল থেকে এলাকার নাম রাখা হয় আহমদ নগর। ৩২ পরবর্তীতে এ নামটি পৌরসভার স্বীকৃতিপ্রাপ্ত ও গেজেটভুক্ত হয়। বর্তমানে এটি ঢাকা সিটি কর্পোরেশনের ১২ নং ওয়ার্ডভুক্ত এলাকা।

## ৯. আল আমিন রোড

গ্রীন রোড থেকে পূর্বগামী আল-আমিন জামে মসজিদ পর্যন্ত রাস্তাটি আল-আমিন রোড নামে পরিচিত। ধানমন্ডি এলাকার সি. এস-১৯২ দাগের প্রায় একশ বিঘা জায়গার মধ্য ভাগে রাস্তাটির অবস্থান। বর্তমানে এটি ঢাকা সিটি কর্পোরেশনের ৫০নং ওয়ার্ডভুক্ত। ব্রিটিশ আমলে হিন্দু প্রধান এ অঞ্চলটি শায়েস্তা খানের বংশধরদের জমিদারীর আওতাধীন ছিল বলে জানা যায়। ১৯৪৭ সালে স্বাধীনতা অর্জনের পর এখানকার হিন্দুদের অনেকে অহেতুক ভারতে পাড়ি জমানোর হিড়িকের সময় উঠতি মধ্যবিত্ত মুসলিম জনগোষ্ঠী তাদের কাছ থেকে জায়গা ক্রয় করে এ এলাকায় বসতি শুরু করে। এদের মধ্যে সরকারী চাকুরিজীবি ও ব্যবসায়ী শ্রেণীর লোকজন ছিল বেশী। ১৯৬০ সালে তারাই নিজস্ব জমি দান করে এ রাস্তাটির প্রত্ন করে। তৎকালীন ইউনিয়ন পরিষদের চেয়ারম্যান এডভোকেট আলী আমজাদ খান এ রাস্তা নির্মাণে মুখ্য ভূমিকা রাখেন। এলাকার বিশিষ্ট সমাজসেবী ডা. নাসিরুদ্দিন আহমদ ও চেয়ারম্যান সাহেবের উদ্যোগে এলাকাবাসীর সহিত প্রামৰ্শক্রমে প্রিয় নবী হ্যরত মুহাম্মদ (সা.)-এর সততা ও বিশ্বস্তার পরিচয়বাহী বাল্য নাম- ‘আল-আমিন’ নামেই রাস্তার নামকরণের সিদ্ধান্ত হয়। এলাকাবাসী এ নামের প্রতি শ্রদ্ধা রেখে এলাকায় শান্তি-শৃঙ্খলা

এবং সততা ও বিশ্বস্ততার পরিবেশ বাজায় রেখেই বসবাস করছে। রাস্তাটির শেষ মাথায় অবস্থিত মসজিদটিও আল আমিন মসজিদ নামে পরিচিত। এটি গত শতকের সত্ত্বে স্থাপিত।<sup>৩৩</sup>

### ১০. রসূলপুর (কামরাঙ্গীর চর)

“আসমনীরে দেখতে যদি তোমরা সবে চাও,  
রহিমুদীর ছেট বাড়ি রসূলপুরে যাও।  
বাড়ী তো নয় পাখির বাসা—ভোনা পাতার ছানি,  
একটুখানি বৃষ্টি হলেই গড়িয়ে পড়ে পানি।”

কবি জসীম উদ্দীনের এক পয়সার বাঁশী কাব্যগ্রন্থের জনপ্রিয় কবিতা ‘আসমনী’তে রসূলপুর নামের উল্লেখ রয়েছে।<sup>৩৪</sup> এ রসূলপুর ফরিদপুর জেলায় অবস্থিত। তবে আমরা সে রসূলপুরের কথা বলছি না, আমরা বলছি ঢাকার কামরাঙ্গীর চরের রসূলপুরের কথা। বাংলাদেশের স্থান-নামের ইতিহাসে সারা দেশে রসূলপুর নামে বহু নাম রয়েছে। ঢাকার কামরাঙ্গীর চর থানার ২৩৫ ওয়ার্ডেও রয়েছে রসূলপুর নামে একটি এলাকা। মোগল আমলে ‘বাগে চাঁদ খান’ নামে পরিচিত বিশাল এলাকাটিই একসময় কামরাঙ্গীর চর নামে পরিবর্তিত হয়। সে কামরাঙ্গীর চরের এ এলাকা বাংলাদেশ আমলে নামকরণ হয় রসূলপুর নামে। এ এলাকায় বসবাসকারী বিশিষ্ট শিল্পপতি জনাব এম. রহমত আলী (এম. আর. ট্যানারীর মালিক) নানা সমাজকল্যাণমূলক কাজে জড়িত। তিনি এলাকায় একটি জামে মসজিদ স্থাপনের মূল উদ্যোক্তা। ১৯৭৭ সালের দিকে তিনি স্থানীয় গন্যমান্য লোকদের সাথে পরামর্শ করে এলাকার একটি নতুন নামকরণের সিদ্ধান্ত নেন। সেই মোতাবেক মানবতার মুক্তিদৃত রসূলে করীম সাহাল্লাহ আল-ইহি ওয়াসাল্লামের স্মৃতির স্মরণে এলাকার নতুন নামকরণ করেন রসূলপুর। অল্পদিনের মধ্যেই নামটি ব্যাপক জনপ্রিয়তা ও পরিচিতি অর্জন করে।<sup>৩৫</sup>

### ১১. রসূলপুর (দনিয়া)

যাত্রাবাড়ী থেকে দক্ষিণগামী ঢাকা নারায়ণগঞ্জ রোডের পূর্বমুখী রাস্তা দনিয়া রোডে দনিয়া বাজারের বিপরীত দিকে একটি এলাকা মহানবী (সা.)-এর নামে নামকরণ করা হয়েছে রসূলপুর।<sup>৩৬</sup> ঢাকা শহরে রসূলপুর নামে আরেকটি স্থান-নাম রয়েছে কামরাঙ্গীরচরে।

### ১২. মোহাম্মদীয়া হাউজিং সোসাইটি

ঢাকা শহরে হাউজিং সোসাইটি ব্যবসা ব্যাপক আকারে বিস্তার লাভ করে মূলত বাংলাদেশ আমলে। ১৯৪৭ সালে ইংরেজদের হাত থেকে স্বাধীনতা অর্জনের পর ঢাকা হয় পাকিস্তানের প্রাদেশিক রাজধানী। ফলে নতুন করে ঢাকা প্রাণ ফিরে পায় এবং ব্যাপকহারে জনসমাগমের ফলে নতুন নতুন বসতি গড়ে উঠতে শুরু করে।

ঢাকার ক্রমবর্ধমান লোকসংখ্যার চাপ কমানোর জন্য তখন সরকারীভাবে উত্তরা, বনানী, শ্যামলী, পল্লবী ইত্যাদি স্যাটেলাইট টাউন স্থাপন করা হয়। ১৯৭১ সালে বাংলাদেশ স্বাধীন হবার পর ঢাকা হয় একটি স্বাধীন সার্বভৌম রাষ্ট্রের রাজধানী। স্বাধীনতা লাভের অব্যবহিত পর দেশে অরাজকতা, বিশ্রঙ্খলা, লুটপাট, রাহাজানি ইত্যাদি ব্যাপকহারে বৃদ্ধি ও দুর্ভিক্ষের কারণে শহরে লোক সমাগম বেড়ে বহু নতুন বস্তির সৃষ্টি হয়। পরবর্তীতে দেশে স্থিতিশীলতা ফিরে আসার প্রেক্ষিতে সরকারী ও বেসরকারী নানা সংস্থা হাউজিং এবং রিয়েল এস্টেট ব্যবসা শুরু করে। মোহাম্মদীয়া হাউজিং সোসাইটি ব্যবসার পাশাপাশি প্রকল্পগুলোর নামকরণে ইসলামী ঐতিহ্য রক্ষারও তাগিদ অনুভব করে। বর্তমানে ঢাকার ৪৬নং ওয়ার্ডের মোহাম্মদীয়া হাউজিং সোসাইটি একটি এলাকার স্থান-নামে অভিষিক্ত।

প্রসঙ্গত বিনয়ের সাথে একটি কথা বলে রাখি যে, স্থান-নাম গবেষণা আমাদের দেশে প্রার্থিতানিক ভিত্তি লাভ না করায় আলোচনার কৌশল এবং কাঠামোগত বা পদ্ধতিগত কোন অসম্পূর্ণতা থাকতেই পারে। সকল বৌদ্ধ পাঠক, লেখক, গবেষক, অনুসন্ধিৎসুগণের সমক্ষে নিবেদন থাকবে, যেন আলোচ্য বিষয়গুলোর ব্যাপারে কোন পরামর্শ থাকলে তা অকপটে পেশ করেন। এ ধরনের পরামর্শ বা আলোচনাকে আমরা বরাবরই স্বাগত জানাই। সূচীবদ্ধ স্থান-নামগুলোর যেগুলোর উৎপত্তির ইতিহাস পেশ করা হয়েছে সেগুলোসহ অন্য যে সব স্থান-নামের সূচিকরণ করা হয়েছে সেগুলো সম্পর্কেও তথ্য সরবরাহ করলে পরবর্তীতে অবশ্যই রেফারেন্স অত্যন্ত শুরুত্বের সাথে তথ্য দাতার তথ্য-খণ্ড স্বীকার করা হবে।

### তথ্যসূত্র:

১. সৈয়দ গোলাম হসায়ন খান তাবতাবায়ী, সিয়ারে মুতাখ্বিরীন, অনুবাদ: ড. এম. আব্দুল কাদের, বাংলা একাডেমী, ঢাকা- ১৯৭৮, পৃ. ৩২২ ও ৩৫২।
২. মোহাম্মদ আশরাফুল ইসলাম, হজ্জের ইতিহাস: ঐতিহ্য ও করণীয়, দৈনিক ইত্তেফাক, ২৩ ফেব্রুয়ারী ২০০১।
৩. ফিরোজ আহমদ চৌধুরী, কা'বা শরীফের ইতিহাস, ইসলামিক ফাউন্ডেশন বাংলাদেশ, বিতীয় প্রকাশ-১৯৮৭, পৃ. ৬৭-৬৮।
৪. মুহাম্মদ সগীর উদ্দীন মিএা, চান্দ্রমাসের ইতিকথা, ইসলামিক ফাউন্ডেশন বাংলাদেশ, ১৯৭৮ পৃ. ৪৭।
৫. A Short History of the Saracens by Ameer Ali, (1st Edition 1889) 13th Edition, London Macmillan & Co. Ltd. New York St Martin's Press, 1961, p. 10-11.
৬. ইয়াম মুহিউদ্দীন ইয়াহইয়া আন্ নবৰী, রিয়াদুস সালেহীন, প্রথম খন্দ, বাংলাদেশ ইসলামিক সেটার, সপ্তম প্রকাশ-১৯৯৬, পৃ. ৯।

৭. F. B. Bradley Burt, Romance of an Eastern Capital (1906) অনুবাদ: আচ্যের  
রহস্য নগরী, রহীম উদ্দিন সিদ্দিকী, বাংলা একাডেমী, ঢাকা, দ্বিতীয় মুদ্রণ ১৯৯৭, পৃ.  
৭৪।
৮. সৈয়দ মূর্তজা আলী, বাংলাদেশের স্থানীয় নামের ইতিহাস, প্রকাশক: ম্যাগনাম  
ওপাস, ২০০১ পৃ. ১১-১২।
৯. মীর্জা নাথান, বাহারিস্থান-ই-গায়বী, ১ম খন্ড, অনুবাদ: খালেকদাদ চৌধুরী, প্রকাশক  
বাংলা একাডেমী, ঢাকা-১৯৭৮ পৃ. ১৯২, ২৮৭।
১০. F. B. Bradley Burt, Romance of an Eastern Capital, (1906), অনুবাদ: রহীম  
উদ্দিন সিদ্দিকী, বাংলা একাডেমী, ঢাকা-১৯৭৭ পৃ. ২৪৭।
১১. মুনশী রহমান আলী তায়েশ, তাওয়ারিখে ঢাকা, অনুবাদ: ডষ্টের আ. ম. ম.  
শরফুদ্দীন, ইসলামিক ফাউণ্ডেশন বাংলাদেশ, ১৯৮৫, পৃ. ১৫, ২০, ২১৮-২২১।
১২. A.B.M. Hossain, Editor, Sonargaon-Panam, Asiatic Society of  
Bangladesh, 1997, P.95.
১৩. রশীদ উদ্দিন আহমদ, কদম রচুলের ইতিহাস, প্রকাশনায়: কদম রচুল মোতওয়াফী  
কমিটি, ১৯৮৮, পৃ. ১০-১৩।
১৪. মোহাম্মদ আশরাফুল ইসলাম, নিবন্ধ-শহর ঢাকার অনেক ঐতিহাসিক স্থাপত্যের  
রূপকার বঙ্গবীর দেওয়ান মনোয়ার খান, সাংগৃহিক মুসলিম জাহান, ইন্দুল ফিতর সংখ্যা,  
২০০০ পৃ. ২৪৯-২৫২।
১৫. জেমস টেলর, টপোগ্রাফি অব ঢাকা (১৮৩৯) অনুবাদ: কোম্পানী আমলে ঢাকা,  
অনুবাদক, মোহাম্মদ আসাদজোমান, বাংলা একাডেমী, ঢাকা, ১৯৭৮ পৃ. ৬২।
১৬. যতীন্দ্র মোহন রায়, ঢাকার ইতিহাস, প্রথম প্রকাশ (১৩১৯) দ্বিতীয় সংকরণ-১৪০৬,  
শৈব্যা প্রকাশন বিভাগ, কলকাতা-৭০০ ০০৯ পৃ. ২৪৩।
১৭. Azimusshhan Haider, A City and its Civic Body, 1966, P. 7.
১৮. Azimusshhan Haider, Dacca: History and Romance in Place Names  
1967. P. 34.
১৯. Azimusshhan Haider, Dacca: History and Romance in Place Names,  
1967, P. 48.
২০. মোহাম্মদ আশরাফুল ইসলাম, আমাদের সাংবাদিকতার ঐতিহ্য, দৈনিক সংগ্রাম,  
বৰ্ষপুর্ণি সংখ্যা, ৬ মার্চ ২০০০।
২১. Syed Muhammad Taifoor, Glimpses of old Dhaka (1952) revised and  
Enlarged Second Edition (Bangladesh), published by Lulu Bilquis Banu,  
Leila Arjumund Banu, Malka Parveen Banu of 9, Eskaton garden, Dhaka, P.  
46-47.
২২. Dr. Sirajul Islam, The permanent settlement in Bengal, A study of its  
operation 1790-1829, Bangla Academy, Dacca, 1979, P.258.
২৩. রশীদ উদ্দিন আহমদ, কদম রচুলের ইতিহাস, প্রাঞ্জলি, পৃ. ১০।

২৪. A. B. M. Hussain, Editor, Sonargaon-Panam, Asiatic Society of Bangladesh, 1997 P.95, 164.
২৫. নাজির হোসেন, কিংবদন্তির ঢাকা, প্রকাশক: থ্রিস্টার কো অপারেটিভ মাল্টিপারপাস সোসাইটি লি. তৃতীয় সংস্করণ, ১৯৯৫, পৃ. ৩৭৪।
২৬. Dr. Syed Mahmudul Hasan, Dacca : The City of Mosques, Islamic Foundation Bangladesh, 1981, P. 83.
২৭. মুহাম্মদ হাবিবুর রহমান সংকলিত কোরআন সূত্র (পরিত্র কোরআনের বিষয় ভিত্তিক বিন্যাস, বাংলা একাডেমী, ঢাকা, প্রথম পুনরুৎপন্ন-১৯৯৪, পৃ. ৭৮৬ [দ্র. অবশ্য বইটিতে সূরার নাম সূরা আনআম' লেখা রয়েছে যা ভুল। সত্যিকার অর্থে হবে সূরা আনফাল-লেখক])
২৮. [পরিত্র কোরআনুল করীয়, বাংলা অনুবাদ ও সংক্ষিপ্ত তফসীর, মূল: তফসীর মারেফুল কোরআন, হ্যরত মাওলানা মুফতি মুহাম্মদ শফি (রহ.), অনুবাদ ও সম্পাদনা মাওলানা মুহিউদ্দীন খান, খাদেমুল হারামাইন, বাদশাহ ফাহদ কোরআন মুদ্রণ প্রকল্প, ১৪১৩ হি., পৃ. ২২৫।
২৯. নাজির হোসেন, কিংবদন্তীর ঢাকা, প্রকাশক আজাদ মুসলিম ক্লাব, ঢাকা, দ্বিতীয় সংস্করণ ১৯৮১, পৃ. ৬৬
৩০. Azimusshah Haider, Dacca : History and Romance in Place Names, 1967, P. 53.
৩১. ১১/১১/১৯৫৭ ইং জেলা ঢাকা সদর জয়েন্ট সাব রেজি: অফিসে সম্পাদিত ৮৮৫৪ নং দলিলেও শ্রী বীরেন্দ্রভূষণ রঙ সরকার পিতা মৃত দেবেন্দ্রচন্দ্র রঙ সরকার নামের উল্লেখ পাওয়া যায়। রঙদের দলিলে এলাকাটি পাইক পাড়া নামে উল্লেখ আছে।
৩২. জনাব মো: ছালেম উদ্দিন মাদবর (জ. ১৯২১), পিতা- বশির উদ্দিন মাদবর, জনাব মো: শামজুল আলম (জ. ১৯৪৯), পিতা- মরহুম আকরাম আলী, মো: সিরাজুল ইসলাম (জ. ১৯৪৮) পিতা মৃত মো: জোবেদ আলী, তফাজুল হোসেন (৭৫), পিতা- মো: ইদরিছ ঢাণী (এলাকার নামকরণের ফিটি-এর নোটিশকারী) সর্ব সাঁ আহমদ নগর-এর সাথে ১৪/১১/২০০১ তারিখে লেখকের সাক্ষাত্কার।
৩৩. খোদাদাদ আহমদ (চেয়ারম্যান, ইলি ড্রাগস ল্যাবরেটরী), ৩৭ আল আমিন রোড, কাঠাল বাগান, ঢাকা-এর সাথে লেখকের সাক্ষাত্কার।
৩৪. জসীম উদ্দীন, সুচয়নী, প্রকাশক: আমিন আনোয়ার, ১০ কবি জসীম উদ্দীন রোড, ঢাকা, মঠ প্রকাশ, ডিসেম্বর ২০০০, পৃ. ২২৩।
৩৫. জনাব কামরুল ইসলাম হুমায়ুন, পিতা- মৃত মৌলভী আবুল হাশেম, পশ্চিম রসূলপুর, ডাকঘর- আশরাফাবাদ, খানা-কামরাঙ্গীর চর, জেলা- ঢাকা-এর সাথে ২৫/০৯/২০০২ তারিখে লেখকের সাক্ষাত্কার।
৩৬. Dhaka City Guide map, published by Graphosman, 3/3-C, Purana Paltan, Dhaka.

# সীরাত চর্চায় ঢাকা সাহিত্য সংস্কৃতি কেন্দ্র নাসির হেলাল

বাংলাদেশের সাহিত্য সাংস্কৃতিক অঙ্গনে ঢাকা সাহিত্য সংস্কৃতি কেন্দ্র একটি পরিচিত নাম। ১৯৮৮ সালে এ প্রতিষ্ঠানটি প্রতিষ্ঠার পর থেকে সাহিত্য সভা, আলোচনা সভা, সেমিনার, নাটক, আবৃত্তি, সাংস্কৃতিক প্রতিযোগিতাসহ জাতীয় দিবসসমূহও নিয়মিত পালন করে আসছে। এ ছাড়া কেন্দ্র প্রতি বছর বিশেষভাবে সীরাতুন্নবী (সা.) উদযাপন করে থাকে। ১৯৯৪ সালে প্রতিষ্ঠানটি সীরাতুন্নবী (সা.) উপলক্ষে সাংস্কৃতিক প্রতিযোগিতার আয়োজন করে। প্রতিযোগিতার বিষয় ছিল হামদ, নাত, কবিতা আবৃত্তি ও রচনা প্রতিযোগিতা।

১৯৯৫ সালের জুলাই মাসে পৰিব্রত সীরাতুন্নবী (সা.) উদযাপন উপলক্ষে কেরাত, ইসলামী গান, আবৃত্তি, প্রবন্ধ রচনা ও স্বরচিত কবিতা এই পাঁচটি বিষয়ে ক, খ, গ ও ঘ বিভাগে প্রতিযোগিতা অনুষ্ঠানের আয়োজন করে। প্রবন্ধ রচনার বিষয় ছিল ‘আমার প্রিয় নবী’, ‘বিশ্ব মানবতার শ্রেষ্ঠতম আদর্শ হ্যরত মুহাম্মদ (সা.)’ এবং ‘সমস্যা সংকুল বিশ্ব ও মাহনবী (সা.)’।

১৯৯৬ সালের আগস্ট মাসে ঢাকা সাহিত্য সংস্কৃতি কেন্দ্র সীরাতুন্নবী (সা.) উপলক্ষে ২ দিনব্যাপী কর্মসূচী গ্রহণ করে। প্রথম দিন ছিল ১২ আগস্ট ৪৪৭, গ্রীগরোয়ের কেন্দ্রীয় কার্যালয়ে উন্মুক্ত ক্ষেত্রে ও না’তে রাসূল (সা.) প্রতিযোগিতা এবং দ্বিতীয় দিন ১৩ আগস্ট আল ফালাহ মিলনায়তনে নিবেদিত কবিতা পাঠ, আলোচনা সভা, পুরকার বিতরণী ও সাংস্কৃতিক অনুষ্ঠানের আয়োজন করা হয়।

এ বছর কেন্দ্র থেকে কবি আসাদ বিন হাফিজের সম্পাদনায় ‘সাহিত্য সংস্কৃতি’ নামে একটি সমৃদ্ধ বিশ্বনবী (সা.) সংখ্যা প্রকাশিত হয়। এ সংকলনে ১৮ টি শুরুত্বপূর্ণ প্রবন্ধ, ৫টি গল্প ও ৩২ টি উক্তীর্ণ কবিতা প্রকাশিত হয়। রাসূল (সা.)-এর জীবনের সত্য ঘটনার আলোকে রচিত ৫টি গল্প বাংলা ভাষায় প্রকাশিত কোন সীরাত সংকলনে এই প্রথম।

## সংকলনটির সূচীক্রম নিম্নরূপঃ

প্রবন্ধ: মর্যাদা ও গৌরবের উৎস মহানবী / আল্লামা মুহম্মদ ইকবাল, হ্যরত  
রাসূলুল্লাহ (সা.) ও মানবাধিকার / ড: মুহম্মদ শহীদুল্লাহ, সংক্ষারক মহানবী (সা.)  
/ কাজী দীন মুহাম্মদ, বনি কোরায়শ: বিশ্বাসঘাতকতার শাস্তি / সৈয়দ আলী  
আহসান, গদ্যে রসূল (সা.) চরিত / আবদুল মান্নান সৈয়দ, হ্যরত নবী করীম  
(সা.) প্রতি ধৃষ্টতা প্রদর্শনের শরীয়ত সম্ভত শাস্তি / মুহিউদ্দীন খান, আধ্যাত্মিক  
সাধনায় সংগীত / মোবারক হোসেন খান, ইসলামের গতিশীলতা ও ইতেহাদ /  
জুলফিকার আহমদ কিসমতী, হ্যরত মুহম্মদ সাল্লাল্লাহু আলাইহি ওয়াসাল্লাম ও  
বিশ্ব শাস্তি / জুবাইদা গুলশান আরা, আমাদের আদর্শ হ্যরত মুহম্মদ (সা.) / নয়ন  
রহমান, মহানবীর সমাজ গঠনে মসজিদের ভূমিকা / মাওলানা আবুল কালাম  
আযাদ, বদরের যুদ্ধ: হ্যরত মুহাম্মদ (সা.) এর কতিপয় জীবন্ত মুজিয়া / আ. ন.  
ম. আবদুল শাকুর, পৃথিবী দেখেছে বহুবৃক্ষী বিচ্ছিন্ন এক জীবন / খন্দকার আবদুল  
মোয়েন, ইসলাম: তত্ত্বে ও প্রয়োগে আজকের প্রেক্ষাপটে / মুহাম্মদ আবদুল  
হান্নান, ইসলামিক ক্যালিগ্রাফি: উৎস ও প্রকাশ / মুহম্মদ সাইফুল ইসলাম,  
সিলেটী নাগরী সাহিত্য: প্রসঙ্গ সীরাতুন্নবী (সা.) / মোহাম্মদ আশরাফুল ইসলাম,  
রাসূল (সা.)-এর সাহিত্য প্রীতি / বদরুল ইসলাম মুনীর ও শিশু-কিশোরদের প্রিয়  
বক্তু মুহাম্মদ (সা.)/ আরিফুল ইসলাম সোহেল।

## সাহিত্য সংকৃতি

বিম্বনবী (সা.) সংখ্যা

জানু সাহিত্য সংকৃতি কেন্দ্র



কবিতা: আগনি যেদিন এলেন পৃথিবীতে / ফজল  
শাহাবুদ্দীন, হে প্রিয় রাসূল আমার / জাহানারা  
আরজু, মদিনাতুন্নবী (সা.) / আফজাল চৌধুরী,  
জ্যোৎস্নার দরুণ পাঠে / আসাদ চৌধুরী, হে  
বিদ্যুৎকণা / মুহম্মদ নূরুল হুদা, আলোর রাসূলের  
কদম মুবারকে / আবদুল মুকীত চৌধুরী,  
রাহমাতুল্লিল আলামীন / রহুল আমীন খান, প্রশাস্তির  
ছায়া / মসউদ-উশ-শহীদ, নির্মম পুরুষ/হামিদুল  
ইসলাম, সেরা মানুষের জীবনে / মতিউর রহমান  
মল্লিক, অমিয়তম / আবদুল হাই শিকদার।

আরো কবিতা লিখেছেন: না'তে রসূল / ইসমাইল  
হোসেন দিনাজী, অপূর্ব ক্ষমা / মোহাম্মদ সাদাত  
হোসাইন, শাদা পাগড়ির শিষ / মোশাররফ হোসেন  
খান, আশেকে ইলাহী তিনি / আসাদ বিন হাফিজ,  
রাত্রি হবে শেষ / আহমদ আখতার, নাত / কাজী  
আবদুল হালিম, অচ্ছুত দিগাঞ্জলে লোকাতীত / মহসিন হোসাইন, যদি পাই

নূরানী হাওয়া / সুজাউদ্দীন কায়সার, সুয়াণের ঘ্রাণ / গোলাম মোহাম্মদ, খোদার  
রহম / গাজী এনামুল হক, অনুকৃত / নাসির হেলাল, হায় কৃষ্ণ ঘৃণার পাথর /  
সায়ীদ আবুবকর, প্রশ্ন / ফাহিম ফিরোজ, দোলা / তারিক মনোয়ার, না'ত /  
আমিন ইবনে করিম, মুক্তির চাঁদ / ওমর বিশ্বাস, কোন আলোকে / এম. সোহরাব  
আসাদ, না'ত / আবু তাহের বেলাল, প্রিয় লোক / মানসুর মুজাফিল, রাসূল (সা.)  
শ্বরণে / আর. কে. সাবীর আহমদ ও হে রসূল (সা.) / ফজলুল হক তুহিন।  
গল্প: নাঞ্চীর দরবার / মোহাম্মদ লিয়াকত আলী, যে প্রেম করেনি কেউ / হাসান  
আলীম, ভিন্ন এক ভালবাসা / সোলায়মান আহসান, অবাক সেনাপতি / কায়েস  
মাহমুদ এবং পাহাড় ভেঙ্গে গেল / সাবিন মল্লিক।

১৯৯৭ সালে সীরাতুন্নবী (সা.) উপলক্ষে কেন্দ্র জাতীয় প্রেস ক্লাবে আলোচনা সভা  
ও কবিতা পাঠের আয়োজন করে। এ আলোচনা সভায় প্রধান অতিথি হিসেবে  
উপস্থিত ছিলেন সুপ্রীম কোর্টের আপীল বিভাগের তৎকালীন বিচারপতি মোহাম্মদ  
আবদুর রউফ। অন্যান্যের মধ্যে বক্তব্য রাখেন আবদুল কাদের মোল্লা, এরশাদ  
মজুমদার, ব্যারিস্টার আবদুর রাজ্জাক, ড: হাসানুজ্জামান, মাওলানা আবুল কালাম  
আজাদ ও কবি মতিউর রহমান মল্লিক। কবিতা পাঠের আসরে সভাপতিত্ব করেন  
বর্তমান বাংলা সাহিত্যের নন্দিত কবি আল মাহমুদ।

১৯৯৮ সালে কেন্দ্র সীরাতুন্নবী (সা.) উপলক্ষে মাসব্যাপী কর্মসূচী হাতে নেয়।  
এর মধ্যে ছিল সপ্তাহব্যাপী ইসলামী ক্যালিগ্রাফি প্রদর্শনী, প্রদর্শনীটি ২৬ জুলাই  
থেকে ২ আগস্ট পর্যন্ত জাতীয় জাদুঘরের লবীতে অনুষ্ঠিত হয়। ক্যালিগ্রাফি  
প্রদর্শনীর উদ্বোধন করেন জাতীয় অধ্যাপক সৈয়দ আলী আহসান (১৯২২-  
২০০২)। প্রদর্শনীতে অংশ নেন শিল্পী শামসুল ইসলাম নিজামী, আবু তাহের,  
সাইফুল ইসলাম, ইব্রাহীম মন্ডল এবং আরিফুর রহমান। উল্লেখ্য যে,  
বাংলাদেশের ইতিহাসে এটিই প্রথম ইসলামী ক্যালিগ্রাফি প্রদর্শনী।

এ ছাড়া আলোচনা সভা, প্রকাশনা উৎসব, কবিতা পাঠের আসর, সাংস্কৃতিক  
পরিবেশনা ও ভিডিও প্রদর্শনীও অনুষ্ঠিত হয়।

কেন্দ্রের পক্ষ থেকে কবি গোলাম মোহাম্মদ (বর্তমানে মরহুম, মৃ. ২২ আগস্ট,  
২০০২) এর সম্পাদনায় ‘সীরাতুন্নবী (সা.) ৯৮ আরক’ প্রকাশিত হয়। এ  
গুরুত্বপূর্ণ আরকে কবি গোলাম মোহাম্মদ যে সম্পাদকীয় লিখেছিলেন তার মূল  
অংশটুকু উন্মুক্ত করাই। তিনি লিখেছেন :



‘আলিফ হে মীম দাল এই চার অক্ষরে যে নাম।

সে নামই তো আসমানী তারিফের পবিত্র কালাম।

সর্বশ্রেষ্ঠ মহামানব, শ্রেষ্ঠতম নবী ও রাসূল হযরত মুহাম্মদ (সা.)-এর আগমন পৃথিবীর ইতিহাসে একটি তাৎপর্যপূর্ণ ঘটনা। বাতিল চিত্তা, মত ও পথের বিরুদ্ধে ইসলামের শ্রেষ্ঠত্ব, বিজয় এবং প্রতিষ্ঠার জন্য তাঁর আগমন। তিনি বিশ্বের রহমত স্বরূপ রাহমাতুল্লিল আলামীন। কী অঙ্গকার ছিল আমাদের এই পৃথিবীতে। পাশবিক মানুষের কর্দম আচরণ, হিংসা-বিদ্রে-ঘৃণার কর্দম দুঃসহ ও কলঙ্কিত-শংকিত

করেছিল সুস্থতাকে।

পাপের অঙ্গকারে পথ পাছিল না বোধের সৌকর্য। তখনি তিনি এলেন বরকতের পরশ নিয়ে। আজো সেই শুন্দতার শতধারা সিঙ্গ করছে রিঙ্গ-নিঃস্ব মানবতাকে। সেই আতরের সুস্থান আজো বিশ্ব মানবের চেতনায় দ্বিষ্ঠি ছড়ায়। তার ধৰ্মনি আমাদের শ্রবণকে আন্দোলিত করে রবিউল আউয়াল মাস এলেই। আমরা সেই পরম পুরুষের কাজ, নির্দেশ পছন্দের শরণেই আমাদের যাবতীয় লিঙ্গতাকে সংযুক্ত করতে চাই। তিনি শ্রেষ্ঠতম ভালবাসা- তাঁর অনুসরণের মধ্যেই রয়েছে মানবতার মুক্তি ইহ ও পরকালীন সফলতা।

গৃহার্থ অবেষণের কৌতুহল মানুষের চিরকালের। অতি প্রাচীনকাল থেকেই তাই সৃষ্টিশীলতা, সৌন্দর্য ও বৃদ্ধিবৃত্তি প্রশংসা পেয়েছে ব্রাতাবিকভাবেই। ইসলামের শাশ্঵ত জীবন চেতনার মধ্যেও রয়েছে এর উৎসাহ ও বিশ্বয়কর প্রেরণা। চারুবাক ও প্রকাশের কুশলতা অভিনন্দিত এখানে। পবিত্র কুরআনের বাণীভঙ্গি, ভাষা ও প্রকাশের মধ্যে যেমন আশ্চর্য সমোহন রয়েছে; তেমনি মহানবী (সা.) তাঁর সাহাবীগণ, সঙ্গী-সাথীদের মধ্যেও লক্ষ্য করা যায় কবিতার প্রতি গভীর আগ্রহ বা কাব্যকৃতি। যেহেতু ইসলাম পরিপূর্ণ শ্রেষ্ঠ জীবন ব্যবস্থা; সেহেতু আধুনিক জীবন জিজ্ঞাসার যাবতীয় ক্ষেত্রেই রয়েছে তার স্বচ্ছ, স্পষ্ট ও মনের মুঠকর অবস্থান। ঢাকা সাহিত্য সংস্কৃতি কেন্দ্র সূশীল সাহিত্য ক্ষেত্রে একটি ইতিবাচক প্রচেষ্টা চালিয়ে যাচ্ছে দীর্ঘ বছর যাবত। রবিউল আউয়াল উপলক্ষে মাসব্যাপী নানাবিধি

কর্মসূচীর পাশাপশি সংকলন প্রকাশের সিদ্ধান্ত নিয়েছি আমরা। আমরা আমাদের গভীর ভালবাসা নিয়ে এই ক্ষুদ্র আয়োজনকে রাসূলের (সা.) শানে তুলে ধরছি। রাসূল (সা.)-এর কাব্যদর্শন, তাঁকে নিবেদিত সাহাবায়ে কেরামের কবিতা, সেই ধারাবাহিকতায় বর্তমানের একগুচ্ছ তারুণ্যদীপ্ত কাব্যকুসুম ও আলোকোজ্জল গল্প তুলে ধরার চেষ্টা করলাম। রাসূল (সা.)-এর কবি হাসসান বিন সাবিত তাঁর কবিতায় বলেছেন- ‘নবীর ছোঁয়াচ পেয়ে এ কবিতা অমরত্ব পাবে’। আমরাও মনে করি আমাদের আয়োজন ক্ষুদ্র হলেও সেই বরকতময় নামের আতর তাকে মহিমান্বিত করবে।

উদ্বৃত্ত সম্পাদকীয় থেকে মরহুম কবি গোলাম মোহাম্মদ সমক্ষে আমাদের নিকট অন্তত চারটি বিষয় স্পষ্ট হয়ে উঠে; (১) ইসলামের প্রের্তৃ, বিজয় এবং প্রতিষ্ঠা অর্থাৎ আল্লাহর সার্বভৌমত্ব প্রতিষ্ঠায় নিবেদিত প্রাণ; (২) রাসূল (সা.)-এর প্রতি নিঃসঙ্কোচ আনুগত্য; (৩) ঢাকা সাহিত্য সংস্কৃতি কেন্দ্র বা সাংগঠনিক কাজের ব্যাপারে অকৃষ্টচিত্ত এবং (৪) গদ্য লেখাতেও তিনি দক্ষ ছিলেন।

মাত্র ৪ ফর্মার এ ক্ষুদ্র সংকলনে অনেক শুরুত্বপূর্ণ রচনা অস্তর্ভুক্ত করা হয়েছে। বিন্দুর মধ্যে সিঙ্গুল বলা যায়। এতে আছে:

কবিতা সম্পর্কে রাসূলুল্লাহ (সা.) এর হাদীস, সাহাবীদের (রা.) কবিতা। এতে আছে: আশ্বাস / হ্যরত আবু বকর (রা.), সত্য নবী / হ্যরত ওমর ফারুক (রা.), পদপ্রদর্শক / হ্যরত উসমান ইবনে মায়উন (রা.), এই তরবারি / হ্যরত আলী ইবনে আবু তালিব (রা.), আলোক বর্তিকা / হ্যরত হামজা (রা.), নাত / হ্যরত ফাতেমাতুয় যোহরা (রা.), হিদায়াতের আলো / হ্যরত আবদুল্লাহ ইবনে রাওয়াহা (রা.), তোমার তারিফ / হ্যরত হাসসান বিন সাবিত (রা.), আল্লাহর নূর / হ্যরত কাব বিন যুহাইর (রা.)।

এরপর নিবেদিত কবিতায় আছে: ফাতেহা-ই দোয়াজ্দহম (আবির্ভাবের অংশ বিশেষ) / কাজী নরজরুল ইসলাম, সিরাজাম মুনীরা (সা.) (অংশ বিশেষ) / ফরহুন্দ আহমদ, আহমদ / আবদুস সাত্তার, হ্যরত মোহাম্মদ / আল মাহমুদ, আর এক সূর্যের গান / মতিউর রহমান মল্লিক, পূর্ণতার আলো / ইসমাইল হোসেন দিনাজী, তোমার আবির্ভাব / হাসান আলীম, তোমার কথাই মনে পড়ে / সোলায়মান আহসান, প্রেমের নায়ক / আসাদ বিন হাফিজ, নাতিয়া / মোশাররফ হোসেন খান, তোমার পথে চলতে গেলেই / নাসির হেলাল, চোখে আমার ঐ মদীনা / আবুল হোসাইন মাহমুদ, ভালবাসার জ্ঞানি / মুর্শিদ-উল-আলম, শব্দহীন হাতছানি / নিজাম সিদ্দিকী, হেরার শুহায় / ওমর বিশ্বাস, মহা বিস্ময় / মৃধা আলাউদ্দিন, পেলব বৃষ্টিতে / নাইম মাহমুদ, মাহবুব / খালিদ সাইফুল্লাহ, শুধু

আপনাকে ভুলে থেকে / নোমান মুশাররফ, শুন্দিত মানুষের দীপ্তি / কাজী আবদুর  
রহীম ও এক্সে / আহসানুল ইসলাম বাবুল ।

এরপর সূচিকর্মে রয়েছে লৃৎফর রহমান ফারুকী অনুদিত উষ্টর মুহাম্মদ ইকবালের  
‘বিশ্বনবীর (সা.) কাব্য সমালোচনা’ শীর্ষক একটি বিশেষ প্রবন্ধ । আর প্রবন্ধের  
তালিকায় আছে: ইসলামের দৃষ্টিতে কবি ও কবিতা- মুহাম্মদ আবদুল মাবুদ ও  
বদেল নাও জীবনের ক্ষেত্রে- শাহীন হাসনাত- এর দৃষ্টি চমৎকার প্রবন্ধ ।

রফিক মুহাম্মদের লেখা ‘সত্য তুমি সুন্দর’ শিরোনামের সীরাত কেন্দ্রিক একটি গল্প  
এ সংকলনের বিশেষত্ব বাড়িয়ে দিয়েছে ।

সর্বশেষে রয়েছে শরীফ বায়জীদ মাহমুদের গ্রন্থিত ও নির্দেশিত বিশেষ  
আলেখ্যানুষ্ঠান । কলেবরে ছোট হলেও সীরাত স্মারকের ইতিহাসে এ স্মারকটি  
অত্যন্ত গুরুত্বপূর্ণ বলে আমরা মনে করি ।

১৯৯৯ সালে ঢাকা সাহিত্য সংস্কৃতি কেন্দ্র সীরাতুন্নবী (সা.) উপলক্ষে মাসব্যাপী  
কর্মসূচী হাতে নেয় । যার মধ্যে ছিল সাংস্কৃতিক প্রতিযোগিতা, নির্বেদিত কবিতা  
পাঠ, আলোচনা সভা, সাংস্কৃতিক অনুষ্ঠান, ইসলামী ক্যালিগ্রাফি প্রদর্শনী ও  
পুরস্কার বিতরণী সভা ।

জাতীয় জাদুঘরের নবীতে ১৮ জুলাই থেকে ২৮ জুলাই একক প্রদর্শনী অনুষ্ঠিত  
হয় । প্রদর্শনীতে ছিল ২৪ টি জলরঙে আঁকা ও ২৮ টি তেলরঙে আঁকা মোট ৫২  
টি দৃষ্টি নম্বন ক্যালিগ্রাফি । এর মধ্যে আবার ১৬ টি ছিল নিসর্গ চিত্র ।

প্রদর্শনীটি উদ্বোধন করেন জাতীয় অধ্যাপক সৈয়দ আলী আহসান । প্রতিদিন  
বিপুল সংখ্যক দর্শক প্রদর্শনী পরিদর্শন ও উপভোগ করেন । এ উপলক্ষে প্রদর্শিত  
৫২ টি ক্যালিগ্রাফির ছবি সংগ্রহিত একটি সুভ্যনির প্রকাশ করা হয় ।

২০০০ সালেও কেন্দ্র সীরাতুন্নবী (সা.) উদ্যাপন উপলক্ষে মাসব্যাপী ব্যাপক  
কর্মসূচী গ্রহণ করে । ইসলামী সাংস্কৃতিক প্রতিযোগিতা, সেমিনার, আলোচনা  
সভা, কবিতা পাঠের আসর, ক্যালিগ্রাফি প্রদর্শনী, সাংস্কৃতিক অনুষ্ঠানসহ বিভিন্ন  
কর্মসূচী পালনের মধ্য দিয়ে মাসটি উদ্যাপন করে ঢাকা সাহিত্য সংস্কৃতি কেন্দ্র ।  
ইসলামী সাংস্কৃতিক প্রতিযোগিতায় এ বছরের বিশেষত্ব ছিল ঢাকা মহানগরীকে ৪ টি  
অঞ্চলে বিভক্ত করে অঞ্চল ভিত্তিক প্রতিযোগিতা এবং বিজয়ীদের পুরস্কৃত করা ।  
এরপর অঞ্চলভিত্তিক বিজয়ীদের নিয়ে চূড়ান্ত প্রতিযোগিতা ও পুরস্কার প্রদান ।

২০ জুলাই তারিখ সকাল ১০ টায় জাতীয় জাদুঘর মিলনায়তনে অনুষ্ঠিত হয়  
ইসলামী চিত্রকলা ও ক্যালিগ্রাফীর ওপর জাতীয় সেমিনার । চট্টগ্রাম আর্ট  
কলেজের প্রতিষ্ঠাতা শিল্পী সবিহ-উল-আলমের সভাপতিত্বে অনুষ্ঠিত এ সেমিনারে

প্রধান অতিথি ছিলেন শিল্পকলা একাডেমীর সাবেক মহাপরিচালক ড: মোহাম্মদ সিরাজুল ইসলাম, বিশেষ অতিথি ছিলেন ঢাকাস্থ ইরান দূতাবাসের কালচারাল কাউন্সিলর শাহাবুদ্দীন দারাই। আলোচনা করেন শিল্পী আবদুস সাত্তার, ড: নাজমা খান মজলিস, নাট্যকার আরিফুল হক, শিল্পী সাইফুল ইসলাম, শিল্পী ইব্রাহীম মণ্ডল ও কবি গোলাম মোহাম্মদ (মৃ. ২২ জুলাই, ২০০২)।

২০ জুন থেকে ২ জুলাই পর্যন্ত ১৫ দিনব্যাপী জাতীয় জাদুঘরের ল্যাটে ক্যালিগ্রাফী প্রদর্শনীয় আয়োজন করা হয়। এতে ৬ জন প্রখ্যাত শিল্পীর শিল্পকর্ম প্রদর্শিত হয়। এরা হলেন: শিল্পী অধ্যাপক ড. আবদুস'সাত্তার, শিল্পী সাইফুল ইসলাম, শিল্পী ইব্রাহীম মণ্ডল, শিল্পী আরিফুর রহমান, শিল্পী আমিরুল হক ও শিল্পী মাহবুব মুশিন্দ। এবারের প্রদর্শনী উদ্বোধন করেন বরেণ্য শিল্প সমালোচক ড: মোহাম্মদ সিরাজুল ইসলাম।

জাতীয় প্রেসক্লাব মিলনায়তনে কবি আফজাল চৌধুরীর সভাপতিত্বে কবিতা পাঠের আসর অনুষ্ঠিত হয়। এতে প্রধান অতিথি হিসেবে উপস্থিত ছিলেন কবি আল মাহমুদ। কবিতা পাঠের শুরুতে স্বাগত বক্তব্য দেন কবি গোলাম মোহাম্মদ (মরহম)। সারাদেশ থেকে আগত শতাধিক কবি রাসূল (সা.) কে নিবেদন করে স্বরচিত কবিতা পাঠ করেন।

সীরাতুন্নবী (সা.) ২০০০ উপলক্ষে কবি আসাদ বিন হাফিজের সম্পাদনায়



প্রকাশিত হয় 'সাহিত্য সংকৃতি' সীরাতুন্নবী (সা.) সংখ্যা ২০০০' শিরোনামের ২০০ পৃষ্ঠার একটি মূল্যবান সংকলন। সংকলনের সম্পাদনা পরিষদে আছেন আসাদ বিন হাফিজ, শরীফ আবদুল গোফরান, হাসান আলীম, মোহাম্মদ আশরাফুল ইসলাম, নাসির হেলাল, গোলাম মোহাম্মদ, জাকির আবু জাফর, রফিক মোহাম্মদ ও কামরুল ইসলাম হমায়ুন। যাতে ১৪ টি অত্যন্ত মূল্যবান প্রবন্ধ, ১ টি গল্প, ৩৭ টি কবিতা, কেন্দ্রের বিভিন্ন বিষয়ের তথ্যবহুল রিপোর্ট সন্নিবেশিত হয়।

প্রকাশিত প্রবন্ধ সমূহ: নবী মুহাম্মদ (সা.)-এর সমাজ বিপ্লব / আববাস আলী খান, নারীর মর্যাদা ও অধিকার প্রতিষ্ঠায় মহানবী (সা.) / হাফেজা আসমা খাতুন, ইসলামী দাওয়াতের তামুদুনিক কর্মসূচী / আবু ফয়সল, পোষ্ট মডার্নিজম: মহানবীর (সা.) আদর্শ প্রেক্ষিত সাহিত্য-সংস্কৃতি / মুহাম্মদ আবদুল হাস্রান, হাদীসের আলোকে কবি ও কবিতা / মতিউর রহমান মল্লিক, ইসলামী সংস্কৃতির কালজয়ী ভূমিকা / মুহাম্মদ নূরুল হুদা, রাসূল (সা.) প্রেমে গোমরাহীতা ও আমাদের কর্তব্য / মো: আবদুল রহীম খান, রাসূলুল্লাহ (সা.)-এর শিশু প্রীতি / শরীফ আবদুল গোফরান, রবিউল আউয়াল এলে তোমারই গান গাই / শরীফ বায়জীদ মাহমুদ, বিশ্বব্যাপী নারী মুক্তি / কাজী তাবাসসুম, ক্যালিগ্রাফি: ইসলামী শিল্পকলার গোড়ার কথা / ইব্রাহীম মন্তুল, রাসূলের দাওয়াত ও আজকের সমাজ / মো: এনামুল করীম, সীরাত চর্চায় বিভিন্ন প্রতিষ্ঠান ও প্রকাশনা মাধ্যম / নাসির হেলাল।

এ সংখ্যার বিশেষ আকর্ষণ ছিল কবি হাসান আলীমের সীরাত কেন্দ্রিক গল্প ‘ও সুগন্ধি কুসুম ও শীতলতা’।

কবিতাক্রম হল: নতুন দুনিয়া / আফজাল চৌধুরী, স্রষ্টার ও সৃষ্টির ভাষা / আল মুজাহিদী, বিশ্বাস / ফজল এ-খোদা, আনন্দ অশ্রুনীরে / সৈয়দ শামসুল হুদা, বাস্তবতা ও জিজ্ঞাসা / আবদুল মুকীত চৌধুরী, সালাম মুহাম্মদ (সা.) / জাহাঙ্গীর হাবীবুল্লাহ, চাই পবিত্র আশীর / মসউদ-উল-শাহীদ, অন্তর্হীন উজ্জ্বাসে ফেটে অনন্ত কল্যাণ / সুজাউদ্দিন কায়সার, আশ্চর্য দ্যোতনায় সম্মুখে / মহসিন হোসাইন, আমার রাসূল (সা.) / মুন্তাফা মাসুদ, শাফায়াত চাই / শেখ তোফাজ্জল হোসেন, আরুতি / সোলায়মান আহসান, মুহাম্মদ (সা.) / মোশাররফ হোসেন খান, মহানবীর স্তুতি / ফারুক নওয়াজ, সবুজের শ্পর্শ / ইসমাইল হোসেন দিনাজী, অন্তত প্রকাশ / খালেক বিন জয়েনউদ্দীন, আলোর ফুল / দেলওয়ার বিন রশিদ, পড়া হলো তারপর / গোলাম মোহাম্মদ, ফলুধারার মত / আহমদ আখতার, নেতা তিনিই সেরা / আসলাম সানী, আলোকের প্রত্যাশায় / মহিউদ্দিন আকবর, মিথ্যার পাশে দাঁড়ানো মানুষ / রহীম শাহ, তিনি এলেন, সাক্ষ্য দিলেন / রেজা রহমান, অন্তর্হীন রবি / শাহাবুল্লিন আহমদ, অনুসারী আমি / বেগম শামসুয় জাহান নূর, বন্দীর কান্না / খান মুহাম্মদ শিহাব, আমার প্রিয় নবী (সা.) / সৈয়দ নূরুল আউয়াল তারামিএগা, সমর্পিত শব্দরাজি / আবুল হোসাইন মাহমুদ, নাত / জাকির আবু জাফর, তোমার মহিমা / নিজাম সিন্দিকী, রঙিন হলে সেই আলোতে / রফিক মুহাম্মদ, তুমি নাই তবু তুমি / ওমর বিশ্বাস, প্রার্থনার ব্যাস বাক্য / মৃধা আলাউদ্দিন, তোমার উপমা / আলমগীর হসাইন, মহা সুন্দর সেই ফুল / জহীর

হায়দার, বালির বুকে সবুজ / সিরাজ মুহাম্মদ ও রাসূল নামে / অঞ্জন শরীক।  
সংকলনটির প্রচ্ছদ একেছেন শিল্পী ইব্রাহীম মন্ডল এবং অঙ্গসজ্জা করেছেন কবি  
গোলাম মোহাম্মদ। সংকলনটি হাতে নিলেই কবি গোলাম মোহাম্মদের স্বত্ত্ব  
ছোঁয়া অনুভব করা যাবে।

২০০১ সালেও সীরাতুন্নবী (সা.) উপলক্ষে ঢাকা সাহিত্য সংস্কৃতি কেন্দ্র মাসব্যাপী  
কর্মসূচী গ্রহণ করে। এর মধ্যে রচনা প্রতিযোগিতা, ইসলামী সাংস্কৃতিক প্রতিযোগিতা,  
ক্যালিগ্রাফির ওপর জাতীয় সেমিনার, ১০ দিনব্যাপী ক্যালিগ্রাফি প্রদর্শনী, আলোচনা  
সভা, কবিতা পাঠের আসর, সাংস্কৃতিক অনুষ্ঠান ও নাটক মঞ্চায়ন।

জাতীয় যাদুঘরের আর্ট গ্যালারীতে ২ জুন থেকে ১২ জুন ২০০১ পর্যন্ত ১০  
দিনব্যাপী ১০ জন শিল্পীর দৃষ্টিনন্দন ক্যালিগ্রাফি প্রদর্শিত হয়। অংশগ্রহণকারী  
শিল্পীরা হলেন: শিল্পী আবদুস সাত্তার, সাইফুল ইসলাম, ইব্রাহীম মন্ডল, আমিরুল্ল  
হক, লে. কর্ণেল (অব) রফিউল ইসলাম, মাহবুব মুর্শিদ, শহিদুল্লাহ এফ বারী,  
মোহাম্মদ মোনাওয়ার হোসাইন, মুহাম্মদ আব্দুর রহীম ও মোবাক্সির মজুমদার।  
এ প্রদর্শনিতে বিচিত্র মুখী ৭৬ টি শিল্প কর্ম প্রদর্শিত হয়।

প্রদর্শনী উদ্বোধন করেন জাতীয় অধ্যাপক সৈয়দ আলী আহসান। উদ্বোধনী  
অনুষ্ঠান উপলক্ষে জাদুঘরের শিশু মিলনায়তনে অনুষ্ঠিত আলোচনা সভায়  
সভাপতিত্ব করেন শিল্পী সবিহ উল আলম।

এবাবে আরো সুসজ্জিত আরো সমৃদ্ধ লেখা নিয়ে প্রকাশিত হয় ‘সাহিত্য সংস্কৃতি  
সীরাতুন্নবী (সা.) সংখ্যা ২০০১’ শিরোনামের স্মারকটি। আসাদ বিন হাফিজ

সম্পাদিত ৩২২ পৃষ্ঠার এ বিশালাকার  
স্মারকটির কভার ডিজাইন করেন কবি  
গোলাম মোহাম্মদ। স্মারক সম্পাদনা  
পরিষদে আছেন আসাদ বিন হাফিজ,  
নাসির হেলাল, মোহাম্মদ আশরাফুল  
ইসলাম, হাসান আলীম, গোলাম মোহাম্মদ,  
শরীফ আবদুল গোফরান, জাকির আবু  
জাফর, রফিক মোহাম্মদ ও কামরুল ইসলাম  
হুমায়ুন।

এ স্মারকের সূচীকরণের প্রথমেই আছে-  
আসাদ বিন হাফিজ অনুদিত সাহাবী কবি  
হাস্সান বিন সাবিতের (রা) দীর্ঘ কবিতা।  
এরপর কবি তালিম হোসেনের দু'টি  
অপ্রকাশিত হামদ ও নাত। প্রবক্ষের



চৰকাৰী সংস্কৃতি সংখ্যিত ফেন্স

তালিকায় আছে ১৫ টি গুরুত্বপূর্ণ প্রবন্ধ, এরপর ২ টি গল্প, ১ টি ভ্রমণ কাহিনী, ৪৫ টি কবিতা ও কেন্দ্রের ৩ টি প্রতিবেদন। কেন্দ্রের সেক্রেটারী কবি আসাদ বিন হাফিজ সম্পাদিত এ দৃষ্টিনবন্দন ও তথ্যবহুল সীরাত সংখ্যাটির কভার ডিজাইন করেছেন মরহুম কবি গোলাম মোহাম্মদ। জুন ২০০১-এর প্রকাশিত সংখ্যাটি যে সব প্রবন্ধ ছাপা হয়েছে: মহানবীর (সা.) ন্যায়-নীতি ও মানবতাবোধ / সৈয়দ আলী আহসান, বাংলা সাহিত্যে রাসূল জীবনী / শাহাবুন্দীন আহ্মদ, বাংলাদেশের সাংস্কৃতিক বিনির্মাণে মহানবীর আদর্শের ঐতিহাসিক পর্যালোচনার একটি প্রস্তাবনা / মোহাম্মদ আবদুল মান্নান, মহানবীর আদর্শের দর্পণে দারিদ্র বিমোচন / জুলফিকার আহমদ কিসমতী, সীরাত: বিশ্লেষণ মূলক আলোকপাত / ড: আবদুল ওয়াহিদ, সাহিত্যে রাসূল (সা.)-এর অবদান / উচ্চর আ.ছ.ম. তরিকুল ইসলাম, একুশ শতকের ক্যালিগ্রাফি শিল্প: শিল্পীদের করণীয় / ইত্রাহীম মন্তল, বাঙালী মুসলমানের মাতৃভাষা চর্চার মূল সীরাত সাহিত্য / মোহাম্মদ আশরাফুল ইসলাম, বিশ্বনবী (সা.) জীবনপঞ্জী / সিদ্ধিক জামাল, আলোর রাসূলের (সা.) আলোর ঝলক / ইকবাল কবীর মোহন, সুন্দর বিরুদ্ধে মহানবীর সংগ্রাম / মুহাম্মদ নূরুল হুদা, বাংলা ভাষায় রাসূল (সা.) বিষয়ক প্রচ্ছেষ্টা / মো: আবদুর রহীম খান, চাই তোমার সাফায়াত / কাজী তাবাস্সুম ও ইসলামী ক্যালিগ্রাফী: প্রেক্ষিত বাংলাদেশ / মোহাম্মদ আবদুর রহীম।

গল্প দুটি হল: চুমুকে চুচুক সোনা / হাসান আলীম এবং মুক্তির শ্লোগানে / মোহাম্মদ লিয়াকত আলী। ভ্রমণ কাহিনী 'নবীর দেশের স্মৃতি' লিখেছেন সাইফুল্লাহ মানুজুর।

আর কবিতাগুলো হলো: মরুর গোলাপ / সৈয়দ শামসুল হুদা, শ্রেষ্ঠ রাসূলের জন্য / আবদুল মুকীত চৌধুরী, আয় রাসূলের পথে চলি / মতিউর রহমান মল্লিক, সনেট / মহসিন হোসাইন, আলোর ফুল / হোসেন মাহমুদ, আপনার নাম / মসউদ-উশ-শহীদ, সালাম তাঁকে / জাহাঙ্গীর হাবীবুল্লাহ, স্বরণ / আশরাফ আল দীন, যেনবা নৃহের নৌকা / শেখ তোফাজল হোসেন, ভাঙেনি রাসূল (সা.) / মোশাররফ হোসনে খান, নাতে রাসূল / নূরুল ইসলাম মানিক, আঁধার ধোয়া আলোয় / ইসমাইল হোসেন দিনাজী, কাওসার তাঁর হাতে / গোলাম মোহাম্মদ, হেরার দুয়ার / শরীফ আবদুল গোফরান, তোমার ফুলের সৌরভ / রেজা রহমান, তোমাকে সালাম / লিলি হক, নাত এ রাসূল (সা.) / আহমেদ কায়সার, মন করো উজ্জ্বলা / মহিউদ্দিন আকবর, রাসূল পাকের শানে / রহীম শাহ, মহোত্তম পুরুষ / জাকির আবু জাফর, তিনি আল্লাহর প্রিয় রাসূল / মমতাজ মহল মুক্তা,

তুমি এলে / রফিক মুহাম্মদ, মহান পুরুষ এক / ওমর বিশ্বাস, আলোর উপর  
আলো চাঁদ / আল হাফিজ, সোনালী আলো চাঁদ / আমিন আল আসাদ, চাই না  
এ সাজ / নিজাম সিদ্দিকী, ইয়ানবী আস সালাম / আলতাফ হোসাইন রানা,  
জোতির্ময় / জামান সৈয়দী, গন্তব্যের সমান্তি / আবু বকর মুহাম্মদ সালেহ, ছালাম  
ভেজে ফেরেন্টায় / শাহাবুদ্দিন আহমদ, নবী ও কবি / ওমর আল ফারুক, নাত-  
ই-রাসূল (সা.) / সৈয়দ নূরুল্লাহ আউয়াল তারা মিএও, তোমাকে সালাম / ইয়াকুব  
আলী বিশ্বাস, দরদ / রায়হান সায়ীদ, লিমেরিক / মো: আল আমিন, সত্য, হঁ  
সত্য / ফজলুল হক তুহিন, হায উম্মত / শহীদুল্লাহ আনসারী, প্রিয় রাসূল / ইউনুস  
রশিদ, নাত এ রাসূল (সা.) / আরিফ নজরুল, প্রিয় নবী / ডা: শেখ অলি  
মেওয়াজ রেজা, সেই যে শিশু / শাহ মো: মোশাহিদুল ইসলাম, রূবাইয়াত /  
মুহাম্মদ রকীবুল ইসলাম, তোমার পায়ে / ওয়াসীম হক, যখন এলেন / বাবুল  
তালুকদার ও রাসূল (সা.) আছেন / শাহেদ হাসনাইন রাবিত।

এ ছাড়াও এ শ্যারকে আছে 'চতুর্থ ক্যালিগ্রাফি প্রদর্শনী' ব্যাপক সাড়া জাগিয়েছে'  
শিরোনামে শরীফ বায়জীদ মাহমুদের প্রতিবেদন মূলক একটি লেখা, ঢাকা  
সাহিত্য সংস্কৃতি কেন্দ্রের সংক্ষিপ্ত বার্ষিক প্রতিবেদন এবং মাসব্যাপী সীরাতুল্লবী  
(সা.) উদ্ঘাপন ২০০১-এর সচিত্র প্রতিবেদন।

২০০২ সালে ঢাকা সাহিত্য সংস্কৃতি কেন্দ্র অতীত অভিজ্ঞতায় সমৃদ্ধ হয়ে  
মাসব্যাপী সীরাত প্রেরণাম হাতে নেয়। এবারের অনুষ্ঠানসূচীতে ছিল দেশব্যাপী  
স্বরচিত কবিতা প্রতিযোগিতা, ১৮ দিনব্যাপী ক্যালিগ্রাফি প্রদর্শনী, হামদ-নাত ও  
কবিতা সন্ধ্যা প্রত্বতি।

জাতীয় যাদুঘরের বেগম সুফিয়া কামাল মিলনায়তনে ৫ম ক্যালিগ্রাফি প্রদর্শনীর  
উদ্বোধনী অনুষ্ঠান হয়। প্রদর্শনীর উদ্বোধন করেন জাতীয় সংসদের মাননীয়  
স্পীকার ব্যারিস্টার মুহাম্মদ জমিরউদ্দিন সরকার। সভাপতিত্ব করেন চারুকলা  
ইনসিটিউটের পরিচালক ড. আবদুস সাত্তার। আলোচনায় অংশ নেন শিল্পকলা  
একডেমীর পরিচালক মুস্তাফা জামান আবাসী, চট্টগ্রাম আর্ট কলেজের প্রতিষ্ঠাতা  
প্রিসিপ্যাল শিল্পী সবিহ উল আলম, চারুকলা ইনসিটিউটের শিক্ষক অধ্যাপক  
আবদুল মতিন সরকার।

স্বাগত ভাষণ দেন প্রদর্শনী কমিটির আহবায়ক শিল্পী ইব্রাহীম মওল এবং ধন্যবাদ  
জ্ঞাপন করেন ঢাকা সাহিত্য সংস্কৃতি কেন্দ্রের সভাপতি জনাব সাইফুল্লাহ মানচূর।  
অংশগ্রহণকারী ২৪জন শিল্পী হচ্ছেন: মুর্তজা বশীর (জ. ১৯৩২), আবু তাহের  
(জ. ১৯৩৬), শামসূল ইসলাম নিজামী (জ. ১৯৩৭), ড. আবদুস সাত্তার (জ.  
১৯৪৮), সবিহ উল আলম (জ. ১৯৪০), প্রফেসার মীর রেজাউল করীম (জ.

১৯৪২), রাশা (জ. ১৯৫৭), ইব্রাহীম মগল (জ. ১৯৫৮), নাসির উদ্দীন আহমেদ খান (জ. ১৯৭১), আমিনুল ইসলাম আমিন (জ. ১৯৬৪), শহীদুল্লাহ এফ. বারী (জ. ১৯৫৪), মাহবুব মুর্শিদ (জ. ১৯৬৮), মোঃ আবদুল আজীজ (জ. ১৯৭৪), মোহাম্মদ আমিরুল হক (জ. ১৯৭৮), কে. এইচ. মুনিরুজ্জামান (জ. ১৯৫৭), মোহাম্মদ মনোয়ার হোসেন (জ. ১৯৬৬), মুবার্খির মজুমদার (জ. ১৯৭৮), মোহাম্মদ আবদুর রহীম (জ. ১৯৭৪), ফেরদৌস আরা আহমেদ (জ. ১৯৫৭), মুহাম্মদ শহীদুল্লাহ (জ. ১৯৬৭), রফিকুল্লাহ গাজালি (জ. ১৯৬৮), হামীম কিফায়েতুল্লাহ (জ. ১৯৮৩), আবু দারদা মোঃ নায়িম (জ. ১৯৮২) ও মোঃ মাসুম বিল্লাহ (জ. ১৯৮৪)। এ প্রদর্শনীতে মোট ৮৫টি ছবি প্রদর্শিত হয়। এর মধ্যে ৩১টি তেলরঙ, ২৬টি জলরঙ, ১০টি এক্রেলিক, ৪টি কাঠ খোদাই, ৫টি মিশ্র মাধ্যম, ১টি পেপিল ক্রেচ, ২টি মেহেদী পাতার রঙ, ৩টি পোষ্টার কালার, ২টি সিরামিক ও ১টি কালির।

কেন্দ্রের উদ্যোগে এবার সীরাতুন্নবী (সা.) উপলক্ষে ১ম হামদ-নাত ও কবিতা সন্ধ্যার আয়োজন করা হয় ১২ জুন ২০০২ হোটেল পূর্ণবীর বলরঞ্জমে। এ কবিতা সন্ধ্যায় ৪৩ জন নির্বাচিত কবি রাসূলের শানে কবিতা পড়েন। হামদ-নাত ও কবিতা সন্ধ্যার এ অনুষ্ঠানে প্রধান অতিথি হিসাবে উপস্থিত ছিলেন মাননীয় ধর্মপ্রতিমন্ত্রী জনাব মোশারেফ হোসেন শাজাহান। কবিতা আবৃত্তি করেন বিশিষ্ট নজরুল গবেষক, সাহিত্য সমালোচক জনাব শাহাবুদ্দিন আহমদ।

সীরাতুন্নবী (সা.) ২০০২ উপলক্ষে প্রকাশিত হয় আসাদ বিন হাফিজের

সম্পাদনায় আকর্ষণীয় সীরাত শারক ‘সাহিত্য সংস্কৃতি’ সীরাতুন্নবী (সা.) ২০০২ সংখ্যা। এ সীরাত সংকলনটির সম্পাদনা পরিষদে আছেন আসাদ বিন হাফিজ, নাসির হেলাল, মোহাম্মদ আশরাফুল ইসলাম, শরীফ বায়জীদ মাহমুদ, হাসান আলীম, শরীফ আবদুল গোফরান, কামরুল ইসলাম হুমায়ুন, জাকির আবু জাফর ও রফিক মোহাম্মদ। এ সংকলনে কাজী নজরুল ইসলাম ও ফররুখ আহমদ-এর দু'টি কবিতা সংকলিত হয়েছে। অনুবাদ কবিতা অংশে আছে ছয় কলেমা ও আমপারার পাঁচটি সুরার কাব্যানুবাদ। অনুবাদ



সীরাতুন্নবী (সা.) সংখ্যা ২০০২



চাকা সাহিত্য সংস্কৃতি কেন্দ্র

করেছেন কবি মুহম্মদ নূরুল হুদা। অপ্রকাশিত রচনা অংশে মুনিরউদ্দীন ইউসুফ-এর অপ্রকাশিত প্রবন্ধ ঐতিহাসিক বদর যুদ্ধ : ঈমানই মুসলমানের বিজয়ের জামিন মুদ্রিত হয়েছে। প্রবন্ধ ছাপা হয়েছে মাওলানা মুহিউদ্দীন খান-এর নবীপ্রেম ঈমানের অবিচ্ছেদ্য অঙ্গ, ড: এম. শমশের আলীর হাদীসে রাসূল (সা.)-এর আলোকে বিজ্ঞান, শাহ আবদুল হান্নান-এর ইসলামের দারিদ্র্য বিমোচন ও জনগণের আস্থা, ড. আব্দুস সাত্তার-এর ইসলামী শিল্পকলা ও বাংলাদেশে ক্যালিগ্রাফি চর্চা, সৈয়দ আশরাফ আলীর অমুসলিমদের দৃষ্টিতে হ্যরত মোহাম্মদ (সা.), এম, এ, রশীদ চৌধুরীর বিশ্বনবী (সা.) প্রসঙ্গ কাব্য সাহিত্য, মুহাম্মদ সিরাজ উদ্দীন-এর মহানবীর আদর্শ ও নদিত জীবনের অপরিহার্য দিক নির্দেশনা, মোহাম্মদ আবদুল মান্নান-এর হ্যরত মুহাম্মদ (সা.)-এর অর্থনৈতিক আদর্শ, মাসুদ মজুমদার-এর রাসূলে খোদার মিশন, আমাদের বিশ্বাস ও বিজ্ঞানিভর আজকের প্রেক্ষিত, আবু তাহের মোহাম্মদ সালেহ-এর ইসলামী সমাজ গঠন : প্রয়োজন ত্বক্যুল পর্যায়ে সংগঠন, ইকবাল কবীর মোহন-এর আদর্শ মহামানব হ্যরত মুহাম্মদ (সা.), মোহাম্মদ আশরাফুল ইসলাম-এর ঢাকার স্থান নামে হ্যরত মুহাম্মদ (সা.)-এর প্রভাব এবং নাসির হেলালের সীরাত চর্চায় ঢাকা সাহিত্য সংস্কৃতি কেন্দ্র।

রাসূল (সা.)-এর জীবনকেন্দ্রিক গল্প রচনার ধারায় এ বছর এ স্মারকে গল্প লিখেছেন কবি হাসান আলীম। গল্পের শিরোনাম একটি হারের বিনিময়ে।

বরাবরের মতই নতুন কবিতার বর্ণায় জোলুস উপচে পড়েছে এবারের সংকলনেও। নতুন কবিতার এ অংশে মুদ্রিত হয়েছে: তুমি যেই এলে / সৈয়দ শামসুল হুদা, তারা কি কেউ বন্ধু স্বজন / আবদুল মুকীত চৌধুরী, শুভাশিস নেবো / মসউদ-উশ-শহীদ, সোনালী শাহজাদা / আব্দুল হালীম ঝাঁ, জাবালে নূরে দাঁড়িয়ে / মাহবুবুল হক, শতাব্দীর এ কেমন অভিযাত্রা / জয়নুল আবেদীন আজাদ, নবীকে সালাম / জাহাঙ্গীর হাবীবউল্লাহ, শাশ্বত কথা ও বাণী / সুজাউদ্দিন কায়সার, জগতের সব উজ্জ্বলতার সমষ্টি / দেলওয়ার বিন রশিদ, আমার ভালবাসা / আশরাফ আল দীন, নবীর দুলালী তিনি / সোলায়মান আহসান, রাসূলের (সা.) কাছে পত্র / মোশাররফ হোসেন খান, কাওসার তাঁর হাতে / গোলাম মোহাম্মদ, এক যে তারার ফুল / আহমদ মতিউর রহমান, তোমায় সালাম / শরীফ আবদুল গোফরান, মুহাম্মদুর রাস্লুল্লাহ / আবদুল কুদুস ফরিদী, ওয়ের্নিকা বিশ্বের জন্য / জামাল উদ্দিন বারী, হে রসূল (সা.) / আহমদ সাকী, একজন মুহম্মদই পারেন / রেজা রহমান, তোমার জন্যেই / আবুল হোসাইন মাহমুদ, হকের সুরভি / জাকির আবু জাফর, দরখান্ত / আমিন আল আসাদ, আমারও তৃষ্ণা অনেক / ওমর বিশ্বাস, গ্লানির গজল / শাহীন হাসনাত, দরদ

সালাম / রফিক মুহাম্মদ, তোমার দেখানো পথে / নূরজামান ফিরোজ, উঠলো  
যখন হেসে / জামান সৈয়দী, বরফ বিক্রেতার ডাক / নাইম মাহমুদ, একটি  
দরোজা খুল্লেই / সৈয়দ সাইফুল্লাহ্ শিহাব, কি উপমায় ডাকবো তোমায় /  
মাহফুজুর রহমান চৌধুরী, আঁধারে আলো / সিরাজ মুহাম্মদ, প্রিয়তম রাসূল /  
মুহাম্মদ ইসমাইল, হেরার পথের সন্ধান / মনসুর আজিজ, সুরভি দুপুর / মঈন  
বিন শফীউদ্দিন, স্বপ্নের খৌঁজে / গোলাম মোস্তফা খান, চৌদশ বছর / আফসার  
নিজাম উদ্দিন, নাত-এ-রাসূল (সা.) / ইয়াকুব বিশ্বাস, হে সুগন্ধি গোলাপ / মিঞ্চা  
বিশ্বাস, তুমি এলে / শাহীদা আলম নূর ।

এ ছাড়া কেন্দ্রের বার্ষিক কার্যক্রমের সংক্ষিপ্ত প্রতিবেদনও এ সংকলনে রয়েছে।  
প্রতিবেদনটি উপস্থাপন করেছেন শরীফ বায়জীদ মাহমুদ।

ঢাকা সাহিত্য সংস্কৃতি কেন্দ্র বাংলাদেশের সীরাত চর্চার ইতিহাসে এক সোনালী  
অধ্যায়ের সূচনা করেছিল কয়েক বছর আগে। তারপর থেকে বিরামহীনভাবে  
রাসূল প্রেমের অনন্য সাক্ষর রেখে যাচ্ছে প্রতিষ্ঠানটি। প্রতি বছর তাদের  
কার্যক্রমের ব্যক্তি বাড়ছে, নতুন নতুন দিগন্তে প্রসারিত হচ্ছে এ কার্যক্রমের ধারা।  
তাদের এ কার্যক্রমে জনগণের সহযোগিতা ও স্বতঃকৃত অংশগ্রহণ থেকে এটাই  
প্রতিয়মান হয়— এ দেশের বৃহত্তর গণমানুষের আশা আকাঞ্চ্ছা, স্বপ্ন ও কল্পনারই  
প্রতিধ্বনিত্ব করছে ঢাকা সাহিত্য সংস্কৃতি কেন্দ্র।

# লেখক অভিধানের জন্য তথ্য আহ্বান

ঢাকা সাহিত্য সংস্কৃতি কেন্দ্র বাংলাদেশের লেখকদের পরিচিতিসহ একটি লেখক অভিধান প্রকাশ করতে যাচ্ছে। একটি সমৃদ্ধ বোর্ড এ অভিধান সম্পাদনা করবেন। সম্মানিত লেখক হিসেবে এ অভিধানে আগনীর অস্তুর্ভূতি আমরা আন্তরিকভাবে কামনা করি। এ জন্য নিম্নলিখিত তথ্যসমূহ যথাসময়ে সরবরাহ করার জন্য আগনীর সমীপে বিনোদ অনুরোধ জানানো যাচ্ছে।

১. লেখক নাম : .....
২. প্রকৃত নাম : .....
৩. পিতার নাম : .....
৪. মাতার নাম : .....
৫. বৈবাহিক অবস্থা : .....
৬. স্বামী / স্ত্রীর নাম : .....
৭. সম্মান-সম্মতি : .....
৮. জন্ম তারিখ : .....
৯. জন্মস্থান (পুরো ঠিকানা) : .....
১০. পৈতৃক নিবাস (পুরো ঠিকানা) : .....
১১. হাস্য ঠিকানা : .....
১২. বর্তমান ঠিকানা ও ফোন নম্বর (যদি থাকে) : .....
১৩. কর্মসূলের ঠিকানা ও ফোন নম্বর (যদি থাকে) : .....
১৪. শিক্ষাগত যোগ্যতার বিবরণ : .....
১৫. প্রথম প্রকাশিত লেখা (কোথায় এবং কি?) : .....
১৬. প্রকাশিত গ্রন্থ তালিকা, প্রকাশকালসহ (প্রয়োজনে আলাদা কাগজ ব্যবহার করুণ) : ..
১৭. সম্মাননা ও পুরস্কার (পেরে থাকলে প্রাপ্তিকালসহ) : .....
১৮. বিবিধ (যদি কিছু থাকে) : .....

প্রকাশিত সকল বইয়ের একটি করে কপি (যদি এবং যতটুকু সম্ভব হয়) এবং সত্যায়িত ছবি জমা দিতে হবে। জমাকৃত বই কেন্দ্রের কেন্দ্রীয় লাইব্রেরীতে সংরক্ষণ করা হবে।

বি. দ্র. যাদের অন্ততপক্ষে একটি বই প্রকাশিত হয়েছে তাঁদের জন্য এ ঘোষণা প্রযোজ্ঞ।  
আগস্ট মাহে ২৫ আগস্ট ২০০১ তারিখের মধ্যে অবশ্যই চাহিদা অনুযায়ী তথ্য পাঠাতে হবে।

ছবি, বই ও তথ্য পাঠ্যবার ঠিকানা  
নাসির হেলাল, অফিস সম্পাদক  
**ঢাকা সাহিত্য সংস্কৃতি কেন্দ্র**

১৭১, বড়মগবাজার, ঢাকা-১২১৭

ফোন : ৮৩১৯৫৪০, ৮৩২১৭৫৮, ৯৫১৯০২, ৯৩৪২১৫ ফ্যাক্স : ৮৮০-২-৯৩১৯৫৪০

## এক যে তারার ফুল আহমদ মতিউর রহমান

উষর মূরৰ ধুসর বুকে  
ফুটলো আলোর ফুল  
সে যে আমার  
মহান নবী  
মোহাম্মদ রাসূল ।

ফুটলো সে তো ফুল হয়ে  
আনলো সুবাস- মৌ বয়ে  
সেই ফুলেরই  
রৌশনীতে  
জাগলো যে নিখিল  
আমার নবী  
মহাকাশে  
জ্যোতি যে ঝিলমিল ।

সেই জ্যোতিতে জগত আলো  
দূর করলো আঁধার কালো  
সাজিয়ে ডালা  
ফুলের মালা  
জ্ঞাত হিরন্ময়  
আরব আজম  
ইরান তুরান  
সব করেছে জয় ।

আরব মুরৰ উষর বুকে  
সে এক তারার ফুল  
সে যে আমার প্রিয় নবী  
মোহাম্মদ রাসূল ।

## তোমায় সালাম শরীফ আবদুল গোফরান

পাঠালেন তোমায় ধরায় মহামহিম  
কেঁপে উঠে দুনিয়ার মানব জমিন ।  
সাহারাতে এলে তুমি— ফুটলো যে ফুল  
খোশবু ছড়ালো করে এ হৃদয় ব্যাকুল ।  
জিবরিল আমিন এসে জানায় খবর  
আলোকিত হয়ে যায় আমিনার ঘর ।  
কুয়াশার চাদর ঠেলে মরুর বুকে  
চাদের কিরণ পড়ে ধরার মুখে ।

গাছে গাছে ফুটে ফুল তরতরিয়ে  
তোরের পাখিরা ডাকে সূর ছাড়িয়ে ।  
মরুর বুকে হাসে শত বৃক্ষ লতা  
নেচে ওঠে গাছে গাছে খেজুর পাতা ।  
শান্তির বাতায়ন খুলে খুলে যায়  
শীতল বাতাস বয় নূরের হাওয়ায় ।  
ক্ষুধায় কাতর শিশু পায় যে আহার  
তুমি হলে পিতা ওগো মা ফাতেমার ।

তোমার দোহার কলি হৃদয়ে জাগে  
আবেগ মথিত স্বরে নিনাদির বাজে ।  
অপ্টই সাগর তুমি নেই যে কিনার  
ভরে গেলো খোশবুতে গৃহ খাদিজার ।  
কাবের দু'চোখে তুমি খোদার তরবার  
ভয়ে তাই পালায় যত পাপের সরদার ।  
সাবিত দেখেছে তোমার মুখের হাসি  
সাগরের মতো যেন দয়া রাশি রাশি ।

তোমার প্রেমে কাঁদে মুস্তরে হাল্লান  
প্রেমের সাগর ওগো তুমি যে মহান ।  
বহতা নদীর ঢেউ জীবনের ছবি  
মধুময় করে তুমি দিয়েছ পো নবী ।  
আঁধারের রাতে তুমি এলে যে ধরায়  
প্রভাত সূর্য পেলে হেরার শুহায় ।  
পেলে সেথা মুক্তির খোদায়ী কালাম  
আমিনা দুলাল ওগো তোমায় সালাম ।

## মুহাম্মাদুর রাসূলুল্লাহ আবদুল কুদ্দুস ফরিদী

আকাশে ফোটে চাঁদ তারা রবি  
বনে ফোটে বনফূল,  
মরু বিয়াবানে ফুটেছিলো প্রিয়  
মুহাম্মাদ রাসূল ।

বর্ণিল বসন্তে হেসেছিলো মরুদ্যান,  
খর্জুর বনে লু হাওয়া দুলেছিলো  
চিরল পাতার শ্যামল আঁচলে ।  
সোবহে সাদেকের অপরূপ রঙিন বাতাবরণে  
আঙুর কুঞ্জে বুলবুলির কলতানে  
সুরের মৃষ্ণলা এনেছিলো  
ফেরদৌসের সুবাসিত আবেশ ।

মরুঝর্ণা বয়েছিলো সুরের ছন্দে  
দূর দিগন্তে আকাশের নীলাভ দৃঢ়ি  
মিশেছিলো ঝর্ণার শুভ ধারায় ।  
পুব দিগন্তে আলোর ঝর্ণা সাঁতরে  
উদিত হলো নবারঞ্জ ।  
আমিনার পবিত্র কুটিরে  
আরেকটি নবারঞ্জ উদিত হলো  
নিখিল বিশ্ব হলো বিশ্বয়ে কম্পমান ।

আকাশে আকাশে তারা খিকিমিকি  
পাতায় পাতায় সন্তুর্বর্ণ শবনম হাসে  
নীহারিকা ছায়াপথ সজ্জিত  
সুনীল আকাশে যে নবারঞ্জ উদিত হলো  
তার আলোর বন্যায় ভেসে যায়  
পবিত্র কা'বার চতুর ।

সাড়া পড়ে খসরুর নদিত রাজপ্রাসাদে,  
নিভে যায় ইরানের অগ্নিশিখা ।  
ফেরদৌস আর এ ধূলির ধরণীতে  
রচিত হলো রঙধনু স্বর্ণসেতু—  
লাইলাহা ইল্লাল্লাহ মুহাম্মাদুর রাসূলুল্লাহ!

# ওয়ের্নিকা বিশ্বের জন্য

## জামাল উদ্দিন বারী

প্রগতি এবং প্রযুক্তির বেনামে অবাধ বাণিজ্য বেশাত  
এখন গ্লোবালাইজেশনের মোড়লেরা হাতের মুঠোয়  
আইবিএম ক্ষেপণাস্ত্রের রিমোট সুইচ নিয়ে  
দাঁত কেলিয়ে হাসে ।

সায়গনের মাটিতে নাপাম বোমার তেজস্ক্রিয়তা  
মিলিয়ে যাবার আগেই বাগদাদের ফুসফুস ভরে ওঠে  
মাষ্টার্ড গ্যাসে, শিশুদের কালো কালো মৃত্যু দেখে  
কাফনের মত সাদা বাড়ীর কর্তাদের সে কী উল্লাস !

কার্পেট বোমায় কান্দাহারের আপেল বেদানার বাগানগুলো  
ছাই হয়ে বাতাসে উড়ে বেড়াচ্ছে  
আর মি. কোফি আনান পরিবেশ বিষয়ক বিবৃতি দিচ্ছেন ।  
জনাব আনান সিন্ধান্ত নিন আরব সাগরের শান্তিজলে  
সাদা বালিহাস, জেলেদের রূপালী স্বপ্ন অথবা  
দানবীয় যুদ্ধ জাহাজের বহুর নিউক্রিয়ার অন্তর্বাহী  
সাবমেরিন, কারা থাকবে? আপনি কার পক্ষে?  
কাশ্মীরী তরুণীরা এখন জাফরান ক্ষেত্রে শিশিরে  
পা ভেজানোর কথা ভাবতে পারে না  
আর জেনিন রামাল্লার জনপদ  
একেকটি শুয়েনিকার পুনরাবৃত্তি ।  
যারা পৃথিবীর বেনিয়া পুঁজিবাদ জায়নবাদী ঘড়যন্ত্র  
সন্ত্রাস বিরোধী সম্মিলিত রাষ্ট্রীয় সন্ত্রাস  
কার্লিনসেন, টমাক, ডেইজী কার্টার হেলিকপ্টার গানশিপ ।

তারপরও মৃত্যুর স্বাদ নিয়ে বেঁচে থাকে  
শির নত না করার কালেমা  
. ফিলিস্তিনের আস্থাতি তরুণীর জন্য  
লেখা হয় কবিতা ।  
আর আমরা তামাম বিশ্বের জন্য আপনার  
শাফায়াত কামনা করি ।

হে রসূল (সা.)

আহমদ সাকী

আল্লাহ বলে আরব জাতি কাউকে যখন মানতো না  
কোন্টা ভালো, মন্দটা কি কিছুই যখন জনাতো না

৩৬০ টা মৃতি যখন কাবা ঘরে ভরছিল  
আল্লাহকের রাষ্টা ছেড়ে সবাই দূরে সরছিল

হিংসা দেষ আর অনাচারে আরব যখন ভাসছিল  
জ্যান্ত শিশু কবর দিয়ে বাবা সুখে হাসছিল

ব্যতিচারের ঘোর কালিমায় সত্য ডুবে যাচ্ছিল  
পাপ-সায়রে জগৎবাসী হাবুড়ুর খাচ্ছিল—

ঠিক তখনি চোখ-সমুখে উঠলো তেসে তোমার নূর  
আরবসহ বিশ্ব-আধার সেই নূরেতে হলো দূর।

ধন্য হলো মানব জাতি সেদিন তোমার পরশে  
দুঃখ ভুলে উঠলো নেচে সবাই মনের হরষে।

আজকে আবার হর্ষ ভুলে দেখছি মানুষ পাছে দুখ  
ভায়ের হাতের বুলেট গিয়ে করছে বিদ্ধ ভায়ের বুক।

নারী আবার হচ্ছে বলী যৌতুকেরই নর্দমায়  
মাতাপিতা গুরুজনে ঠেলছে ছেলে আপন পায়।

দুষ্ট লোকে বিশ্টাকে হর-হামেশা জ্বালাচ্ছে  
দৃশ্য দেখে শুক পাখিটা বিশ্ব ছেড়ে পালাচ্ছে।

তাইতো সাকী এই সময়ে উকাছে তোমায়: “হে রসূল,  
তোমার নূরে আবার সরাও অনাচারের সকল মূল।”

একজন মুহাম্মদই পারেন

রেজা রহমান

হ্যাঁ, শুন্ধচারী মেষপালক একজন মুহাম্মদই  
প্রতিরোধের দুর্গ গড়তে পারেন  
এবং সুনিষ্ঠিত বিজয় ছিনিয়ে আনতে পারেন।  
আগ্রাসন, সাত্রাজ্যবাদ আর অনাচারের বিরুদ্ধে  
তাৰৎ নির্যাতিত মানুষের একমাত্র দিশারী একজন মুহাম্মদ।

আমরা ভুলিনি-

কুরাইশ ও গোত্রনেতাদের হাজরে আসওয়াদ নিয়ে  
দীর্ঘ ঝগড়া মিটিয়ে দিলেন আব্দুল্লাহুর তরুণ পুত্র।

আরবী আকাশে বেড়ে উঠা খেজুর খোরমা বিদ্ধীতে,  
হেরার শুহায় সৃষ্টি রহস্য নিয়ে ভাবেন একজন মুহাম্মদ,  
একদিন সমগ্র ভূ-মভল তাঁর পতাকার ছায়ায়  
শান্তি ও সজীবতার ঝারণা পেল।

কী আশ্চর্য! নিঃস্ব উন্নী অথচ পৃথিবীর শ্রেষ্ঠ জনী একজন  
মানুষের ধৈর্য, বিনয়, উদারতা, ছন্দময় গতির অগ্নিতে  
আজো প্রজ্ঞালিত হয় শতাব্দী শতাব্দীর অনিবান শিখা!

একজন মুহাম্মদই সফল প্রতিরোধের দুর্গ গড়তে পারেন।  
আজকের বাঞ্ছা বিক্ষুল পৃথিবীর মজলুমরা  
তারই পদরেখা ছুঁয়ে মুক্তির ভোর দেখতে পারে।  
মুক্তিকামী ফিলিস্তিন, আফগান, সার্ব, চেচেন, কাশ্মীরীরা  
মুহাম্মদের সূর্যালোকেই কেবল কালের প্রবাহমান হ্রাতে  
আনতে পারে জীবনমুখী উন্নাদনা, টেউ।

## তোমার জন্যেই আবুল হোসাইন মাহমুদ

হাবীব আমার তোমার জন্যেই সৃষ্টি হলো সারা জাহান  
তোমার জন্যেই আঁধার চিরে আলোয় এলো জীন ইনসান ।

মুক্ত হয়ে জুলমাত থেকে পেলো মানুষ নতুন দিন  
শিরকের জাল ছিন্ন করে তাওহীদ-রঙে হলো রঙীন ।

তোমার জন্যেই মরু বাতাস আর গায না শোকের গান  
কাঁদে না আর শিশু কল্যা বাঁচাতে তার নিজের প্রাণ ।

হলো অবসান খুন-খারাবীর নিত্য যেধায় নামাতো ঢল  
অশ্বীলতা, বেহায়াপনার পথ রূখেছে শক্ত আগল ।

তোমার জন্যেই মরু-বিয়াবান হলো স্লিপ মরুদ্যান  
সবহারা সব দুঃখ ভুলে উঠলো গেয়ে প্রভুর গান ।

হলো সাহসী দুর্বলেরা তোমার জন্যেই জেহাদী, বীর  
ঈমানের জোশ বুকে নিয়ে বলে, নারায়ে তাকবীর ।

হাবীব আমার তোমার জন্যেই আমরা পেলাম খোদার দীন  
তোমার কাছে সব মানুষের তাইতো আছে হাজার ঝণ ।

নেই কিছু নেই দেবার, শুধু হৃদয় ভরে দিই সালাম  
খোদার কাছে আর্জি আমার সান্ত্ব আলাহই ওয়া সান্ত্বাম ।

দরখাস্ত

আমিন আল আসাদ

প্রাণপ্রিয় হ্যুরত নবীজী আমার  
আপনার রওজাতে হাজার সালাম  
আপনার মাধ্যমে ধরনীতে এলো  
সত্য ন্যায়-বাণী দ্বিনের কালাম।

আরবের পাশবিক পরিবেশে তাই  
নেমে আসে শান্তির ঝর্ণা প্রপাত  
ভেঙে পড়ে নশ্বর সব বীতিনীতি  
মিথ্যার ভুতগুলো লাত ও মানাত।

আপনার অনুসারী হয়েছে যারাই  
পেয়ে গেছে শাশ্বত হীরে জহরত  
আপনার উচ্ছিলায় করে মোনাজাত  
পেতে চাই আল্লাহর পাক রহমত।

আমি বড় গোলাগার এই দুনিয়ার  
শংকায় দোলে তাই এই অস্তর  
আপনার অনুসারী হতে পারি যদি  
পেয়ে যাবো অবারিত সুখ বন্দর।

সাহস আমার নেই ভয়ভীতি বুকে  
আমি দূর্বল ভীরু পাপী আর তাপী  
চাইতে পারি না তাই আল্লাহর কাছে  
হারিয়ে সকল ভাষা ভয়ে কঁপি।

দুনিয়ায় আখেরাতে সকল বিপদ  
উৎৰে যেতেই হবে বালা মুসিবত  
তা না হলে জীবনটা ঘোর জঙ্গলে  
হারিয়ে সকল পথ হবে যে বিপথ।

আল্লাহর রহমত যদি নাই থাকে  
জীবনটা আগা গোড়া ব্যর্থ তা জানি  
ওঠে যায় সৃষ্টির সব বরকত  
সম্মান মাটি হয় কুয়াশার বাঁকে ।

নবীজী আপনি যদি এই অধমের জন্য  
খোদার কাজ করে সুপারিশ  
কাংথিত আবেদন গ্রহণ করান  
তবেই দূর হতে পারে সব ব্যাধা বিষ ।

অন্যথা এ জীবন বিষে বিষময়  
মানবিক ক্ষয়রোগে হয়ে যাবে ক্ষয়  
সে জীবন কাম্য নয় কখনো আমার  
সে জীবন ডেকে আনে বিপদ প্রলয় ।

প্রাণপ্রিয় হ্যরত নবীজী আমার  
আপনার রওজাতে হাজার সালাম  
ছন্দে ছন্দে বাঁধা দরখাস্ত আমার  
দরন্দ সালাম সহ পেশ করলাম ।

## আমাৰও ত্ৰষ্ণা অনেক

### ওমৰ বিশ্বাস

স্বপ্নেৰ আকুতি নিয়ে হাত দু'টি উৰ্ধমুখী  
ঈগলেৰ ডানা কৰে উঠিয়েছিলাম সেই কৰে—  
আজো তাৰ কোনো  
হিসেব মেলাতে পাৱিনি ।

যখন এই কথাই ভাবনা তাড়িত হয় তখন মনে হয়  
লক্ষ বছৰ ধৰে মোনাজাতে বসে আছি  
প্ৰাৰ্থনা কৰে চলছি আৰ লক্ষ সমুদ্ৰ  
তসবিৰ দানার মতো টিপে টিপে পাড়ি দিয়ে চলছি  
তোমাৰ সান্নিধ্যেৰ ঝৌঁজে ।

আমাৰও ত্ৰষ্ণা অনেক,  
একটাই চূড়ান্ত প্ৰাণিৰ আকাঞ্চা নিয়ে  
ত্ৰষ্ণার্ত সাগৱেৰ মতো উদৱ পূৰ্তি কৰে চলছি  
তোমাৰ হিসেবি ছকেৰ ছিটেফোঁটা নিয়ে ।

যখন বৈষয়িক দৃষ্টিৰ জাজৃল্যতা নিয়ে  
থেই হারিয়ে ফেলি— ভুলে যাই কৃত্ৰিম পাৱিক্ষিউমে  
সপ্ত আকাশ থেকে আসা খুসবুৰ দ্রাঘ  
যখন ভুলে যাই ওয়াক্তেৰ হিসেবেৰ কথা কিংবা  
পাখিদেৱ উদৱ পূৰ্তিৰ পৱ শুকরিয়া গুজাৱ কৱা  
শব্দেৱ রোশনি । যখন আমাৰ প্ৰতিবেশেৰ সান্নিধ্যই  
আমাৰ কাছে সবকিছুৰ চেয়ে জোলুসময় মনে হয়  
মনে হয় কোনো অট্টালিকাৱ ভিতৱই গন্তব্য ।  
প্ৰভু আমাৰ কি দোষ!

তোমাৰ কথা মনে হয় বলেই তো  
ক্ষণিকেৱ ভুলে যাওয়া থেকে নিজেকে বাঁচিয়ে  
বাৰবাৱ তোমাৰ দ্রাগিত সৌন্দৰ্যেৰ কাছে ছুটে আসি ।

গ্লানির গজল

শাহীন হাসনাত

মুহম্মদ (সা.) নামের এ ফুলের যে কি রঙ  
ও কি সুবাস; তা আমি জানি না। অথচ  
সব উদ্যানের পাখিরা তাঁরই আলোচনায় মুক্ষ।

তাহলে নাদান আমি কি করে লিখি  
তোমার রূপের কিছু কথা!  
গুলাবের দোয়াতে তবু অক্ষমতার  
কলম ভিজিয়ে লিখি  
মুহম্মদ (তাঁর উপর দরদ অবিরত)  
আমার কবিতার রঙকাঠি।  
যার কথা মনে পড়ায় সৃষ্টীদয়ও  
লজ্জায় লাল হয়।  
নিসর্গ ঝরে যায় জাফরানি ফুল তোমার  
রঙজার শ্রাণ নিরংকুশ চুম্বনের জন্য।  
হে আলোর বিভান,  
আমার আজন্য সলজ্জ সাধ তোমার নামে  
বিলীন করি কবিতার নকশিকাথা।  
বৃষ্টির উপমার মত ছড়িয়ে দেই তোমার  
মহবতের আতর ভেজা হৃদয়ের রোদুর।

কিন্তু আমার সাধ্যের প্রজাপতি  
সীমাত্তের এপার থেকে ফিরে আসে  
অবিরল, পারে না ছুঁতে তোমার  
প্রজ্ঞার আকাশ,  
অবশ্যে তাই গ্লানির গজল  
দিয়ে তোমাকে আমার সালাম পাঠিয়ে দিলাম।

## হকের সুরভি জাকির আবু জাফর

তোমার পথের দেখানো আকাশ বিন্দু ছায়াদার  
পরম শীতল প্রশান্তিময় আপুত সুখ সুখ  
কম্পিত ছিল যখন পৃথিবী অস্তুত বেদনায়  
কী হতো তখন যদি না দেখতো তোমার মায়াবী মুখ ।

যদি না তোমার হকের সুরভি পেতো এ জগতজন  
যদি না তোমার আলোর আকাশ দেখতো সুবাসী ফুল  
তবে কী এসব পাখিদের ঠৌটে বাজতো বিনয়ী গান !  
তবে কী নদীরা নিজের গতিতে ভাঙতো নিজের কূল ।

যেখানে পৃথিবী অবাক আঁধারে দিশেহারা বিলকুল  
যেখানে মানুষ মানুষের খুনে লাল হতো বরাবর  
সেখানে আলোর ভূগোল ছড়িয়ে জাগালে নূরের ঢেউ  
সেখানে প্রেমের আজান হেঁকেছো প্রেমের সওদাগর ।

কী আরাম পেয়ে জাগ্রত হতো তোমার পায়ের ধুলো  
দৃষ্টির কতো নতঅবনত বিগলিত হতো জানি  
কী সুবাস মেঝে ছুটে যেতো সেই আরবের মরু বাস্তু  
কত মমতায় সুশীতল হতো দু'চোখের নোনা পানি ।

তোমার নিবিড় আদর মাখানো মুখ নিঃস্ত বাণী  
বাতাস বিলাতো বেদনাক্রিষ্ট মানুষের কানে কানে  
কী মধু বীণায় দৃঢ় যাতনা গলে যেতো নিজে নিজে  
এখনো পৃথিবী প্রাণ চক্ষু তোমার সে অবদানে ।

দুর্দণ্ড সালাম

রফিক মুহাম্মদ

আঁধারের আলো তুমি দয়ার সাগর  
সে আলোতে ভাসে গ্রাম শহর নগ ।

পাখীদের গানে গানে নদীদের কলতানে  
তোমার জিকির শুনি চাঁদ তারা আসমানে ।

প্রিয় তুমি প্রিয়তম নবীজী আমার  
তোমাকে জানাই নবী হাজার সালাম  
(সাল্লাল্লাহু আলাইই ওয়া সাল্লাম ।)

তুমি এলে দূর হলো পাপ অনাচার  
শুরু হলো সত্য ও ন্যায়ের বিচার ।

আলামিন উপাধিতে হলে মহিয়ান  
নিয়ে এলে সুমহান বাণী- কোরআন ।

প্রিয় তুমি প্রিয়তম নবীজী আমার  
তোমার নামে শত দুর্দণ্ড সালাম  
(সাল্লাল্লাহু আলাইই ওয়া সাল্লাম ।)

তোমার দেখানো পথে

নূরজ্জামান ফিরোজ

এইতো জীবন অচল অসাড় একদলা পোড়ামাটি  
স্বপ্নের ঘোরে এতদিন পুড়ে হয়ে গেছে রক্তিম  
এইতো জীবন সাজানো গোছানো আছি বেশ পরিপাটি  
হিসাবের খাতা বুলে দেখি এক মন্ত ঘোড়ার ডিম।

কবে কোন দূরে ফেলে যে এসেছি শৃতিময় বালুবেলা  
শুধু রয়ে গেছে সময়ের ভাঁজে অহেতুক জঙ্গাল  
হাতছানি দেয় এখনো আমাকে যা কিছু করেছি হেলা  
পোড়া মন তাই শৃতির অনলে পুড়ে হয়ে গেছে লাল।

অসময়ে আজ বন্দী হয়েছি বিবেকের কারাগারে  
শুধু অকারণে পোড়া মাটিতেই চষে যাই জোড়া হাল  
অনন্ত প্রেমে ছুট যাই পিছে হারিয়ে ফেলেছি যারে  
বিপদেই শুধু পড়েছে স্বরণ ঝুঁজি নাই চিরকাল।

সব সংকটে সারাটি জীবন তুমিই আলোর দিশা  
তোমার দেখানো পথে চল্লেই কাটতো এ অমানিশা।

উঠলো যখন হেসে

জামান সৈয়দী

মা আমিনার কোল জুড়ে চাঁদ উঠলো যখন হেসে  
সুখের বাতাস বইতে শুরু করলো আরব দেশে।  
হাসলো মরুর মাঠের বালি, নীল আকাশের তারা  
খুরমা-খেজুর মাঠের ফসল সবাই আত্মহারা।

দিন চলে যায়, মাস চলে যায়, বছর ধীরে ধীরে  
মরুর বুকে ওঠেন বেড়ে তাকান না পিছ ফিরে।  
কৈশেরে পা ফেলেই দেখেন কি যে হানাহানি  
সমাজ দেহের পচন দেখে কাঁদে হৃদয়খানি।

কি করে আজ মুছিয়ে দেবেন সমাজ দেহের ক্ষত  
হেরা শুহায় বসে তিনি ভাবেন অবিরত।  
অবশ্যে আল্লাহু তায়ালার পেলেন মহান বাণী  
সেই বাণীতে ভরলো নবীর ব্যাকুল হৃদয়খানি।

বিশ্ববাসী পেলো এবার খোদার প্রিয় নবী  
আঁধার কেটে হাসবে আলো ঘূচবে ব্যথা সবই।  
সুম থেকে যে জাগেন তিনি সূর্য ওঠার আগে  
জায়নামায়ে থাকেন বসে গৃষ্ম কিংবা মাঘে।

ঐশ্বী বাণীর তেলাওয়াতে কি যে মধুর মায়া  
চারপাশে তার থাকে খোদার রহ্মতেরই ছায়া।  
শয্যাবিহীন রাত্রি কাটান খোদার মুখোমুখি  
বলেন: খোদা, বাদ্দা তোমার করো তাদের সুখী।

তোমার পথে চলতে তাদের দাও যে মতিগতি  
পৃথিবী ও পরকালে হয় না যেনো ক্ষতি।  
কিন্তু জাহেল মানুষগুলো তার কথা না শোনে  
ক্ষিণ হয়ে আঘাত করে নবীর হৃদয় মনে।

নিজের দেশে থাকার সকল নেয় অধিকার কেড়ে  
ব্যথা নিয়ে তাই চলেছেন জন্মভূমি ছেড়ে।  
তবুও তিনি রাগ না করে আল্লাহকে রোজ ডাকেন  
সত্য-ন্যায়ের পথে চলার দাওয়াত দিতে থাকেন।

রাত ও দিনের পরিশ্রমে একদিন অবশ্যে  
আলোর প্রদীপ জ্বলে দিলেন বিশ্বে বিজয় বেশে।  
আজকে নবীর জন্মদিনে করছি তাকে স্বরণ  
নবীর পথে চলেই যেনো হয় সকলের মরণ।

## বরফ বিক্রেতার ডাক

### নাইম মাহমুদ

বরফ কিক্রেতার ডাকে জেগে উঠে অস্তুত যুবক  
পাশ ফেরে, ঘূম ভাসে হাজার বছর  
গুহাবাসী ঘূম ছেড়ে ছুটে যায় জেনিন রাস্তায়—  
গলিতে গলিতে আর পাড়ায় পাড়ায় পড়ে যায় সাড়া  
তাহেরার ফটোশপ চোখে লাগে শাহাদত সুরমা কাজল  
আর তরংশেরা হাতে নিয়ে অঙ্গইন প্রেমের প্লাকার্ড  
হয়ে যায় আবাবিল অভিশাপ জালুতের জাতির উপর।

### বরফ বিক্রেতার ডাকে

জেগে উঠে শতাব্দী, দিকে দিকে যুবকের দল  
শহস্রাব্দ কেঁপে উঠে, ছেড়ে দিয়ে ইবলিস আদল।

## একটি দরোজা খুল্লেই

### সৈয়দ সাইফুল্লাহ শিহাৰ

একটি দরোজা খুল্লেই ঐশ্বর্যের দ্রাগ পাই  
শরৎ রাতের চাঁদ নেমে আসে নরম শয্যায়  
পৃথিবীর আয়োশী উষ্ণতা  
ফেটে পড়ে খিল খিল হাসির ঝর্ণায়,  
বুকের ভেতর ঝঁজে পাই  
নেচে ওঠা সময়ের অনবদ্য খুশীর ময়ুর।

## একটি দরোজা খুল্লেই

নামহীন গোত্রহীন সাদা নীল নক্ষত্রের খেলা  
শুরু হয় টেডিয়াম চোখে।

## একটি দরোজা খুল্লেই

মৃত বৃক্ষের দেখি সবুজের মেলা  
নতুন শিশুর মত চিঠল মুখরতা।

একটি দরোজা মানে— হেরার তোরণ  
একটি দরোজা মানে— অমল জীবন।

## কি উপমায় ডাকবো তোমায় মাহফুজুর রহমান চৌধুরী

স্বয়ং আল্লাহ রাবুল আলামীন তোমাকে বলেছেন-  
'রাহমাতুল্লিল আলামীন'- অর্থাৎ জগৎসমূহের জন্য রহমত,  
সমগ্র পৌত্রিক আরব তোমায় উপাধি দিয়েছিল  
'আল আমীন'- অর্থাৎ সত্যের অনিবাগ সাধক ও  
বিশ্বষ্ট ব্যক্তিত্ব; যার ফলে তোমার শক্তি গচ্ছিত রাখতো  
তার সম্পদ তোমার কাছে- নির্বিধায়।  
-কি উপমায় ডাকবো তোমায়!

স্বয়ং বিশ্বচরাচরের মালিক তোমায় উপাধি দিয়েছেন-  
'উসওয়াতুল হাসানা'- অর্থাৎ সত্য-ন্যায়ের দেদীপ্যমান  
আলোকশিখা, মহীয়সী মা আয়েশা (রা.) তোমায় বলেছেন-  
'কুরআনের বাস্তব জীবনচিত্র বা প্রতিচ্ছবি';  
আর তোমার মাঝ করে দেয়া জীবনশক্তিরা তোমাকে বলেছে  
'ক্ষমার সাগর- দয়ার অসীম দরিয়া।'  
-কি উপমায় ডাকবো তোমায়!!

বিদ্রোহী কবি নজরুল কুরআনকে বলেছেন 'মাথার মুকুট'  
আর তোমাকে করেছেন 'গলার হার'  
The Hundreds তোমাকে দীকার করেছে  
সর্বকালের শ্রেষ্ঠ শতপুরুষদের মাথার মনি রূপে,  
আবার অমুসলিম দার্শনিকদের কলম থেকে অবলীলায় বের হয়-  
এই সংখ্যাত্ময় শতাব্দীর শান্তি দিতে পারতে কেবলই তুমি।  
-কি উপমায় ডাকবো তোমায়!

তোমার আগমনে 'আবুল হেকম'- জ্ঞানের আধার  
প্রমাণিত হলো 'আবু জেহেল'- অঙ্গত্বের কুপ হিসেবে,  
তোমার আগমনে এক ফুঁৎকারে নিভে গেলো-  
পারসিকদের কয়েক হাজার বছরের প্রজ্ঞালিত অগ্নিকুণ্ড,  
তোমার আগমনে 'আইয়্যামে জাহেলিয়া' হয়ে উঠলো  
পথিবীর শ্রেষ্ঠ-সুশ্রংখল নিয়মতাত্ত্বিক জনকল্যাণ রাস্তের পটভূমি।  
-কি উপমায় ডাকবো তোমায় তবে?

উপমারও যদি উপমা থাকতো সেই সে উপমা তুমি  
তবে কোন সে উপমায় ডাকবো তোমায় শুনি?  
তোমার উপমা কেবলই যে শুধু তুমি!

ଆଧାରେ ଆଲୋ

ସିରାଜ ମୁହାମ୍ମଦ

ଆଧାରେ ମାଥେ ଆଲୋ ମରଳଭୟ ପ୍ରାଣ  
ଅକପଟେ ଛଡ଼ିଯେଛେ ରହମତ ବାନ ।  
ମୁଖେ ତାଁର ମୁକ୍ତୋ, ହାସି ରାଶି ରାଶି  
ସଂତିର ଛୌଯା ପେଲ ଦୂରୀ ଦାସଦାସୀ ।

ତଣ୍ଡ ମରମ ଦେହେ ଫୁଟଲୋ ଯେ ଫୁଲ  
ତାଁର ସାଥେ କାରୋ କୋନ ହୟ ନା ଯେ ତୁଳ ।  
ରାସୂଲେ ରାସୂଲ ତିନି ମୁକ୍ତି ଆଲା  
ଧର୍ମିତ ମାନବେରେ ପରାଲେନ ମାଲା ।

ଆଜୋ ତାଁର ବାଣୀ ଆଛେ ସବ ଘରେ ଘରେ  
ମାନବତା ତବୁ କେନ ମାଥା ଠୁକେ ମରେ ।  
ମେହି ପଥେ ଆଜ ତବେ ନାଓ ସବେ ଠୀଇ  
ଅଶାନ୍ତି କଷ୍ଟରା ପାଲାବେ ସବାଇ ।

ପ୍ରିୟତମ ରାସୂଲ  
ମୁହାମ୍ମଦ ଇସମାଈଲ

ଓଗୋ ରାସୂଲ ପ୍ରିୟତମ ରାସୂଲ  
ବର୍ତ୍ତମାନ ସମୟେର ପ୍ରେକ୍ଷାପଟେ ଆପନାକେ ଅତି ପ୍ରୋଜନ  
କାରଣ, ଚାରପାଶେ ବିରମନ୍ଦ ବାତାସ, ହିଂସାର ଦାବଦାହ  
ତବୁଓ ସକଳ ରଙ୍ଗଚକ୍ର ଭେଦ କରେ  
ପ୍ରତିକୁଳେର ଛାଦ ଝୁଁଡ଼େ  
ଆମାର ବାହୁ ଦୂଟି ଶ୍ରଦ୍ଧା କରେଛେ ସୀଘାହିନ ସୀମାନା ।

ଏବଂ ଦେଖ ବୈରୀ ହାଓଯା, ଦେଖ ପୃଥିବୀ  
ସକଳ ବିରମନ୍ଦତାର ଆଜ୍ଞାଦନ ଛିଡ଼େ  
ଆମାର ବିଦ୍ରୋହୀ କେଶରାଶି  
କିଭାବେ ଆକାଶ ଛୁଁୟେ ଯାଯ  
ରାସୂଲ, ଆପନି ବ୍ୟତୀତ ପୃଥିବୀଟା ଅଚଳ ।

## হেরার পথের সন্ধান

মনসুর আজিজ

দুখের বাণে বিদ্ধ হলাম ঘুন ধরা এই ক্ষণ  
বাঁবরা হল হৃদয় আমার নিকষ কালো মন  
দিনের আলোয় যাপসা দেখি বন বীথিকা নদী  
মনের ভিতর সিঁড়েল চুরি হচ্ছে নিরবধি ।

আসমান আজ মেঘ করেছে গভীর অমানিশা  
দিক দিগন্তে ছুটছে মানুষ খেই হারিয়ে দিশা  
উল্টে বুঝি যায়রে জীবন জমি-জিরাত বাড়ি  
আমলনামার ছেঁড়া পাতা দিচ্ছে আকাশ পাড়ি ।

হঠাতে দেখি রশী নূরের হেরার পথে ভাসে  
ফুল বাগানে ফুলের কলি পাখ পাখালি হাসে  
ছুটছে মানুষ দলে দলে মনে আশার আলো  
থামলো ঝড়ের নিধন আবার দ্র হল সব কালো ।

হেরার নবীর সবক শিখে শুন্ধ হল মন  
সুখের বানে হৃদয় ভাসে পাগল করা ক্ষণ ।

## সুরভি দুপুর মঙ্গল বিন শফীউদ্দিন

আসুন আমরা পাগড়ি শুলো নতুন ভাবে বেঁধে নেই  
তাকওয়ার চাদরে জড়িয়ে নেই অঙ্গ শুলো  
নিশ্চিং প্রয়োজন হবে না হেলমেট কিংবা শক্ত ঢাল  
মেঘের উচ্চারণে কেঁপে উঠা মোম শুলো  
প্রসব করবে না বেগোয়ারিশ স্বপ্ন  
লাঠিশুলো ত্রীজ না হয়ে হতে পারে ইস্মাফীলের বাঁশি  
বোধের ছোয়ায় আবারও জাগতে পারে তিতুমীর  
বিশ্বাস তো আর বাটলের একতারা নয়  
শরীয়ত উল্লাহর সাহস আবারও আনতে পারে সুরভি দুপুর ।

## স্বপ্নের খোঁজে গোলাম মোস্তফা খান

প্রতিটি প্রত্যুষের সূর্যালোক এখন  
ক্রমে ক্রমে ঢেকে যায় বিবেকের অঙ্ককারে ।  
অথচ তোমার নূরের অলৌকিক আলোয়  
জেগে উঠতো ঘুমন্ত সকাল  
খুলে যেত  
আজন্ম আবদ্ধ সব বিবেকের খিল ।  
তাইতো তোমাকে ঘিরেই আবর্তিত হতো  
স্বপ্নের পায়রা ।

এই সময়ে  
অনেকটা দিন কোন স্বপ্ন দেখা হয় না  
অবচেতন মনে শুধু দু:স্বপ্নেরা ঘর বাঁধে  
আলতো ঘুমে আচ্ছন্ন মন রাত্রির কুহকে  
সহস্য কপোত  
শৰ্ভতার ডানা মেলে চোখের পাতায়-  
সেই ক্ষণে  
ঠিক সেই ক্ষণে বয়ে চলে বিষ নীল হাওয়া  
একে একে ধেয়ে আসে দু:স্বপ্নের অঞ্চলোপাস  
ধেয়ে আসে সংহারী শ্বাপন্দ আজদাহা  
সৃঁচালো নথের লুলুয়া শকুন  
থাবা মেরে নিয়ে চলে স্বপ্নের সবুজাভ ।

আর আমি  
নাটাই ছেঁড়া ঘুরির মালিক- সেই বালকের মত  
অবিরত ছুটে চলি স্বপ্নের খোঁজে  
যেমন সে ছুটে চলে  
সৃতা কাটা ঘুড়ির সন্ধানে ।  
যদি পেয়ে যাই হে রাসূল  
তোমার আলোর এক থোকা ফুল !

চৌদশ বছর  
আফসার নিজাম উদ্দিন

শ্বেতাঙ্গ সময় কেটে  
আরশী নগর ক্রমশ রাত হয়  
তখন মুনহাম্মার এ্যাকজিভিশনে  
প্রদর্শনীর পর্দা পড়ে গেলে  
বিজ্ঞাপনী পরশীর ফেটে যায়  
ললিত চোখ এবং  
মধ্যবয়সী পুরুষ  
পোষ্টারে আকে জলরঙ ট্রেন।

অহির সামান হাতে  
আকাশের গিলাব গলে  
প্রেরিত অহি আসে  
আন্তজ গ্রামে হয় জ্যোতির্ময়  
দরবেশী আবির্ভাব  
আর অচিন কুড়াল ভাঙ্গে হেরার পালঙ্ক।

এবং বসন্ত গান করে ফুলের পরাগ  
বাতাস আবৃত্তি করে  
ইকরা বিইসমি রবিকাল্লাজি খালাক  
আজাজিলের ঘূম টুটে  
লংসেড় নিভে যায়  
জাহেল পিদিম- এর পর  
দৃশ্যটা চলছে চৌদশ বছর।

তুমি এলে  
শাহীদা আলম নূর

তুমি এলে যখন  
আকাশে বাতাসে  
ছড়ালো একি ধৰনি,  
চারদিকে শুধু  
তোমারই নাম  
তোমারই জয়ধৰনি।

তুমি এলে যখন  
দূর হলো সব অনাচার অবিচার,  
সত্যের মশাল  
উঠলো জুলে  
দূর হলো পাপাচার।

তুমি এলে যখন  
ধরণীতে বইলো শান্তির সুবাতাস,  
পাখিরা গাইলো  
ফুলেরা ফুটলো  
হেসে উঠলো অনন্ত আকাশ।

তুমি এলে যখন  
বিশ্ব মানব পেল পথের দিশা,  
কেটে গেলো সব  
আঁধার ও কালো  
কেটে গেল অমানিশা।

তুমি এলে যখন  
নিখিলের ঝুকে লেখা হলো এক নাম,  
সে নাম জেনো  
আর কারো নয়  
সালাল্লাহু আলাইহে ওয়া সাল্লাম।

নাত-এ-রাসূল (সা.)

ইয়াকুব বিশ্বাস

মরণ সাহারায় খুশির দোলায় গেয়ে উঠে বুলবুল  
আলোর জ্যোতি ছড়িয়ে এলেন মুহাম্মদ রাসূল ।

পাহাড় নদী ঝর্ণধারা  
খুশিতে তাই পাগল পারা  
পৃষ্ঠ বনে আজো হাসে জুই চাপা বকুল ।

জাহেলিয়ার কালো আঁধার  
যায় পালিয়ে দূর পারাবার  
বিশ্ববাসী পেল এবার সব আদর্শের মূল ।

পাপী তাপীর হন্দয় গুলো  
খুঁজে পেলো নতুন আলো  
দ্বীনের জ্যোতি ছড়িয়ে দিলেন রাসূলে মাকবুল ।

হে সুগন্ধি গোলাপ

মিথা বিশ্বাস

মরণ ধুলিময় উদ্যানে প্রকৃষ্টিত  
এক সুগন্ধি তরতাজা গোলাপ,  
পাপড়িতে পাপড়িতে ভ্রমরের গুঞ্জন  
সুধাণ ছড়িয়ে পড়ে আদিগন্তে,  
মাশরিক থেকে মাগরিবে  
শিমাল হতে জুনুবে ।

সুরভী মেখে মেখে মানুষ  
সহস্র বছরের পথ হাঁটে পৃথিবীর  
ক্লান্তি নেই, শ্রান্তি নেই, নেই হতাশা,  
কেবল শান্তির স্ফুরণ, প্রশান্তির দীপ্তি  
প্রশংসা যার সিদরাতুল মুনতাহারও উর্ধে  
সে দ্রাঘ পরতে পরতে ছাঢ়িয়ে  
শাশ্বত পথ হাঁচে মানুষ পৃথিবীর ।

## বার্ষিক প্রতিবেদন

(জুলাই ২০০১- আগস্ট ২০০২)

শরীক বায়জীদ মাহমুদ

ঢাকা সাহিত্য সংস্কৃতি কেন্দ্র সুস্থ সাহিত্য ও সাংস্কৃতিক ধারা নির্মাণে আশার আলোকবাহী একটি সংগঠন। এর তারুণ্য-উচ্চল একদল নিবেদিতপ্রাণ সাংস্কৃতিক কর্মী ও সাহিত্যিকের নিরলস প্রচেষ্টা জাতিকে করেছে আশাবিত। একটি পরিচালনা পরিষদ ও টীম দ্বারা এর কার্যক্রম পরিচালিত হয়। বার্ষিক পরিকল্পনার ভিত্তিতে চলে এর সমুদয় কাজ। প্রতি মাসে পরিচালনা পরিষদ ও টীমের নিয়মিত বৈঠকে বার্ষিক পরিকল্পনা পর্যালোচনা করে গৃহীত হয় চলতি মাসের পরিকল্পনা। নিয়মিত লেখালেখি, গানে সুর দেয়া, নানা রকম প্রশিক্ষণ ছাড়াও জাতীয় গুরুত্বপূর্ণ দিবস পালন ও অনুষ্ঠান বাস্তবায়নের জন্য কেন্দ্রের রয়েছে পরিকল্পিত উদ্যোগ। জুলাই ২০০১ থেকে আগস্ট ২০০২ পর্যন্ত এ ধরণের কিছু বহির্মুখী অনুষ্ঠান বাস্তবায়নের সংক্ষিপ্ত প্রতিবেদন নিচে পরিবেশিত হলো।

আগস্ট ২০০১

### ইসলামী শিক্ষা সাহিত্য আন্দোলনের পথিকৃত শহীদ আবদুল মালেক দিবস পালিত

সত্য ও সুন্দরের সপক্ষে কথা বলার কারণে অসুন্দরের ধর্জাধারী কতিপয় অসুর দানব নির্দয় আঘাতে খুন করেছিল ইসলামী শিক্ষা ও সাহিত্য আন্দোলনের পথিকৃৎ ঢাকা বিশ্ববিদ্যালয়ের মেধাবী ছাত্র আবদুল মালেককে। ১৯৬৯ সালের ১২ আগস্ট রেসকোর্সের সবুজ জমিন লাল হয়ে উঠেছিল তাঁর পবিত্র রক্তে। ১৫ আগস্ট তিনি শাহাদাত বরণ করেন।



শহীদ আবদুল মালেক স্মরণ সভায় বক্তব্য রাখছেন জনাব তাসনীম আলম

ইসলামী শিক্ষা ও সাহিত্য আন্দোলনের পথিকৃৎ শহীদ আবদুল মালেক-এর ঠাণ্ডা শাহাদাত বার্ষিকী স্মরণে ঢাকা সাহিত্য সংস্কৃতি কেন্দ্রের উদ্যোগে ১৪ আগস্ট ২০০৫ মঙ্গলবার বিকাল ৫টায় বাংলা সাহিত্য পরিষদ মিলনায়তনে এক স্মরণ সভার আয়োজন করা হয়। রাজশাহী বিশ্ববিদ্যালয়ের সিনেট সদস্য অধ্যাপক তাসমীম আলমের সভাপতিত্বে অনুষ্ঠিত এ স্মরণ সভায় প্রধান অতিথি হিসাবে উপস্থিত ছিলেন শহীদ আবদুল মালেক-এর অন্যতম সাথী ও বন্ধু জনাব ইঞ্জিনিয়ার ইসকান্দার আলী খান। আলোচনায় অংশ গ্রহণ করেন জনাব অধ্যাপক মুহাম্মদ মিউর রহমান, জনাব সিদ্দিক জামাল ও কবি মিউর রহমান মল্লিক। কেন্দ্রের সেক্রেটারী কবি আসাদ বিন হাফিজের পরিচালনায় এ স্মরণ সভায় স্বাগত বক্তব্য রাখেন কেন্দ্রের সভাপতি অধ্যাপক সাইফুল্লাহ মানচূর।

প্রধান অতিথি শহীদ আবদুল মালেকের সাথে তার দীর্ঘদিনের সাহচর্যের স্মৃতিচারণ করে বলেন, শহীদ আবদুল মালেক ছিলেন নিরক্ষুশ আগোষ্যহীন এক সত্য-সেনিক। তাঁর চরিত্রের সুবাস এবং মেধা ও পাণ্ডিত্যের কাছে প্রারজিত হয়ে ধর্মনিরপেক্ষতার ধর্জাধারীরা তাকে নির্মমভাবে হত্যা করে। সভাপতির ভাষণে জনাব তাসমীম আলম বলেন, শহীদ মালেকের রক্ত বৃথা যায়নি। তাঁর রক্ত ইসলামী সমাজ গড়ার জন্য হাজারো মালেককে জন্ম দিয়েছে। আলোচকবৃন্দ তাঁকে এদেশে ইসলামী শিক্ষা সাহিত্য আন্দোলনের পথিকৃৎ হিসাবে উদ্বোধ করে বলেন, শহীদের রক্ত আন্দোলনকে কত দুর্বার ও বেগবান করে তাঁর শাহাদাতই তার প্রমাণ।


সভায় শহীদ আবদুল মালেকের লেখা থেকে নির্বাচিত অংশ পাঠ করেন জনাব চৌধুরী গোলাম মওলা, নিবেদিত কবিতা পাঠে অংশ গ্রহণ করেন কবি গোলাম মোহাম্মদসহ অন্যান্য কবিবৃন্দ, গান পরিবেশন করেন শিল্পী মিউর রহমান। অনুষ্ঠানে জনাব শরীফ বায়জীদ মাহমুদের পরিচালনায় কবি আসাদ বিন হাফিজের লেখা ‘পনরই আগষ্টের গল্প’ অবলম্বনে আহসান হাবীব রচিত শাহাদাতের স্মৃতিচারী স্মৃতিনাটিকা পরিবেশন করে মহানগর নাট্য সংসদ।

সভায় শহীদ আবদুল মালেকের একটি পূর্ণাঙ্গ জীবনীঐত্তু রচনা, তাঁর নামে একটি ইসলামী বিশ্ববিদ্যালয় প্রতিষ্ঠা এবং জাতীয়ভাবে প্রতিবছর পনরই আগস্ট শহীদ আবদুল মালেক শাহাদাত বার্ষিকী পালনের জন্য বিভিন্ন ইসলামী সংগঠনের প্রতি উদাত্ত আহবান জানানো হয়।

অক্টোবর ২০০১

### কবি ফররুখ আহমদ স্মরণ সভা

ফররুখ কাব্য কেবল বাংলা সাহিত্য নয়, বিশ্ব সাহিত্যেরও অন্য সম্পদ, জাতীয় প্রেসক্লাব ডিআইপি লাউঞ্জে ১৯ অক্টোবর ২০০১ ঢাকা সাহিত্য সংস্কৃতি কেন্দ্র আয়োজিত এক আলোচনা সভায় প্রধান অতিথির ভাষণে ডঃ আশরাফ সিদ্দিকী উপরোক্ত মন্তব্য করেন। তিনি বলেন, ফররুখের মত দুর্লভ কবি প্রতিভার যথার্থ মূল্যায়ন হওয়া উচিত। ঢাকা সাহিত্য সংস্কৃতি কেন্দ্রের সেক্রেটারী কবি আসাদ বিন হাফিজের পরিচালনায় অনুষ্ঠিত এ আলোচনা সভায় সভাপতিত্ব করেন প্রখ্যাত সাহিত্য গবেষক জনাব শাহাবুদ্দীন আহমদ। স্বাগত ভাষণ দেন কেন্দ্রের সভাপতি অধ্যাপক সাইফুল্লাহ মানচূর। আলোচনায় অংশ গ্রহণ করেন কবি মোশাররফ হোসেন খান ও কবি হাসান আলীম। কবির কবিতা থেকে আবশ্যিক করেন জনাব শরীফ বায়জীদ মাহমুদ, কবির লেখা গান পরিবেশন করেন শিল্পী মিউর রহমান ও শিল্পী শামিয়ুল হক। নিবেদিত কবিতা পড়েন



ফরুরখ দিবসের আলোচনা সভায় বক্তব্য রাখছেন জনাব ড. আশরাফ সিদ্দিকী

কবি জাকির আবু জাফর।

সভাপতির ভাষণে জনাব শাহীবুদ্দীন আহমদ বলেন, ফরুরখ আহমদ ছিলেন মানবতাবাদের কবি। তাঁর কাছে ইসলাম ও মানবতাবাদ ছিল অভিন্ন। নীতির প্রশ্নে তিনি ছিলেন আপোষহীন। তিনি সত্য, সততা ও মজলুম মানবতার পক্ষে কালজয়ী কাব্য রচনা করে বাংলা সাহিত্যে অমর হয়ে আছেন।

কবি মোশাররফ হোসেন ও কবি হাসান আলীম ফরুরখ কাব্য বিশ্লেষণ করে বলেন, তরুণ প্রজন্মের কাছে একমাত্র ফরুরখই অনুকরণীয় ও আদর্শ হতে পারেন।



কথাশিল্পী জামেদ আলী স্বরণ সভায় বক্তব্য রাখছেন কবি আল মাহমুদ

**কথাশিল্পী জামেদ আলী স্মরণে আলোচনা সভা**  
 প্রথ্যাত কথাশিল্পী জামেদ আলীর মৃত্যু বার্ষিকী উপলক্ষে ২১ অক্টোবর ২০  
 চারটায় বাংলা সাহিত্য পরিষদ মিলনায়তনে নাবিক সাহিত্য চক্রের উদ্দেশ্যে  
 আলোচনা সভা অনুষ্ঠিত হয়। কবি মতিউর রহমান মল্লিকের সভাপতিত্বে অনুষ্ঠিত  
 সভায় প্রধান অতিথি ছিলেন কবি আল মাহমুদ। আলোচনায় অংশ নেন কবি মোশারেফ  
 হোসেন খান, কবি সোলায়মান আহসান, কবি হাসান আলীম, কবি আসাদ বিন হাফিজ,  
 কবি নসির হেলাল, কবি গোলাম মোহাম্মদ, কবি শরীফ আবদুল গোফরান ও কবি  
 জাকির আবু জাফর। সভায় জামেদ আলী রচনা সমগ্র প্রকাশের দাবী জানানো হয়।

নভেম্বর ২০০১

### আফগানিস্তানে শিশু হত্যা বক্ষের দাবীতে র্যালি

আফগানিস্তানে শিশু হত্যা, গণহত্যা ও রাষ্ট্রীয় সন্ত্রাস বক্ষের দাবীতে ঢাকা সাহিত্য  
 সংস্কৃতি কেন্দ্র তৃতীয় নভেম্বর ২০০১ শনিবার বিকাল সাড়ে চারটায় জাতীয় প্রেসক্লাবের



আফগানিস্তানে শিশু হত্যা বক্ষের দাবীতে ঢাকার রাজপথে সাহিত্যিক শিল্পী ও শিশুদের র্যালি  
 সামনে এক প্রতিবাদ সমাবেশ ও শিশু র্যালীর আয়োজন করে। ঢাকা সাহিত্য সংস্কৃতি  
 কেন্দ্রের সভাপতি অধ্যাপক সাইফুল্লাহ মানছুরের সভাপতিত্বে এবং সাংবাদিক শাহীন  
 হাসনাতের পরিচালনায় এ সমাবেশে বক্তব্য রাখেন কবি মতিউর রহমান মল্লিক তাঁর বক্তব্যে  
 বলেন, টুইন টাওয়ারের সন্ত্রাসী ঘটনার অজ্ঞাতে আফগানিস্তানের নিরীহ জনগণের ওপর  
 হামলা রাষ্ট্রীয় সন্ত্রাস ছাড়া আর কিছুই নয়। প্রকৃত সন্ত্রাসীদের চিহ্নিত না করে নির্বিচারে  
 শিশু, নারী ও অসহায় মানুষের ওপর আর্মেরিকা যে বোমা বর্ষণ করছে সে জন্য  
 আমেরিকাকে অবশ্যই খেসারত দিতে হবে। কবি আসাদ বিন হাফিজ বলেন, আমরা  
 আফগানিস্তানে মানবাধিকার লঙ্ঘনের নিদো জানাই। সভাপতির বক্তব্যে জনাব  
 সাইফুল্লাহ মানছুর বলেন, আমরা মনে করি লাদেন একটি উপলক্ষ মাত্র। এর মূল লক্ষ্য

মুসলমানদের মধ্যে বিভেদ সৃষ্টি করে ইন্দীদের রক্ষা করা।

সমাবেশে নাট্যকার শাহ আলম নূর, শিল্পী ইব্রাহিম মণ্ডল, কবি নাসির হেলাল, কবি গোলাম মোহাম্মদ, শরীফ বায়েজীদ মাহমুদ, কবি শরীফ আবদুল গোফরান, কবি জাকির আবু জাফর, শিল্পী মশিউর রহমান, শিল্পী আমিনুল ইসলাম, হাসান আখতারসহ বিপুল সংখ্যক সাহিত্য সংস্কৃতিকর্মী উপস্থিত ছিলেন।


বর্ণাচ্য র্যালিতে ‘শিশুরা আমার ভাইকে মেরো নাও, ‘আফগানিস্তানে শিশুহত্যা বন্ধ করো ইত্যাদি ফেন্টন বহন করে।

‘আফগানিস্তান আমার ভালবাসা’ শীর্ষক কবিতা পাঠের আসর

১৬ নভেম্বর শুক্রবার সকাল ৯টা থেকে ১২টা পর্যন্ত জাতীয় প্রেসক্লাব ভিআইপি লাউঞ্জে ‘আফগানিস্তান আমার ভালবাসা’ শীর্ষক একটি কবিতা পাঠের আসরের আয়োজন করা হয়। ড. আশরাফ সিদ্দিকীর সভাপতিত্বে অনুষ্ঠিত এ কবিতা পাঠের আসরে আলোচনায় অংশ নেন কবি মতিউর রহমান মল্লিক, অধ্যাপক সাইফুল্লাহ মানছুর ও কবি আসাদ বিন হাফিজ।

কবি জাকির আবু জাফরের পরিচালনায় এ অনুষ্ঠানে যুদ্ধ বিরোধী কবিতা পাঠে অংশ নেন সর্বজনোব কবি ড. আশরাফ সিদ্দিকী, সৈয়দ শামসুল হুদা, মতিউর রহমান মল্লিক, আসাদ বিন হাফিজ, আহমদ আখতার, গোলাম মোহাম্মদ, নাসির হেলাল, মহিউদ্দিন আকবর, খান মুহাম্মদ শিহাব, শরীফ আবদুল গোফরান, জাকির আবু জাফর, গোলাম নবী পার্হা, জামেসেদ ওয়াজেদ, রেজাউল হক হেলাল, এম. আর. মঙ্গ, রবিউল ইসলাম, ওমর বিশ্বাস, রাকিবুল ইসলাম, অঞ্জন শরীফ, মোঃ জালালউদ্দিন নলুয়া প্রমুখ। আবৃত্তিতে অংশ নেন জনাব শরীফ বায়েজীদ মাহমুদ।

সভাপতির ভাষণে ড. আশরাফ সিদ্দিকী নিরীহ আফগান জনগণ বিশেষ করে শিশু ও নারীদের রক্ষায় ত্বরিত ব্যবস্থা গ্রহণের জন্য জাতিসংঘের প্রতি আহবান জানান। তিনি



‘আফগানিস্তান আমার ভালবাসা’ শীর্ষক কবিতা পাঠের আসরে বক্তব্য রাখছেন  
ড. আশরাফ সিদ্দিকী



‘আফগানিস্তান আমার ভালবাসা’ শীর্ষক কবিতা পাঠের আসরে মুনাজাতের দৃশ্য মানবতা বিরোধী বৃহৎ শক্তির চাপিয়ে দেয়া যুদ্ধ বক্তে বিশ্বনেতৃবৃন্দের হস্তক্ষেপ কামনা করেন। মুনাজাতের মাধ্যমে সভার সমাপ্তি ঘটে।

ডিসেম্বর ২০০১

### কবিতা পাঠের আসর ও ইফতার মাহফিল

সমাজকল্যাণ মন্ত্রী ও জামায়াতে ইসলামীর সেক্রেটারী জেনারেল আলী আহসান মুহাম্মদ মুজাহিদ বলেছেন, আমাদের সংস্কৃতি, জাতিসঙ্গ ও পরিচয়ের ভিত্তি হচ্ছে লা ইলাহা ইল্লাল্লাহ। বাস্তব জীবনে ইসলামের অনুশীলনই আমাদের এই চেতনার সমৃদ্ধি ঘটাবে। ১লা ডিসেম্বর ২০০১ শনিবার রমনা রেস্টোরায় ঢাকা সাহিত্য সংস্কৃতি কেন্দ্র আয়োজিত কবিতা পাঠের আসর ও ইফতার মাহফিলে তিনি এ কথা বলেন।

কবি আল মাহমুদের সভাপতিত্বে অনুষ্ঠিত এই মাহফিলে অন্যান্যের মধ্যে বক্তব্য রাখেন দারুল ইহসান বিশ্ববিদ্যালয়ের প্রোফেসর ড. সদরুদ্দিন আহমদ, ছড়াকার রফিকুল হক দাদু ভাই, শিল্পী সবিহ উল আলম, জাসাসের সাধারণ সম্পাদক বাবুল আহমদ, কমলকুঁড়ির অধ্যক্ষ আহমদ কায়সার, ওয়ার্ক মুসলিম কালচারাল সোসাইটির সভাপতি আহমদ সেলিম রেজা, বিপরীত উচ্চারণের সভাপতি কবি নাসির মাহমুদ, কেন্দ্রের



বক্তব্য রাখেন মাননীয় সমাজকল্যাণ মন্ত্রী




ইফতার মাহফিলে মুনাজাত পরিচালনা করছেন মাননীয় সমাজকল্যাণমন্ত্রী জনাব আলী আহসান মুহাম্মদ মুজাহিদ, অন্যান্যের মধ্যে মধ্যে উপবিষ্ট কেন্দ্রের সভাপতি সাইফুল্লাহ মানছুর, জাসাসের সাধারণ সম্পাদক বাবুল আহমদ, দারুল ইহসান বিশ্ববিদ্যালয়ের প্রোভিস ড. সদরুন্দিন আহমদ, কবি আল মাহমুদ, শিল্পী সবিহ উল আলম, রফিকুল হক দাদু ভাই ও কবি আসাদ বিন হাফিজ

সভাপতি সাইফুল্লাহ মানছুর। অনুষ্ঠানটি পরিচালনা করেন কেন্দ্রের সেক্রেটারী কবি আসাদ বিন হাফিজ।

কবি আল মাহমুদ বলেন, এ দেশের স্বাধীনতা, জাতিসংগঠন, সংস্কৃতি ও পরিচয়ের শক্তিদের ব্যাপারে সতর্ক থাকতে হবে। সাংস্কৃতিক শক্তি না থাকলে রাজনৈতিক বিজয়ও হমকীর সম্মুখীন হয়ে পড়ে। জাতিসংগঠন ও বিশ্বাসের বিজয় ধরে রাখার জন্য সাংস্কৃতিক কর্মদের কাজ করে যেতে হবে। কেন্দ্রের সভাপতি জনাব অধ্যাপক সাইফুল্লাহ মানছুর বলেন, বিশ্বাসী ও দেশপ্রেমিক সাংস্কৃতিক কর্মদের একের জন্য আমরা কাজ করে যাচ্ছি। আওয়ামী লীগ সরকার আমাদের বিশ্বাস ও সংস্কৃতির ওপর বার বার আবাত হেনেছে। সরকারের পরিবর্তন হলেও তাদের রেখে যাওয়া সাংস্কৃতিক পরিকল্পনার পরিবর্তন হয়নি। সরকারী বিভিন্ন গুরুত্বপূর্ণ পদে তাদের নিয়োজিত লোকজন বসে থেকে সেই পরিকল্পনা বাস্তবায়নের অপতৎপরতায় লিঙ্গ। জোট সরকারকে এদিকে নজর দিতে হবে এবং জাতির প্রত্যাখ্যাত ব্যক্তিদের বদলে বিশ্বাসী ও দেশপ্রেমিক ব্যক্তিদের রাষ্ট্রীয় সাংস্কৃতিক প্রতিষ্ঠানে নিয়োগ দিতে হবে। আলোচনা অনুষ্ঠানের আগে প্রায় অর্ধশত কবি কবিতা পাঠের আসরে অংশ গ্রহণ করে।

### মহান বিজয় দিবস উদযাপন

সাংস্কৃতিক সীমানা অরক্ষিত থাকলে রাজনৈতিক স্বাধীনতা হমকীর সম্মুখীন হয়ে পড়ে। মহান বিজয় দিবস উপলক্ষে ঢাকা সাহিত্য সংস্কৃতি কেন্দ্র আয়োজিত অনুষ্ঠানমালায় বঙ্গারা বলেন, সাংস্কৃতিক সীমান্ত অরক্ষিত থাকলে রাজনৈতিক স্বাধীনতা হমকীর সম্মুখীন হয়ে পড়ে। বিজয়ের আনন্দ ধরে রাখতে হলে সুস্থ সংস্কৃতি চর্চার বিকাশ বাঢ়াতে হবে। ১৪ ডিসেম্বর ২০০১, শুক্রবার সকাল দশটায় বাংলা সাহিত্য পরিষদ মিলনায়তনে



### বঙ্গব্য রাখছেন বাংলা একাডেমীর পরিচালক জনাব মুহাম্মদ সিরাজউদ্দিন

অনুষ্ঠিত এক আলোচনা সভায় প্রধান অতিথির ভাষণে প্রথ্যাত গবেষক, বাংলা একাডেমীর পরিচালক জনাব মুহাম্মদ সিরাজউদ্দিন এ কথা বলেন। ঢাকা সাহিত্য সংস্কৃতি কেন্দ্রের সেক্রেটারী কবি আসাদ বিন হাফিজের সভাপতিত্বে অনুষ্ঠিত এ আলোচনা সভায় বিশেষ অতিথি হিসাবে বঙ্গব্য রাখেন বিশিষ্ট ইতিহাস গবেষক ও সাংস্কৃতিক ব্যক্তিত্ব মোহাম্মদ আবদুল মান্নান। প্রধান আলোচক হিসাবে উপস্থিত ছিলেন কবি মতিউর রহমান মল্লিক। অনুষ্ঠানমালার মধ্যে ছিল ছড়া ও কবিতা পাঠের আসর, আলোচনা সভা এবং দেশান্তরোধক গান পরিবেশন। প্রধান অতিথি জনাব মুহাম্মদ সিরাজউদ্দিন তাঁর ভাষণে আমাদের সুনীর্ধ সাংস্কৃতিক উত্তরাধিকারের পরিচয় তুলে ধরে বলেন, মানুষকে সুখ ও শান্তির ঠিকানা খুঁজে দেয়ার জন্য সাংস্কৃতিক কর্মাদের সচেষ্ট হতে হবে।

বিশেষ অতিথির ভাষণে মোহাম্মদ আবদুল মান্নান এ অঞ্চলের সাংস্কৃতিক অগ্রগতির ধারা তুলে ধরে বলেন, বিশ্ববিদ্যালয়ের মনোগ্রাম থেকে কোরআনের আয়াত তুলে দেয়া এবং পৌত্রিক সংস্কৃত চালু করার চেষ্টা যে এদেশের গণমানন্মের সাংস্কৃতিক বোধ ও বিশ্বাসের পরিপন্থী ছিল ভোটের মাধ্যমে জনগণ তা প্রমাণ করেছে। এ রাজনৈতিক বিজয় স্থিতিশীল থাকবে না যদি গণচেতনার প্রতি শ্রদ্ধাশীল সুসংহত সাংস্কৃতিক ধারা ধরে রাখা না যায়। এ প্রসঙ্গে তিনি আরো বলেন, ইউনেস্কোর সাংস্কৃতিক নীতিমালায় অনুশোক্ষরকারী দেশ হিসাবে বাংলাদেশ সংস্কৃতি কমিশন যে সাংস্কৃতিক নীতিমালা প্রয়ন করেছে তাই আমাদের সাংস্কৃতিক নীতিমালা। এ নীতিমালাগুলো সম্পর্কে আমাদের সুস্পষ্ট ধারনা লাভ করা উচিত। কবি মতিউর রহমান মল্লিক বলেন, সমাজের মানুষ যতক্ষণ অন্যের হক আদায়ে সচেষ্ট না হবে ততক্ষণ স্বাধীনতার প্রকৃত সুখ অনুভব করা সম্ভব নয়। আল্লাহর কাছে জবাবদিহির অনুভূতিসম্পন্ন সরকারই কেবল এর নিষয়তা দিতে পারে। সভায় কবি গোলাম মোহাম্মদ, মানসুর আজিজ, মঙ্গন বিন শফিউদ্দিন, শফিকুর রহমান রঞ্জু, আহসান হাবীব খান, জোবায়ের আল মামুন, শহীদুল ইসলাম কিবরিয়া প্রযুক্ত কবিতা পাঠ ও আবৃত্তিতে অংশ নেন। গান পরিবেশন করেন শিল্পী মশিউর রহমান, সালাহউদ্দিন সুমন, মাহবুব আল হাদী প্রযুক্ত শিল্পীবৃন্দ।



প্রকাশনা উৎসবে বক্তব্য রাখছেন ইসলামিক ফাউণ্ডেশন বাংলাদেশ-এর মহাপরিচালক  
জনাব সৈয়দ আশরাফ আলী

**মুনশী মেহেরউল্লাহ :** জীবন ও কর্ম গ্রন্থের প্রকাশনা উৎসব  
নাসির হেলাল সম্পাদিত ‘মুনশী মেহেরউল্লাহ জীবন ও কর্ম’ গ্রন্থের প্রকাশনা উৎসব  
উপলক্ষে ২৫ ডিসেম্বর ২০০১ মঙ্গলবার সকাল ১০টায় সোনারগাঁও রোডস্থ হামদর্দ  
মিলনায়তনে কেন্দ্রের উদ্যোগে এক আলোচনা সভার আয়োজন করা হয়।  
কবি আল মাহমুদ-এর সভাপতিত্বে অনুষ্ঠিত এ আলোচনা সভায় প্রধান অতিথি হিসাবে  
উপস্থিত ছিলেন ইসলামিক ফাউণ্ডেশন বাংলাদেশ-এর মহাপরিচালক জনাব সৈয়দ  
আশরাফ আলী। বিশেষ অতিথি হিসাবে বক্তব্য রাখবেন ঢাকা বিশ্ববিদ্যালয়ের সম্মানিত  
শিক্ষক ড. আফতাব আহমদ। আলোচনায় অংশ গ্রহণ করেন জনাব আবদুল খালেক  
মজুমদার, অধ্যাপক হাসান আবদুল কাইউম, মোহাম্মদ আবদুল মান্নান, ড. মকবুলার  
রহমান, মোহাম্মদ আশরাফুল ইসলাম, কবি আসাদ বিন হাফিজ ও কবি নাসির হেলাল।  
প্রধান অতিথি সৈয়দ আশরাফ আলী বলেন, একশ বছর আগে মুনশী মেহেরউল্লাহ যে  
কাজের দিকনির্দেশনা দিয়ে গেছেন আজ আমাদের তা সম্পন্ন করতে হবে। আড়াই লক্ষ  
মসজিদের পাঁচ লক্ষ ইমাম মুয়াজিনকে কাজে লাগিয়ে গণশিক্ষা কার্যক্রম বাস্তবায়নের  
মাধ্যমে জাতিকে নিরক্ষরমুক্ত করা সম্ভব। ড. আফতাব আহমদ মুনশী মেহেরউল্লাহকে  
যুগের সিংহ পুরুষ আখ্যা দিয়ে তাকে পৌত্রিক সংস্কৃতির বিরুদ্ধে জেহানী বীর বলে  
উল্লেখ করেন। কবি আল মাহমুদ মুনশী মেহেরউল্লাহকে সাংস্কৃতিক লড়াইয়ের প্রতীক  
বলে উল্লেখ করেন।

আলোচনা পর্বের পর শরীফ বায়জীদ মাহমুদের পরিচালনায় মুনশী মেহেরউল্লাহ শীর্ষক  
শ্রদ্ধিত নাটিকা ও সঙ্গীত পরিবেশিত হয়। এতে অংশ গ্রহণ করেন আহসান হাবীব,  
শোয়েব আহমদ, শাহজাহান কবীর, মশিউর রহমান ও শরীফ বায়জীদ মাহমুদ।



তামাশ শহীদ দিবসের ৫০ বছরপূর্তি উৎসবে শিল্পকলা একাডেমীর মহাপরিচালক জনাব  
মোস্তফা জামান আববাসী প্রধান অতিথির ভাষণ রাখছেন

ফেব্রুয়ারী ২০০২

### তামাশ শহীদ দিবসের ৫০ বছরপূর্তি উদযাপন

আন্তর্জাতিক মাতৃভাষা দিবস ও তামাশ শহীদ সূত্রির ৫০ বছরপূর্তি উপলক্ষে ১৩ ফেব্রুয়ারী বুধবার বিকেল চারটায় হামদর্দ মিলনায়তনে কেন্দ্রের উদ্যোগে অনুষ্ঠিত হয় আলোচনা সভা, কবিতা আবৃত্তি ও গানের আসর। কবি আল মাহমুদের সভাপতিত্বে অনুষ্ঠিত এ সভায় প্রধান অতিথি ছিলেন শিল্পকলা একাডেমীর মহাপরিচালক জনাব মোস্তফা জামান আববাসী। আলোচনায় অংশ নেন সর্বজনোব শাহাবুদ্দিন আহমদ, অধ্যাপক সাইফুল্লাহ মানছুর, কবি আসাদ বিন হাফিজ, কবি মুকুল চৌধুরী, মোহাম্মদ আশরাফুল ইসলাম, কবি নাসির হেলাল প্রমুখ।

আবৃত্তিতে অংশ নেন আহসান হাবীব খান, তামাশ গান পরিবেশন করেন শিল্পী সালাহউদ্দিন সুমন, শিল্পী শামিয়ুল হক।

মার্চ ২০০২

### স্বাধীনতা দিবস উদযাপন

মহান স্বাধীনতা দিবস উপলক্ষে ঢাকা সাহিত্য সংস্কৃতি কেন্দ্রের উদ্যোগে বাংলা সাহিত্য পরিষদ মিলনায়তনে প্রবীণ সাহিত্য সমালোচক ও সাংবাদিক জনাব শাহাবুদ্দিন আহমদের সভাপতিত্বে এক আলোচনা সভা ও কবিতা পাঠের আসর অনুষ্ঠিত হয়। সভায় প্রধান অতিথি হিসাবে উপস্থিত ছিলেন আধুনিক বাংলা কাব্যের প্রাণপুরুষ কবি আল মাহমুদ। আলোচনায় অংশ নেন গবেষক জনাব মোহাম্মদ আবদুল মাল্লান, কবি হাসান আলীম, কবি মোশাররফ হোসেন খান ও কেন্দ্রের সেক্রেটারী কবি আসাদ বিন হাফিজ।

২০৬ সাহিত্য সংস্কৃতি \* সীরাতুন্নবী (সা.) সংখ্যা \* ২০০২

কবি আল মাহমুদ তার মুক্তিযুদ্ধের শৃঙ্খিচারণ করে বলেন, কারো আধিপত্য গ্রহণ করার জন্য বা পৌত্রিকতা গ্রহণের জন্য স্বাধীনতা যুদ্ধ করিনি। মুক্তিযুদ্ধের সময় পাকিস্তান সরকারের আনুগত্য করে যারা হালুয়া-রঞ্চ থেয়েছে এমন অনেকেই আজ তথাকথিত প্রগতিশীল ও মুক্তিযুদ্ধের সপক্ষে শক্তি সেজে স্বাধীনতার চেতনা বিনষ্ট করছে। মুক্তিযুদ্ধের মূল চেতনা ছিল অন্যায়ের বিরুদ্ধে প্রতিবাদ। আজো অন্যায়ের বিরুদ্ধে সোচার থাকার মাধ্যমেই মুক্তিযুদ্ধের চেতনাকে জাগ্রত রাখতে হবে। আর অন্যায়ের বিরুদ্ধে সোচার থাকার প্রবল সাংস্কৃতিক হামলার শিকার।

সভাপতির ভাষণে জনাব শাহবুদিন আহমদ বলেন, রাজনৈতিক স্বাধীনতা তখনই পূর্ণতা লাভ করে যখন অর্থনৈতিক ও সাংস্কৃতিক স্বাধীনতা অর্জিত হয়। কিন্তু বর্তমানে আমরা প্রবল সাংস্কৃতিক হামলার শিকার।

সভার শুরুতে বহু নবীন ও প্লুবীণ কবি কবিতা পাঠের আসরে অংশ গ্রহণ করে।

### গাঙ্গচিল মন নৌভ্রমণ

নগর জীবনের যান্ত্রিকতা কাটিয়ে আল্লাহর সৃষ্টি বৈচিত্র উপভোগের লক্ষ্যে বার্ষিক বনভোজনের পরিবর্তে কেন্দ্র এবার আয়োজন করে বৈচিত্রময় নৌভ্রমণের। ২২ মার্চ ২০০২ প্রভুষে সদরঘাট নৌটার্মিনাল থেকে এমভি বোগদানিয়া যোগে শুরু হয় নৌবিহারে। কেন্দ্রের সদস্য, সুধী এবং শুভাকাঞ্জীরা সপরিবারে অংশ নেন এ নৌবিহারে।

দুই শতাধিক শিল্পী সাহিত্যিক সাংস্কৃতিক কর্মীকে নিয়ে এমভি বোগদানিয়া রওনা করে মেঘনা ঘাটের দিকে। অল্প কিছুক্ষণের মধ্যেই হারিয়ে যায় নাগরিক কোলাহল। দুই পারের অবারিত সুবুজ, সুনীল জলরাশি আর উন্মুক্ত আকাশের বিশালতায় সব কাট হাদয়ে জমা হয় মুঝ্বতার সভার।

আমাদের সঙ্গী হয়েছিলেন কবি আল মাহমুদ, কেন্দ্রের উপদেষ্টা ডা. রেদওয়ান উল্লাহ শাহেদী, কেন্দ্রের সাবেক সভাপতি জনাব হাসান আবদুল কাইউম, ড. হ্রামুন কবীরসহ



গাঙ্গচিল মন নৌভ্রমণে মরহম কবি গোলাম মোহাম্মদ ও তাঁর সংগীরা।

আরো অনেকে।


নৌভ্রমণকে সফল সার্থক ও শ্বরণীয় করে  
রাখার জন্য কবি আসাদ বিন হাফিজকে  
আহবায়ক করে একটি বাস্তবায়ন কমিটি গঠন  
করা হয়। কমিটির সদস্য সচিব ছিলেন মোঃ  
আবেদুর রহমান। এ উপলক্ষে প্রকাশিত হয়  
গাঙ্গচিল মন নৌভ্রমণ আরক ২০০২।  
সম্পাদনা করেন মোহাম্মদ আবদুল মান্নান।  
সহকারী সম্পাদক ছিলেন কবি জাকির আবু  
জাফর। সম্পাদনা কমিটিতে ছিলেন কবি  
গোলাম মোহাম্মদ, কবি নাসির হেলাল, কবি  
শরীফ আবদুল গোফরান। আরকটির প্রচ্ছদ  
ঁকেছেন শিল্পী ইব্রাহীম মওল। অভ্যর্থনা  
বিভাগের দায়িত্বে ছিলেন মোহাম্মদ  
আশরাফুল ইসলাম। টার্মিনাল গেটে ব্যানার  
টানিয়ে অভ্যাগতদের সুদৃশ্য ব্যাজ পরিয়ে  
ত্রিতল লঞ্চে নিয়ে যায় অভ্যর্থনা কমিটি।  
ডেকোরেশন বিভাগের দায়িত্বে ছিলেন কবি  
নাসির হেলাল। মেহমান বিভাগের দায়িত্ব  
পালন করেন জনাব শরীফ বায়জীদ মাহমুদ। নাট্যকার শাহ আলম নূর ছিলেন সংস্কৃতি  
বিভাগের দায়িত্বে, তাঁর সহকারী ছিলেন নাট্যকার আহসান হাবীব খান। অর্থ বিভাগের  
দায়িত্ব পালন করেন রফিকুল ইসলাম সরদার, তাঁকে সহযোগিতা করেন শিল্পী মশিউর  
রহমান। মোঃ আবদুর রহিম খান ছিলেন খাদ্য বিভাগের দায়িত্বে। তাঁকে সহযোগিতা,  
দেন তৌহিদুর রহমান, শাহজাহান কবীর ও আবদুল লতিফ। আর সার্বিক ব্যবস্থাপনা ও.  
তত্ত্বাধানের দায়িত্বে ছিলেন কেন্দ্রের সভাপতি জনাব সাইফুল্লাহ মানছুর।

আরকে আছে আসাদ বিন হাফিজের নৌবিহারের গান, গোলাম মোহাম্মদের গাঙ্গচিল মন,  
শরীফ আবদুল গোফরানের চৈতি হাওয়া, নাসির হেলালের সবার সেরা, জাকির আবু  
জাফরের গাঙ্গচিল মন, এম.আর.পাঠানের আহা-জারি, ওমর বিশ্বাসের বৃঙ্গিঙ্গার পানি,  
সিরাজ মুহাম্মদের নৌবিহারে যাব, আজাদ ওবায়েদুল্লাহর হাটটিমাটিম হাট্টা, আফসার  
নিজামউদ্দিনের নৌবিহার, ইয়াকুব আলী বিশ্বাস, রায়হান সায়ীদের ইচ্ছে করে, উষ্মে  
ফারহানা খুশির নতুন অভিজ্ঞতা, রেজওয়ান মাহমুদের ভোলার পিকনিক, জেসমিন আরা  
নিশ্চার অপরূপ সৃষ্টি কবিতা। প্রবন্ধ ছিল মোহাম্মদ আশরাফুল ইসলামের চড় ইভাতির  
মেলায়, রুম্মান বায়জীদের নৌভ্রমণ ও কিছু স্মৃতি, তৌহিদুর রহমানের লঞ্চে আসুন গাল  
তরে হাসুন। প্রচ্ছদ আঁকেন শিল্পী ইব্রাহীম মওল।

নাস্তা শেষে এখানে ওখানে জটলা ও আড়ডায় মেতে ওঠে শিশু-কিশোরসহ অনেকে। শুরু  
হয় নানা রকম খেলাধূলা ও প্রতিযোগিতা। একটি ফ্রোর ছেড়ে দেয়া হয় মেয়েদের জন্য।  
ওখানেও চলে খেলার আয়োজন। মেঘনা ঘাটের কাছে লঞ্চ ভিড়িয়ে আদায় করা হয়  
জুমার নামাজ। তার আগে মেঘনায় ডুব-সাতার ও গোসল।

নামাজের পর সুস্থানু খাবার খেয়ে তৃষ্ণির ঢেকুর তুলে সবাই যখন বিশ্বামৈ ব্যস্ত তখনি  
ফিরতি পথ ধরে এমতি বোগদানী। বিকেলে এক চরে লঞ্চ ভিড়িয়ে ফুটবল খেলা আর  
বাগানধেরা মসজিদে আসারের নামাজের স্মৃতি অনেক দিন মনে থাকবে সকলের।





গাঁওচিল মন নোত্রমণে বিভিন্ন প্রতিযোগিতায় বিজয়ীদের মধ্যে পুরস্কার বিতরণ করছেন কবি আল মাহমুদ, কেন্দ্রের উপদেষ্টা ড. রেদওয়ান উল্লাহ শাহেদী ও ড. হায়ুন কবীর। সমাপনী অনুষ্ঠানটি ছিল খুবই উপভোগ্য। পুরস্কার বিতরণ করেন কবি আল মাহমুদসহ মেহমানবন্দ। সক্ষ্যার অঙ্ককারে বেজে উঠে বিদায়ের ভেপু। এক বৃক সৃতি নিয়ে ঘুরে ফেরার জন্য পা বাড়ায় সকলে।

এপ্রিল ২০০২

### ১লা এপ্রিল আন্তর্জাতিক শোক দিবস পালিত

অন্যান্য বারের মত এবারও ১লা এপ্রিল ঢাকা সাহিত্য সংস্কৃতি কেন্দ্র রাজধানীর মুক্তাঙ্গন থেকে বের করে এক ব্যক্তিগতি শোকর্যালি। ১৪৯২ সালে স্পেনের থানাড়া শহরে মিথ্যা প্রতিশ্রুতি ও প্রতারণার মাধ্যমে সাত লক্ষ মুসলমানকে জীবন্ত পুড়িয়ে মারার ট্রাজেডি শরণে শুরু হয় এই র্যালি। খৃষ্টানরা হত্যার আনন্দে দিবসটি পালন করে ‘এপ্রিল ফুল’ হিসাবে আর হত্যার শিকার মুসলমানরা তা পালন করে আন্তর্জাতিক শোক দিবস হিসাবে। বিশ্ব মানবতা তথ্য মুসলমানদের কাছে কারবালার মতই চরম শোকের সৃতিবাহী এ দিনে শিশু-কিশোরসহ শিল্পী সাহিত্যিকরা ব্যানার ও ফের্টেন নিয়ে নেমে আসে রাজপথে। বুকে তাদের জাতিকে জাগ্রত ও সচেতন করার প্রেরণা।

র্যালি শেষে অনুষ্ঠিত হয় সংক্ষিঙ্গ সমাবেশ। সমাবেশে বঙ্গব্য রাখেন ঢাকা সাহিত্য সংস্কৃতি কেন্দ্রের সমানিত উপদেষ্টা ড. রেদওয়ান উল্লাহ শাহেদী, বাংলাদেশ সংস্কৃতি কেন্দ্রের সদস্য সচিব কবি মতিউর রহমান মল্লিক, কেন্দ্রের সভাপতি অধ্যাপক সাইফুল্লাহ মানছুর ও সেক্রেটারী কবি আসাদ বিন হাফিজ।

এ ছাড়া রাজধানীর মসজিদে মসজিদে এই বিয়োগাত্মক কাহিনী তলে ধরে কেন্দ্রের পক্ষ থেকে প্রচার করা হয় লক্ষাধিক লিফলেট। এর আলোকে মসজিদের সমানিত ইমাম সাহেবানগণ তাদের খোতবায় তুলে ধরেন সেই বেদনাঘন করুণ চিত্র। পত্রিকায় লেখা হয় ফিচার। এভাবে বিগত চার-পাঁচ বছর ধরে কেন্দ্র জাতিকে সচেতন করার লক্ষ্য অবিরাম কাজ করে যাচ্ছে।

## ক্যালিগ্রাফি ওয়ার্কশপ ২০০২

বাংলাদেশে ক্যালিগ্রাফি শিল্পকে জনপ্রিয় করে তোলার লক্ষ্যে কেন্দ্র নিয়মিত প্রশিক্ষণের আয়োজন করছে। এ লক্ষ্যে কাজ করছে কেন্দ্রের সহযোগী সংগঠন 'ক্যালিগ্রাফি সোসাইটি অব বাংলাদেশ'। ৫ম ক্যালিগ্রাফি প্রদর্শনী ২০০২-কে সামনে রেখে এপ্রিলে অনুষ্ঠিত হয় মাসব্যাপী বিশেষ প্রশিক্ষণ কোর্স। কোর্স কো-অডিনেটের ছিলেন শিল্পী ইব্রাহীম মঙ্গল। প্রশিক্ষক হিসাবে দায়িত্ব পালন করেন চারুকলা ইনসিটিউটের পরিচালক ড. আবদুস সাত্তার, চট্টগ্রাম আর্ট কলেজের প্রতিষ্ঠাতা প্রিসিপ্যাল শিল্পী সবিহ উল আলম, শিল্পী শহীদুল্লাহ এফ বারী ও শিল্পী অধ্যাপক রেজাউল করীম।

**বাংলা নববর্ষ উদযাপন :** স্মারক প্রকাশ, পথনাটক ও আলোচনা অনুষ্ঠান



বাংলা নববর্ষে কবি ঢাকা সাহিত্য সংস্কৃতি কেন্দ্র থেকে গোলাম মোহাম্মদের সম্পাদনায় প্রকাশিত হয় 'এলো বৈশাখ' নামে একটি আকর্ষণীয় স্মারক। সম্পাদনা কমিটিতে ছিলেন শরীফ আবদুল গোফরান, সরদার ফরিদ আহমদ, জাকির আবু জাফর, রফিক মুহাম্মদ ও ওমর বিশ্বাস। প্রচন্দ আঁকেন শিল্পী ইব্রাহীম মঙ্গল।

১৪০৯ বাংলা নববর্ষের আগমনকে স্বাগত জানিয়ে কেন্দ্রের সহযোগী সংগঠন 'মহানগর সংস্কৃতি সংসদ' ব্যাপক কর্মসূচী গ্রহণ করে। বাদ ফজর প্রীতি প্রকাশনের সামনে থেকে শুরু হয় সাংস্কৃতিক কর্মীদের র্যালি। র্যালিতে নেতৃত্ব দেন কেন্দ্রের সেক্রেটারী কবি আসাদ বিন হাফিজ, নাট্যকার শাহ আলম নূর, কবি শরীফ আবদুল গোফরান,




কবি নাসির হেলাল, কবি জাকির আবু জাফর ও 'মহানগর সংস্কৃতি সংসদ'-এর সভাপতি শরীফ বায়জীদ মাহমুদ।

র্যালি রমনার বকুল তলায় পৌঁছেলি বিপুল সংখ্যক দর্শক শ্রেতার সমাবেশ ঘটে। শুরু হয় পথনাটক ও আলোচনা। বক্তব্য রাখেন কবি আসাদ বিন হাফিজ ও নাট্যকার শাহ আলম নূর। এরপর শুরু হয় মীর মোশাররফ হোসেন রাজু নির্দেশিত ও হাবীব আহসান রচিত বিনোদন পথনাটক 'বিবৃতি প্রদান ছাউনি'। ভিত্তি চরিত্রে অভিনয় করে মেল্লা তোহিদুল ইসলাম, মীর মোশাররফ হোসেন রাজু, আবদুল আহাদ শোয়েব, মোঃ হেমায়েত উদ্দিন ও সালাহউদ্দিন সুমন।

মে ২০০২

### ৫ম ক্যালিগ্রাফির উদ্বোধনী অনুষ্ঠান ও স্ম্যভেনীর প্রকাশ

পরিত্র সীরাতুল্লাহী (সা.) উপলক্ষে ঢাকা সাহিত্য সংস্কৃতি কেন্দ্র দেশের ২৪জন বিশিষ্ট ক্যালিগ্রাফি শিল্পীর শিল্পকর্ম নিয়ে ৫ম ক্যালিগ্রাফি প্রদর্শনীর আয়োজন করে। ১৭ মে



২০০২ শুক্রবার বিকাল পাঁচটায় জাতীয় জাদুঘরের বেগম সুফিয়া কামাল মিলনায়তনে এর উদ্বোধনী অনুষ্ঠান হয়। চারকুলা ইনসিটিউটের পরিচালক ড. আবদুস সাত্তারের সভাপতিত্বে অনুষ্ঠিত এ উদ্বোধনী সভায় প্রধান অতিথি ছিলেন জাতীয় সংসদের তৎকালীন স্পীকার ব্যারিষ্টার মুহম্মদ জমির উদ্দিন সরকার। আলোচনায় অংশ নেন শিল্পকলা একাডেমীর মহাপরিচালক জনাব মুস্তাফা জামান আবাসী, চারকুলা ইনসিটিউটের অধ্যাপক জনাব আবদুল মতিন সরকার, শিল্পী সবিহ উল আলম। শরীফ বায়জীদ মাহমুদের পরিচালনায় এ অনুষ্ঠানে স্বাগত বক্তব্য দেন প্রদর্শনী কমিটির আহবায়ক শিল্পী ইব্রাহিম মতল



বক্তব্য রাখছেন প্রধান অতিথি



মে ২০০২

### মহানগর সংস্কৃতি সংসদ-এর চা-চক্র

মহানগর সংস্কৃতি সংসদ আয়োজিত চা-চক্র ও সাংস্কৃতিক সংস্কৃতি অনুষ্ঠিত হয় ঢাকা সাহিত্য সংস্কৃতি কেন্দ্রের মিলনায়তনে। কবি গোলাম মোহাম্মদ-এর হাতে করা ব্যানারটি সবার দৃষ্টি কাড়ে। ইয়াকুব আলী বিশ্বাসের উপস্থাপনায় আবুর রহীম-এর কোরআন তেলাওয়াত ও মিনহাজুল করীম সুমনের কঠে নজরুল সংগীত পরিবেশনের মধ্য দিয়ে শুরু হয় মহানগর সংস্কৃতি সংসদ-এর চা-চক্র ও সাংস্কৃতিক সংস্কৃতি। নবীন প্রবীণ-এর এক অপূর্ব মিলন ঘটে এ সংস্কারে। আবুল হেসাইন মাহমুদ, কৃত্ববৰ্ডিন, মহিউদ্দীন মনির-এর মত অনেকেই একত্রে মিলিত হন দীর্ঘদিন পর। আলোচনায় আসেন ঢাকা সাহিত্য সংস্কৃতি কেন্দ্রের সেক্রেটারী জনাব আসাদ বিন হাফিজ, সাইয়মুরের সাবেক পরিচালক মানারত ইস্টারন্যাশনাল ইউনিভারসিটির অধ্যাপক সালমান আল আয়ামী। প্রাক্তন ভাইদের অভিযোগ্যি বর্ণনার সময় সকলেই তাদের দায়িত্ব পালন কালের অন্ধ-মধুর শৃঙ্খলা করতে গিয়ে আবেগে কেঁদে ফেলেন। নতুন করে শপথ ও সংকল্প দানা বাঁধে তাদের অন্তরে। প্রধান অতিথির বক্তব্য রাখেন কেন্দ্রের সভাপতি জনাব সাইফুল্লাহ মানছুর। তিনি প্রাক্তন ভাইদের স্বাগত জানান এবং একসাথে তাদের প্রতিভার স্বাক্ষর রেখে সংগঠনকে উজ্জীবিত করার আহ্বান জানান। অনুষ্ঠানে শিল্পী সালাউদ্দীন সুমন ও আবদুল লতীফ সঙ্গীত পরিবেশন করেন এবং স্ব-রচিত কবিতা আবণ্ণি করেন মাহফুজুর রহমান কঢ়ি। সবশেষে মহানগর সংস্কৃতি সংসদের সভাপতি শরীফ বায়জীদ মাহমুদ সবাইকে ধন্যবাদ জ্ঞাপন করে আপ্যায়নের মাধ্যমে অনুষ্ঠানের সমাপ্তি টানেন।


জুন ২০০২

### ১ম হামদ-নাত ও কবিতা সংস্ক্রয়

পরিত্র সীরাতুল্লবী [সা.] উদযাপন উপলক্ষে ঢাকা সাহিত্য সংস্কৃতি কেন্দ্র ১২ জুন ২০০২ সংক্ষিয় হোটেল পূর্বাংশী বলরূপে আয়োজন করে ১ম হামদ-নাত ও কবিতা সংস্ক্রয়। ৪৪ জন কবি এতে রাস্তের শানে কবিতা পাঠে অংশ নেন। কবিতা পাঠের আগে অনুষ্ঠিত হয় সংক্ষিপ্ত আলোচনা। স্বাগত বক্তব্য রাখেন কেন্দ্রের সভাপতি সাইফুল্লাহ মানছুর। বক্তব্য রাখেন ড. আশরাফ সিদ্দিকী। সভাপতিত্ব করেন কবি আল মাহমুদ। ধন্যবাদ জ্ঞাপন করেন কেন্দ্রের সেক্রেটারী কবি আসাদ বিন হাফিজ।

অনুষ্ঠানটি পরিচালনা করেন বিশিষ্ট উপস্থাপক শরীফ বায়জীদ মাহমুদ। শিল্পী জুবায়ের

২১২ সাহিত্য সংস্কৃতি \* সীরাতুল্লবী (সা.) সংখ্যা \* ২০০২



মঞ্চে উপবিষ্ট কবি জাহানারা আরজু, সাবির আহমদ চৌধুরী, ড. আশরাফ সিদ্দিকী, কবি  
আল মাহমুদ, আবদুর রশীদ খান ও কেন্দ্রের সভাপতি জনাব সাইফুল্লাহ মানছুর

হোসাইনের তেলাওয়াতের মাধ্যমে অনুষ্ঠান শুরু হয়। হামদ-নাত পরিবেশন করেন শিল্পী  
মশিউর রহমান, আবদুল্লাহ আল মাসুদ ও শিল্পী জুবায়ের হোসাইন। আবৃত্তিতে অংশ  
নেন জনাব শাহবুদ্দীন আহমদ। অনুষ্ঠানকে সফল করে তোলার জন্য জনাব সাইফুল্লাহ  
মানছুরকে আহবায়ক ও কবি গোলাম মোহাম্মদকে সদস্য সচিব করে একটি কমিটি গঠন  
করা হয়। কমিটির অন্যান্য সদস্য ছিলেন কবি আসাদ বিন হাফিজ, কবি নাসির হেলাল,

## ১ম হামদ-নাত ও কবিতা সম্মতি 1st Hand-Naat & Poetry Evening

ঢাকা সাহিত্য সংস্কৃতি কেন্দ্র  
Dhaka Shahitya Sanskriti Kendra

২১৩ সাহিত্য সংস্কৃতি \* সীরাতুন্নবী (সা.) সংখ্যা \* ২০০২

কবি শরীফ আবদুল গোফরান, কবি জাকির আবু জাফর ও কবি ওমর বিশ্বাস। কবিতা পাঠে অংশ নেন সর্বজনোব কবি সাবির আহমদ চৌধুরী, আবদুর রশীদ খান, ড. আশরাফ সিদ্দিকী, জাহানারা আরজু, সৈয়দ শামসুল হৃদা, আবদুল মুকীত চৌধুরী, মসউদ উশ শহীদ, শাহদাত বুলবুল, মাহবুবুল হক, সাজজাদ হোসাইল খান, জয়নুল আবেদীন আজাদ, সুজাউদ্দিন কায়সার, মতিউর রহমান মল্লিক, দেলওয়ার বিন রশীদ, শরীফ আবদুল গোফরান, মহিউদ্দিন আকবর, হাসান আলীম, সোলায়মান আহসান, আসাদ বিন হাফিজ, মুকুল চৌধুরী, আবদুল কুন্দস ফরিদী, ইসমাইল হোসেন দিনাজী, গোলাম মোহাম্মদ, আহমদ সেলিম রেজা, আহমদ সাকী, নাসির হেলাল, গোলাম নবী পান্না, কামারুজ্জামান, শাহীন হাসনাত, সোহরাব আসাদ, জামালুদ্দিন বারী, জাকির আবু জাফর, নূরজ্জামান ফিরোজ, জামান সৈয়দী, আল হাফিজ, আবুল হোসাইল মাহমুদ, নাসীম মাহমুদ, ওমর বিশ্বাস, খাতুনে জান্নাত কণা, সৈয়দ সাইফুল্লাহ শিহাৰ, আরিফ নজরুল, মনসুর আজিজ, আফসার নিজামুদ্দিন ও কবি মষ্টিন বিন শফিউদ্দিন।

এ উপলক্ষে কবি গোলাম মোহাম্মদের সম্পাদনায় কবিদের সংক্ষিপ্ত জীবন বৃত্তান্ত ও ছবিসহ একটি আকর্ষণীয় স্যুভেলীর প্রকাশিত হয়। অনুষ্ঠানে দেশব্যাপী কবিতা রচনায় বিজয়ীদের মধ্যে পুরস্কার বিতরণ করা হয়। মানিক মদিনা সম্পাদক মাওলানা মুহিউদ্দিন খান, এটিএম আজহারুল ইসলাম, রফিকুল ইসলাম খান, এডভোকেট জসীম উদ্দিন সরকার, সাইফুল আলম খানসহ বছ গণ্যমান্য ব্যক্তিবর্গ অনুষ্ঠানটি উপভোগ করেন।

জুলাই ২০০২

### ভাষা শহীদের ৫০ বছরপূর্ণ উপলক্ষে স্মারক প্রকাশ

জুলাই ২০০২ সালে ঢাকা সাহিত্য সংস্কৃতি কেন্দ্র থেকে প্রকাশিত হয় ভাষা শহীদের ৫০ বছরপূর্ণ উপলক্ষে একটি আকর্ষণীয় স্মারক। স্মারকটি সম্পাদনা করেন কেন্দ্রের প্রকাশনা সম্পাদক মোহাম্মদ আশরাফুল ইসলাম। সম্পাদনা পরিষদে অন্যান্যের মধ্যে ছিলেন জনাব আসাদ বিন হাফিজ, নাসির হেলাল, শফিকুর রহমান রঙ্গ, গোলাম মোহাম্মদ ও জাকির আবু জাফর। সাড়ে তিন শতাধিক পৃষ্ঠার এ বিশাল স্মারকে স্থান পেয়েছে অনেক দুর্লভ ও মূল্যবান লেখা। সম্পাদকীয়তে ভাষার ক্ষেত্রে বিগত ৫০ বছরের অর্জনের সংক্ষিপ্ত প্রতিবেদন তুলে ধরা হয়। যাদের প্রাণের বিনিময়ে মহান একুশ অধ্যায়ে ছাপা হয় ভাষা সৈনিদের পরিচিতি ও ছবি। ইতিহাসের দুর্লভ সংগ্রহ অধ্যায়ে ড. মুহাম্মদ শহীদুল্লাহর ডকেদণ পীটত্থলটথণ রেম্ঠকণ্ঠ ঘত টেপৰ্টেড, কায়েদে আয়ম মুহাম্মদ আলী জিনাহর রেসকোর্সে প্রদত্ত মূল ইংরেজী ভাষণ ও তার বাংলা অনুবাদ, ২৪ মার্চ ঢাকা বিশ্ববিদ্যালয়ের ছাত্র কনভোকেশনে প্রদত্ত



কাহেদে আয়মের ভাষণ, রাষ্ট্রভাষা বাংলার দাবীতে তমদুন মজলিস প্রকাশিত প্রথম পুস্তিকা ‘পাকিস্তানের রাষ্ট্রভাষা বাংলা না উর্দু’, পাকিস্তানের তৎকালীন প্রধানমন্ত্রী লিয়াকত আলী খানকে ঢাকা বিশ্ববিদ্যালয়ের ছাত্রদের পক্ষ থেকে প্রদত্ত মেমোরেগুমের মূল ইংরেজী ও তার বাংলা অনুবাদ, কবি ফররুখ আহমদ লিখিত প্রবন্ধ ‘পাকিস্তানঃরাষ্ট্রভাষা ও সাহিত্য’ খান পায়।

বাংলা ভাষার মূল্যায়নমূলক প্রবন্ধ ছাপা হয় সাইয়েদ আবুল হাসান আলী নদভী, ড. কাজী দীন মুহাম্মদ, শাহাবুদ্দীন আহমদ, ড. এস. এম. লুৎফুর রহমান, শাহ আব্দুল হান্নান, অধ্যাপক মুহাম্মদ মিউর রহমান, ড. মুহাম্মদ আব্দুল হক, ড. মুহাম্মদ শফিকুল ইসলাম ও মোহাম্মদ আশরাফুল ইসলামের।

এতে ভাষা আন্দোলনের ঐতিহাসিক ও ঐতিহ্যিক প্রেক্ষাপট তুলে ধরে প্রবন্ধ লেখেন প্রফেসর সৈয়দ আলী আহসান, এ.জেড.এম শামসুল আলম ও মোহাম্মদ আব্দুল মান্নান। শৃঙ্খিচারণ করেন ড. আশরাফ সিদ্দিকী, মুহাম্মদ তকীয়ুল্লাহ, মাহবুবুল হক ও সিদ্দিক জামাল। ছাপা হয় বাংলা ভাষার ওপর ফররুখ আহমদ, আব্দুল লতিফ, আবুল খায়ের মুসলেহউদ্দিন, ফজল শাহবুদ্দিন, আব্দুল মান্নান সৈয়দ, আল মুজাহিদী, মুহাম্মদ নূরুল হুদা, আবিদ আজাদসহ তৃতীয় পুস্তক সংগ্রহীত সাক্ষাৎকার ছাপা হয় মরহুম ড. এনামুল হক, প্রিসিপ্যাল আবুল কাসেম ও আতাউর রহমান খানের। সাক্ষাৎকার ছাপা হয় ভাষা সৈনিক অধ্যাপক গোলাম আয়ম, অধ্যাপক আব্দুল গফুর, হাসান ইকবাল, প্রিসিপ্যাল আশরাফ ফারুকী ও কবি আল মাহমুদের।

আন্তর্জাতিক মাতৃভাষা অধ্যায়ে এ সংক্রান্ত ইউনেক্সের রেজুলেশান, প্রস্তাবনা, প্রেস রিলিজ, আবেদন, জাতিসংঘ মহাসচিব কফি আনানের বানী, ঢাকা থেকে প্রেরিত এ সংক্রান্ত চিঠির জবাব এবং ইয়ার বুকে অন্তর্ভুক্তির মূল কপির ফটোকপি ছাপা হয়। এ ছাড়া ছাপা হয় খান মোঃ মীজানুল ইসলাম সেলিমের ‘সাতক্ষীরা থেকে নিউইয়র্ক: আন্তর্জাতিক মাতৃভাষা দিবস আদায়ে দীর্ঘ পদযাত্রা’ শীর্ষক মূল্যবান দলিল এবং ড. আলতাফ হোসেন-এর আন্তর্জাতিক মাতৃভাষা ইনসিটিউট প্রকল্প: কিছু কথা শীর্ষক একটি প্রবন্ধ। স্মারকে একুশের গঞ্জের ওপর প্রবন্ধ লেখেন হেসেন মাহমুদ, একুশের কবিতার ওপর প্রবন্ধ লেখেন হাসান আলীম এবং একুশের কার্টুনের ওপর আলোকণাত করেন শিল্পী ইব্রাহীম মতল। রম্য রচনা লেখেন লৃঢ়ুল খবীর, গল্প লেখেন বাতুনে জান্নাত কণ। প্রধানমন্ত্রী মোবিত জাতীয় গ্রন্থবর্ষ নিয়ে লেখেন আসাদ বিন হাফিজ এবং ভাষা আন্দোলনের ইতিহাস প্রণয়ন প্রকল্প নিয়ে লেখেন মুকুল চৌধুরী। নাসির হেলাল তুলে ধরেন ভাষা আন্দোলনের ঘটনা প্রবাহ: সাতচল্লিশ থেকে ছাপান্ন। এ ছাড়াও স্মারকে আছে কেন্দ্রের ভাষা দিবস পালনের রিপোর্ট ও ভাষা আন্দোলনের এলবাম।

আগস্ট ২০০২

### সৈয়দ আলী আহসান স্মরণসভা

১৫ আগস্ট ২০০২ বিকেলে জাতীয় জাতুঘর নভেরা মিলনায়তনে ঢাকা সাহিত্য সংস্কৃতি কেন্দ্র আয়োজন করে জাতীয় অধ্যাপক সৈয়দ আলী আহসান স্মরণে এক আলোচনা সভা ও দোয়ার মাহফিল। এতে প্রধান অতিথি হিসাবে উপস্থিত ছিলেন মাননীয় সংস্কৃতি প্রতিমন্ত্রী বেগম সেলিমা রহমান। সভাপতিত্ব করেন কবি আল মাহমুদ। স্বাগত বক্তব্য রাখেন কেন্দ্রের সভাপতি অধ্যাপক সাইফুল্লাহ মানছুর।

স্বরণ সভায় আলোচনায় অংশ গ্রহণ করেন জনাব আখতারুল আলম, আবুল আসাদ, কবি আল মুজাহিদী, জনাব মোহাম্মদ আব্দুল মান্নান, জনাব মোশাররফ করীম ও কবি



**বক্তব্য রাখছেন প্রধান অতিথি মাননীয় সংস্কৃতি প্রতিমন্ত্রী বেগম সেলিমা রহমান**

আবদুল হাই শিকদার। বক্তারা সৈয়দ আলী আহসানের কর্মসূচী জীবনের বিভিন্ন দিকের ওপর আলোকপাত করে তাঁর প্রণীত জাতীয় সাংস্কৃতিক কমিশনের রিপোর্ট বাস্তবায়নের আহবান জানান। সংস্কৃতি প্রতিমন্ত্রী বেগম সেলিমা রহমান তাঁর বক্তব্যে এ রিপোর্ট বাস্তবায়নে তাঁর প্রচেষ্টার আশ্বাস দিলে হল-উপচেপড়া দর্শকরা করতালির মাধ্যমে তাঁকে অভিনন্দিত করে।

### **কবি গোলাম মোহাম্মদ শ্বরণে নাগরিক শোকসভা**

২৫ আগস্ট ২০০২ রোববার বাদ মাগরিব মগবাজার আল ফালাহ মিলনায়তনে ঢাকা সাহিত্য সংস্কৃতি কেন্দ্রের উদ্যোগে কবি গোলাম মোহাম্মদ শ্বরণে আয়োজিত নাগরিক শোকসভা ও দোয়া মাহফিলে বক্তারা বলেন, এই কবির অসাধারণ কবিতা ও অতুলনীয় গান তাকে সাহিত্য অঙ্গনে স্থায়ী আসন দিয়ে দিয়েছে। বক্তারা কবি গোলাম মোহাম্মদকে একজন অনুকরণীয় ব্যক্তিত্ব হিসেবে উল্লেখ করেন। উল্লেখ্য, ঢাকা সাহিত্য সংস্কৃতি কেন্দ্রের পরিচালনা পরিষদের সদস্য কবি গোলাম মোহাম্মদ ২২ আগস্ট ২০০২ মাত্র ৪৩ বছর বয়সে ঢাকায় ইতেকাল করেন।

ঢাকা সাহিত্য সংস্কৃতি কেন্দ্রের সভাপতি সাইফুল্লাহ মানচুরের সভাপতিত্বে অনুষ্ঠিত শোকসভায় বক্তব্য রাখেন জামায়াতে ইসলামী বাংলাদেশের সাবেক আমীর জননেতা অধ্যাপক গোলাম আয়ম, গণপ্রজাতন্ত্রী বাংলাদেশ সরকারের মাননীয় কৃষিমন্ত্রী ও আমীরে জামায়াত মাওলানা মতিউর রহমান নিজামী, বিশিষ্ট গবেষক মোহাম্মদ আবদুল মান্নান, জনাব সিদ্দিক জামাল, কবি মতিউর রহমান মল্লিক ও কবি আসাদ বিন হাফিজ।

অধ্যাপক গোলাম আয়ম কবি গোলাম মোহাম্মদকে একজন বিজয়ী মানুষ হিসেবে বর্ণনা করে বলেন, তার এই অকাল বিদায় তার সহকর্মীদের পক্ষে সহজে ভোলার নয়। তিনি বলেন, কবি গোলাম মোহাম্মদ কবিদের জন্য আদর্শ স্থাপন করে গিয়েছেন।

মাওলানা মতিউর রহমান নিজামী বলেন, মরহুম এই কবি আদর্শের প্রতি ছিলেন অবিচল। শত সমস্যাতেও তিনি আদর্শের পথ থেকে কখনো একচূল পরিমাণ সরে



মুনাজাত পরিচালনা করছেন জননেতা অধ্যাপক গোলাম আয়ম  
যাননি। তার কবিতা ও গানে বিশ্বাসের যে চমৎকার উপস্থাপনা তা নিঃসন্দেহে তাকে  
স্বর্গীয় করে রাখবে। মোহাম্মদ আবদুল মাল্লান বলেন, কবি গোলাম মোহাম্মদের জন্মই  
হয়েছিল মানুষের হাতে জয় করার জন্য। এই কবির সঙ্গে যিনিই পরিচিত হয়েছেন তার  
পক্ষে তাকে ভুলে যাওয়া কোনক্রিমেই সম্ভব নয়। শোকসভা শেষে কবির বিদেহী আঘার  
মাগফেরাত কামনা করে দোয়া করা হয়। দোয়া পরিচালনা করেন প্রবীণ জননেতা  
অধ্যাপক গোলাম আয়ম।



নাগরিক শোকসভায় উপস্থিত দর্শকদের একাংশ  
২১৭ সাহিত্য সংস্কৃতি \* সীরাতুন্নবী (সা.) সংখ্যা \* ২০০২

## বিবৃতি ও শোক প্রকাশ

### প্রথ্যাত কথাশিল্পী শাহেদ আলীর মৃত্যুতে গভীর শোক প্রকাশ

প্রথ্যাত কথাশিল্পী শাহেদ আলীর মৃত্যুতে গভীর শোক প্রকাশ করে ঢাকা সাহিত্য সংস্কৃতি কেন্দ্রের সভাপতি অধ্যাপক সাইফুল্লাহ মানছুর এবং সেক্রেটারী কবি আসাদ বিন হাফিজ এক যুক্ত বিবৃতিতে বলেন, মরহম শাহেদ আলী ছিলেন আমাদের কথাসাহিত্যের এক কালজয়ী শিল্পী। তাঁর মৃত্যুতে জাতি এক বরেণ্য অভিভাবককে হারালো। আমরা মরহমের রাহের মাগফেরাত কামনা করছি। আমরা প্রার্থনা করি, তাঁর সহধর্মিনী, প্রিয় সন্তান-সন্ততি, আঘায় ঝজন ও গুণগ্রাহীদেরকে আল্লাহ এ শোক কাটিয়ে উঠার তৌফিক দিন।' উল্লেখ্য, কেন্দ্রের নেতৃত্বে ও কর্মীরা মরহমের নামাজে জানায়া ও দাফনে শরীক হন। এ ছাড়া কেন্দ্রের বিভিন্ন সদস্য প্রতিষ্ঠানের পক্ষ থেকেও নিম্নোক্ত বিবৃতি পত্রিকায় প্রকাশিত হয়।

### সাত সংগঠনের পক্ষ থেকে যুক্ত বিবৃতি

#### কথাশিল্পী শাহেদ আলীর মৃত্যুতে গভীর শোক প্রকাশ

কথাশিল্পী শাহেদ আলীর মৃত্যুতে রাজধানী ঢাকার সাহিত্য-সংস্কৃতি অঙ্গনে শোকের ছায়া নেমে আসে। বিভিন্ন সাহিত্য সংস্কৃতি সংগঠন গভীর শোক প্রকাশ করে এক যুক্ত বিবৃতিতে বলেন, আমরা আমাদের সাহিত্যের প্রেষ্ঠ কথাশিল্পীকে হারিয়ে আজ শোকবিভূত। তারা মরহমের রাহের মাগফেরাত কামনা করেন এবং শোকসন্তপ্ত পরিবারের প্রতি গভীর সমবেদনা জ্ঞাপন করেন।

বিবৃতিতে স্বাক্ষর করেন, মনন সাংস্কৃতিক সংসদের সভাপতি হাসান মুর্তাজা, মুক্তাজন সাহিত্য সংসদের সভাপতি কবি জাকির আবু জাফর ও সেক্রেটারী কবি শরীফ আবদুল গোফরান, সূচনা ধিয়েটারের সভাপতি হাসান আখতার, মহানগর সংস্কৃতি সংসদের সভাপতি জনাব শরীফ বায়জীদ মাহমুদ, নাবিক সাহিত্য চক্রের সভাপতি কবি গোলাম মোহাম্মদ ও সেক্রেটারী কবি ওমর বিশ্বাস, চারুশিল্পী সংসদের সভাপতি শিল্পী ইব্রাহীম মণ্ডল, সুবচন সাহিত্য সংসদের সভাপতি কামরুল ইসলাম হুমায়ুন।

### প্রফেসর সৈয়দ আলী আহসানের মৃত্যুতে গভীর শোক প্রকাশ

২৫ জুলাই ২০০২ প্রফেসর সৈয়দ আলী আহসানের মৃত্যুতে গভীর শোক প্রকাশ করে ঢাকা সাহিত্য সংস্কৃতি কেন্দ্রের সভাপতি অধ্যাপক সাইফুল্লাহ মানছুর ও সেক্রেটারী কবি আসাদ বিন হাফিজ এক যুক্ত বিবৃতিতে বলেন, সৈয়দ আলী আহসানের মত বিরল ঘনীঘার মৃত্যুতে জাতীয় জীবনে যে শৃন্যতার সৃষ্টি হলো তা সহজে পূরণ হবার নয়। আমরা মরহমের রাহের মাগফেরাত কামনা করছি এবং তার শোকসন্তপ্ত পরিবারের সদস্যদের প্রতি গভীর সমবেদনা জ্ঞাপন করছি।

এ ছাড়া প্রফেসর সৈয়দ আলী আহসানের মৃত্যুতে গভীর শোক প্রকাশ করে আরো বিবৃতি প্রদান করেন স্জন-এর সভাপতি মোহাম্মদ আবদুল মালান, নাবিক সাহিত্য চক্রের সভাপতি কবি গোলাম মোহাম্মদ ও সেক্রেটারী ওমর বিশ্বাস, মনন সাহিত্য সংস্কৃতি সংসদের সভাপতি হাসান মুর্তাজা ও সেক্রেটারী ডা. মুশতাক, চারুশিল্পী পরিষদের সভাপতি শিল্পী ইব্রাহীম মণ্ডল, মহানগর সংস্কৃতি সংসদের সভাপতি শরীফ বায়জীদ মাহমুদ ও সেক্রেটারী ইয়াকুব বিশ্বাস, প্রত্যয় চলচিত্র সংসদের সভাপতি হাসান

আখতার, চারণ সাহিত্য সংস্কৃতি সংসদের সভাপতি তোহিদুর রহমান, মুজাহিন সাহিত্য সংসদের সভাপতি কবি জাকির আবু জাফর এবং সুবচন সাহিত্য সংসদের সভাপতি কামরুল ইসলাম হুমায়ুন। উল্লেখ্য, কেন্দ্রের নেতৃত্বে ও কর্মীরা মরহুমের নামাজে জানায়া ও দাফনে শরীক হন।

**কবি গোলাম মোহাম্মদের ইন্তেকাল:** শোক প্রকাশ, নামাযে জানায়া ও দাফন আশির দশকের খ্যাতিমান কবি ও গীতিকার ঢাকা সাহিত্য সংস্কৃতি কেন্দ্রের পরিচালনা পরিষদের সদস্য গোলাম মোহাম্মদ মতিঝ্বরে রক্ষণ হয়ে ২২ আগস্ট ২০০২ বহুস্মিতিবার তোর সাড়ে পাঁচটায় রাজধানীর একটি ক্লিনিকে ইন্তেকাল করেন। (ইন্নালিল্লাহি ওয়াইন্না ইলাইহে রাজেউন) মৃত্যুকালে তার বয়স হয়েছিল ৪৩ বছর। মৃত্যুকালে তিনি বৃদ্ধা মা, স্ত্রী, এক ছেলে ও এক মেয়ে রেখে গেছেন।

কবি গোলাম মোহাম্মদ গত কয়েকমাস ধরেই শারীরিকভাবে বেশ অসুস্থ ছিলেন। গত বুধবার দুপুরের দিকে তার অবস্থার অবনতি ঘটে। পরে তাকে ধানমন্ডির একটি ক্লিনিকে ভর্তি করা হয়। বহুস্মিতিবার তোরে তিনি মারা যান। বাদ জোহর মগবাজার ওয়্যারলেস রেলপেট মসজিদে মরহুমের নামাজে জানায়া অনুষ্ঠিত হয়। জানায়ার নামাজে ইমামতি করেন বর্ষিয়ান জননেতা অধ্যাপক গোলাম আয়ম।

কবির মৃত্যু সংবাদ শোনার সাথে সাথে ঢাকাসহ সারাদেশে শোকের ছায়া নেমে আসে। মৃত্যুর কথেক ঘন্টার ব্যবধানে জানায়ার নামাজে শরীক হন বহু বরেন্য কবি সাহিত্যিক, শিল্পী ও সাংস্কৃতিক কর্মীবৃন্দ। ছুটে আসেন দৈনিক আল মোজাদ্দেদ সম্পাদক জনাব শাহাবুদ্দীন আহমদ, দৈনিক সংগ্রহ সম্পাদক আবুল আসাদ, বাংলা সাহিত্য পরিষদের পরিচালক জনাব আবদুল মান্নান তালিব, কবি আবদুল হাই শিকদার, ছড়াকার সাজজাদ হোসাইন খান, গবেষক মোহাম্মদ আবদুল মান্নান, কবি সৈয়দ রফিক, ঢাকা ক্যাট্টলমেন্ট কলেজের অধ্যক্ষ ড. হুমায়ুন কবীর, জনাব সিদ্দিক জামাল, শিল্পী হামিদুল ইসলাম, শিল্পী ইব্রাহীম মঙ্গল, নাট্যকার শাহ আলম নূর, কবি মুকুল চৌধুরী, কবি মোশাররফ হোসেন খান, কবি সোলায়মান আহসান, কবি হাসান আলীয়, শিল্পী মোমিনউদ্দিন খালেদ, ছড়াকার মানছুর মোজাফিল, কবি শরীফ আবদুল গোফরান, শরীফ বায়জীদ মাহমুদ, কবি জাকির আবু জাফর, শিল্পী আবদুর রহীম, কবি নিজাম সিদ্দিকী, জনাব হাসান আখতার, জনাব এস.এম রাজ্জাক, কবি কামরুল ইসলাম হুমায়ুন, কবি আলতাফ হোসাইন রানা, কবি আবুল হোসাইন মাহমুদ, নেছারউদ্দিন আইয়ুব, কবি জাকির ইবনে সোলায়মান, রফিক মোহাম্মদ, ওমর বিশ্বাস, শাহীন হাসনাত, এটিএন বাংলার ইসলামী অনুষ্ঠানের পরিচালক জনাব আরকান উল্লাহ হারুনী, ফুলকুণ্ডি সম্পাদক জয়নুল আবেদীন আজাদ। জানায়ায় শরীক হন জানায়াতে ইসলামীর কেন্দ্রীয় ও মহানগরী নেতৃত্বে, ইসলামী ছাত্র শিক্ষারের নেতৃত্বে, সাংগঠিক বিক্রম সম্পাদক যাসুদ মজুমদার, ঢাকা সাহিত্য সংস্কৃতি কেন্দ্রের সভাপতি সাইফুল্লাহ মানছুর, সেক্রেটারী আসাদ বিন হাফিজ, অন্যান্য কর্মীবৃন্দসহ সাইয়ম শিল্পী গোষ্ঠী, বিপরীত উচ্চারণ, কমলকুণ্ডিসহ বিভিন্ন সাংস্কৃতিক সংগঠনের নেতা ও কর্মীবৃন্দ।

পাঁচটি কাবগ্রন্থ ও দুটি ছড়াগ্রন্থের লেখক কবি গোলাম মোহাম্মদের কবিতায় আধ্যাত্মিকতা ও রোমান্টিকতা অত্যন্ত শৈলিক এবং নান্দনিকভাবে উপস্থাপিত হয়। তার কবিতায় যেমন বিশ্বাসী চেতনার পরিস্কৃতন ঘটেছে, তেমনি মানুষের হৃদয়বৃত্তি এবং প্রকৃতির নিপন্ন সৌন্দর্যকেও তিনি কবিতায় ধারন করেছেন। মূলত কবি হিসেবে খ্যাত পেলেও অসংখ্য নদিত গান লিখে গীতিকার হিসেবেও তিনি দরংগ জনপ্রিয় ছিলেন।

কবি গোলাম মোহাম্মদ  
১৯৫৯ সালের ২৩ এপ্রিল  
মাওরা জেলার  
মোহাম্মদপুর থানার  
গোপালনগর গ্রামে  
জন্মগ্রহণ করেন।

কবি গোলাম মোহাম্মদের  
অকাল মৃত্যুতে বিভিন্ন  
ব্যক্তি ও সংগঠন গভীর  
শোক প্রকাশ করেছেন।  
শোক প্রকাশ করে বিবৃতি  
দিয়েছেন, কবি আল  
মাহমুদ, জাতীয় সাংস্কৃতিক  
পরিষদের আহ্বায়ক মীর  
কাসেম আলী, বাংলা  
সাহিত্য পরিষদের  
সভাপতি আবুল আসাদ ও  
পরিচালক আব্দুল মানান  
তালিব, বঙ্গেশ সংস্কৃতি  
সংসদের সভাপতি  
জোবাইদা শুলশান আরা ও  
প্রধান সম্পাদক মোহাম্মদ  
আব্দুল হানান, বাংলাদেশ  
সংস্কৃতি কেন্দ্রের সদস্য  
সচিব কবি মতিউর রহমান  
মল্লিক, ঢাকা সাহিত্য  
সংস্কৃতি কেন্দ্রের সভাপতি

সাইফুল্লাহ মানছুর ও সেক্রেটারী কবি আসাদ বিন হাফিজ, মুক্তাঙ্গন সাহিত্য ফোরামের  
সভাপতি কবি জাকির আবু জাফর, নাবিক সাহিত্য চক্রের সেক্রেটারী কবি ওমর বিশ্বাস,  
পেন ফাউন্ডেশনের সেক্রেটারী রফিক মুহাম্মদ। এছাড়াও ব্যক্তিগতভাবে কবি  
সাহিত্যিকদের মধ্যে শাহুরুদ্দিন আহমদ, কবি সাজজাদ হোসাইন খান, কবি আব্দুল হাই  
শিকদার, কবি হাসান আলীম, কবি সোলায়মান আহসান, কবি মোশাররফ হোসেন খান,  
কবি মুকুল চৌধুরী, কবি নাসির হেলাল প্রমুখ কবি গোলাম মোহাম্মদের মৃত্যুতে গভীর  
শোক প্রকাশ করে বিবৃতি দিয়েছেন।

উল্লেখ্য, জানায়ার পরে তার লাশ নিজ জেলা মাওরায় পাঠানো হয়। গ্রামের বাড়িতে  
পারিবারিক গোরঙানে তাকে দাফন করা হয়। তাঁর লাশের সাথে ঢাকা থেকে বহু কবি  
সাহিত্যিক মাওরায় গমন করেন। এদের মধ্যে উল্লেখযোগ্য, বিশিষ্ট গীতিকার কবি  
মতিউর রহমান মল্লিক, কেন্দ্রের সভাপতি জনাব সাইফুল্লাহ মানছুর, কবি নাসির হেলাল,  
সাংবাদিক সাজজাদুল ইসলাম লাকী, আবুল কালাম আজাদ প্রমুখ।

পরাদিন দৈনিক সংগ্রামে তাঁর ওপর পুরো দুই পাতার একটি বিশেষ ঝোড়পত্র প্রকাশিত  
হয়।





৫ম ক্যালিগ্রাফি  
প্রদর্শনী

**5th Calligraphy  
Exhibition 2002**

ঢাকা সাহিত্য সংস্কৃতি কেন্দ্র  
Dhaka Shahitya Sanskriti Kendra

.....

# ৫ম ক্যালিগ্রাফি প্রদর্শনীর রিপোর্ট

## বাংলাদেশে ক্যালিগ্রাফি শিল্পের উত্থান

### মোঃ আব্দুর রহীম



শিল্পী মুর্তজা বশীর ও তাঁর ছবি

জানা যায় তা হচ্ছে,  
আবাসস্থল, অফিস-আদালত, সরকারী-বেসরকারী  
প্রতিষ্ঠান প্রতিরি সজ্জা ও অলংকরণের কাজে এর  
ক্রমশ: জনপ্রিয় শিল্প হিসেবে ব্যবহার।

আমরা জানি, আন্তর্জাতিক শিল্পকলায় ক্যালিগ্রাফি  
একটি বিশেষ মর্যাদার অধিকারী। নান্দনিকতা, ফর্ম  
এবং শিল্পের অন্যান্য অনুষঙ্গ নিয়ে ক্যালিগ্রাফি চর্চার  
মধ্য দিয়ে বিশ্বসভ্যতায় এটি অনন্য দৃষ্টান্ত স্থাপন  
করেছে। এছাড়া ক্যালিগ্রাফি হচ্ছে বিমৃত বা এ্যাবস্ট্রাক্ট  
শিল্পের আদি রূপ। স্পেনে আন্দালুসিয়ার বিখ্যাত  
শিল্পী পাবলো পিকাসো তার ফর্মের মূল উপাদান  
সংগ্রহ করেন ক্যালিগ্রাফি থেকে, বিশেষ করে আরবী  
ক্যালিগ্রাফি থেকে। যে জন্য তার বিখ্যাত সব  
এ্যাবস্ট্রাক্ট কাজগুলোতে আরবী ক্যালিগ্রাফির প্রভাব  
দেখতে পাই। এ ছাড়া আরেক বিখ্যাত শিল্পী পলকুরী

ইসলামী শিল্পকলার প্রধান উপাদান হচ্ছে  
ক্যালিগ্রাফি। বাংলাদেশে সম্প্রতি ক্যালিগ্রাফির ব্যাপক  
কর্মকাণ্ড দেখে এ ধারণা হয় যে, শিল্পটি জনসাধারণের  
মধ্যে প্রবলভাবে আগ্রহের সৃষ্টি করেছে। গত দশকেও  
এ নিয়ে তেমন আলোড়ন দেখা যায়নি। কিন্তু মাত্র  
এক দশকের মধ্যে এর অগ্রগতি আমাদেরকে অবাক  
করেছে। বর্তমানে ক্যালিগ্রাফি এতটা জনপ্রিচ্ছিত যে,  
এর ব্যাখ্যা দেয়ার তেমন প্রয়োজন পড়ে না।

ইলেক্ট্রনিক মিডিয়া  
অর্থাৎ রেডিও,  
টিভি; প্রিন্টিং  
মিডিয়া বা ছাপার  
কাগজ এবং  
নিয়মিত প্রদর্শনীর  
মাধ্যমে আমরা এ  
বিষয়টি সম্পর্কে  
জানতে পেরেছি।  
ক্যালিগ্রাফির  
আরো যে সমস্ত  
ব্যবহার সম্বন্ধে



শিল্পী আবু তাহের ও তাঁর ছবি



শিল্পী শমিসুল ইসলাম ও তাঁর ছবি

শিল্প কর্মেও আরবী ক্যালিগ্রাফির প্রত্যক্ষ প্রভাব দেখা যায়।

এছাড়া শিল্পকলায় মাত্রা বলে একটা কথা আছে। পেইন্টিং হচ্ছে দ্বিমাত্রিক। শিল্পী এখানে রেখার গতি প্রক্রিয়কে চাতুর্ভুরের সাথে ব্যবহার করে ত্রিমাত্রিক করে দেখান, যেটাকে আমরা দৃষ্টি বিভ্রমের মাধ্যমে দ্বিমাত্রাকে ত্রিমাত্রা হিসেবে দেখি। ক্যালিগ্রাফিতে এ বিষয়টি সহজে করা যায়, যে জন্য ক্যালিগ্রাফি শিল্প-বাস্তবতার প্রতিনিধিত্ব করে।

ক্যালিগ্রাফির গোড়ার কথা এবং শিল্পে এর অবস্থানের কথা সংক্ষেপে ভাবাবে বলা যায়, ইসলামের আবির্ভাবই ক্যালিগ্রাফির উন্নয়নের মূল সোপান। রাসূল (সা.) ক্যালিগ্রাফির উন্নয়নে সর্বতো সহায়তা করেছেন। তিনি ক্যালিগ্রাফি শিল্পীদের ভালবাসতেন,

এ শিল্পের উন্নয়ন  
ও প্রসারের জন্য  
তিনি নিজে কাজ  
করেছেন। রাসূল  
(সা.) - এর  
জামাত হ্যরত  
আলী (রা.)  
ছিলেন একজন  
কঠিল ও বিফ  
শিল্পপ্রেমী মানুষ।  
তিনি নিজেও  
একজন বিখ্যাত

ক্যালিগ্রাফি শিল্পী ছিলেন। রাসূলের যমানার পরে  
মুসলিম শাসকগণ ক্যালিগ্রাফির উন্নয়নে প্রভৃত  
অবদান রেখেছেন। উমাইয়া (৬৬১-৭৫০)  
শাসকগণ, আববাসীয় (৭৫০-১২৫৮) এবং এ  
উপমহাদেশে মুসলিম শাসকগণও ক্যালিগ্রাফির  
উন্নয়নে যথেষ্ট সহায়তা প্রদান করেছেন।

আমরা জানি, মহান আল্লাহ সুবহানাহু তায়ালা আরবী  
ভাষা ও লিপিতে পবিত্র কুরআন নাযিল করেছেন।  
সুতরাং কুরআনের লিপি হিসেবে আরবী বিশেষ  
মর্যাদার অধিকারী। ইসলামে মৃতি নির্মাণ ও প্রাণীচিত্র  
তৈরী করা গর্হিত কাজ। যে জন্য ক্যালিগ্রাফি শিল্পে  
ধর্মীয় ও সৌন্দর্যবোধ একত্রে কাজ করেছে।

ইসায়ী ৬ষ্ঠ শতক থেকে ক্যালিগ্রাফির অংগযাত্রা শুরু  
হয়। রাসূল (সা.)-এর সময়ে কুফি লিপিতে কুরআন  
লেখা হত এবং অন্যান্য চিঠিপত্র কুফি লিপির সামান্য



শিল্পী ড. আবদুস সালাম ও তাঁর ছবি



শিল্পী সবিহ উল আলম ও তাঁর ছবি

পরিবর্তিত রূপ মাসক লিপিতে লেখা হত।  
রাসূল (সা.) বিভিন্ন রাষ্ট্র প্রধানদের কাছে  
ইসলামের দাওয়াত সম্বলিত পত্র প্রদান  
করেন, যা কুফি লিপিতে লেখা ছিল। কুফি  
লিপি হচ্ছে কৌনিক ধারা লিপি। যাতে উল্লম্ব  
ও আনুভূমিক রেখার প্রাধান্য লক্ষ্য করা যায়।  
কুরআনের লিপি হিসেবে এটি প্রায় তিনশত  
বছর ধরে প্রচলিত ছিল। পরবর্তীতে  
গোলায়িত ধারার লিপি যার বৈশিষ্ট্য  
হচ্ছে, বাঁকানো বা নমনীয় রেখার প্রাধান্য।  
সুলুস, নাশক, রায়হানী, মুহাকাক, তাওকী




রিকা প্রত্তি নমনীয় ধারার লিপি সমূহ  
ইসলামী ক্যালিগ্রাফির অঙ্গকে সুষমামণিত  
করেছে। এ লিপি সমূহে ব্যাপকভাবে কুরআন  
সংকলন হতে থাকে। এর বিশেষ বৈশিষ্ট্য  
হচ্ছে, লেখার জন্য এটি চমৎকার স্বাচ্ছন্দ ও  
সাবলিল। এছাড়া এ ধারার লিপিসমূহ  
সহজভাবে পড়া যায়।

বাংলাদেশে ক্যালিগ্রাফি শিল্পের প্রতিষ্ঠানিক  
কোন ব্যবস্থা নেই। অথচ অত্যন্ত আনন্দের  
কথা হচ্ছে, সম্প্রতি এ শিল্পটি এদেশে  
অভাববীয় উন্নতি লাভ করেছে। ক্ষতিব,




প্রফেসর মীর মোঃ রেজাউল করীম ও তাঁর ছবি



ক্যালিগ্রাফার, শিল্পী, বিভিন্ন সংস্থা, প্রতিষ্ঠান সর্বোপরি এদেশের ইসলামিয় জনগণের অশেষ আগ্রহের জন্য এটা হতে পেরেছে। গত দশকেও আমরা এটা ভাবতে পারিনি। এ দশকের গোড়া থেকেই এর উত্থান জোরদার হয়।

এ বছর জাতীয় জাদুঘরে অনুষ্ঠিত হয়ে গেল দেশের খ্যাতনামা নবীন প্রবীণ শিল্পীদের দলগত ক্যালিগ্রাফি প্রদর্শনী। ১৭মে থেকে ৪ জুন পর্যন্ত ১৮ দিনব্যাপী এই প্রদর্শনীর উদ্বোধন করেন সাবেক স্পীকার ও পরে দেশের প্রেসিডেন্ট ব্যারিস্টার জমির উদ্দিন সরকার। ঢাকা সাহিত্য সংস্কৃতি কেন্দ্র বিগত ১৯৯৮ সাল থেকে নিয়মিত এই প্রদর্শনীর আয়োজন করে আসছে পবিত্র সীরাতুন্বৈ




শিল্পী রাশা ও তাঁর ছবি

(সা.) উপলক্ষে। এ বছর সর্বাধিক সংখ্যক ক্যালিগ্রাফার শিল্পী (চবিশজন) এই প্রদর্শনীতে অংশগ্রহণ করেছেন। প্রদর্শনীতে যে ২৪ জন শিল্পী অংশগ্রহণ করেছেন, তারা হচ্ছেন: শিল্পী মুর্তাজা বশীর, আরু তাহের, শামসুল ইসলাম নিজামী, ড. আবদুস সত্তার, সবিহ উল আলম, মো: রেজাউল করীম, রাশা, ইব্রাহীম মঙ্গল, নাসির উদ্দিন আহমেদ খান, আমিনুল ইসলাম আমিন, শহীদুল্লাহ




শিল্পী ইব্রাহীম মঙ্গল ও তাঁর ছবি

২২৫ সাহিত্য সংস্কৃতি \* সীরাতুন্বৈ (সা.) সংখ্যা \* ২০০২



শিল্পী নাসির উদ্দিন ও তাঁর ছবি

এফ. বারী, মাহবুব মুর্শিদ. এম. এ. আজিজ, মোহাম্মদ আমীরুল হক, কে. এইচ. মুনিরুজ্জামান, মোহাম্মদ মনোয়ার হোসেন, মুবাখির মজুমদার, মোহাম্মদ আবদুর রহীম, ফেরদৌস আর আহমেদ, রফিকুল্লা গাজালী, হামিদ কেফায়েতুল্লাহ, আবু দারদা মো: নাসীম, মো: মাসুম বিল্লাহ। অংশগ্রহণকারী এসব শিল্পীদের মধ্যে অধিকাংশই আরবী হরফে ক্যালিগ্রাফি করেছেন। শিল্পী আবদুস সাত্তারসহ স্বল্পসংখ্যক শিল্পী বাংলা হরফের সাহায্যে শিল্পকর্ম নির্মাণ করেছেন। এবারের এই ৫ম ক্যালিগ্রাফি প্রদর্শনীতে ৯২টি শিল্পকর্ম স্থান




পেয়েছে। তেল রং মাধ্যমে ৩২টি, মার্বেল ১টি। এক্রেলিক মাধ্যমে ১১টি, পানিরং মাধ্যমে ৩০টি, কালি-কলম মাধ্যমে ১টি, কাঠখোদাই মাধ্যমে ৪টি, পোষ্টার রং-এ ৩টি, মিশ্র মাধ্যমে ৫টি, পেপিল ক্ষেত্রে ১টি, মেহেন্দী পাতার রস দিয়ে ২টি এবং সিরামিক মাধ্যমে ২টি শিল্পকর্ম প্রদর্শিত হয়। প্রদর্শনীতে ৫টি বাংলা হরফ এবং বাকী ৮৭টি আরবী হরফ দিয়ে ক্যালিগ্রাফি করা হয়েছে।

আরবী ক্যালিগ্রাফির শিল্পকর্ম সময়ে, কুফি, হুলুচ, নাশখ, তুগরাসহ ন্তৃত্ব কিছু ধারা তৈরীর প্রয়াস লক্ষণীয়। এবারের প্রদর্শনীতে



শিল্পী আমিনুল ইসলাম আমিন ও তাঁর ছবি



বিশেষভাবে যে দিকটি লক্ষণীয় তা হচ্ছে, ধারা সমুহের বিশুদ্ধতা রক্ষার প্রয়াস ও ক্যালিগ্রাফি পেইন্টিং। এছাড়া ভাস্কর্য, সিরামিক, কাঠখোদাই দিয়ে নতুন মাধ্যমে ক্যালিগ্রাফির পথচলা এবার শুরু হল। বিশেষ করে সিরামিক পটচৰীতে রিলিফ ক্যালিগ্রাফি এদেশে এই প্রথম। বাংলার স্বাধীন সুলতানদের আমলে যেমন মার্বেল, থানাইট প্রভৃতি পাথরে ক্যালিগ্রাফি করা হত। এবারের ৫ম ক্যালিগ্রাফি প্রদর্শনীতে বেলে মার্বেল পাথর খোদাই করে বিসমিত্রাহ-এর তুগরা ক্যালিগ্রাফি প্রদর্শন করা হয়।


শিল্পী মুর্তজা বশীর বাংলাদেশের শিল্পকলায় একটি জুলজুলে তারকার নাম। তার পরিচয়




শিল্পী শহীদুর্যাহ এক বারী ও তাঁর ছবি



এদেশের শিল্পরসিক সবাই জানেন। তিনি ৮০ দশকের গোড়ার দিকে ক্যালিগ্রাফি করে সবাইকে চমকে দিয়েছিলেন। এবারের প্রদর্শনীতে তার ৩টি ক্যালিগ্রাফির বিষয় ও রং ব্যবহারের অভিনবত্ব শিল্পবোনাদের ভাবিয়ে তুলেছে। পবিত্র কুরআনের রহস্যময় আয়াত, আলিফ-লাম-মিম-তৃতীয়, আলিফ-লাম-রা প্রভৃতি নিয়ে আমাদের দেশে কোন ক্যালিগ্রাফি হয়নি, সুতরাং বিষয়ের দিক দিয়ে এটির বিশেষত্ব অনঙ্গীকার্য। আমরা জানি, লাল রংয়ের পাশে সবুজ রং দৃষ্টি বিভ্রম ঘটায়, কিন্তু মুর্তজা বশীর আক্ষর্য দক্ষতায় এখানে রংয়ের ব্যবহার করেছেন। তাঁর এই ক্যালিগ্রাফিতে সবুজ-লালের খেলা আমাদের দৃষ্টিকে রহস্যময় আবর্তে নিয়ে যায়, কিন্তু দৃষ্টি বিভ্রমে আটকে যায় না। শিল্পী



শিল্পী মাহবুব মুশিদ ও তাঁর ছবি




শিল্পী আবদুল আজীজ ও তাঁর ছবি

শিল্পকর্ম দিয়েছেন এ প্রদর্শনীতে। তাঁর ক্যালিগ্রাফি শিল্পকর্ম একাধারে ক্যালিগ্রাফি ও ছবি। তাঁর শিল্পকর্ম আমাদের যেমন আনন্দ দান করে, সাথে সাথে তেমনি ভাবিয়েও তোলে। শিল্পী সবিহ উল আলম ক্যালিগ্রাফির শিল্পী পরিচয়ের পূর্বে এ বিষয়ে শিশুতোষ দুইটি অসাধারণ বইয়ের লেখক হিসেবে সমধিক পরিচিত। ‘লেখা থেকে রেখা’ এবং ‘কারুকাজে যাদুকর’ বই দুটি ইসলামী ক্যালিগ্রাফি ও ইসলামিক ডিজাইনের ওপর তথ্য সমৃদ্ধ বই। লেখক সত্ত্বার পাশাপাশি এবার তাঁর ক্যালিগ্রাফি শিল্পকর্ম সবাইকে আকর্ষণ করেছে। কালি-কলম মাধ্যমে ছিমাত্রার এ ক্যালিগ্রাফিটি দৃষ্টি বিদ্রমের মাধ্যমে সহজেই ত্রিমাত্রার অবলোকনের স্বাদ

আবু তাহের প্রথিতযশা প্রবীণ শিল্পী। তাঁর পরিচয় এ্যাবস্ট্রাক্ট শিল্পী হিসেবে। ইতিপূর্বে আরবী হরফের অপূর্ব কম্পোজিশনে করা একটি শিল্পকর্ম আন্তর্জাতিক সুনাম অর্জন করেছে। এবার তাঁর ২টি ক্যালিগ্রাফিই বিমূর্ত ঢ়েয়ে করা। তেল রং-এ করা এ দুটি শিল্পকর্ম ক্যালিগ্রাফির অধ্যাত্মাকে বেগবান করেছে। শিল্পী শামসুল ইসলাম নিজামী সাবেক চারুকলা ইনসিটিউটের পরিচালক, তিনি এ্যাবস্ট্রাক্ট ফর্মে কাজ করেন। প্রথম ক্যালিগ্রাফি প্রদর্শনীতে তাঁর শিল্পকর্ম প্রদর্শিত হয়। এবার ৫ম ক্যালিগ্রাফি প্রদর্শনীতে তেল রং-এ করা তিনটি ক্যালিগ্রাফি প্রদর্শিত হয়েছে। এগুলোতে আল্লাহর শুণবাচক নাম রং ও রেখায় চমৎকার ফুটে উঠেছে। শিল্পী ড. আবদুস সাত্তার চারুকলা ইনসিটিউটের বর্তমান পরিচালক। তিনি বাংলা হরফ ব্যবহার করে এ্যাক্রিলিক মাধ্যমে ৪টি



শিল্পী আমিরকুল হক ও তাঁর ছবি



আমাদের চোখকে দিয়েছে। এখানেই শিল্পীর বিশেষত্ব। এটি নিঃসন্দেহে একটি মৌলিক কাজ, যা আমাদের ক্যালিগ্রাফির অগ্রয়ত্বাকে রসদ জোগাবে। শিল্পী অধ্যাপক সীর মোহাম্মদ রেজাউল করীমের বিস্মিল্লাহ ১,২,৩ আমাদেরকে ভিন্নমাত্রার আনন্দ দিয়েছে। পানিরং মাধ্যমে করা এ শিল্পকর্মত্বয় দর্শকদের বিমোহিত করেছে। ভাস্কর শিল্পী রাসা বাংলা হরফের সাহায্যে অসাধারণ ক্যালিগ্রাফি করেছেন। শিল্পী ইব্রাহীম মণুল দীর্ঘদিন ক্যালিগ্রাফি শিল্পের সাথে জড়িত। তার ক্যালিগ্রাফির প্রতি ভালবাসা তার অসংখ্য



শিল্পী মনিরুজ্জামান ও তাঁর ছবি

ক্যালিগ্রাফি শিল্পকর্মের মাধ্যমে দেখতে পাই। তিনি ২০০১ সালে ইরানের আন্তর্জাতিক ক্যালিগ্রাফি প্রদর্শনীতে অংশগ্রহণ করেন। ক্যালিগ্রাফি পেইন্টিংয়ে তিনি একটি নতুন ধারা তৈরীর প্রয়াস চালাচ্ছেন। তার শিল্পকর্মে রং ও হরফের ছন্দময় মিলিত রূপ দর্শকদের বিমোহিত করে। শিল্পী নাসির উদ্দিন আহমেদ খান তেলরংয়ের ক্যালিগ্রাফিতে প্রকৃতির রং রূপের সাথে আরবী হরফের নিরবিচ্ছিন্ন সমাবেশ



শিল্পী মোঃ মনির হোসাইন ও তাঁর ছবি



শিল্পী মুবাখির মজুমদার ও তাঁর ছবি

নিপুনতা ও সুস্ক্রতা দেখে বোঝা যায়। তার এ চিত্রময় ক্যালিগ্রাফি আমাদের দেশে ক্যালিগ্রাফির উপরে সহায়ক হয়েছে এ কথা বলা যায়। শিল্পী মনিরুজ্জামান ক্যালিগ্রাফির শৈলী-নির্ভর ধারায় ক্যালিগ্রাফি করেছেন। পানি রংয়ের শিল্পীত ব্যবহার দর্শককে মুঞ্চ করেছে। শিল্পী শহীদগ্লাহ এফ বারী একমাত্র ব্যক্তি, যিনি ক্যালিগ্রাফির ওপর একাডেমিক সনদপ্রাপ্ত,

ঘটিয়েছেন, যা প্রকৃতির প্রতি ভালবাসায় পবিত্র ভাব জাগিয়ে তোলে। তার পাথরে বিস্মিল্লাহ ক্যালিগ্রাফি স্বাধীন সুলতানদের তুঘরার স্মৃতি মনে করিয়ে দেয়। মো: আমিনুল ইসলাম আবীনের ক্যালিগ্রাফি শিল্পকর্ম আমাদেরকে স্মষ্টার প্রতি বিনত করে। তিনি আরবী হরফের মাধ্যমে পবিত্র কুরানের বাণীকে বিমূর্ত দৃশ্যের সাথে সমন্বয় ঘটিয়েছেন। অসম্ভব ধৈর্য ও পরিশ্রম নিয়ে তিনি এসকল শিল্পকর্ম করেছেন, যা তার শিল্পকর্মের




শিল্পী আবদুর রহিম ও তাঁর ছবি




শিল্পী ফেরদৌস আরা আহমেদ ও তাঁর ছবি

আল্লাহর মহত্বকে প্রকাশ করার এ প্রচেষ্টা আমাদেরকে মহান সৃষ্টিকর্তার প্রতি বিনয়াবন্ত করে। শিল্পী মুহাম্মদ আবদুর রহীম দীর্ঘদিন ধরে ক্যালিগ্রাফির চর্চা ও এ বিষয়ের ওপর ইতিহাস, নদনতত্ত্ব প্রভৃতি নিয়ে লেখালেখি করে আসছেন। তারা ক্যালিগ্রাফির শিল্পকর্মে শৈলির ভাঙা-গড়া এবং ঐতিহ্যিক সোনালী রক্কপালী রং ব্যবহারের বিষয়টি দেখা যায়। তার সিরামিক পটারীতে ক্যালিগ্রাফি এদেশে প্রথম প্রয়াস। শিল্পী মনোয়ার হোসেন তুঘরা নির্ভর ক্যালিগ্রাফি করে থাকেন। এবারের ক্যালিগ্রাফিগুলোও তার ব্যতিক্রম নয়।


এ জন্য তার ক্যালিগ্রাফিতে কলমের ছন্দময় গতি হরফের প্রকাশকে যেন জীবন্ত করে তোলে। তার শৈলী নির্ভর এবারের ক্যালিগ্রাফিগুলো এক কথায় অসাধারণ। তিনি সুলুস, নাশখ, দিওয়ানী, রুকআহ প্রভৃতি শৈলীতে নিপুনতার স্বাক্ষর রেখেছেন। শিল্পী মাহবুব মুর্শিদ ক্যালিগ্রাফি শিল্পকর্মে আরবী হরফের সাথে বাংলা হরফ এবং বিষয়বস্তু ব্যাকফ্যাউন্ড সারফেসে ফুটিয়ে তুলতে চেষ্টা করেছেন। তেলরং-এ করা তার শিল্পকর্ম ক্যালিগ্রাফিতে নতুন পরীক্ষা-নিরীক্ষার ছাপ লক্ষ্য করা যায়। এম. এ আজিজ পানি রংয়ে দুটি ক্যালিগ্রাফি করেছেন। যাতে রংয়ের ব্যবহারে দক্ষতার ছাপ পাওয়া যায়। আমিরুল হক ইমরুল বিশাল ক্যানভাসে আল্লাহ এঁকেছেন।



শিল্পী মোঃ শহীদুল্লাহ ও তাঁর ছবি



শিল্পী ফেরন্দোস আরা আহমেদ এই প্রদর্শনীর একমাত্র মহিলা শিল্পী। মেহেদী পাতার রসে করা তার ক্যালিগ্রাফি এক কথায় অসাধারণ। এ ক্যালিগ্রাফি দুটিতে তিনি দেশীয় জামদানী ও ফুল-লতার নকশা ঢাঁকেছেন, যা আমাদের দেশের মর্যাদাকে বাড়িয়ে দেবে এবং ক্যালিগ্রাফির উপরে অবদান রাখবে। শিল্পী মুহম্মদ শহীদুল্লাহর ক্যালিগ্রাফি ধর্মীয় বোধকে শানিত করে। শিল্পী মুবাস্তির মজুমদার নিজস্ব ধারা উত্তোলনে প্রয়াস চালাচ্ছেন, এবারের ক্যালিগ্রাফিসমূহ সেই ধারণাকে আরো দৃঢ় করে। শিল্পী রফিকুল্লাহ গাজালীর কাজ



শিল্পী রফিকুল্লাহ গাজালী ও তাঁর ছবি



পরিচচ্ছন্ন ও সুচিপ্রিয়। তার মধ্যে সম্ভাবনা লুকিয়ে আছে এটা বোৰা যায়। শিল্পী হা-মীম কেফায়েতুল্লাহর ক্যালিগ্রাফিতে রং ও হরফের সমন্বিত ব্যবহার দর্শককে মুগ্ধ করে। তার কাজে সম্ভাবনা লক্ষ্য করা যায়। আবু দারদা মো: নাস্মের শৈলী ও কম্পোজিশন বেশ ভাল। তার মাঝেও প্রবল সম্ভাবনা লুকিয়ে আছে। তার ক্যালিগ্রাফি আমাদের দেশের ক্যালিগ্রাফির চলমান ধারাকে পরিপূর্ণ করবে একথা বলা যায়। মাসুম বিল্লাহ নবীন শিল্পীদের অন্যতম। তার কাজে




শিল্পী হামীম কেফায়েতুল্লাহ ও তাঁর ছবি




মেধার ছাপ রয়েছে, ভবিষ্যতে এ দেশের ক্যালিগ্রাফি তার অবস্থান উজ্জল হবে, এ আশা করা যায়, যদি তার এ প্রয়াস অব্যাহত থাকে।

এবারের ৫ম ক্যালিগ্রাফি প্রদর্শনী এদেশের এ্যাবত কালের সবচেয়ে বড় ও বৈচিত্রময় শিল্প সভারে সমৃদ্ধ ক্যালিগ্রাফি প্রদর্শনী। দেশের প্রথিতযশা প্রধান শিল্পীর সাথে নবীন শিল্পীদের অংশগ্রহণ এবং তাদের বিপুল সংখ্যক শিল্পকর্মের সমাহার একথাই প্রমাণ করে, এদেশে ক্যালিগ্রাফির এক জোরদার উত্থান ঘটেছে। যা গত কয়েক বছর ধরে নিয়মিত প্রদর্শনীকে আলোকিত করেছে। এই প্রদর্শনী বিপুল সংখ্যক দর্শক ও শিল্পবোন্দাদের আগ্রহকে বাড়িয়ে তুলেছে। ইসলামী সংস্কৃতির এই



শিল্পী আবু দারদা মোঃ নায়াম ও তাঁর ছবি



উপাদানকে লালন, চর্চা ও সুদূরপ্রসারী করতে একাডেমিক শিক্ষার প্রয়োজন, যা এখনই শুরু হওয়া দরকার। ইনসিটিউট গড়ে তোলা, শিক্ষা কার্যক্রমের সাথে সময়িত করা, সর্বোপরি ব্যক্তি, প্রতিষ্ঠান ও সরকারের পৃষ্ঠপোষকতা খুবই প্রয়োজন। ক্যালিগ্রাফি শুধু সৌন্দর্য চর্চার কথা বলে না, এর সাথে সত্য উপলক্ষ, নীতিবোধের চর্চাসহ সুস্থ একটি সংস্কৃতির ভিত্তি গড়ে দেয়। আর স্মষ্টার সাথে স্মষ্টির যে সম্পর্ক, তাও অনুভব করা যায়। সুতরাং ক্যালিগ্রাফির এই উত্থানকে আমাদের উপলক্ষ করতে হবে, এর ক্রমেন্মতিতে সবার সক্রিয় সহায়তা প্রয়োজন।

শিল্পী মোঃ মাসুম বিল্লাহ ও তাঁর ছবি

ঢাকা সাহিত্য সংস্কৃতি কেন্দ্রের  
সার্বিক কার্যক্রমের সফলতা  
কামনা করছি।

## কৃষিবিপ্লব

## পাঞ্চিক কৃষি বিপ্লব

২৭৯, পূর্ব হাজীপাড়া, ঢাকা-১২১৯

ফোন : ৯৩৪২১৬২, e-mail : mahin@btcb.net

**কোরআন / হাদীস / ইসলাম বিষয়ক**  
ড: মরিস বুকাইলির বাইবেল কোরআন বিজ্ঞান ১২০/- আবদুল করীম পারেখের  
লোগাতুল কোরআন ২০০/- আসাদ বিন হাফিজের আপ কোরআনের বিষয়  
অভিধান ১৩৫/- ইসলামী সংক্ষিতি ৫০/- এ.এস.এম শাহ আলমের বিশ্বদ্বন্দ্ব  
কোরআন শিক্ষাপদ্ধতি ৫/- মাও: ইউসুফ ইসলাহীর তাফহীমুল হাদীস ৪৫/-  
এ.এন.এম সিরাজুল ইসলামের রমজানের তিবিশ শিক্ষা ১০০/-

### বিশ্ব সাহিত্যের সেরা উপন্যাস

নসীম হিজায়ীর সীমান্ত টেগল ১৫০/- হেজামের কাফেলা ১৬০/- আধার রাতের  
মুসাফির ১০০/- কায়সার ও কিসরা ১৬০/- শেষ বিকালের কান্না ১০০/-  
কিং সায়মনের রাজত ১০০/- ইউসুফ বিন তাশশীন ১৫০/-  
তগবান এস গিদওয়ানীর দি সোড অব টিপু সুলতান ৭০/-

### গল্প-উপন্যাস সাহিত্য / গবেষণা / ভ্রমণ

আল মাহমুদের মরু মুষিকের উপত্যকা ১১০/- কবিতার জন্য সাত সমুদ্র ৪০/-  
নারী নিশ্চিহ্ন ৬০/- রাজিয়া মজিদের যুদ্ধ ও ভালবাসা ১৫০/- শাহাবুদ্দীন  
আহমেদের লক্ষ বছর ঝর্ণায় ডুবে রস পায়নাক নৃতি ৬০/- নসীম হিজায়ীর ইরান  
চুরান কাবার পথে ৩০/- আতা সরকারের তিতুর লেটেল ৩০/- আপন লড়াই  
৫০/- সুন্দর তুমি পরিত্রত্ম ৪০/- আসাদ বিন হাফিজের পনরই আগস্টের গল্প  
৩০/- ছন্দের আসর ৫০/- নাম তাঁর ফররুজ ৫৪/- ভাষা আন্দোলনের ইতিহাস  
৬০/- হাসান আলীমের সোনার খাঁচা ৩০/- কাব্যচিত্রা ৫০/-

### শিশু কিশোর সাহিত্য

আবুল খায়ের মুসলেহ উদ্দিনের গাঢ়গাছলি পাথুপাথালি ২৫/- চিৎ পাহাড়ের হাতি  
৩০/- অপারেশন স্বর্ণযুক্তি উক্কার ৩০/- জাবেদ হসেইনের মহেশখালীর খুনী জীন  
৪০/- ফারজানা মাহবুবার পলাতক জীবন ৪০/- নূরুল আলম রইসী SWEET  
RHYMES ২০/- সরদার জয়নুল আবেদীনের মিথ্যাবাদীর প্রতিজ্ঞা ২৫/- আসাদ  
বিন হাফিজের ইয়াগো মিয়াগো ২০/- হরফ নিয়ে ছড়া ২০/- আলোর হাসি  
ফুলের গান ৩০/- নতুন পৃথিবীর বপ্ন ২০/- কুক কুরু কু ৩০/- কারবালা কাহিনী  
৩০/- আশাহ মহান ২০/- আলোর পথে এসো ৩০/-

### জনপ্রিয় ঋহস্য সিরিজ ক্লুসেড

আসাদ বিন হাফিজের গাজী সালাহউদ্দীনের দু'সাহিনিক অভিযান ৩০/-  
সালাহউদ্দীন আয়ুবীর কমাডো অভিযান ৩০/- সুবাক দূর্গে আক্রমণ ৩০/-  
জয়ংকর যত্নযুদ্ধ ৩০/- ড্যাম রজনী ৩০/- আবারো সংঘাত ৩০/- দূর্গ পতন  
৩০/- ফেরাউনের পওধন ৩০/- উপকূলে সংঘর্ষ ৩০/-

### ইসলামী গান, কাব্য সমগ্র, কাব্য ও ছড়া এস্ট্ৰ

কবি গোলাম মোতাফার গীতি সঞ্চয়ন ৮০/- কাব্য সমগ্র ৪০০/-  
তালিম হোসেনের কবিতা সমগ্র ৩০০/- সাবির আহমেদ চৌধুরীর শত হামদ শত  
নাত ২০০/- ইসলামী উপলক্ষ্মের গান ১০০/- আসাদ বিন হাফিজ সম্পাদিত  
নির্বাচিত হামদ ১৫০/- নির্বাচিত নাত ১৫০/- নির্বাচিত ইসলামী গান ৫০/-  
নির্বাচিত ইসলামী গান-(১ খণ্ডে ৪ খণ্ড, প্রতি খণ্ড ৫০/-) আসাদ বিন হাফিজ ও  
মুরুল চৌধুরী সম্পাদিত রাস্সূলের শানে কবিতা ২০০/- হাসান আলীমের ডানাওলা  
অষ্টালিকা ৪০/- নূরুল মোক্ষকা রইসীর সুন্দর উজানে কাঁদে ৫০/- মালেক  
ইমতিয়াজের বৃষ্টি পড়ে সৃষ্টি নড়ে ৩০/- আসাদ বিন হাফিজের কি দেখো  
দাঁড়িয়ে একা সুহাসিনী তোর ৩০/- অনিবার্য বিপ্লবের ইশতেহার ৩০/-

## লেখক অভিধানের জন্য তথ্য আহবান

ঢাকা সাহিত্য সংস্কৃতি কেন্দ্র বাংলাদেশের লেখকদের পরিচিতিসহ একটি লেখক অভিধান প্রকাশ করতে যাচ্ছে। একটি সমৃদ্ধ বোর্ড এ অভিধান সম্পাদনা করবেন। সম্মানিত লেখক হিসেবে এ অভিধানে আপনার অন্তর্ভুক্তি আমরা আন্তরিকভাবে কামনা করি। এ জন্য নিম্নলিখিত তথ্যসমূহ যথাসময়ে সরবরাহ করার জন্য আপনার সমীপে বিনোদ অনুরোধ জানানো যাচ্ছে।

১. লেখক নাম : .....
২. প্রকৃত নাম : .....
৩. পিতার নাম : .....
৪. মাতার নাম : .....
৫. বৈবাহিক অবস্থা : .....
৬. শারী / স্ত্রীর নাম : .....
৭. সঙ্গান-স্তুতি : .....
৮. জন্ম তারিখ : .....
৯. জন্মস্থান (পুরো ঠিকানা) : .....
১০. প্রেরিত নিবাস (পুরো ঠিকানা) : .....
১১. হ্যামী ঠিকানা : .....
১২. বর্তমান ঠিকানা ও ফোন নম্বর (যদি থাকে) : .....
১৩. কর্মসূলের ঠিকানা ও ফোন নম্বর (যদি থাকে) : .....
১৪. শিক্ষাগত যোগায়তার বিবরণ : .....
১৫. প্রথম প্রকাশিত লেখা (কোথা এবং কি?) : .....
১৬. প্রকাশিত গ্রন্থ তালিকা, প্রকাশকালসহ (প্রয়োজনে আলাদা কাগজ ব্যবহার করণ) : ..
১৭. স্থাননা ও প্রকাশক (পেয়ে থাকলে প্রাণিকালসহ) : .....
১৮. বিবিধ (যদি কিছু থাকে) : .....

প্রকাশিত সকল বইয়ের একটি করে কপি (যদি এবং যতটুকু সম্ভব হয়) এবং সত্যায়িত ছবি জমা দিতে হবে। জমাকৃত বই কেন্দ্রের কেন্দ্রীয় লাইব্রেরীতে সংরক্ষণ করা হবে।

বি. দ্র. যাদের অন্ততপক্ষে একটি বই প্রকাশিত হয়েছে তাঁদের জন্য এ ঘোষণা প্রযোজ্য।

ছবি, বই ও তথ্য পাঠ্যবার ঠিকানা

নাসির হেলাল, অফিস সম্পাদক

ঢাকা সাহিত্য সংস্কৃতি কেন্দ্র

১৭১, বড়মগবাজার, ঢাকা-১২১৭

ফোন : ৮৩১৯৫৪০, ৮৩২১৭৫৮, ৯৫৫১৯০২, ৯৩৪২২১৫ ফ্যাক্স : ৮৮০-২-৯৩১৯৫৪০

বিসমিল্লাহির রাহমানির রাহীম

ফারইট ইসলামী লাইফ ইনসুরেন্স কোম্পানী লিঃ  
বাংলাদেশে শরীয়াত ভিত্তিক প্রথম  
ইসলামী জীবন বীমা (তাকাফুল)

আমাদের বৈশিষ্ট্য

সুদমুক্ত হালাল বীমা ব্যবস্থা

লাভ ও লোকসানে অংশীদারিত্বের ভিত্তিতে পরিচালিত

পরম্পরের মধ্যে দায়িত্বের অংশীদারিত্ব

সকলের স্বার্থ সংরক্ষণ ও কল্যাণগুণী ব্যবস্থা

পারম্পরিক সংহতি ও সহযোগিতা



ফারইট ইসলামী লাইফ ইনসুরেন্স কোম্পানী লিঃ

পারম্পরিক সহযোগিতার অঙ্গীকার

হেড অফিস : কুগাছী বীমা ভবন, ৭ রাজউক একাডেমিউ, ঢাকা-১০০০

ফোন : ৯৫৬৯২১৩, ৯৫৬৭৪৪১, ফ্যাক্স : ৮৮০-২-৯৫৬৭৭৩০

# সীরাত বিষয়ক প্রকাশনায় আমরা সবার শীর্ষে আমাদের প্রকাশিত সীরাত গ্রন্থসমূহ

<p><b>সীরাতুরবী (সাঃ)</b></p> <p>জ্যোতি পিতৃ নেপলি ৫ মাইল দূরত্বে অঙ্গৈ বনার প্রে ৩৫ মিনিট ধা অনুবাদ ও সম্পাদনা ২ শুভিউদ্ধীন আন গ্রন্থ পর্যটক (পা) যাতায়াত বৈশ্ব মেলাজোগু প্রতিষ্ঠিত বনবা গ্রন্থ মূল্য ১৮০ টাকা</p>	<p><b>হৃদয়তীর্থ মদীনার পথে</b></p> <p>মূল : পাঠে আবদুল হক মুহাম্মদ দেহলজী (রহঃ) অনুবাদ ২ শুভিউদ্ধীন আন গ্রন্থ পর্যটক (পা) যাতায়াত বৈশ্ব মেলাজোগু প্রতিষ্ঠিত বনবা গ্রন্থ মূল্য ১৭০ টাকা</p>
<p><b>প্রিয় নবীজীর অনুবাদ জীবন</b></p> <p>অনুবাদ ও সম্পাদনা ২ শুভিউদ্ধীন আন গ্রন্থ পর্যটক (পা) সংশোধিত বাণাশেখ পৰ্যটক ২ মাইল গ্রন্থ চলোন মুহাম্মদ বাণাশেখ গ্রন্থ পৰ্যটক ২ মাইল মূল্য ১৯০ টাকা</p>	<p><b>সীরাতে বসুলে আকরাম (সাঃ)</b></p> <p>মূল : মালোনা মুফতী মুহাম্মদ বৰী (রহঃ) অনুবাদ ২ শুভিউদ্ধীন আন গ্রন্থ পৰ্যটক (পা) বাণাশেখ পৰ্যটক বাণাশেখ এক বনবা গ্রন্থ মূল্য ১৯০ টাকা</p>
<p><b>ওসওয়ায়ে রসুলে আকরাম (সাঃ)</b></p> <p>মূল ১ ডাঃ মুহাম্মদ আবদুল হক (পা) অনুবাদ ১ শুভিউদ্ধীন আন ও মুহাম্মদ আবদুল আজীব বৰ্ষীজীবন মুহাম্মদ ও আবাস মুহাম্মদ বৰ্ষীজীবন এক প্রতি মৎস্যে মূল্য ১ (অফসেট কাগজে) ১২০ টাকা</p>	<p><b>বিশ্বনবী বিশ্বনেতা</b></p> <p>যোগাযুক্ত কবিতা সুলতানা মে ৫ দিনে পিতৃ পৰ্যটক বাণাশেখ পৰ্যটক বাণাশেখ এক বনবা গ্রন্থ মূল্য ১ ৭০ টাকা</p>
<p><b>স্বপ্নযোগে বসন্তলাল (সাঃ)</b></p> <p>শুভিউদ্ধীন আন বসুল (সাঃ)-এর প্রথম প্রায়তন অথবা করতে পাবে না, তাই তাকে পিতৃ বসুল দেখেন তিনিই প্রকৃত বৰী (সাঃ) কে দেখে বাবেন। এমনি অনেকগুলো বসুলে বিশ্ববৰ্ষ কাহিনী মূল্য ১ ৭০ টাকা</p>	<p><b>হাদীসে রসুল (সাঃ)</b></p> <p>শুভিউদ্ধীন আন অনুবাদ মুসলিম পৰীক্ষা এবং মোহাম্মদ পিতৃবাস বিশ্ববৰ্ষে বহুব্যবহৃত হৈছে বর্ষবা বৰ্ষবা হৈলাগত রাতে মূল্য ১ ৭০ টাকা</p>
<p><b>সীরাত এলবাম</b></p> <p>আহমদ বদরেশ্বৰীন আন বাহার আজীব বৰ্ষীজীবন অনুবাদ পৰ্যটক, বৰী (সাঃ)-এর পৰ্যটক এক মাইল ও মুহাম্মদ পৰ্যটক ও আবাস পৰ্যটক এক মাইল মূল্য ১ ১০০ টাকা।</p>	<p><b>শাওয়াহেদুন নবুয়াত</b></p> <p>মূল : আল্লাহ আবদুল হকহান আরী অনুবাদ ১ শুভিউদ্ধীন আন বৰী (সাঃ)-এর নবুয়াতের মাধ্যমে পৰ্যটক পৰ্যটক অপূর্ব মধ্যাবেল ঘটাইলে ও বৈচিত্রে। মূল্য ১ ১১০ টাকা</p>
<p><b>প্রিয় নবীজীর প্রিয় প্রসঙ্গ</b></p> <p>প্রাপ্ত প্রথম প্রথম প্রতিবেশী পৰ্যটক প্রয়োগ করে পাবে ১০ মিনিট বিপরীত দ্বিতীয়ে প্রাপ্ত প্রথম প্রতিবেশী পৰ্যটক প্রয়োগ করে ৫ মিনিট ও অনেকবেশ সৌন্দর্য প্রয়োগ মূল্য ১ ১০০ টাকা।</p>	<p><b>পরধর্মযন্ত্রে শেষ নবী (সাঃ)</b></p> <p>যোগাযুক্ত কাগজ পৰ্যটক বিপরীত পিতৃবাস পৰ্যটক ও বিচুরি পৰ্যটক অনুসারীয়ের বৰ্ষবাসে পৰামৰ্শী (সাঃ) প্রসর পৰ্যটক হৈছে প্রতিটিতে মূল্য ১ ৬০ টাকা</p>
<p><b>সীরাতে আতামুম্মাবীউল</b></p> <p>মোহাম্মদ আবদুল হক উদ্ধীন বসুলে বৰী (সাঃ)-এর এক অনেকবা আবীজীব মূল্য ১ ১০০ টাকা।</p>	<p><b>আসামেসুল কুবৰা ১ম বিপু</b></p> <p>মূল : জালালুদ্দীন নিষ্ঠী/অনুবাদ শুভিউদ্ধীন আন মূল্য ১ ১৪০ টাকা।</p>
<p><b>রওজা শরীফের ইতিকথা</b></p> <p>শুভিউদ্ধীন আন বসুল বৰী (সাঃ)-এর বিপরীত, প্রথমে পৰ্যটক পৰ্যটক, বাণাশেখ পৰ্যটক, ১০জা পৰ্যটক ৫ পাত জোন পৰ্যটক পৰ্যটক পৰ্যটক ৫ মাইল বিপরীত মূল্য ১ ২৬ টাকা।</p>	<p><b>আসামেসুল কুবৰা ২য় বিপু</b></p> <p>মূল্য ১ ১১০ টাকা।</p>
<p><b>মদীনা পাবলিকক্ষান</b></p> <p>জ্যোতি পিতৃ (সাঃ)-এর বিপরীত, প্রথমে পৰ্যটক পৰ্যটক, বাণাশেখ পৰ্যটক, ১০জা পৰ্যটক ৫ পাত জোন পৰ্যটক পৰ্যটক ৫ মাইল বিপরীত মূল্য ১ ২৬ টাকা।</p>	<p>জ্যোতি পিতৃ (সাঃ)-এর বিপরীত, প্রথমে পৰ্যটক পৰ্যটক, বাণাশেখ পৰ্যটক, ১০জা পৰ্যটক ৫ পাত জোন পৰ্যটক পৰ্যটক ৫ মাইল বিপরীত মূল্য ১ ১১০ টাকা।</p>

# **Islamic International School & College**

(Play group to 'O'level)

## **A Home of Excellence**

We are committed to provide you with

- Quality Education.
- Computer Literacy
- Moral Teaching
- Ethical Knowledge
- After Schooling Program
- Dedicated Teaching Staff

**If You Think about Quality Then  
We are ready to take you there**

**Principal  
Shamsun Nahar Nizami**

## বই কিনুন বই পড়ুন প্রিয়জনকে ইসলামী বই উপহার দিন

বিশ্ববরেণ্য তাফসীর 'তাফহীমুল কুরআন',  
সহীহ আল-বুখারী, মাসয়ালা-মাসায়েল,  
ইসলামী সাহিত্যরাজি, জীবনী গ্রন্থ,  
ঐতিহাসিক উপন্যাস ও আরো অসংখ্য গ্রন্থের  
প্রকাশক, বিক্রেতা ও সরবরাহকারী প্রতিষ্ঠান

## আধুনিক প্রকাশনী

আপনার ব্যক্তিগত পাঠাগার, লাইব্রেরী ও বুকস্টলের  
জন্য আমাদের বিক্রয়কেন্দ্রগুলোতে আসুন (ভি.পি. এবং  
ট্রাঙ্কপোর্টের মাধ্যমেও বই পাঠানো হয়)।

### আধুনিক প্রকাশনী

প্রধান বিক্রয়কেন্দ্র

২৫ শিরিশদাস লেন, বাংলাবাজার, ঢাকা-১০০০

ফোন : ৭১১৫১৯১

বিক্রয়কেন্দ্র

৪৩৫/২-এ ওয়ারলেস রেলগেইট  
বড়মগবাজার, ঢাকা-১২১৭

ফোন: ৯৩৩৯৮৪২

১০, আদর্শ বই বিপন্নী  
বায়তুল মোকাররম  
ঢাকা-১০০০

# ইসলামী ব্যাংক

## আন্তরিকতাপূর্ণ দক্ষ সেবায় নিয়োজিত

এক নজরে

### বিভিন্নমুখী সেবা ও কর্মসূচী

- প্রতি শাখায় কম্পিউটারসহ সুইফট, ই-মেইল প্রভৃতি সর্বাধুনিক প্রযুক্তি ব্যবহারের মাধ্যমে দক্ষ সেবার নিশ্চয়তা প্রদান।

- ব্যাংকিং খাতে সর্বপ্রথম ওয়েব সাইট চালু করে ব্যাংকের সর্বশেষ তথ্যাবলী অবহিতকরণ।
- প্রধান কার্যালয়ের আন্তর্জাতিক ডিভিনে ডিলিং রুম (Dealing Room) ও রয়টার সার্টিস চালু করে দ্রুত আন্তর্জাতিক যোগাযোগ ব্যবস্থা স্থাপন।
- বিশ্বব্যাপী ৭৭৫টি বিদেশী ব্যাংক ও করেসপন্ডেন্ট-এর মাধ্যমে বৈদেশিক বাণিজ্য পরিচালনায় ছানামীয় ব্যাংকসমূহের মধ্যে শীর্ষ পর্যায়ে অবস্থান।
- দৈনন্দিন ব্যাংকিং লেনদেনের ক্ষেত্রে নিজস্ব কম্পিউটার সফটওয়্যার আইবিবিএস (IBBS) ব্যবহার।
- নির্বাচিত শাখাসমূহে এটিএম (ATM) সুবিধা চালু করার ব্যবস্থা করা হয়েছে।
- বিভিন্ন শাখায় লকার সার্টিসের ব্যবস্থা আছে।
- আল-ওয়াদিয়াহ চলতি হিসাব এবং মুদারাবা ভিত্তিক সঞ্চয়ী ও বিভিন্ন মেয়াদী হিসাব ছাড়াও অধিকতর মুনাফা ভিত্তিক মুদারাবা হজ্জ সঞ্চয়ী হিসাব (হজ্জ পালনে ইচ্ছুকদের সঞ্চয় গড়ে তোলার জন্যে ১ বছর থেকে ২৫ বছর মেয়াদী), মুদারাবা বিশেষ সঞ্চয় (পেনশন) হিসাব (৫ বছর ও ১০ বছর মেয়াদী), মুদারাবা বৈদেশিক মুদ্রা জমা হিসাব (সঞ্চয়) ও মুদারাবা মাসিক মুনাফা সঞ্চয় হিসাব খোলার এবং মুদারাবা সঞ্চয় বন্ড (৫ বছর ও ৮ বছর মেয়াদী) ক্রয়ের জন্য ব্যবস্থা বিদ্যমান।
- সীমিত আয়ের চাকুরীবীরী ও পেশাজীবীদের গৃহ সামগ্রী ক্রয় ও জীবন-যাত্রার মানোন্ময়ের জন্য গৃহ সামগ্রী বিনিয়োগ প্রকল্প ও করার বিনিয়োগ প্রকল্প চালু করে এ ক্ষেত্রে ব্যাংকিং জগতে অগ্রণী ভূমিকা পালন করছে।
- ক্ষুদ্র ব্যবসা বিনিয়োগ প্রকল্প, ক্ষুদ্র শিল্প বিনিয়োগ প্রকল্প, ডাক্তার বিনিয়োগ প্রকল্পের মাধ্যমে কর্মসংস্থান ও আঞ্চলিকসংস্থানের সুযোগ সৃষ্টি।
- কৃষি সরঞ্জাম বিনিয়োগ প্রকল্প ও মিরপুর সিল্ক উইভারস ইনভেস্টমেন্ট কৌমের আওতায় সহজ শর্তে বিনিয়োগ সুবিধা দেয়ার ব্যবস্থা।
- আবাসন সমস্যা লাঘবে গৃহযন্ত্র বিনিয়োগ প্রকল্প ও রিয়েল এস্টেট ইনভেস্টমেন্ট প্রোগ্রাম।
- গ্রামীণ উন্নয়ন ও দারিদ্র্য বিমোচনের লক্ষ্যে পল্লী উন্নয়ন প্রকল্পের আওতায় আদর্শ গ্রাম গঠনে নিয়োজিত।
- এ ছাড়াও শিল্প ও বাণিজ্য, কৃষি, রিয়েল এস্টেটসহ বিভিন্ন খাতে বিনিয়োগ করে দেশের আর্থ-সামাজিক উন্নয়নে অবদান।

শাখাসমূহকে মোবাইল ফোন নেটওয়ার্কের আওতায়  
এনে রেমিটেল প্রক্রিয়া দ্রুততর করা হয়েছে।

ইসলামী ব্যাংকের উন্নত সেবা গ্রহণ করে অন্যদেরকেও উদ্বৃদ্ধ করুন।

কল্যাণমুখী ব্যাংকিং ধারার প্রবর্তক



ইসলামী ব্যাংক বাংলাদেশ লিমিটেড

ইসলামী শরীয়াহ মোতাবেক পরিচালিত